



ХОЛИД ҳусайний



Минг қүёш
шұласи



ХОЛИД ХУСАЙНИЙ



Минг қүёш шұласай

Т о ш к е н т 2 0 1 6



УЎК: 821.512.133

КБК: 84(7)

Ҳ - 18

Ҳусайнний, Ҳолид

Минг қуёш шуъласи: роман / таржимон Рустам Жабборов. – Тошкент, Янги аср авлоди, 2016. – 288 б.

ISBN 978-9943-27-248-4

Азиз китобхон! Таниқли америкалик афғон адаби Ҳолид Ҳусайнний қаламига мансуб, жуда катта шов-шувларга сабаб бўлган асарни ҳукмингизга ҳавола этмоқдамиз. Асарда яқин ўтмишда, биздан атиги бир неча юз чақирим йироқда юз берган ҳаққоний воқеалар тилга олинган. Асар қаҳрамонларининг фожиавий қисмати билан танишаркансан, уларга нисбатан ҳамдардлик ҳиссини туйиш баробарида тинчлик, осойишталиқ, фаровонлик сингари неъматларнинг қанчалик бебаҳо эканини англаб етасиз. Қалбингизда биз яшаётган замон ва макон учун беҳад шукроналик жўш уради.

Хуллас, ўзингиз ўқинг, завқ олинг, изтироб чекинг ва хулоса чиқаринг, азизлар!

УЎК: 821.512.133

КБК: 84(7)

Рустам ЖАББОРОВ

таржимаси

ISBN 978-9943-27-248-4

© Ҳолид Ҳусайнний, «Минг қуёш шуъласи», «Янги аср авлоди», 2016.

ЁРУГЛИККА УНДОВЧИ АСАР

«Минг қуёш шуъласи» келиб чиқиши афгон бўлган америкалик адаб Холид Ҳусайнининг иккинчи китоби бўлиб, 2007 йилда ушбу роман бутун дунёда бестселлерга айланди. Асар муҳаббат ҳақида.

Холид Ҳусайнидан олдин ҳам севги-муҳаббат ҳақида кўп ёзилган, бундан кейин ҳам ёзилади. Аммо «Минг қуёш шуъласи»ни ўқий бошлаганингиздаёқ ўзга бир оламга фарқ бўласиз. Илло, зулмат ва истибдод ҳукмрон бўлган, одамгарчилик ва диёнатга ўрин йўқдек кўринадиган, тун зулматидан-да қорароқ, кўрингувчи бир ўлкада, ўқлардан илма-тешик бўлиб кетган заминда ҳам севги-муҳаббат куртаклари бош кўтаради. Қийинчилклар, зулмат, ноҳақликлар, ҳаёт ташвишлари ва азоб-уқубатлардан кейин ҳам инсонлар қалбида диёнат ва оқибат учун жой топилади.

Романнинг асосий қаҳрамонлари Афғонистондаги тинч ҳаётни бузган галаёнларнинг қурбонига айланган икки аёл. Марям – бой тадбиркорнинг ноқонуний қизи, эсини танибоқ қийинчилклар, ноҳақликлар, хўрланишларга маҳкум бўлган, тақдири шундай тугаши ҳақидаги фикрга кўникиб кетган. Лайло эса аксинча, бахти ҳаёт ҳақида орзу қиласидиган аҳил оиласининг севимли қизи. Бу икки аёлни боғлаб турадиган ҳеч қандай умумийлик йўқ, улар турли оламларда яшашади. Агар қирғинбарот уруш бўлмаганида эди, бу икки аёлнинг йўллари сирайм тўқнашмаган бўларди.

Уруш оқибатида нафақат йўллари, балки тақдирлари ҳам туташ бўлган икки мазлума бир-бirlари учун душман ҳам, дугона ёки опа-сингиллар ҳам эмас, аммо улар бир вақтлари тинч-фаровон ҳаёт кечирган, энди эса қон ва зулмга фарқ бўлган

шашарда бирдам, ҳамжиҳат бўлсаларгина тирик қолишларини билишади. Ва улар буни уddeлашади ҳам: азоб-уқубатлардан бирга ўтишади, бирга қувонишади, бирга йифлашади, аммо бир дақиқагина бўлсин, ёруғ келажакка етиб боришдан умид узишомайди. «Минг қуёш шуъласи» уруш даҳшатларидан юракларни сиқадиган, аммо қаро тунлар ортидан бари бир қуёш чарақлаб чиқишига умид қилишга ундейдиган ажойиб асар.

Иқтидорли ёш ёзувчи ва таржимон Рустам Жабборов маҳорат билан ўзбек тилига ўтирган бу асарни ўқишимга тўғри келганида қанчалар юрак-бағрим эзилгани ҳамон эсимда. Ваҳоланки, бу икки аёл менинг тенгдошларим. Улар шундай шўришларни бошдан кечираётган пайтларда биз ўйнаб-кулиб юрардик, аммо ёнгинамиизда, шундоққина қўл узатсак етгудек жойда инсонлар, айниқса, ожиза аёллар уқубатларга мубтало бўлаётганлари хаёлимизга ҳам келмасди. Холид Ҳусайнний ана шу ҳаёт ҳақиқатини бизга рўйи рост кўрсатиб беролган. Энг муҳими, асар қаҳрамонлари зулмат орасида яшашса-да, ўзларининг инсоний қиёфаларини йўқотишмайди. Марям Лайло ҳамда унинг икки норасида гўдаги ҳаётини асраб қолиш учун ўз ҳаётини қурбон қилганида ҳам, бу болалар кулфатлар аро туғишгандан-да аъло бўлиб қолган икки аёлнинг орзулари ижобат бўладиган кунларни кўришларига сираям шубҳаланмайди...

Бу роман ҳаёт ҳақиқатининг қофозда акс этган тасвиридир. Асар уруш даҳшатларини очибгина қолмай, балки тинчлик инсонлар учун улуғ неъмат эканлигини, унинг пароканда қилиниши қанчалар қимматга тушиши мумкинлигини доимо ёдимизга солиб туриши билан ҳам катта аҳамиятга эгадир.

*Муҳаббат ЙўЛДОШЕВА,
Ўзбекистон Ёзувчилар уюшмаси аъзоси*

БИРИНЧИ ҚИСМ

БИРИНЧИ БОБ

Марям илк бор «ҳароми» деган сўзни эшитганида беш яшар қизалоқ эди. Хулласи калом, бу ҳодиса пайшанбада юз берганди. Ўшанда унинг эс-хуши жойида эмас, ўзини қўярга жой тополмасди. Ахир пайшанба кунлари уларнинг ёнига Жалил келарди-да! Вақтни тезроқ ўтказиш учун (ҳадемай у узоқдан қўлларини силкитганча, тизза бўйи ўтларни босиб кела бошлайди) Марям стулнинг устига чиқиб олди ва токчадаги хитойи чинниларга қўл узатди. Бу чинни сервиз Марямнинг икки яшарлигида дунёдан ўтган бувисидан қолган ягона ёдгорлик бўлиб, ойиси уни кўз қорачигидек асрарди. Нана (Марям ойисини шундай атарди) қушлар ва хризантема гуллари тасвири туширилган пиёлаларни, тумшуғи эгик чойнакни, ёвуз руҳларни қувадиган аждар нусхаси солинган қанддонни, ҳатто ишлатишга ҳам кўзи қиймасди.

Худди шу қанддон Марямнинг қўлчасидан ёғоч полга сирғалиб тушдию чил-чил бўлди. Нана полда сочилиб ётган чинни бўлакларини кўрдию юзлари қизариб, лаблари титради, ҳамиша меҳр билан боқиб турувчи кўз «Нанамнинг елкасига яна шайтон миниб олди», деб ўйлаб, қўрқиб кетди. Йўқ, ўтиб кетди. Нана қизининг қўлларидан маҳкам тутиб, ўзига тортди ва тишларини гижирлатганча, унинг қулоғи остида фазабнок шипшиди:

– Хў қўлгинанг сингур, аҳмоқ! Менга кўрсатган кароматинг шу бўлдими? Бу митти ҳароми мени хонавайрон қилмаса гўргайди. Шундай қиммат-баҳо нарсани синдириди-я!

Ўшанда Марям ҳеч нарсани тушунмаганди. «Ҳароми» деган сўз унга мутлақо нотаниш эди. Ҳали жуда кичкина бўлгани учун бу мудҳиш ҳақоратнинг маъносини англаёлмасди. Зотан, бунда унинг ҳеч қандай гуноҳи йўқ, ҳамма айб дунёга келишига сабабчи бўлган кимсаларда эди. Марям бу сўз бари бир ёмон маъно англатишини сезганди.

Улфайгач, ҳаммасини тушунди. Ўшанда онаси-нинг овозидаги нафрат оҳанги бежиз эмасди. Ҳароми, яъни Марямнинг ўзи барчага тегишли бўлган ҳуқуқлардан маҳрум этилган, ҳеч кимга кепрак бўлмаган бир жонзот экан. Муҳаббат, оила, уй-жой – буларнинг ҳеч бири унинг учун эмас.

Жалил Марямни бирор марта бундай атамаган. У ҳар доим қизини «менинг гулғунчам», дерди. У қизчасини тиззасига ўтқизиб, Марям туғилган қадимги Ҳирот – не-не мутафаккиру алломалар юрти, Шарқ маданияти бешиги ҳақида қизиқарли ҳикоялар айтиб берарди.

– Ҳирот шундай шаҳарки, қаёққа оёқ узатсанг, бирорта шоирнинг кетига тегади, – дея ҳазиллашарди отаси. (Бу ҳазиломуз жумла аслида буюк мутафаккир Мир Алишер Навоийга тегишли – тарж.)

Жалил қизига Ҳиротни чин диддан севган ва у ерда кўплаб мадрасаю миноралар қурдирган малика Гавҳаршодбегим ҳақида гапириб беришни ёқтиарди. У Марямга Ҳиротнинг буғдойзор далалари, мевали боғлари, болга тўла узумзорлари, гавжум бозорлари ҳақида гапириб беришдан чарчамасди.

– Ҳиротда кекса бир писта дарахти остида буюк аллома Жомийнинг қабри бор, – дерди у қизчасини эркалаб, бафрига босаркан. – Жомий

биздан беш юз йил аввал яшаб ўтган. Мен албатта сенга ўша дарахтни күрсатаман.

Гарчи Маряム умрининг дастлабки ўн беш йилини Ҳиротда яшаб ўтказған бўлса-да, отаси ваъда қилған дарахтни кўра олмади. У қадимий миңораларни зиёрат қиласмиди, машҳур боғларнинг мевасидан татиб кўрмади, буғдойзор далаларни кезмади. Аммо у ўшандаги отасининг ҳикояларини завқ-шавқ билан тинглаган, унинг бу қадар кўп нарса билишидан митти юракчаси фууррга тўлиб-тошганди.

– Ҳаммаси қуруқ сафсата, – дерди Нана Жалил кетгач ўзича тўнғиллаб. – Бойларга Худо тилдан ҳам берган. У сенга ҳеч қанақа дарахт-парахтни кўрсатмайди. Ширин гапларига учма, қизим. Севимли дадажонинг бизни шунчалик осонлик билан сотганки!.. Уйдан чиқариб ҳайдаган. Ўшандоқ ҳашаматли уйига сен билан мен сифмадик. Ҳатто кипприк қоқмай, ҳайдаворди-я, номард!

Гарчи отаси ҳақида бундай нордон гаплар ёқмаса-да, Маряム Нанасининг гапларини мутелик билан эшитарди. Ахир отаси ёнида бўлганида, уни ҳеч ким «ҳароми» деёлмасди-да! У ҳар пайшанба бир-икки соат отасининг дийдорига тўйиб, чиройли совғаларидан, ширин сўзларию эркалашларидан баҳраманд бўлганида, ҳаёт кўзига шу қадар гўзал кўриниб кетардики... Шунинг учун Маряム отасини беҳад яхши кўрарди.

Отасида бошқаларнинг ҳам ҳақи бор эди.

Жалилнинг уч хотини ва ўн нафар қонуний боласи бор эди. Маряム уларнинг бирортасини ҳам ўз кўзи билан кўрмаганди. Жалил Ҳиротнинг энг бой одамларидан бири эди. Унга қарашли бўлган кинотеатрни ҳам Маряム умрида кўрмаганди. Ростдан, отаси унинг қистови билан бу кинотеатрни тўлиқ тасвирлаб берганди. Бу кинотеатр мовий ва жи-

гарранг кафел билан қопланган, ичида эса юмшоқ ўриндиқлар ўрнатилган, вестибюл ҳинд фильмларининг афишалари билан безатилган, сесанба кунлари кинотеатрнинг буфетида болаларга музқаймоқлар текин тарқатилар экан.

Жалил музқаймоқ ҳақида гапираётганида Нана аччиқ кулимсираб қўйганди. Жалил кетиши билан Нана заҳархандалик билан жавради:

– Бегона болаларни музқаймоқ билан сийлармиш? Сени-чи, қуруқ чўпчаклар билан алдаб-алдаб даф бўлади!

Кинотеатрдан ташқари Жалилнинг Караҷ ва Фарда томорқалари, учта гилам, битта кийим-кечаклар дўкони, 1956 йилда чиққан «Бюик» автомобили бор эди. Унинг танишлари орасида таниқли зодагонлар, амалдорлар, ҳатто, Ҳирот ҳокими ва вилоят волийси ҳам бор эди. Табиийки, хизматкори, ошпази ва ҳайдовчиси ҳам бор. Унинг уйида бир эмас, уч оқсоқ хизмат қиласади.

Нана ҳам унинг оқсоchlаридан бири эди. У пайтларда ҳали Нананинг қорни дўппаймаганди. Айтишича, ўз иффатини хожасига тақдим этгани маълум бўлиб қолгач, бутун оила аъзолари газабга минишганди. Ҳатто сал бўлмаса орада қон тўкилаёзди. Хотинлари шўрлик оқсоchnи уйдан ҳайдашни талаб қилишди. Нананинг отаси, Гулдоман қишлоғида тоштарошлиқ билан шугулланувчи кекса уста ҳам қизидан юз ўтириб, бор лаш-лушкини автобусга юкладио Эронга жўнаворди. Ҳозиргача унинг ўлик-тиригидан хабар йўқ.

– Алам қиласади, – деди у бир куни товуқларига дон сепаркан. – Ўшанда отам ҳеч ўйланиб ўтирмасдан виждони амрига бўйсуниб, мени ча вақлаб ташлаганида яхши бўларди. – Кейин эса қизига ўтирилди. – Сени ҳам. Ахир ношаръий зурриётнинг кимга кераги бор? Ҳа, отам қўрқоқ эди, бу ишга журъат этолмади.

Жалилда ҳам журъат йўқ экан. У ўз яқинлари-нинг хотинчаларининг хоҳишига қарши боролмади. Ҳамма уйқуга кетганида кирдию «жоним, ҳамма нарсангни йифиштириб, бу ердан кет», деди.

– У ўзини оқдаш учун хотинларига нима деганини биласанми? Ҳаммасига мен айбдор эмишман. Уни йўлдан урибман. Э, аёл зотининг шўри қурсин!

Нана дон тўла идишни ерга қўяркан, қизчасини кўтариб, бағрига босди:

– Менга қара, – Марям ночор онасига боқди.
– Эсингда тут, қизим! Эркак зоти ҳамиша аёлни айблаб келган. Бундан кейин ҳам шундай бўлиб қолади. Эсингдан чиқмасин.

ИККИНЧИ БОБ

– Жалил ва унинг хотинлари учун мен оддий қичитқиўт ёки ажриқдан бошқа нарса эмасдим. Сен ҳам. Ҳали туғилмасингдан туриб уларнинг нафратини қозонгансан! Мени едириб-ичириш бошқа масала эди. Ахир қўлимда сен бор эдинг! Кейин бу масалада у уйидагилар билан келишиб олган кўринади.

Нананинг айтишича, унинг ўзи Ҳиротда қолишини истамаган.

– Нима қиласман қолиб? Хотинларини олиб, шаҳарни қандай кезишини томоша қилиш учунми?

Нана Ҳиротдан сал наридаги Гулдоман қишлоғига, ҳувиллаб қолган ота ҳовлисига ҳам боришини истамади. У таниш-билишлар кўзидан йироқ бўлишни, одамлар унга қўлинни бигиз қилиб кўрсатмаслигини, ҳеч кимда нафрат ёки ачиниш туйгуларини уйғотмасликни истади.

– Ишонасанми, – дерди у қизига, – отанг мени кўздан йўқотиш учун оёғи куйган товуқдек питирлаб қолганди.

Шунда Жалилнинг биринчи хотинидан туғилган катта ўғли Мұхсин Гулдоман яқинидаги чангалзордан кичикроқ бошпана топди. Ҳирот шоссесидан қоялар томонга қараб баланд ўтлар ва гуллар оралаб кетган илонизи сўқмоқ бўлиб, у тўғри баланд тепаликларга олиб борарди. Бу ерда теракларнинг тинимсиз шовуллаши қулоқча чалинар, қизғалдоқлар оловдек ловуллар, чап томонда, пастликда қишлоқдаги шамол тегирмонларининг қанотлари кўзга ташланар, ўнгда эса Ҳиротнинг бутун манзараси кафтдек намоён эди.

Жалил шахсан ўша жойни бориб кўрди. Қайтиб келганида эса унинг гап оҳанги ўзи тушган ҳибсона шароитидан мамнун тутқунникига ўхшарди...

– Ҳа, отанг бизга ана шу каламуш уяни лойиқ кўрди!

Нанани 15 ёшида бир шиндонлик тўтифурушга бермоқчи бўлишган экан. Гарчи Нана қизига бу ҳақда бефарқ оҳангда ҳикоя қилса-да, аммо кўзлари фараҳдан қувнаб кетарди. Ҳа, унинг ҳаётида ҳам бир қанча қувончли кунлар бўлган, аммо яшин тезлигига ўтиб кетганди.

Онасининг тиззасида ўтирган Марям уни тўй либосида тасаввур этишга уринарди. Мана, у от устида кетиб бораяпти, юзларидаги табассумни ҳарир парда тўсиб турибди, бармоқларига ҳино қўйилган, соchlарига кумушранг упа сепилган, қизнинг қулоқларига шу аснода карнай-сурнай, ногора садолари, от изидан чопаётган ҳайқириқ эшитилгандек бўларди.

Хуллас, Нанани эндиғина эрга бермоқчи бўлишганида, яна «елкасига шайтон миниб олган» экан. Ҳарқалай, Марям шундай деб эшитганди. Бунақа пайтда онаси ғужанак бўлганча, ерда думалаб қолар, кўзлари олайиб, оёқ-қўллари қалтипар, оғзидан баъзан оқ, баъзан қизғиш кўпик оқа

бошларди. Кейин эса ҳушига келганида Нана ҳеч нарсаны эслолмас, гаплари ҳам узук-юлуқ чиқарди. Бундай касали борлиги ҳақида эшитган шиндонлик тұтифуруш ва унинг яқынлари түйни түхтатишиган экан.

– Ўшанды қуёв томоннинг роса юраги ёрилган, – дея бу ҳақдаги ҳикоясини тутатарди Нана.

Чакалакзорнинг бир четида Жалил икки ўғли Фарход ва Мұхсин билан кичикроқ, лойсувоқ қулба тиклаб беришган. Бир деразали бу қулбада Марям умрининг дастлабки ўн беш йилини ўтказған зди. Иккита каравот, стол ва иккита тик сұянчиқұл стул, Нана сопол хұмчалари ва онасидан қолған хитойи чинниларни сақладыған токча – қулбанинг бутун жиҳозоти шуларданғина иборат зди. Жалил қулбанинг ичида янги чүян печка қуриб берган, қишки ўтиналарни ҳам ғамлаб кетген, ўтин фарами шундоқ күзга ташланиб турарди. Уйнинг ёнида тандир, товуқхона ва әчки құраси ҳам құққайиб турарди. Мажнунтоллардан юз қадамча нарида Фарход ва Мұхсин ҳожатхона қазиб беришганди.

Нананинг айтишича, Жалил уларга уй тиклаб бериш учун усталар ҳам чақырмоқчи бўлган, аммо негадир бундай қилмаган экан.

– Шунақа қилсам, айбим енгиллашади, деб ўйлаганмиカン?

Нананинг ишонч билан таъкидлашича, у туққанида ёнида ҳеч ким бўлмаган. 1959 йил, Зоҳиршоҳнинг деярли осойишта кечган қирқ йиллик ҳукмронлигининг 26-йили зди. Баҳорнинг тунд, булатли бир куни. Жалил ўшанды шифокор тугул доя кампир чақыртиришни ҳам хаёлига келтирмабди. Ҳолбуки, шайтон туфуруқ пайтида ҳам Нананинг елкасига миниб олиши мумкин зди. Унинг бир ўзи терга ботганча, қўлида пичоқ билан пол устида чалқанча ётарди.

– Огриқ жонимдан ўтиб кетгани учун ёстиқнинг учини тишлаб, овозим бўғилиб қолгунча бақирдим. Юзимни артадиган, сув тутадиган одамнинг ўзи йўқ эди. Сен эса Марямжо, қимир этмасдинг. Икки кун мана шу совуқ пол устида емай-ичмай ётиб, минг бир азобда тўлғаниб, эсон-омон туғилишингни Худодан сўраб ётганман.

– Кечиринг, ойижон!

– Киндигингни кесиши учун пичноқ олиб ётганман.

– Кечиринг!

Нана унга жавобан заифгина жилмайиб қўйди. Бу табассумдан онаси қизини ростдан ҳам кечириганми ёки туфуруқ жараёнидаги азоблар учун ҳануз қизидан аламзадами, билиб бўлмасди.

Марям ўн ёшдан ошгач, Нананинг бу ҳақдаги чўпчакларига ишонмай қўйди. Жалилнинг сўзлари нисбатан ишончлироқ туюла бошлади. Унинг айтишича, ўша пайтларда Жалил сафарда бўлган, аммо сал аввалроқ, Нанани Ҳиротдаги кенг ва ёруғ госпиталга ётқизган. Марям шинам палатада, шифокор назорати остида туғилган экан. Марям ҳалиги пичноқ ҳақида гап очганида Жалил қизига қараб, аянчли бош чайқаганди.

Марямга онасининг икки кун туголмай қийналгани ҳам шубҳали туюлганди.

– Дўхтиrlар менга чақалоқ бир соатда туғилди дейишган, – елка қисганди Жалил. – Марям, сен жуда ақдли, беозор қизсан. Ҳатто туғилган пайтингда ҳам онантга озор берганингта ишонмайман.

– Отанг қорасини ҳам қўрсатмаганди-ку, – тувақиб кетганди онаси. – Ўшанда у ўзининг улфатлари билан Тахти Сафарда от чоптириб, ўйнаб юрган экан, ер юткур!

Нананинг айтишича, Жалилга яна битта қиз кўргани ҳақида маълум қилишганида, у отнинг ёлларини таарикан, елка қисиб қўя қолган.

– У сени биринчи марта қўлига олганида, бир ойлик бўлиб қолгандинг. Сенга бир қараб, «намунча юзи чўзинчоқ бўлмаса», деб лаб бурган ва қўлимга қайтариб берганди.

Бу гапларга Марям ишонди. Жалил ўша пайтда Тахти Сафарда от чоптириб юрганини тан олди. Аммо отасининг талқинига кўра, у қиз кўрганини эшитиб, хаёлчан елка қисмаган, балки эгарга сакраб миниб, Ҳирот томонга от чоптирган. Болани қўлига олиб, эркалаган, юзчаларини силаған, ҳатто унга алла ҳам айтган. Гарчи Марям юзи узунчоқ эканини ўзи ҳам билса-да, отасининг бундай таънали гапларни айтганини тасаввурига сифдиролмасди.

Нананинг айтишича, у қизига ўз бувисининг исмини берган. Жалил эса бу исмни ўзи атай қўйганини таъкидларди. Марям энг чиройли гул – табаргул деган маънони англатаркан.

– Сиз бу гулни ёқтирасизми? – сўраганди Марям отасидан.

– Жудаям, – деганди Жалил кулиб.

УЧИНЧИ БОБ

Темир фидиракларнинг тошлирга урилиб чиқарган садоси Марямнинг энг биринчи хотира-ларидан. Марямнинг ота бир, она бошқа акалари Муҳсин билан Ромин (*гоҳида Фарҳод*) ойида бир аравачада уларга гуруч, ун, чой, шакар, ёғ, совун, тиш пастаси келтириб туришарди. Улар аравачани илонизи, шағал ва тошлиар тўшалган, ўт-алаф ва буталар босган йўлакдан шалдиратиб, дарё қирғоғига олиб боришар, бу ерда аввалдан тайёр турган қоп ва қутилар ёрдамида юкларни нариги қирғоқча олиб ўтишар, кейин уларни яна аравага юклашга тўғри келарди. Баланд бутазор ва ўтлар

орасидаги кулбага етгунча оёқ остидан саноқсиз қурбақалар сакраб чиқар, чивинлар аямай талар, йигитлар жиққа терга ботиб кетишарди.

– Ахир уларнинг хизматкорлари бор-ку! – ҳайратланарди Марям. – Нега ўшаларни жўнатишмайди?

– Отанг шу тариқа ўз айбини ювмоқчи-да, – изоҳларди Нана.

Фидирак овози келиши билан она-бола кулбала-ридан чиқишарди. Нана уларни қандай кутиб олишини Марям бир умр эсидан чиқармайди. Озғин, оёқяланг онаси калта қирқтирилган соchlарини елкасига ташлаб, қўлларини кўксидага қовуштирганча мағрур қиёфада ўтгай ўғилларини қарши оларди. Унинг эгнидаги қопга ўхшаган узун камзулининг чўнтаклари тошга тўлғазилган бўларди.

Ака-укалар дарё бўйида турганча, Марям ва Нананинг озиқ-овқатларни қандай ташиб киришларини томоша қилишарди. Ўспириналар ўттиз қадамдан ортиқ яқинлашиб бўлмаслигини билишарди. Нана отган тошлар тегишига сал-сал қолар, улар бир амаллаб бу тошбўронга чап бериб қолишарди. Нана қопларни кулбасига олиб кираркан, Жалил, унинг бошқа хотинларию болалариға бисотидаги бор қарғишларни ёғдиришдан чарчамасди. Марям бунаقا қарғишларнинг кўпичандай маъно касб этишини билмас, йигитчалар ҳам бир оғиз чурқ этишмасди.

Қизча акаларига жуда ачинарди. Ахир улар аравани шу ергача судраб келгунча қанча қийналишди экан? Лоақал, уларга сув берса бўларди. Онаси рухсат бермайди-да! Ақалли одамга ўхшаб хайрлашиш тугул, қўл силкиб ҳам қўймайди.

Марям онаси ёқиши учун унинг ёнида туриб, Мұҳсинни мазаммат қилар, «ҳе калтакесакникига ўхшаган қийшиқ оғзингга тупроқ тўлсин», дея

чийилларди. Кейин эса «акаларим бу гапларни отамга етказмасмикин?» дея уят, құрқұв ва виж-дон азобида ўртанаарди. Нана эса қарғайвериб хуморидан чиқар, қаҳ-қаҳ уриб кула бошларди. Бундан Марям бир оз хавотирга ҳам тушарди. Аммо Нана қизининг бошини силаб, «ўзимнинг ақдли қизим», деб әркалаб қўярди.

Ака-үкалар аравачани бўшатиб ортга қайтишарди. Марям уларнинг ортидан то қалин ўтлар орасида йўқолиб кетишгунча кўзини узмай турарди.

– Келаяпсанми?

– Ҳа, Нана!

– Улар пичирлашиб сени аҳмоқ қилишди, эшитдингми? Мен ўз қулогим билан эшитдим...

Эрталаб она-болани қўй-қўзиларнинг маъраши ва подани серўт адир томон ҳайдаб бораётган чўпонларнинг най садоси уйғотарди. Нана ва Марям эчкиларни соғиб, товуқларга дон беришар, тухумларни териб олишарди. Нонни биргалиқда ёпишарди. Нана қизига хамир қориш, тандирга ўт қалаш ва нон ёпишни ўргатганди. Шунингдек, Нана қизига тикиш-бичиш, гуруч қайнатиш, нон юзини безаш учун турли зираворлар тайёrlашни ҳам ўргатган.

Нана фақатгина Жалилнинг ўғилларинигина эмас (уларни-ку қўргани кўзи йўқ эди), умуман, уйига меҳмон келишини ёқтирмасди. Уларнинг қулбасига фақат айрим кишиларгина келиб туришарди. Улар орасида қишлоқ оқсоқоли, қорни катта, калласи кичкина Ҳабибхон ҳам бор эди. Уям бўлса, ойда бир марта, хизматкори билан келар, улар келтирган сават ичида пиширилган жўжа, бир идишда мошкичири, Марямга аталган рангли тухумлар бўларди.

Уларникига Нананинг ота таниши – марҳум сангтарошнинг беваси ҳам келиб турар, ёши ўт-

ган, дум-думалоқ бу хотинни Нана Бибижо деб чақырарди. Унинг олтита неварасидан лоаңал бир-иккитаси соядек эргашиб келарди. У хонага кириши билан Нана таклиф қилган стулга ҳансираб ўтирад, у ҳам албатта Марям учун конфетми, бирор шириналыкми, олиб келган бўларди. Бибижо кириши билан энг аввал соғлигидан, оёқ оғрифидан шикоят қилишни бошлар, кейин Хиротдаги ва қишлоқдаги миш-мишларга навбат келарди.

Бироқ Марям ҳаммадан ҳам (албатта, Жалилдан ташқари) кекса қишлоқ мулласи Фатхулла Охуннинг келишини интизорлик билан кутарди. Мулла Гулдомандан ҳафтасига икки марта келиб, қизалоқнинг суралар ва диний калималарни қандай ёдлаётганини текширади. Бир пайтлар у Нананинг ҳам болалигига диний сабоқлар берганди. Мулла Фатхулла қизчанинг нозик бармоқчаларидан тутиб, унга ҳусниҳат билан араб ҳарфларининг ёзилишини ўргатган эди...

Мулла қотмадан келган, оқ соқоли кўксига тушган, тишлари тўқилиб кетган, хушмуомала чол эди. У, одатда, Марымдан икки ёш катта,mallasoch ўғли Ҳамзани етаклаб келарди. Мулла Фатхулла остоңда кўриниши билан Марям унинг қоқсуяқ кўлларини тавоғ қиласар, чол эса, қизчанинг пешонасидан ўпид қўярди. Кейин улар қулба ёнида ўтирганча, кўк чой ичиб, ерёнгоқ ейишар, шоҳдан-шоҳга кўнаётган ҳаккаларни томоша қилишарди.

Баъзида улар анҳор бўйидаги хазон пойандозлар узра, тоғ чўққилари этагидаги дарахтзорларни кезишар, чол унга кексаларга хос титроқ овозда болалиқдаги саргузаштлари, хусусан, Исфаҳоннинг ўттиз уч арк кўпригига унга дуч келган икки бошли аждаҳо, Мовий масжид олдида иккига бўлинниб кетган, икки палласи «Аллоҳу акбар» деб ёзилган тарвузлар ҳақида мароқ билан ҳикоя қилиб берарди.

Мулла нафақат ҳикоя қилишни, балки эшиши-ни ҳам биларди. У Марям гапираётганида диққат билан эшитар, худди қизчанинг тавозесини қабул қилгандек кулимсираб, бош иргарди. Марям юрак ютиб онасига айттолмайдиган гапларни ҳам бемалол Мулла Фатхуллага айта оларди.

...Бир куни у сайр пайтида мактабга боришни жуда-жуда хоҳдаётганини айтиб қолди.

– Мен отамнинг бошқа болаларига ўхшаб, ҳақиқий мактабга боришни, синфда, парталарга ўтириб дарс тинглашни истайман.

Бир ҳафта илгари Бибижо турфа мишиши ва фийбатлар билан бирга Жалилнинг қизлари Саида ва Ноҳиднинг Ҳиротдаги «Мөҳри» деб номланган қизлар мактабига ўқишига бораётганини айтганди. Ўшандан бери ўқитувчи ва мактаб ҳақидаги хаёллар Марямнинг миясидан кетмай қолди. Усти муқовали катак дафтарлар, чиройли ёзадиган шарикли ручкалар кўз ўнгидан кетмай қолганди.

– Ростдан ҳам мактабга боришни хоҳдайсанми? – Мулла Фатхулла қизалоқнинг ёш ҳалқаланган кўзларига тикилганча қотиб қолди: унинг бошидаги каттакон салла майсалар устига ўз кўланкасини ташлаб турарди.

– Ҳа!

– Онангдан розилик олиб беришимни истайсанми?

Марям кулимсиради. Унингча, фақат отаси Жалил уни худди мана шу оққунгил чолдек тушуна оларди.

– Нимаям дердим. Ҳар банданинг бир ожиз тарафи бўлади. Менинг ожизлигим шундаки, сенинг ҳеч бир хоҳишингга қарши чиқолмайман, қизим! – мулла бўйнидаги терини оҳиста артди.

Нана ошхонада пиёз тўграётганди. Мулла унга қизининг истагини етказганида, қўлида пичоқ ерга тушиб кетди.

– Нима кераги бор?

– Қизим, агар болалар ўқишини исташса, уларга қарши бормаслик керак. Майли, ўқисин, савод чиқарсин!

– Ўқисин? Нималар деяпсиз, охун соҳиб? – Нана унинг гапини шарт кесиб, қизига қараб қовоқ солди. Марям индамай ерга қаради. – Бунга ўхшаганларга ўқишини ким қўйибди? Ўқиб гўр бўлармиди? Вей, менга қара? Ҳали мактабда ўқигинг кеп қолдими?

– Унақа дема, қизим? – оғир хўрсинди Фатхула ота.

– Менга қара дедим! – Марям қўрқа-писа онасиға қаради. – Сабр қил, тушундингми?

– Нимага сабр қилишим керак, ойи?

– Сен билан менинг қисматимиз азалдан аён. Мактабга бораман деяпсан. У ерда сени тенгдошларинг «ҳароми» деб чақиришларини истайсанми? Сен ҳақингда ҳар хил бўлмағур гапларни айтиб, хафа қилишади. Сен шуни истайсанми? Мен эса, истамайман!

Марям жимгина бош ирфади.

– Яна бу ҳақда оғиз очганингни эшитмай.

– Қизим, аввал яхшилаб ўйлаб кўр, ахир...

– Охун соҳиб, илтимос, – шартта унинг гапини бўлди Нана. – Бунинг ҳамма гапларигаям қулоқ солаверманг. Унинг жойи шу ерда, онасиғининг ёнида. Бошқа ҳеч қаерга бормайди. Ҳамма жойда уни турткилашади, озор беришади. Биламан-ку, охун соҳиб!

ТҮРТИНЧИ БОБ

Марям меҳмонлар келишини ёқтиарди. Қишлоқ оқсоқоли, фийбатчи кампир Бибижо, мулла Фатхулла... Аммо, Марям ҳаммадан кўра Жалилнинг келишини кўзи тўрт бўлиб кутарди.

Безовталик сесанба оқшомидан бошлаб уни қамраб оларди. Ишқилиб, Жалилнинг бирор муҳим иши чиқиб қолмасин-да! Акс ҳолда уни янаги ҳафтанинг пайшанбасигача кутиши керак бўлади. Чоршанба куни Марям уйга сифмас, ўтлоқларни қадамлаб ўлчар, товуқларга паришонлик билан дон сочар, гулларнинг япроқларини юлиб, чивинларни ҳайдар, пайшанба куни эса, ҳаммасини йиғишириб, анҳор лабида ўтирганча отасининг йўлига кўз тикарди. Агар Жалил кечикаверса, унинг баданига титроқ кириб, тиззалари мажолсизланиб қолар, қаёқларгадир қочиб кетгиси келар, аммо бунинг уддасидан чиқолмасди.

Дафъатан онасининг овози эшитиларди.

– Мана, дадажонинг, олифталаниб келишини қара!

Марямга илкис жон киргандек бўларди. Отасини узоқдан қўриши билан ўрнидан сапчиб турарди. Отаси анҳорнинг нариги қирғофига етиб келгач, у тарафга қараб қўл силкитар ва майнин жилмаярди. Бу пайтда Марям онасининг ундан кўз узмай турганини сезар, шу боис, отасининг истиқболига ошиқишига журъат этолмас, Жалилнинг ўзи у томонга келишини кутишдан бошқа иложи қолмас, аммо назарида отаси жуда секин юриб келаётганга ўхшарди.

Жалил ўтлоқقا оёқ қўйиши билан камзулини тандир устига ташлар ва қучогини кенг очарди. Қизча отаси тарафга бир-икки қадам босиши билан оёқлари ердан узиларди. Отаси уни ҳаво-

га отиб, ўйната, ҳамма ёқни Марямнинг шодон қийқириғи тутиб кетарди.

Отасининг кучли қўллари уни самога ирғитаркан, қизча баландда туриб, Жалилнинг ёрқин табассуми, ўртасидан иккига бўлинган чиройли иягини, бу шаҳарда камдан-кам одамда учрайдиган оппоқ, ёрқин тишларини аниқ кўра оларди. Марям унинг қирқилган мўйлови, тўқ жигарранг камзулини жонидан ортиқ кўрап, ҳар қандай об-ҳавода отаси ана шу костюмда келар, унинг чўнтағидан оппоқ рўмолчанинг бир учи кўриниб турарди. Отасининг тиниқ қорачикларида Марям ўзининг ва кенг само аксини ҳам кўра оларди.

«Бир куним шу отанг сени ерга туширворса, ўласан, оёқ-қўлинг синиб», дея тўнғилларди Нана. Аммо, Марям бунга ҳеч қачон ишонмасди. Унинг учун отасининг қучоғидек хавфсиз ва ёқимли жой йўқ эди. Нана кулбанинг ёнгинасида Жалил учун жой ҳозирлаб, чой дамлар, улар сирли кулимсираб, бир-бирлари билан саломлашишарди. Жалил бирор марта ҳам ўғилларини тошбўрон қилиб, орқасидан қарғаб қолганини Нананинг юзига солмасди. Нана ҳам Жалилни орқасидан гўрдан олиб гўрга солса-да, олдида бирор оғиз кўпол гапирмас, бу пайтда унинг соchlари ювиб-таралган, тишлари чайилган, бошига энг чиройли рўмоли танғилган бўлар, қўлларини тиззалири устига қўйганча одоб сақлаб ўтиради. Бирор марта бўлсин, Жалилнинг юзига тик қарамас, кулганда ҳам чирик тишлари кўзга ташланмаслиги учун кафти билан оғзини тўсив оларди.

Нана ундан ишлар қандай кетаётгани, хотинлари ва болаларининг саломатлигини сўрарди. Бибижо кампирнинг айтишича, Жалилнинг кенжা хотини Наргис учинчи боласига оғироёқ экан.

Нана билан чой ичиб бўлишгач, Жалил Марямни олиб, балиқ овига жўнарди. Отаси унга

қармоқни қандай ташлаш, балиқни қандай тозалашни қунт билан ўргатганди. То пўкак қимирлагунча, Жалил қаламни узмасдан туриб, қандай қилиб фил суратини чизишни кўрсатиб берар, турли шеър ва қўшиқдарни ёдлатаарди.

Гоҳида ўзи билан олиб келган, Ҳиротда чоп этиладиган «Иттифоқи ислом» газетасидан қирқиб олинган қизиқарли мақолаларни ўқиб берарди. Шунда Марям ўзи яшаётган Гулдоман қишлоғи ва Ҳирот шаҳридан ташқарида ҳам бепоён олам борлиги, унда турли-туман ҳодисалар содир бўлиши, поездлар мағрибу машриққа елишини отаси олиб келган газета қирқимлари орқали тасаввур эта оларди.

1973 йилда, Марям 13 ёшга тўлганида катта давлат тўнтариши юз бергани, Кобулда қирқ йил ҳукуматни бошқарган Зоҳиршоҳ таҳтдан ағдарилганини ҳам Марям отасидан эшитганди.

– Шоҳ Италияда даволанаётганида, ҳокимият унинг амакиваччаси Довудхоннинг қўлига ўтди. Биласанми у ким? Сен туғилганингда, у Кобулда бош вазир этиб тайинланганди. Энди Афғонистонда монархия йўқотилди. Энди мамлакатимиз республика, давлат раҳбаримиз президент деб аталади.

Отаси унга сиёсатдан дарс ўтаётганида Марямнинг икки кўзи отасининг дўппайиб турган чўнтағида бўларди. Отаси эса, шу заҳоти камзулининг чўнтағидан кичкина қутича чиқариб, Марямга тутқазарди. Вақти-вақти билан отаси унга ана шундай совғалар келтириб турарди. Юраксимон билагузук, ложувард мунчоқлар... Бир гал у Марямга ҳар бирида ҳилол ва юлдуз тасвири туширилган тангачалар билан безатилган зебигардон совға қилди.

– Буни тақиб кўр-чи, Марямжо! Баракалла! Қара, нақ маликанинг ўзгинаси бўлдинг!

Отаси кетгач, Марям қизининг бўйнидаги зебигардонни пайқаб қолди:

– Кўчманчилар дўлиларнинг тақинчоги-ку! Бунаقا матоҳни улар одамлардан йифилган чақаларни эритиб ясашади. Қани, дадажонинг қўлидан келса, тилла тақинчоқ совға қилсин-чи? Қаёқда? Отангда бунаقا мардликдан асар ҳам йўқ.

Жалил кетгач, Марям то дараҳтлар орасидан отасининг қораси кўринмай кетгунча кўз узмай тикилиб турар, отаси билан яна бирга бўлиши учун яна бир ҳафтани қандай ўтказишни ўйлаб, юраги сиқиларди.

Марям кечалари отасининг ҳашаматли уйи, уердаги шарт-шароитлар ҳақида, отаси билан Ҳирот кўчалари ва Чорсу бозорини кезиши, остида машҳур шоир дафн этилган дараҳтни зиёрат қилиш ҳақида ўйларди. «Дадамга мениям Ҳиротга олиб кетинг, сизни жудаям соғинаман, деб айтаман. У мени албатта тушунади ва ўзи билан опкетади. Мен Ҳиротда, отамнинг уйида, aka ва опаларим қуршовида яшайман» деб ўйларди у.

БЕШИНЧИ БОБ

1974 йилнинг баҳорида Марям ўн беш ёшга тўлди.

– Туғилган кунимга нима совға хоҳдашимни айттайми? – деди Марям йифма стулда рўпарасида ўтирган отасига.

– Айт қани? – деди Жалил унга меҳр билан термилиб.

Икки ҳафта илгари Жалил Марямга ўзининг кинотеатрида американча кино кетаётганини айтганди. Уни мултфильм деб аташаркан. Унда кўп-кўп суратлар тезлиқда ўтказилар, томоша-бин назарида худди расмларга жон кириб ҳара-

катланаётганга ўхшаркан. Кинода фарзанди йўқ кекса қўғирчоқбознинг ҳаёти ҳикоя қилинаркан. Бечора қариган чогида ўзига ёғочдан бола ясад олишга қарор қилибди. Марям бу кинога жуда қизиқиб қолди ва отасидан батафсилик ҳикоя қилиб беришни сўради. Маълум бўлишича, қулоқсиз ёғоч бола охирида отаси истагандек мўмингина, қобилгина болага айланиб, кино яхшилик билан тугаркан. Марям турли саргузаштларни бошидан кечирган бу ёғоч бола воқеасини ҳатто мулла Фатхуллага ҳам айтиб берди.

– Дада, мени кинотеатрингизга олиб боринг, ўша ёғоч бола ҳақидаги кинони ўз қўзим билан кўргим келяпти, – деди бир куни у отасига.

Худди шу гапни айтиши билан ота-онасининг кайфияти бирданига тушиб кетди. Улар бир-бираiga маъноли қараб, безовталик билан стуларини ғичирлатишиди.

– Бекорни бештасини айтибсан, – деди Нана совуқ оҳангда, қизига еб қўйгудек ўқрайиб. Жалил ҳам йўталиб қўйди.

– Биласанми, Марямжо, фильм тасмаси анча эскириб қолган, тасвирлар ҳам рангсиз, хира, бунинг устига овози яхши чиқмайди. Яхшиси, сенга бошқа нарса совфа қила қоламан.

– Ана кўрдингми, – деди Нана. – Отанг тўғри айтяпти, нима қиласан, бунақа нарсаларни?

– Илтимос, мени кинога оборинг, – ялинди Марям отаси билан анҳор қирғогига етишганда.

– Бўпти, – деди Жалил. – Мен яқинда бирор тасини жўнатаман. У сени кинога олиб киради. Энг яхши жойда ўтириб, конфет шимиб кино томоша қиласан.

– Йўқ, мен сиз билан кираман.

– Марямжо!

– Акаларим ва сингилларимни ҳам олиб борасиз, уларни ёнида ўтириб кино кўргим келяпти.

Жалил маъносиз нигоҳини тоғлар тарафга қаратди.

Отасининг айтишича, одамнинг юзи экранда худди уйдек катталиқда кўринаркан. Машиналар тўқнашган ҳамма ёқ гурсиллаб кетаркан. Агар Жалил билан балконда ўтириб, музқаймоқ еса, роса зўр бўларди-да!

– Дада. Майлими? – ўтинди Марям.

Жалилнинг кўзларида қайғу аксланди.

– Эртага тушдан кейин ўша жойда учрашамиз унда, бўптими, дада?

– Бўпти! – Жалил қизчасини бағрига узоқ босиб турди.

Нана қулба атрофида қўлини мушт қилиб тукканича айланиб юрарди.

– Нега Худо менга сендеқ ношукур фарзандни инъом этдийкин? Сен учун мен ҳамма нарсага қўксимни қалқон қилсаму, сендан кўрадиганим шу бўлдими? Сен ифлос ҳароми ҳали мени ташлаб кетмоқчимисан? – кейин эса, очиқ-ошкор истеҳзога ўтди. – Аҳмоқсан-да, аҳмоқ! Отам мени яхши кўради, деб ўйлайсанми? Унинг уйидагиларнинг сенга кўзи учиб тургани йўқ. У сени бошқа фарзандлари қатори кўрмайди, билиб қўй.

Охирида она қизини инсофга чақира бошлади.

– Агар сен кетиб қолсанг, мен ўламан, эшитяпсанми? Мени елкамга яна шайтон миниб олади. Тилим бўғзимга тиқилиб, бўғилиб ўламан, тушундингми? Кетма, Марямжо!

Марям жим эди.

– Мен сени жонимдан ортиқ яхши кўраман, қизим. Сенсиз менга ҳаёт йўқ.

– Бир айланиб келардим-да? – деди қизча ялинчиқ оҳангда. У онасини ранжитишни истамасди. Чиндан ҳам елкасига шайтон миниб олишидан қаттиқ қўрқарди. Жалилнинг айтишича,

бу бир касаллик экан, агар вақтида дориларни ичиб турса, анча енгил тортаркан.

Марямнинг назарида онаси уни ёмон кўрадигандек, қизининг баҳтли бўлишини истамайдигандек эди. Аммо, бу ҳақда оғиз очишга юраги дов бермасди.

Ўтлоқнинг ўртасида Марям ёқтирган бир жой бор эди. Бу ердан туриб бутун Ҳирот ва унинг обидаларини, Чорсу майдони, Аёллар боғи ва Искандар Мақдуний қалъаси харобаларини бемалол кўриш мумкин эди. Миноралар ҳудди паҳлавонларнинг бармоғидек осмонга никталиб турарди. Шаҳар кўчаларида қайнаётган одамлар ва уларнинг устида чарх ураётган қалдирғочлар ҳам унга яққол кўриниб турар, Марям уларга ҳавас-ла боқарди.

Марям кўпинча ўн бир дона тошдан турли устунчалар ясарди. Биринчи устундаги тўртта тош Хадичанинг болаларини билдирав, учтадан тош тахланган икки устун Афсун ва Наргиснинг болалари эди. Охирида биттагина тош бир ўзи қоларди.

Эртаси куни Марям оч-сариқ тусли, тиззадан келадиган кўйлагини, янги чит лозимини кийиб, бошига яшил рўмолини танғиди. Қиз маҳаллий усталар ясаган, кўкиш милли эски соатига қаради. Уни мулла Фатҳулла совфа қилганди. Соат эрталабки тўққизни кўрсатиб турарди. Қизиқ, Нана нега кўринмайди? Уни қидириб келсамикин? Онасининг масхараомуз қарашлари, таҳқири туъналарини эслаб, қўл силтади. Марям курсига ўтириб, вақтни қисқартириш учун Жалил ўргатгандек қаламни узмай фил тасвирини чиза бошлади.

Соат миллари 11.30ни кўрсатганида, чўнтағига ўн битта кичикроқ тошчани солиб уйдан чиқди ва анҳор тарафга йўл олди.

Марям белгиланган жойда ўтириб, отасини кута бошлади. Атрофда қора қарғалар қағиллаганча

учиб юришарди. Қирғоқдаги қүшкүнмас ўти поясидан жирканч шиллиққурт ўрмалаб борарди. Маря� оёқдари толгунча кутиб ўтирди.

Йўқ, уйга қайтмайди.

Қиз лозимининг почасини тиззасигача қатлаб, анҳорни кечиб ўта бошлади. У умрида биринчи марта Ҳиротга отланганди.

Ҳирот ҳақида ҳам Нана уни алдаган экан. Ҳеч ким уни қўлини бигиз қилиб кўрсатмади. Ҳеч ким унинг устидан кулгани ҳам йўқ. Марям сарв дараҳтларига бурканган хиёбоннинг гавжум йўлагидан кетиб борарди. Ҳеч ким унга эътибор ҳам бермади. Унинг ортидан бирор «ҳароми» деб бақирганини ҳам эшитмади.

Марям кўзларига ишонмасди. Юраги қувончдан ҳаприқарди. Ёнида мулла Фатҳулла бўлганида янаем яхши бўларди. Унинг жасурлигига офарин айтган бўлармиди? Ахир у қўрқмасдан шундай катта шаҳарда юрибди-я? Энди у отаси, туғишган ака-укалари, опа-сингиллари бағрида бўлади. Энди у ҳеч нарсадан қисиниб-қимтимай, зориқмай яшайди.

У хиёбонни кечиб ўтиб, катта йўл бўйига чиқди. Йўл четида юzlари офтобда қорайган аёллар, болалар турли меваларни сотиб ўтиришар, тўхтаган машинанинг атрофини ўраб олишарди. Марям бир четда туриб қолди. Қизиқ, атрофда шунча мўъжизалар бўла туриб, одамлар нега бунчалар лоқайд, бефарқ бўлишмаса?

У бутун журъатини тўплаб, беқасам чопон кийган извошчидан шаҳардаги кинотеатрнинг соҳиби – Жалилнинг уйини сўради.

– Сен бу ерлик эмасмисан? – сўради чол дўстона оҳангда. – Ахир унинг уйини ҳамма билади-ку!

– Менга кўрсатиб юборолмайсизми?

– Бир ўзингмисан? – сўради чол негадир чўнтагини ковлавб.

– Ха!

– Ўтири, обориб құяман, – деди чол чүнтагидан попукқанд олиб қизға узатаркан. – Ўтирганим билан бари бир мижоз келмайдиган күринади. Уйга кетадиган вақт бўлди. Йўлим шундоқ Жалилнинг уйи олдидан ўтади.

Қиз извошдан жой олди. Икки тарафдан апелсин, шириналыклар, олма ва ноклар сотилаётган дўконлар ўтиб бораради. Арава зирк ва қарагайлар экилган кўчага бурилиб тўхтади.

– Омадинг бор экан қизим, ана, Жалил ҳам уйда экан, машинаси турибди.

Марям чолга раҳмат айтиб, аравадан сакраб тушди. Марям ҳали бирор марта машинани яқиндан кўрмаганди. Машина яп-янги эди, унинг ялтироқ сиртида ҳамма нарса, ҳатто Марямнинг қиёфаси ҳам аксланиб турарди.

Шу чоқ қулоги остида онасининг таҳқиромуз овози янграб, баданига совуқ сув сачрагандек сесканиб кетди. Марям қўрқа-писа дарчага яқинлашиб, деворга суюнди. Девор ортидан фақат ҳовлида ўсган сарв дарахтларининг учлари кўриниб турарди. Оҳиста дарчани чертди.

Эшикни пастки лабларидан нақш чекилган оёқяланг қиз очди.

– Мен Жалилхон соҳибни кўрмоқчиман. Исмим Марям. Мен уларнинг қизлари бўламан.

Ялангоёқ оқсоч қиз унга бошдан-оёқ разм солиб, заиф, ожизгина жилмайди:

– Кутиб тур, мен ҳозир! – дея эшикни ёпди.

Орадан бир оз вақт ўтиб, яна эшик очилди. Бўсағада яғриндор, тунд юзли эркак мудроқ кўзларини ишқалаб турарди.

– Мен Жалилхоннинг ҳайдовчиси бўламан, – деди имкон қадар юмшоқлик билан. – Хўжайнин бир иш билан чиқиб кетган.

– Машинаси шу ерда-ку! – ён бергиси келмади қизчанинг.

– У... зарур иш билан чиқиб кетганди.

– Қачон қайтади?

– Билмадим, айтгани йўқ.

– Мен кутиб тураман.

Эркак дарчани ёпди. Марям тиззаларини ия-гига тираганча ерга ўтириб олди. Кеч туша бошлаганди, унинг қорни очди. Бояги извошчи берган конфетни чайнашга тушди.

Бир оз пайт ўтиб дарчадан яна бояги ҳайдовчининг боши кўринди.

– Уйингга қайтишинг керак, – деди у. – Ҳозир ҳамма ёқ қоронги бўлади, кетолмай қоласан.

– Мен ўрганиб кетганман.

– Совуқ тушяпти, юр, уйингга обориб қўяман.

Хўжайнинг келганингни айтишим мумкин. – Марям бир оғиз гапирмай унга тикилиб тураверди. – Хоҳласанг, меҳмонхонага олиб бориб, жойлаштираман.

– Мен уйга кираман!

– Мумкин эмас. Хўжайнин қачон келишини ҳеч ким билмайди. Балки бир неча кунгача келмас.

Марям қўлларини қўксига қовуштириб олди. Ҳайдовчи ундан кўзини узмай хўрсиниб қўйди.

Қиз тунни Жалилхоннинг дарвозаси олдида ўтказди. У осмоннинг қандай қора пардага ўралиши, қўчаларнинг тун зулматига бурканишини томоша қилиб ўтиради. Бояги хизматкор қиз бир идишда гуруч ва бир бурда нон олиб чиқди. Маряннинг қаршилигига қарамай, у қўлидагиларни унинг олдига қўйиб, ичкари кирди. Кўчага қараган деразалардан чироқлар порлади. Аҳёнат итлар ҳуриши эшитиларди. Ниҳоят, очлик заптига олгач, Марям гуруч билан нонни паққос туширди. Яқин орадаги

боғлардан чирилдоқлар саси янгради. Тепада бу-
лутлар оралаб рангпар ой сузмоқда эди.

Эрталаб уйғонгач, кимдир устини адёл билан
ўраб кетганини тушунди. Уни ҳайдовчи уйғотди.

– Бўлди, етар энди, қани тур, уйингга жўна!

Марям кўзларини ишқалади. Елкалари зирқи-
рай бошлиғанди.

– То келгунича кутаман.

– Менга қара, Жалилхон телефон қилғанди, кел-
ганингни айтдик. У сени зудлик билан уйингга
олиб бориб қўйишимни тайинлади. – Ҳайдовчи
орқа эшикни ёпди. – Кел, қизим, машинага ўтириш!

Марям аранг қўзғалди ва ҳайдовчининг орти-
дан юрди. Сўнг беихтиёр ортига – дарча тараф-
га ўтирилди. Ҳайдовчи унинг елкасидан тутиб
қолмоқчи эди, аммо қиз чаққонлик билан ўзини
очиқ эшикка урди.

Мана, у Жалилнинг боғида турибди. Унинг
кўз олдида орқасида нималардир ўстирилган
ойнаванд деворлар, шифил ҳосилга кирган узум
ишкомлари, сиртига кулранг тошлар қопланган
мармар ҳовуз, мевали дараҳтлар намоён бўлди.

Шу чоқ иккинчи қаватдаги деразадан у ўзи-
га таниш қадрдан чехрани, ланг очилган оғиз ва
бақрайган кўзларни кўрди. Шу чоқ дераза пар-
даси туширилди, аммо энди кеч бўлғанди.

Илкис кучли қўллар қўлтиғидан тутиб, уни
ердан узиб олди. Марям типирчилай бошлиған-
ди, чўнтағига солиб олган тошчалар дув этиб
тўкилди. Уни машинанинг совуқ чарм қоплан-
ган ўринидига ўтқазишганида, ўзини ҳар ёқقا
уриб қичқира бошлиғанди. Ҳайдовчи юмшоқдик
билан уни тинчлантиришга уринар, аммо Мар-
ям унга қулоқ солмасди. Йўл бўйи йифлаб борди.
Унинг юзларидан юмалаётган томчилар алам,
ғазаб, кадар ва чуқур истиҳола кўз ёшлари эди.

Ахир нима сабабдан бу учрашувга шу қадар жиддий ҳозирланди, кимни деб қишлоқдан Ҳиротгача пиёда келди? Нима сабабдан уйга қайтишга унамай, худди дайди итдек күчада тунаб қолди?

Нана огоҳлантирган эди-я? У ҳақ бўлиб чиқди. У энди ойисининг кўзларига қандай тикилади? Наҳот отаси ўз жигарбандининг кўчада тунаб қолишига изн берди? Кўчада-я? Марям ҳеч ким кўрмасин учун юзларини чарм гилофга босди. Бу қандай кўргулик? Ёнида Мулла Фатҳулла бўлганида ҳам унга тасалли берарди. Йўлнинг ярмига бориб, машина ўнқир-чўнқирларда силкина бошлиди. Бундан бу ёғига машина юрмайди. Ҳайдовчи машинани тўхтатиб, Маряннинг тушишига кўмаклашди.

– Юр, ўзим сени уйинггача обориб қўяман.

Улар учқат, сутлами буталари шохлаб кетган сўқмоқдан олдинма-кейин кета бошлишди. Ҳайдовчи қизнинг кўлидан ушлаб анҳорни кечиб ўтди. Нарига қирғоқча ўтиши билан Марям қўлинин тортиб олди ва олдинга қараб чопқиллаб кетди. Ҳайдовчи ҳам унинг ортидан нималарнидир гўлдираб кетаверди. Кутимаганда, ҳайдовчи чаққонлик билан унинг йўлинни тўсди ва қизни орқага итарди:

– Бўлди, қайт, орtingга қайт, кетдик бу ердан!

У кечиккан, Марям ҳаммасини қўриб бўлганди. Мажнунтоллар шамолда беҳол чайқалар, ерда таниш курси ағдарилиб ётарди. Марям аввал тол шохига боғланган арқонни, кейин унга осилиб турган жасадни кўрди...

ОЛТИНЧИ БОБ

Нанани қишлоқ қабристонининг бир чеккасига дағн қилишди. Марям аёллар даврасида, Бибижонинг ёнида турарди. Мулла Фатҳулла узун-

дан-узок дуо ўқигач, әркаклар жасадни лаҳадда туширишди. Мозордан қайтишгач, Жалил Марямни кулбасига олиб борди ва йиғилғанлар олдидә ўзини жигарсұхта, ғамхұр отадек күрсатди. Кейин эса, қизининг ҳамма лаш-лушларини биттә жомадонга жойлаб, «айт, яна нима керак сенга?» деб сұради.

– Фатхұлла ота қаерда?

– Шу ерда эди, ҳозир чақираман, қизим!

Остонада мулла Фатхұлланинг мунқайған гавдаси күриниши билан Марям йиғлаб юборди. Чол Марямни бағрига босди:

– Йиғла, қизим, йиғлайвер, уялма! Фақат өсингде турсин. Яратған әгам ўз каломида «Құлида мулк бўлган ва ҳамма нарсанинг устидан ҳукмрон бўлган зот буюқдир, У қай бириңгиз яхши амаллар қилишингизни билиш учун ўлим ва ҳаётни яратған зотдир, У буюк ва кечиргувчиидир» дея марҳамат қилган («Мулк» сураси, 1-4-оятлар. таҳр.). Бу сўзларда катта ҳақиқат бор. Яратганинг ўзи сенга чиройли сабр ато этсин ва ўзи сендан марҳаматини дариф тутмасин!

Не тонгки, Яратганинг каломи ҳам Марямга таскин беролмади. Унинг қулоқдари остида бошқа сўзлар, онасининг сўнгги гаплари жарангларди: «Агар сен кетиб қолсанг, мен ўламан!» Унинг кўзларидан ситилиб тушаётган томчилар мулланинг қўлларини ивитиб юборди.

Жалил қизни машинасига ўтқазиб уйига опкетди.

– Марямжо, сен энди мен билан яшайсан. Иккінчи қаватда сенга алоҳида хона тайёрлаб қўйдим. Деразаси шундоқ боққа қараб туради.

Марям илк бор унинг сўзларини Нананинг қулоғи билан эшитди. Ҳа, бу сўзларнинг сиртигина

ялтироқ, жозибадор, аслида ҳаммаси сохтакорлик, тилёғламаликдан бошқа нарса эмас. Марям ундан нафратланди.

Машина манзилга етиб келгач, ҳайдовчи эшикни очди ва жомадонини юхонадан олиб чиқди. Улар Марямга таниш бўлган ўша дарча орқали ичкарига киришди. У отасининг бобига киришни икки кун илгари қанчалик орзу қилганди. Аммо ҳаммаси яшин тезлигига ўзгариб кетди.

Қиз шағал тўшалган йўлакчадан бошини эгиб кириб борар, гарчи нигоҳлари ерда бўлса-да, атрофидаги кимсаларнинг унга ўқдек қадалган нигоҳдарини ҳис этарди. Уй ичига кириб, одатига кўра оёқлари остига қаради. Ерга жигарранг, гулдор палос тўшалган, деворга қимматбаҳо гиламлар осилган, токчаларда билур ва чинни идишлар, мармар ҳайкалчалар териб қўйилганди. Жалил узун йўлак бўйлаб қизини эргаштириб бораркан, эшиклардан бирини очди.

– Булар сенинг сингилларинг, Нилюфар билан Атия. Улар баъзан шу хонада ўйнаб туришади. Ўзи бу ер меҳмонхона. Сенга ёқади, деган умиддаман.

Каравот ёпқичидаги нақшлар ҳам ари уяси-ни эслатарди. Деворларда нотаниш одамларнинг суратлари илинган эди. Токчалардан бирида бир-бирига ўхшаш, лекин катта-кичик қўғир-чоқлар туркуми териб қўйилганди.

– Буларни «матрёшка» қўғирчоқлар деб аташади. Москвадан олиб келганман. Уларни истаганингча ўйнашинг мумкин.

Марям каравотга ўтирди.

– Сенга яна нима керак? – сўради Жалил.

Марям каравотга ётиб, кўзларини юмди. Бир оз ўтиб, Жалил хонанинг эшигини ёпиб чиқиб кетди.

...Марям ўз хонасидан деярли чиқмасди. Бу хонадонда уни илк бор қарши олган, лабига нақш

чекилған қыз патнисдан унга ҳар хил таомларни киритарди. Марям эса, күпинча хилма-хил овқаттарға ҳатто құл ҳам урмасди. Жалил кунда бир неча маротаба кириб, ундан хабар олар, нима кераклигини сұрар, истаса, пастда оила аъзолари билан бир дастурхонда овқатланиши мумкинлигини айтар, аммо овозида аллақаңдай ишончсизлик сезилиб туради.

Марям гоҳида бир пайтлар унинг учун беҳад гүзәл ва мафтункор туолған манзараларға ҳиссиз назар ташларди. Бу хонадон әшиги олдида турли машиналар келиб түхтар, ҳар хил ёшдаги, ҳар хил кийинган одамлар келиб-кетиб туар, уларнинг ҳар бирини Жалил алоҳида илтифот билан қарши оларди.

«Онам түгри айтган, мен буларнинг ичида бегонаман, – ўйларди Марям, – Хүш, унда қаер менга бегона эмас? Мен қаерга боришим керак?»

Әртаси куни хонага кичкина бир қызча кириб келди.

– Мен битта нарсани олиб кетмоқчи эдим.

Марям каравотта оёқларини ўраганча жим ўтиради. Қызча тахмондаги шкафдан түртбүрчак қутычани чиқарди.

– Биласанми, бу нима? – деди у қутининг қоп-қофини очаркан. – Бу грам-мо-фон! Унга пластинка қўйса қўшиқ айтади.

– Сен Нилюфармисан? Саккиз ёшдасан-а?

Қызча қулимсиради. Қуйиб қўйғандек Жалилга ўхшаркан. Кулгичлари ҳам худди ўзи.

– Сен қаердан биласан?

Марям индамай елка қисди.

– Қўшиқ эшитасанми?

Нилюфар граммофонни токка улади. Кейин чўнтағидан қоп-қора гардишни олиб, қурилмага ўрнатди. Бояги гардиш айланиши билан хонада дилрабо мусиқа тарауди:

Топсам эди сенга мос калом,
Ёзар эдим гул япрогига
Сен дилимга бахши этдинг ором,
Ва айландинг күз қарогига...

- Сен бу қүшиқни эшитганмисан?
- Йўқ.
- Бу битта Эрон киносидан олинган қүшиқ.
Бу кинони дадамнинг кинотеатрида кўрганман.
Сен кино кўришни хоҳдайсанми?
- Марям ҳали жавоб қайтармай туриб, қизча бошини полга тираб, оёқларини тикка кўтарди.
- Сенам шундай қила оласанми?
- Йўқ.
- Нилуфар бир сакраб, яна ўтириб одди.
- Сен бизникида узоқ турасанми?
- Билмадим.
- Демак, мен сенинг опангман, дейсанми? Лекин ойимнинг айтишича унақа эмас экан.
- Мен бунақа демадим-ку!
- Айтгансан. Фақат, сен ростданам менинг опаммисан, бошқами, менга фарқи йўқ.
- Мен чарчадим, – деди Марям ёнбошлаб.
- Ойимнинг айтишича, сенинг ойингни жин чалган экан, кейин ўлиб қопти.
- Етар, – деб бақирди, аммо ниманидир ўйлаб, овозини пасайтирди. – Илтимос, анавининг овозини ўчир!

Ўша куни уни Бибижо ҳам келиб, кўриб кетди. Ташқаридан ёмғир чепаклаб қуярди. Ўша оқшом Марям ухломай чиқди. Деразадан қоп-қора осмонга тикилди, биринчи қаватдаги қадам товушларига, ҳовлидаги ёмғирнинг шовқинига, девор ортидаги пичир-пичирларга қулоқ тутди. Эндиғина кўзи илинганида, пастдаги жанжал, шовқин-сурон овозидан уйғониб кетди. Жанжаллашаёт-

ганлар кўпчилик эди. Ниҳоят, кимдир жаҳл билан эшикни ёпиб кетди ва овозлар тинди.

Эртаси куни уни кўргани мулла Фатхулла келди. Марям мўйсафиднинг оппоқ соқоли, кемшик табассумини кўриши билан кўз ёшларини тийиб туролмади. Каравотдан сакраб тушди-да, мулланинг қўлларини тавооф қилди.

– Қизим, тузукмисан ўзинг?

– Ўзимни қўлга олишга ҳаракат қиляпман, – деди Марям томоғига нимадир тиқилганини ҳис этиб. – Онамнинг охирги айтган гаплари ҳалиям эсимдан чиқмайди.

– Ҳа, онангни Аллоҳнинг ўзи мағрифатига олган бўлсин, – соқолини тутамлади мўйсафид. – У катта гуноҳга йўл қўйди. Ахир ҳаёт Яратганинг буюк неъмати. Уни қайтариб олишга ўзидан бошқа ҳеч ким ҳақли эмас. Бахтсизлик онанинг пешонасиға битилган экан. Бунда сенинг заррача айбинг йўқ, қизим!

– Мен уни ташлаб кетмаганимда...

– Бунаقا гапларни қўй. Ўзингни бекорга сиқиб қўясан.

Орадан бир ҳафта ўтиб, пешин пайти Марямнинг эшиги тақиллади. Хонага оқ юзли, бармоқдари узун-узун,mallasoch aёл кириб келди.

– Менинг исмим Афсун, – деди аёл. – Нега сен хонангдан чиқмайсан? Бизнинг олдимизга тушмайсан?

– Йўқ, мен шу ерда овқатланавераман

– Сен мени тушунмадинг, пастга туш, сен билан гаплашиб оладиган гапимиз бор.

ЕТТИНЧИ БОБ

Жалил ва унинг хотинлари узун столнинг атрофига ўтириб олишганди. Марям қимтинибгина уларнинг рўпарасидан жой олди. Бояги малла-

соch Афсун эркакнинг ўнг тарафидан жой олган, Наргис ва Хадича эса, чап тарафда ўтиришарди. Аёлларнинг елкаларига ҳарир қора рўмоллар ташланган эди. Афсун стол устидаги кўздан стаканга сув қўйиб, Марямнинг олдига қўйди.

– Ҳали баҳор тугагани йўғу, иссиқни қара!

– Қалай, уйимиз сенга ёқдими? – сўради қоп-қора соchlари пешонасига тушиб турган Наргис. – Сени тушунамиз. Буям Яратганинг бир синови, Худо сабр берсин!

Бошқа хотинлар ҳам худди ҳамдардлик билдиргандек бош иргаб қўйишиди.

Марям боши фувиллаб, томоги қуриётганини ҳис этди. Стакандан бир ҳўплам сув ичди.

– Демак, бундоғ, – гап бошлади Афсун. – Мен... тўғрироғи, биз, сени бу ерга бир қувончли янгиликни етказиш учун чақирдик.

Марям илкис бошини кўтарди. Аёллар бир-бири билан маъноли кўз уриштиришиди. Жалил маъносиз нигоҳини стол устидаги кўздан узмай турарди. Бу гал Марямга кўринишдан аёлларнинг энг каттаси бўлган Хадича юзланди:

– Сени эрга бердик.

Марямнинг ичидан нимадир узилгандек бўлди:

– Ким...га?

– Рашид исмли йигитга. Отангнинг яқин ҳамкорларидан бирининг таниши. Рашид асли пуштун, Қандаҳорда туғилган, Кобулда, Деҳи Мазанг туманида яшайди. Икки қаватли уий бор.

Афсун Хадичанинг гапини маъқуллаб, бош иргади.

– Форсчани ҳам ўзимиздек гапиради. Пуштунчани ўрганиб ўтирмасанг ҳам бўлади.

Марямнинг назарида бутун хона ва ундаги нарсалар чирпирак бўлиб айлана бошлади.

– Рашид этикдўз, – гапни яна илиб кетди Хадича. – Йўқ, йўқ, кўчада болғасини тақиллатиб ўтирадиган ямоқчи эмас. У Кобулдаги энг таниқли этикдўзлардан, ўзининг дўкони бор. Унга дипломатлар, президентнинг оила аъзолари ҳам буюртма бериб туришади. Хуллас, ўзига тўқ, ишончли одам.

Марям бир оз ўзини босиб, Жалилга синовчан назар ташлади. Унинг қалби қафасдаги қушдек потирларди.

– Ростми, шу гаплар ростми?

Жалил бошини кўтариб қаролмади. Лабини тишлаганча, кўздан кўз узмай ўтираверди.

– Фақат у сендан анча катта, – деди Афсун.

– Ёши... қирқларга бориб қолган. Нари борса, қирқ бешдадир? Ўзинг айт, Наргис?

– Ҳа, бизнинг пайтимизда тўққиз ёшли қизчаларни олтмишдан ошган эркакларга ҳам узатиб юборишарди. Бунақаларини кўп қўрганмиз. Сен нечага чиқдинг? Ўн бешгами? Айни етилган, эрга тегадиган пайтинг!

Аёллар бирдан жонланиб,чувиллаб кетишиди.

«Опаларим Саида билан Ноҳид-чи? Ахир улар мендан катта-ку! Ҳозир «Мехри» аёллар мактабида ўқишидаи. У ерни битириб, Кобул университетига ўқишига кирмоқчи. Улар ҳали етилмаганмикин?»

– Айтганча, унинг ҳам бошига оғир мусибат тушган, – давом этди Наргис. – Ўн йил илгари хотини туфуруқ пайти дунёдан ўтган. Уч йил аввал ўғли қўлга чўкиб кетган.

– Бечорага ёмон жавр бўпти-ю шу пайтгача ўзига муносиб хотин тополмагани учун уйланмапти бояқиши!

– Керакмас, – деди Марям Жалилдан кўз узмай.

– Мени мажбур қилманглар, мен эрга тегмайман.

– Ақл билан иш тут! – Марям бу гапни қайси аёл айтганини англашга уринмади ҳам. У фақат Жалилнинг фикрини кутарди.

– Ахир, бутун умр шу ерда қолиб кетмассан?

– Нима, сен ўз оиласаң бўлишини истамайсанми?

– Ўз уйинг, болаларинг...

– Тўғри, иложи борича сени ўзимиз тарафда турадиган, тоҷик қавмига узатмоқчи эдик. Лекин, ўйлаб қарасақ, Рашид бизга ҳар тарафдан маъқул келаркан. Ўз уйи, иши бор. Энг асосийси, шу-да! Яна нақ Кобуда, пойтахтда турасан! Ажойиб шаҳар! Бошқа бунақа имконият бўлмаслиги мумкин.

– Мулла Фатхулланикига бораман. У менга уйидан жой беради, – деди Марям ўжарлик билан. – У уйидан жой беради.

– Уни нима қиласан? – сўради Хадича. – У бир қари чол бўлса, бунинг устига...

Хадича гапини қандай давом эттиришни билмай каловланиб қолди.

«...Бунинг устига у бизга яқин жойда яшайди» дея хаёлан ўгай онасининг гапини тугатиб қўйди Марям. Ҳа, улар ҳам бундай имкониятни қўлдан чиқаргилари йўқ. Улар Марямни иложи борича ўзларидан узокроққа жўнатиш тараддудида.

– Мулланинг шарти кетиб, парти қолган, эртага ўлиб-нетиб қолса, кейин нима қиласан? Унинг оиласи учун бошогриғи бўласан қоласан!

«...Худди ҳозир сизлар учун бошогриқ бўлиб турганимдек!»

Марям олис, нотаниш Кобулни кўз олдига келтиришга уриниб кўрди. Жалил айтганди: Кобул Ҳиротдан 650 километр узоқликда экан. У ҳозиргача ўз кулбасидан нари борса икки чақирим узоқлашган, холос. Кобул қанақа жой ўзи? Кимнинг уйига боряпти? Қанақа эркак бўлди у? Бир

марта Нана унга әркаклар хотин зотидан қандай расво нарсаларни талаб қилишини айтиб берганди. Шуни эслаб, титроққа тушди.

У яна Жалилга үгірилди:

- Айтинг, айтинг, уларга мени тинч қўйишиш! – Отанг совчиларга аллақачон розилик берган, – ҳозиржавоблик қылди Афсун. – Рашид ҳозир Ҳиротда, сени деб, Кобулдек жойдан келиб ўтирибди. Эртага әрталаб никоҳ ўқилади. Пешинда автобус Кобулга жўнаб кетади.
- Ахир, гапирсангиз-чи? – қичқирди Марям. Аёллар ҳам жим қолганча унга қарашиди. Жимлик. Жалил қўлида никоҳ узугини айлантириб ўтирарди. Унинг юзларида ожизлик ва иложсизлик аломати зуҳур этарди.
- Бирор нима денг, – яна хонада Марямнинг овози жаранглади.

– Минг лаънат, – деди Жалил ингичка, титроқ овозда. – Сен менга бунқа оҳангда гапирма!

Нима? Отаси айтдими шу гапни! Марям кўзларини юмганча жим қолди. Аёллар яна алланималарни ошириб-тошириб мақташди. Аммо, энди Марямнинг қулоғига гап кирмасди.

САККИЗИНЧИ БОБ

Эрталаб Афсун Марямга зангори камзул, оқ лозим, кўк рўмол ва бошмоқларни топширди. Марямни ўша, таниш хонага олиб киришди. Узун столнинг устида, вазада, шакарли бодом, унинг ёнида эса, Қуръон, кўк чодра ва ойна қўйилган эди. Стол атрофида иккита әркак ва мулла ўтирарди.

Жигарранг костюм кийган, қизил галстук тақиб олган, майин соchlари эндиғина ювилган Жалил қулимсирашга уриниб, Марямга ўтирга-

ни жой кўрсатди. Хадича билан Афсун ҳам унинг ёнидан жой олишди.

– Чақиринглар, – деб кимгadir буюрди Жалил.

Ҳали куёв кириб келмасидан, хонага тамаки тутуни ва ширин одеколон ҳиди оқиб кирди. Жалилдан ҳеч қачон бунаقا ҳид аниқмасди. Остонада кенг ягрини, баланд бўйли эркак пайдо бўлди, унинг ҳайбатини кўриб, Марямнинг нафаси ичига тушиб кетди. Кейин уялиб, кўзларини ундан олиб қочди. Куёв шаҳдам қадамлар билан столни айланиб ўтиб, Марям ўтирган қатордан жой олди.

– Билишимча, Рашид оға автобусга Кобулгача билет сотиб олган, – деди мулла қироат билан. – Келин-куёв тез орада жўнаб кетиши лозим. Вақтни тежаш учун биз расм-русумларни тезлатишимиз лозим.

Мулла аввал никоҳнинг вожиблиги, эр-хотиннинг бурчлари ҳақида бир оз маъруза қилди. Аввал Жалилдан никоҳ тузилишига розилигини сўради. Жалил бош иргади.

Кейин Рашиддан розилик сўралди. Рашид дағал овозда «ҳа» дея жавоб берди.

Марям жим эди. Аёллардан кимдир сўз қотди:

– Рози, рози!

– Ўзи жавоб берсин, – деди мулла. – Одатда келин бўлмишдан розилик уч марта сўралади.

Савол яна икки маротаба қайтарилиди. Жалил турган ерида безовталаниб типирчилай бошлади. Кейин қизи тарафга эгилди:

– Марям, қизим!

– Ҳа, – деди Марям овози титраб.

Ниҳоят, Марямга ойна тутишди. Марям аввал ўз аксига боқди: қошлари нотекис, соchlари заиф ва жонсиз, маҳзун мовий кўзлари шу қадар яқин жойлашганки, бир қарашда уни филай деб

ўйлаш мумкин, териси ҳам дағал, пешонаси ҳаддан ташқари кенг, ияги эса, худди чархланган-дек ингичка... Ҳа, унда гүзәллик нишоналарини топиш қийин, айни дамда хунук ҳам деб бўлмас, алланечук истарали қиз эди.

Ойнадан биринчى марта у Рашидга яхшилаб назар солди: унинг чорпаҳил юзида маккорлик ва олижаноблик учқунлаб турар, бурни қиррадор, иккита курак тиши одинга туртиб чиққан, қошлари жар лабидаги янтоқдек осилиб турар, қалин, қуюқ соchlари орасидан оқ толалар яққол кўзга ташланарди.

Дафъатан кўзгуда уларнинг нигоҳи тўқнашиб кетди.

Шундан сўнг Рашид чўнтагидан никоҳ узугини чиқарди, гарчи узук торроқ бўлса-да, тезкор ҳарат билан уни қизнинг титроқ бармоғига жойлади.

– Вой, мунча чиройли узук экан, – деди аёллардан кимдир.

Никоҳ шартномаси имзоланди. Марям мим, ро, йо ва яна мим ҳарфидан иборат исмини хужжатнинг белгиланган ерига ёзди. Орадан яна 27 йил ўтиб, худди шундай мулла ва гувоҳлар иштироқида яна бир хужжатта имзо чекишини у ҳали билмасди.

– Ҳозирдан бошлаб, сизни эр ва хотин деб эълон қиласман ва табрик этаман, – деди мулла ва никоҳ хутбасини ўқишига тушди.

...Ниҳоят, Рашид автобусда ўтирганча, сигарет пуркар, тамаки тутуни очиқ ойнадан осмонга кўтарилади. Марям Жалил билан автобус олдида туришар, атрофни таниш-нотаниш болалар, хотин-халаж ўраб олишганди. Жалил қизига Кобулни мақташдан оғзи тинмасди.

– Қизим, ҳатто бутун Ҳиндистонни забт этган Мирзо Бобур ҳам жасадини Кобулга дафн этишини васият қилган.

Марям қўйиб берса отаси лаби-лабига тегмай
Кобул таърифига тушиб кетишини билиб, шарт-
та гапини бўлди:

– Мен ҳамиша сизни дуо қиласдим, – деди
Марям ўпкаси тўлиб. – Пайшанба келишини қу-
тиб, кўзим тўрт бўларди. Сал кечиксангиз, отам
тинчмикин, саломатмикин, деб ўзимни қўярга
жой тополмасдим.

Жалил негадир қўлини қўксига қўйиб олди:

– Йўл узоқ, асалим, бирор нарса еб оласанми?
Нон, пишлок олиб берайми?

– Худодан сизга юз йил умр сўрардим. Аммо,
мен сиз учун уят ва лаънат тамфаси эканимни ўй-
ламаган эканман.

Жалил худди ёш боладек кўзларини пирпира-
тиб, туфлисининг учи билан ер чиза бошлади.

– Қизим, мен сени кўргани Кобулга бориб ту-
раман. Биз...

– Керакмас. Энди овозингизни ҳам эшишишга
тоқатим ийқ. Орамизда ҳаммаси тугади, хайр!

– Ахир, бунақамас-да, – ёлворарди Жалил.

Марям автобус олдидағи оломонни ёриб, ол-
динга ўзини урди. Сурма эшиклар ёпилганида
Жалилнинг бўғиқ овози эшитилди:

– Марямжо!

Марям салонга кириб, Рашиднинг ёнидаги бўш
ўриндиқقا жойлашди. Кўз қири билан автобус би-
лан ёнма-ён чопиб бораётган отасини қўрди. Ке-
йин отаси орқада, оппоқ чанг ичида қолиб кетди.

ТЎҚҚИЗИНЧИ БОВ

– Мана, Деҳи Мазангга етиб келдик, – хирилла-
ди Рашид бир қўлидан жомадонни тутиб, иккин-
чиси билан ёғоч дарчани очаркан. – Бу шаҳар-

нинг жануби-ғарбий қисми. Ёнимизда ҳайвонот бори бор. Университет ҳам яқин.

Марям ҳорғин бош иргади. У эрининг пуштунча талаффузига күникишга урина бошлади. Чунки, эрининг она шаҳрида ҳамма пуштунча гапиради. Эри эса форсийнинг Ҳирот лаҗжасини яхши тушунадиган күринади.

Марям бир-бирига туташиб кетган томсувоқ уйларга, шаҳарнинг тақадек ўраб олган баланд тоғизмаларига қаради. Рашиднинг уйи иккى қаватли бўлиб, кўкка бўялган, аммо бўёқлари ҳам ўча бошлаганди. Ҳовлининг саҳни сарғая бошлаган ўталаф билан қопланган экан. Уйнинг ўнг томонида омборхона кўзга ташланар, чапда насос билан сув чиқариладиган қудуқ бор эди. Деворга эса, эскироқ велосипед суюб қўйилганди.

– Отангнинг айтишича, балиқ овини ёқтираскансан, – деди Рашид. – Шимол тарафимизда дарё оқади. Балиқ мўл. Сени бирор куни олиб борарман.

Уй эшигини очиб, Марямни уйига таклиф қилди. Албатта Жалилнинг уйи бундан каттароқ ва сарнжом эди. Аммо, онаси билан истиқомат қилган кулбага қиёсланса, бу уйни қаср дейиш мумкин эди. Рашид унга ошхонада турган идиш-товоқларни кўрсатди. Мехмонхонада чарм қопламали яшил диван, стол, яланг деворлар бўйлаб ёғоч кресло ва йигма стуллар жойлаштирилган эди.

Марям хонанинг ўртасида туриб ҳамма ёққа сер солиб чиқди. Бу уйдаги ҳамма нарса ҳозирча унга тамоман бегона эди. Гарчи бу хона онаси билан ўсган уйга қараганда анча кенг бўлса-да, нимадандир нафаси сиқила бошлади. Тамаки ҳидиданми ёки юзлаб чақирим ортда қолган қадрдон кулбаси соғинчиданми, билолмади...

Кўз олдидан Нана, мулла Фатхулланинг қадрдон сиймоси ўтиб, йифлаб юборди.

– Нима бўлди? – Рашид меҳрибонлик билан шалворининг чўнтағидан дастрўмолча олиб, Марямнинг қўлига тутқазди ва ундан кўз узмай, деворга суянганча сигарет тутатди. Марям рўмолчани кўзларига босди.

– Ўтиб кетдими?

Марям бош иргади. Эри унинг қўлидан ушлаб меҳмонхона деразаси тарафга бошлади.

– Қара, рўпарамизда Асои тоғлари ястаниб ётибди, чапда эса Алиобод тоғи. Унинг шундоқ этагида университет жойлашган. Шарқда, – бу ердан кўринмайди, – Шердарвоза тоғ тизмалари ястаниб ётади. У ерда ҳар куни пешинда тўп отилади.... Бўлди-да энди, йигини бас қил... Мен кўз ёшига тоқат қилолмайман. Айниқса, аёл киши йиғлаб турса!

– Уйга кетгим келяпти, – ҳиқиллади Марям.

Рашид асабий хўрсинди. Марямнинг димогига яна қуюқ тамаки ҳиди урилди.

– Бу гал индамадим, лекин бундан кейин... – У хотинининг қўлидан тутиб, тепага кўтарилди. Тор, қоронги йўлак иккита ётоқхонага олиб кирарди. У ердаги жиҳозлар ҳам ўртамиёна хонадонга хос эди.

– Бу менинг хонам, – деди у биринчи ётоқни кўрсатиб. – Сен наригисида ётасан, майлимим? Мен ёлғиз ухлашга одатланганман.

Марям енгил нафас олди. Унга ажратилган хонада битта каравот, иккита катта-кичик шкаф қўйилганди. Дераза ҳовлига қараган бўлиб, девор оша кўчанинг бир қисми кўриниб турарди.

Рашид жомадонни бурчакка қўйди. Марям каравотга ўтирди.

– Анавиларни кўрдингми? – Рашид дераза ток-часида, саватда турган табаргулларга имо қилди.

– Сен учун атайнин Ҳиротдан харид қилғанман. Қалай, сенга ёқдими?

– Ҳа, ташаккур, – деди Марям нечукдир овози титраб.

– Сен... мендан құрқяпсанми?

Марям ерга қараб бош чайқади. Бу унинг оиласвий турмушидаги илк ёлғон эди.

– Унда яхши. Бу сенинг уйинг. Уйимизга электр ўтказылған. Аммо, кундузлари гоҳида токни узиб қўйишишади. – Рашид яна нимадир дейиш учун оғиз жуфтлади, аммо, негадир фикридан қайтдими, хонадан индамай чиқиб кетди.

ЎНИНЧИ БОБ

Дастлаб бир неча кун Марям хонасидан чиқмади. У ҳар эрталаб бомдод азонидан уйғониб, намозини ўқир, кейин яна кўрпасига ўраниб ухларди. Рашид эрталаб ювиниб, устахонасига кетищдан аввал унинг ёнига кирганида, Марям ҳали ётган бўларди. У деразадан қараб, эрининг велосипед юкхонасига тушлик солинган идишни чилвир билан боғлаб, ҳовлидан чиқиб кетаётганини кўрарди.

Кундузи Марям кам ҳолларда каравотидан турарди. Фақат зерикиб кетганидагина ошхонага кириб, турли тортмаларда турган қошиқ, санчқи ва бошқа рўзгор анжомларини кўздан кечириб чиқарди.

Қишлоқдаги кулбасида муайян бир пайтда қорни очқарди. Бу ерда эса, очликни камдан-кам ҳис этарди. Унга нонуштадан қолган гуруч ва суви қочган ноннинг ўзи етиб ортарди. Деразадан кўчадаги бир қаватли уйлар, ҳовлиларда кир ёяётган, боласини опичлаб юрган хотинларни,

донлаб юрган товуқлару кавш қайтараётган си-
гиirlарни бемалол күриш мумкин эди.

Кеч кириши билан Марямни хавотир босарди.
Ишқилиб, бугун кечкүруун Рашид ўзининг эрлик
вазифасини бажаришга киришмасмикин, деган
ўй унга тинчлик бермасди. У каравотига чўзил-
ганча, эрининг кечки овқатини еб бўлиб, хонаси-
га чиқишини юраги безиллаб кутарди.

Овқатини еб бўлгач, Рашид албатта унинг қо-
ронғи хонасига бош суқарди:

– Ухлаяпсанми? Ҳали соат етти бўлмасдан-а?
Уйғондингми?

– Уйгоқман, – Марямнинг шу овозидан кейин
эри хотиржам тортарди.

Рашид эшик кесакисига суюнгача, сигарет
буруқситар, куннинг қандай ўтганини, ташқи
ишлар вазирининг ўринбосари буютирган мо-
касинининг пулини тўлаб кетгани, полшалик
дипломат хотини билан сандал тиктираётганини
эринмасдан айтиб берарди.

Кейин Рашид оёқ кийимлари билан боғлиқ
иirim-сиrimларни сув қилиб ичиб юборганди:

– Пойабзални каравотни тагига қўймаслик
керак – ўлимни чақирган бўлади. Биринчи чап
оёққа киймаслик керак – жанжал чиқади. Бо-
тинка ипини бир-бирига боғлаб михга осиш ҳам
ёмонлик аломати эмиш. Умуман бунақа иirim-si-
rimлар жуда кўп – лекин мен уларга ишонмай-
ман, шунчаки қизиқаман, холос.

Баъзида Рашид сиёсий янгиликларни ҳам хо-
тинига ҳикоя қилиб беришга уринарди. Аммо,
Марям сиёсатга умуман қизиқмасди. Унинг учун
эри тезроқ сигаретасини ўчириб, хонасига чиқ-
са, бўлди. Фақат эрининг эшиги фичирлаб ёпи-
гандагина, унинг кўнгли ором топарди.

Бир куни у сигаретини ўчиригач, чиқиб кетмади.

– Менимча, етар шунча пайт эркалик қылғанинг. Ҳали жомадонинг даҳлизда турибди. Энди ҳаммасига кү尼克кандирсан? Бир ҳафта ўтди, сен эса... Эртадан бошлаб, ўзингни менинг хотинимдек тутасан, тушундингми?

Марямнинг тишилари тақиlldади:

– Ҳ...ҳа, тушундим!

– Бу бошқа гап, сен нима деб ўйловдинг? Бу ер сенга меҳмонхона, мен эса, карвонсарой эгаси эмасман! Эй, Худо, мен сенга кўз ёшни ёқтирамайман, дебмидим? Марям!

Эртаси куни эри ишга кетиши билан Марям жомадондаги нарсаларни шкафга жойлаштириди. Кудуқдан сув олиб, ойналарни артиб чиқди. Полларни ювиб, бурчаклардаги ўргимчак тўрларини тозалади, уйни тартибга келтирди. Кейин ошхонада қутилар ичидан қолган-қутган сабзи, картошка ва озроқ ловия топиб олди ва қозонга солди. Супрада қолган бор ун билан хамир қориб, нам латтага ўради. Кейин рўмолини бошига ташлаб, кеча эри айтган йўналиш бўйича новвойхонага йўл олди. (Одатда, Кобулнинг айрим маҳаллаларида аёллар уйда хамир қориб, пиширишиб олиш учун новвойхонага олиб боришади.)

Рашид унга ўргатган – кўчадан аввал чапга, кейин ўнгга қайрилиш керак. Новвойхонани то-пиш қийин бўлмади. Бу ерда болалар ва аёллар нон ёпиб олиш учун навбатда туришарди. Хотинлар баланд овозда гаплашишар, ҳазил-хузул қилиб, кулишарди. Кимдир эрининг қиморбозлигидан, яна бирори қайнонасиининг зулмидан, бошқаси эридан пул ундиrolмаётганидан нолирди. Марям ажабланди: ростдан уларнинг эрлари шунаقا норавомикин ёки эр зотидан нолиш хотинлар учун хамир қориш, ош пиширишдек кун-

далиқ юмушга айланиб қолганмикин? Тез орада ўзи ҳам уларнинг сафидан жой оладими?

Марям навбатда туриб, ўзига нисбатан қизиққон нигоҳлар, шивир-шивирларни пайқади. Бирданига кафтлариғача терлаб кетди: унинг ҳароми экани, отаси, оиласи учун иснод келтириб, онасининг ўлимига сабабчи бўлгани ҳаммага маълум бўлдимикан?

Шу чоқ кимдир унинг елкасига шапатилади. Марям ўтирилиб қаради. Қаршисида рангпар, қорасоч, кулчаюз, Марямдан кўра этлироқ, бағбағасида катта холи бор, мовий қўзлари чақнаб турган аёлни кўрди.

– Рашидジョンнинг янги хотинимисиз? – сўради мовийкўз аёл. – Ҳиротдансиз-а? Вой, мунча ёшсиз? Исмингиз Марямжомиди? Мен Фарибаман, сизлардан беш дарвоза нарида турамиз. Яшил дарчали уй. Бу эса, ўғлим Нур.

Болакайнинг қувноқ юзи, қуюқ соchlари онасига ўхшаб кетарди.

– Салом, холажон!

– Нур тўққизга кирди. Ақасининг оти Аҳмад.

– Унинг ёши ўн учда! – кўшиб қўйди Нур.

– Болаларимни «каттаси» қирқقا кирди, – ҳазиллашди Фариба. – Эримни айтаман, Дехи Мазангдаги Ҳаким муаллим десангиз, ҳамма танийди. Уйимизга юринг, қоқиндиқ, бир чойлашардик.

Шу пайт бошқа хотинлар ҳамчуви лашашиб Марямни ўртага олишди:

– Демак, сиз Рашиднинг хотини экансиз-да!

– Кобулга кўникиб қолдингизми?

– Ҳиротда менинг амакиваччам яшайди.

– Бириничисига ҳаракат бошландими?

– Қиз кутяпсизми, ўғил?

– Ҳиротнинг миноралари зўр, а?

– Биринчиси ўғил бўлгани яхши!

– Бе, боқиб-боқиб охири, битта хотинга қүшкүллаб тутқазасиз-да!

– Ўғил наслнинг давомичиси бўлади-да!

Марям шошиб қолди. Нафаси тиқилиб, қулоги шангиллади. Кўзи тиниб, ортига тисарилди. Бироқ аёллар иҳотасида қолганини пайқади. Марям нажот кутгандек Фарибага мўлтиради.

– Намунча ҳаммаларинг ўраб олдинглар? Кўйинглар, ўтиб кетсин! Юрагини ёрасизлар-ку!

Марям хамирни кўксига босганча издиҳомни ёриб чиқди. Кўча бўйлаб ортига югура бошлади. Йўқ, у бошқа кўчага қайрилган кўринади. Буям етмагандек, орқага қайриламан деб, тошга қоқилиб ийқилди. Тиззасида кучли оғриқ сезди.

– Ёмон лат емадингми, синглим?

– Ие, тиззанг қон-ку!

Марям ўрнидан сапчиб турди-да, яна югуриб кетди. Яна бир бурилиш. Мана уларнинг кўчаси. Рашиднинг уйи қани? Маряннинг кўзлари ёшланди. Дарвозаю дарчалар бир-бирига ўхшайди. Манави дарча ёпиқ экан. Кейингисида товуқ ва жўжалар кўринди. Уларникида ҳеч нарса йўқ эди. Ҳозир эри ишдан қайтган, у эса, уйни тополмай сарсон. Марям йифламсираб, дуо ўқишга тушди.

Бу ҳовлимас, бунисиям. Мана топди. Омборхона, айвон, қудуқ... Худога шукур. Марям ичкарига кириб, дарчани тамбалаб олди ва деворга суюниб кўзларини юмди. Шу пайтгача ўзини бу қадар ёлғиз ҳис этмаганди.

Ўша куни Рашид уйга қандайдир тугунчани кўтариб келди. У артилган ойнага ҳам, ювилган полга ҳам эътибор қаратмаганидан Марям бир оз оғринди. Овқат ҳам қозонда тайёр эди.

– Сизга дол (афғонларнинг қийма, ясмиқ ва кўқпиёздан тайёрланадиган анъанавий таоми) пишириб қўювдим, – деди ийманиб.

– Яхши. Опкел, очман!

Рашид қўлини ювиб, артингунча, оппоқ дастурхон устида бир коса дол ва бир тақсимчада қайнатилган гуруч турарди. Марям эрига илк бор овқат пиширди: боя овқат тайёrlаётганида кўчадаги воқеадан анча ўзини йўқотиб қўйганди, ишқилиб қўли қалтираб, мурч ё занжабилни кўп солиб юбормадимикин?

Рашид бир қошиқ овқатни оғзига соглунча Марямнинг нафаси бўғилиб қолаёзди. Э Худо, овқат емай косани башарасига отса-чи?

– Иссик, эҳтиёт бўлинг! – аранг пичирлади Марям.

– Мазали чиқибди, – деди Рашид. – Сал тузи кўпроқ, лекин зўр!

Марямнинг елкасидан тоғ қулади. Эрига овқати ёқибди. Ич-ичидан алланечук енгилик ҳис этди.

– Эртага якшанба. Истасанг сен билан Кобулни айланамиз. – У шундай дея бояги тугунчани очиб, ичидан мовий чодра ва узун кўйлакни олди. – Кўпинча мижозларим хотини билан келади дўконга. Ҳаммасининг юзи очик, кўзини лўқ қилиб қарашдан ҳам тоймайди. Лабларини бўяб, тиззадан келадиган юбкаларни кийиб юришади. Баъзан уларнинг оёқ ўлчамини олиш учун оёқдарига қўлимни теккизсам ҳам, миқ этмай тураверишади. Эрларига ҳам фарқи йўқ. Улар ўзларини замонавий кишилар деб билади. Ор-номуси топталаётгани билан иши йўқ.

Рашид афсуснамо бош чайқади.

– Улар асосан Кобулнинг бойлар турадиган қисмидан. Эртага мен билан борсанг ўзинг кўрасан. Лекин бунаقا беномуслар бизнинг кўчада ҳам бор. Биттаси – Ҳаким муаллимнинг хотини Фариба. Бошида битта рўмолча билан шаҳар айланади. Эрини бир пулга олмайди бу хотин.

У Марямга қатъий кўз тикди:

– Мен бунақа даюслардан әмасман. Бизнинг қавмда биттә ноўрин қараң билан қон түқилиши мүмкін. Мени тушундінг-а?

Марям бош иргаб ерининг құлидаги чодрани олди. Айни дамда қаршиисида күнгилчан, самимий эри әмас, иродаси Сафедкүх қояларидан мустаҳкам инсон ўтирганини англаң етди.

ҮН БИРИНЧИ БОБ

Марям умрида илк бор чодра кийди. Үнга Рашид күмаклашиб турди. Бошига бу оғир, қалин чодрани кийганида аввалига ичи сиқилиб кетди. Кейин узун куйлакни кийиб, хона бўйлаб юриб кўрди. Этаги бирар узун эканки, оёғига ўралашиб қоляпти. Чодранинг бир учи оғзига кириб кетаман дейди.

– Ҳали ўрганиб кетасан, – таскин берди эри. – Ҳали бу кийим сенга ёқиб ҳам қолади.

Улар Шаҳринав хиёбонигача автобусда боришиди. Бу ерда болалар аргимчоқларда учишар, тўпни баланд тўрсаватта отиб ўйнашар, варрак учиришарди. Кейин улар Ҳожи Ёқуб масжиди ёнидаги кабобхонага киришди. Кабобхонанинг поли сирпанчиқ бўлиб, тутун ва хом гўшт ҳиди анқиб турар, баланд мусиқа овози қулоқни тешгудек бўларди. Озгин кабобпаз йигит кўра устидаги сихларни бир қўли билан чаққон айлантириб, иккинчи қўлидаги елпигич билан елпиб кўмирни яшнатарди. Марям аввалига бегона одамларга тўла бу жойда ўтиришдан ўнгайсизланди. Ҳар бир бўлак луқмани оғзига солиш учун чодранинг бир четини очиб ёпиш ҳам үнга эриш туюлди.

Улар кўчаларни айланишаркан, Рашид йўл-йўлакай учраган биноларни, машиналарни таништириб борди:

– Манави Америка элчихонаси, буниси Ташқи ишлар вазирлиги, манави ялпоқ машина шўранийлар чиқарган «Волга», буниси Америкада чиқадиган «Шевроле», бу немисларнинг «Опел»и...

Кобул Ҳиротдан анчайин фарқ қиласар, бу ерда дараҳтлар кам, машиналар эса, анча кўп эди. Ўйлар ҳам баландроқ, кўчаларда ҳар қадамда уч рангли чироқлар машиналарни тўхтатиб-юргизиб туради. Кобулликларнинг лаҳжаси ҳам унга ғалати туюлди. Улар исмларга қўшиб ишлатиладиган «жо» қўшимчаси ўрнига «жон» дейишар, «ҳемшири» (сингил) демасдан «ҳамшира» дейишаркан.

Рашид Марямни музқаймоқ билан сийлади. Бирам мазали эканки. Марям умрида бунақа роҳатижон шириналлик емаганди.

– Бу ер Кўчаи Мурғо, яъни Товуқкўча, – танишитирди Рашид катта-кичик дўконларга тўла кўчага бурилишганда. – Бу ерда асосан чет эллик дипломатлар, савдогарлар, қироллик хонадони вакиллари яшашади.

– Товуқдар қани? – соддалик билан сўради Марям.

– Э, бу кўчадан товуқнинг тухуминиям тополмайсан, – кулди Рашид. – Кимдир қачондир шунақа от қўйиб кетган-да!

Дўконларда қоракўл телпаклар, ранг-баранг гиламлар, турфа хил чопонлар илиб ташланганди. Рашид дўкондорларнинг айримлари билан бош иргаб сўрашар, яна бировлари билан қўл олишиб, ҳатто қучоқдашиб кўришарди.

Марям кўчадаги аёлларга кўз ташлади. Чиндан ҳам «замонавий» аёллар кўп экан. Юзлари очиқ, пардоз-андозлари ўрнида, елкаларида сумка. Кўзларида қора кўзойнак тақиб олган, баланд пошнали туфли, калта юбкаларда кетаётган хонимларни ҳам кўрди. Битта аёл ҳатто лабига сигарета қистириб машина ҳайдаб ўтди. «Улар университетни тутгатган бўлишса керак», – ўйлади Марям.

Рашид шу пайт унинг елкасидан секин туртиб құлға нимадир тутқазди. Зар иплар ва мунчоқлар қадалган яшил рўмолни кўриб, Маряминг кўзлари яшнаб кетди.

– Мунча чиройли, – ҳайратини яширолмади у.

Ўша куни кечқурун яна Рашид унинг хонасига ташриф буюрди, фақат бу гал эшикка суюниб сигарет тутатмади. Бир ҳатлаб Маряминг каравоти ёнига келди, у ўтириши билан каравот тўри фижирлаб кетди.

Оҳиста дағал кўллари билан Маряминг юзи, бўйини сийпалади. Сўнг бесаранжом бармоқлари унинг ёқасидан ичкари сирғалди.

– Керакмас, – шивирлади Марям.

Ойнинг кумуш ёғдуси эркакнинг миқти танаси, бақувват елкалари, кенг, жундор кўкрагани ёритиб турарди. Рашид унинг чап сийнасиги қаттиқ фижимлади. Ингроқ овози эшитилди. Мана, улар адёл остида ёнма-ён ётишибди. Титроқ кирган бармоқлари билан иштонбогини бўшатди ва пишиллаганча, хотинига ёпишди. Марям пиқ-пиқ йифлаганча, кўзларини юмди, тишини-тишига босди.

Кескин ва ўткир оғриқни ҳис этди. Марям бир қўлининг билагини тишлаб, иккинчиси билан Рашидни бағрига босди. Бўйнида эрининг иссиқ нафасини ҳис этиб, шифтга тикилди. Димогига тамаки, пиёз ва гўштнинг омихта ҳиди урилди. Эркакнинг яқинда қиртишланган юзлари аёлнинг нафис томогини тимдалади.

Ҳаммаси жуда тез битди. Рашид аёлнинг ёнида ётаркан, қўлларини юзига босди. Қоронғида қўл соатининг миллари ялтираб кўринди. Эрхотин бир-бирининг юзига қаролмасди.

– Бунинг уядиган жойи йўқ, – деди Рашид эшитилар-эшитилмас овозда. – Энди биз эрхотин

тинмиз. Пайғамбаримиз ҳам аёллари билан шу ишни қилғанлар.

Бир оз ўтиб, у хотинининг устини адёл билан ўраб, хонасига чиқди.

Марям деразадаги муз парчаларида ялтираб турған юлдузлар, ойнинг юзини ҳижоб сингари тўсиб олган булут парчаси ва симилиби чекинаётган ёқимли оғриқ билан ёлғиз қолди.

ЎН ИККИНЧИ БОБ

1974 йилда рамазон ойи кузга тўғри келди. Янги ой кўриниши билан шаҳардаги ҳаёт тарзи, кайфият ҳам бутунлай ўзгарди. Кобулнинг энг гавжум кўчалари ҳам тинчиб қолди. Одамлар орасида чекаётган, чойхоналарда чой ичиб ўтирган кишиларнинг қораси ҳам кўринмай қолди. Шердарвоза чўққилари этагидаги замбараклар отилиши билан ифторлик пайти бошланади. Ҳамма оғиз очишга югуради.

Рашид ошиб борса, бир ойда икки кунгина рўза тутар, шунда ҳам ўта жizzаки бўлиб қолар, ҳамма нарсага бақириб-чақиравди. Марямнинг овқати сал кеч қолса, у жаҳл билан қуруқ нон ва шолғом кавшай бошлар, хотини қўй гўштидан тайёрлаган қовурдоққа қиё ҳам боқмас, жаҳл билан хонасига кириб ётарди. Рамазон тугаши билан Марям ҳам енгил нафас олди.

Гулдомандаги кулбаларида ҳар йил рўза ҳайитида онаси билан Жалилни интизор бўлиб қутишарди. У костюм-шим кийиб, бўйинбог тақиб, совғалар кўтариб келарди. Она-боланинг ёнида бир оз ўтириб, чой ичгач, ортига қайтарди.

– Кетди ер юткур, энди хотинчалари билан байрам қиласи, – дея минғирлай бошларди онаси Жалил кетиши билан.

Байрамда улардан Фатхұлла ота ҳам хабар олгани келар, ҳамиша қўйинини шириналарга тўлдириб келар, она-болага ҳайитлик улашарди. Марям шириналарни еб бўлгач, айни дамда ҳаёт қайнаётган Ҳирот кўчаларида янги либосларда ял-ял ёниб юрган қизалоқлар, бир-бинини бағрига босиб байрам билан табриклиётган одамларни кўз олдига келтириб, юрагини газабгами, ҳасадгами ўхшаган бир ноаён туйғу қамраб олар, ўзини ташландиқ, ёлғиз ва кераксиз ҳис этар, ғам-андуҳ худди кафандек бутун борлиғини ўраб оларди. Фақат байрам ўтиши билан яна кўнгли жойига тушарди.

Болалик тасаввуротидаги байрамни у энди ўз кўзи билан кўрди. Рашид билан бирга кўчага чиқишиди. Одам шунаقا кўп эдики, Марямнинг боши айланиб кетди. Марям оломон ичида бошига оқ рўмолча тангигиб олган Фарибани, қўғирчоқдек кийинган иккита ўғли – Аҳмад билан Нурни узун бўйли, қотмадан келган бир эркак билан – эри бўлса керак – бирга кўришиди.

Фариба уларни кўриб, қўл силкиди:

– Ҳайитингиз муборак бўлсин, қўшнилар!

– Сен бу хотинни танийсанми? – шипшиди Рашид. – Муаллимнинг хотини. Бу аёлдан узоқроқ юр. Турган-битгани фийбат. Эри-чи, афтига қара, худди кўрсичқоннинг ўзи!

Марям эри билан Шахринавгача боришиди. Кўчаларда одамларнинг қувончини кўриб, Марямнинг юраги ҳаприқиб кетди. Қанийди ҳозир онаси ёнида бўлса? Қувонч, хурсандчилик, тантана ҳамма учун эканини бечора онаси ўз кўзи билан кўрган бўларди. Шўрлик онаси бундай фараҳли онларни кўрмай кетди.

Кўпинча Рашиднинг уйига меҳмонлар келар, Марям дастурхонни тузатиб, ўзи иккинчи қават-

да хонасига биқиниб оларди. Рашид то меҳмонлар кетмагунча уларга қорасини ҳам кўрсатмаслиги лозимлигини унга қаттиқ тайинлаганди.

Ҳайитнинг учинчи куни Рашиднинг ўзи қаергадир меҳмондорчиликка кетди. Марям меҳмонхонани йифишириш учун кирди. Кечаги меҳмондорчиликдан сўнг меҳмонхона роса тўзизб кетганди. У ерни тартибга солиб, Рашиднинг ётогига кирди. Эрининг каравотига ўтирганча, хонага қўз югуртириди. Каравот ёнидаги дўлобча устида бир қути сигарет ётарди. Улардан бирини лабига қистириб, ойнага қаради. Шу аснода димоғида тамакининг ўткир ҳиди ва тутунини ҳис этиб, кўнгли озди ва қайтариб қутисига солди. У ҳеч қачон кобуллик замонавий аёллар сингари сигарет чекишини ўрганолмаса керак.

Марям қизиқсиниб дўлобчанинг тортмасини очди. Кўзи ёғоч дастали тўғпончага тушиб, аввал сесканди. Кейин қандай турганини яхшилаб эслаб, қуролни қўлига олди. Анча оғир, бунинг устига жуда совуқ нарса экан. Бу қуролни Рашид нимага сақлаяпти? Ўзи ва унинг хавфсизлиги учун-да!

Тўғпонча тагидан бир қанча журналлар чиқди. Улардан бирини варақлаб қўриши билан Марямнинг оғзи ланг очилиб қолди. Журнал саҳифаларида гўзал, аммо қип-ялангоч аёллар унга кўзларини лўқ қилиб тикилиб турарди. Айримларининг оёқлари кенг ёзилган, яна батзилари тўрт оёқлаб турганча, бошларини ортга буриб, безбетларча кўз қисишарди. Марямнинг кўнгли ағдарилиб, журнални тортмага отди.

Астағфируллоҳ! Булар қандай аёл бўлди экан? Бу тахлит шармандаларча расмга тушишга нима мажбур этди уларни? Эри уйда ёлғиз қолганда мана шу расмларни томоша қилиб ўтирадими? У эркакнинг ор-номуси ҳақида ваъз ўқирди-ку!

Марям дўлобчанинг қўйи тортмасини очди. Унда йўл-йўл қўйлакда, бўйинбог боғлаган боланинг оқ-қора рангдаги сурати ётарди. Марям дарров билди: бу Юнус! Сурат боланинг тўрт-беш ёшида олинган эди. Боланинг бурни ингичка, кўзлари қора, хиёл ботиқ, сочи қалин, қисқаси, ёқимтойгина эди. Яна битта сурат бор экан, уям оқ-қора. Унда эркак ва аёлнинг тасвири акс этганди. Рашид у пайтлар ҳали ёш, соchlарига оқ тушмаган, нигоҳлари ҳам анча ўткир экан. Ёнидаги аёл эса, беҳад гўзал эди. Марям унинг ёнида ўзини анчайин кўримсиз эканини ҳис этди. Аёлнинг ияклари ўта нафис ва силлиқ, соchlари узун, ўртасидан фарқ очилган эди. Беихтиёр Марямнинг кўз ўнгида ўзининг узунчоқ юзи, юпқа, рангсиз лаблари жонланди.

Аёл стулда ўтирап, Рашид унинг елкасига қўлини ташлаганча тик турап, заифгина илжайиб турарди. Аёл эса, ўзини хиёл олдинга олган, эрининг қўлларидан қутулиб чиқишга ошиққандек кўринарди.

Марям суратларни аввалгидек жойига тахлаб қўйди. Негадир бу хонага бекорга кирганини, эрининг нарсаларига беружсат тегиб яхши иш қилмаганини англади. Биргина мана шу сурат унга кўп нарсани ошкор қилиб қўйганди.

Марямнинг негадир Рашидга раҳми келди. Тақдир унинг эрини ҳам мудҳиши зарбаларга дучор қилганди. Беихтиёр бояги болакайнинг маъсум нигоҳини ёдга олди. Ўша болакай бир пайтлар мана шу зиналардан чопқиллаб чиқиб-тушиб юрган. Ваҳший кўл болани Рашиднинг бағридан юлқиб олган. Худди Юнус пайғамбарни ютган наҳангбалиқ каби...

Шу аснода Марямнинг кўз олдида кўл соҳили бўйлаб девоналарча чопиб юрган Рашиднинг баҳтиқаро қиёфаси жонланди. Илк бор эри ва ўзининг қисматидаги яқинликни теран ҳис этди.

ҮН УЧИНЧИ БОБ

Доктордан қайтишаётганда Марям ўзини бир бошқача ҳис этди. Қаёққа қарамасин, ҳамма нарса күзига бошқача, ёрқин рангларда намоён бўларди. Ҳатто кўримсиз бетон кутилар, темир-терсакдан тикланган дўйкончалар, лойқа сувга тўла зовурлар ҳам камалак рангида товланарди. Рашид суюнчиқ орқасини бармоқлари билан чертиб, аллақандай қўшиқни хиргойи қиласарди. Автобус силкинган пайтда беихтиёр хотинининг қорнини оҳиста ушлаб олди.

– Сенга Залмай ёқадими? – сўради у. – Пуштунча исм.

– Қиз туғилса-чи?

– Ўғил бўлади. Мен аниқ биламан.

Йўловчиларнинг нигоҳи бараварига ойнадан ташқарига йўналди.

Ташқариди биринчи қор – паға-паға лайлак қор ёға бошлаган, ҳамманинг юзида ҳайрат ва қувонч порларди.

«Қор парчалари осмондан тушаётганда нақадар пок, тоза ва бугубор бўлади. Ерга тушгач эса, оёқости бўлиб, лойга, балчиққа беланади ва ўз тароватини йўқотади», – йўлади Марям бир текисда, ўйноқлаб ерга қўнаётган қор зарраларига аянчли тикилиб.

– Қиз туғилса, ўзингга мос исмни қўйиб олаверрасан, – тўнғиллади Рашид. – Лекин аниқ биламан, ўғил бўлади.

Эртаси куни Марям арранинг фириллаши, болганинг тарақлашидан уйғониб кетди. Бошига рўмолини ёпиниб, ташқарилади. Қор ҳали тинмаганди. Ҳаводан ёнган кўмир ҳиди анқирди. Бутун Кобул қорнинг оқ кўрпасига бурканганди. Рашид бостирма остида лабида мих қистирганча, тахталарни бир-бирига бириктиради.

– Сенга ажайиб совға тайёрламоқчи әдим. Болакайга каравотча ясаяпман. Ҳали қарама. Битса күрасан!

Эри бунча шошилмаса? Ҳали ўғил бўладими, қизми? Кеча Рашид енглари сариқ ва қизил каштали камзулча олиб келганди. Ўғил боланики. Бу яхшимас-да!

– Манави зиналардан хавотирдаман, – деди Рашид ердан узун ёғоч тилигини оларкан. – Катта бўлса, чиқаётиб ииқилмасмикин, деб қўрқаман. Кейин печкага ҳам эҳтиёт бўлиш керак. Айтганча. Пичоқ, санчқиларни қўл етмайдиган жойга қўй, тушундингми? Ўғил бола фирт шумтака бўлади, ушломайсан.

Эртаси куни Рашид уйига дўстларини меҳмонга чақирди. Меҳмонхонада астойдил дастурхон тузаб бўлгач, хонасига кўтарилди. Каравотга ётганча ўйга чўмди. Қандай яхши! Энди унинг ҳам уйи, оиласи бор! Яқинда фарзанди ҳам туғилади. Марям кулимсираб, силлиқ, юмшоқ қорни ни сийпалади. Ҳали доктор нима деди? Бор-йўги тирноқдеккина, дедими? Беихтиёр баданида ёқимли титроқ уйғониб, кўзларини юмди...

Хотинини ҳаммомга юбориш фикри биринчи бўлиб Рашиднинг миясига келди. Марям илгари ҳаммомга тушмаганди. Рашиднинг айтишича, иссиқ, буг билан тўла ҳаммомдан ташқарига, очиқ ҳавога чиққанда одамнинг танаси шунаقا роҳатланармишки...

Ҳаммомда қалин буг пардаси ичида яланғоч хотин-қизларнинг гавдаси элас-элас кўзга ташланарди. Қизлар қийқириши, хотинлар шангиллаши, сувнинг қизиган деворларга урилиб жазиллаши бир-бирига қўшилиб, ғалати шовқинни ҳосил қиласарди. Марям бир бурчакка ўтириб, товонини жилвиртошга ишқаб тозалай бошлади. Бир

ҳисобда бугнинг қалинлиги яхши, бегона кўздан пана қиларкан.

Шу чоқ оёқлари орасида қон халқобини кўриб, додлаб юборди. Аёллар шу ёққа ёпирилди. Туман орасидан аёлларнинг хилма-хил юзи кўринди.

Кечқурун Фариба эрига Рашиднинг хотини қон ичида туриб, қандай қўрққанини, ҳаммага ёрдам сўраб, мўлтираганини айтиб берди:

– Бечоранинг тишлари шунаقا тақиллади-ки, раҳмингиз келади. Нуқул менга ялинчоқдик билан «Фариба опа, ўзи шунаقا бўлади-а? Бу қўрқинчлимас-а?» деб сўрагани-чи?..

Яна Рашид билан автобусда қайтишмоқда. Яна қор. Ҳамма ёқ худди кафанга ўралгандек. Уйлар ҳам, одамлар ҳам, кўчалар ҳам алланечук ноҳуш кўринади кўзга. Марям қўрқа-писа эрига қарди. Унинг кўзлари юмуқ. Лаблари ниманидир пи-чирлади. Оёқлари музлаб кетяпти, жемпери ҳам жиққа ивиган. Тезроқ уйга ета қолишса эди.

Рашид каравотда гужанак бўлиб ётган аёлининг устини адёл билан ўради. Ҳаракатлари кескин, қарашлари совуқ.

– Гапини қара, – ўзича минғирлади Рашид. – «Худони иродаси» эмиш. Сен дўхтирмисан ёки муллами?

– Дам олсангиз бўлармиди?

Марям адёл қатидан бошини чиқарди.

– «Худонинг иродаси» – докторга тақлидан хириллади Рашид ва сигарет тутатганча хонасига чиқиб кетди.

Эри кетгач, Марям дераза оша ерга эркаланиб қўнаётган учқунларга тикилди. Қачондир онаси айтганди: «Ҳар бир қор учқуни бир аёлнинг қалбидан учган нола. Бу оҳлар булатга айланиб самога кўтарилади, кейин эса, қорга айланиб ерга инади. Ҳа, қизим, биз аёллар фақат ғам-андуҳ, учун яратилганмиз!»

ЎН ТҮРТИНЧИ БОБ

Ҳар гал бостирма остида чалалигича ётган каравотчага, Рашиднинг шкафида осиғлиқ турган камзулчага қараганда, Марямнинг яраси бир янгиланади. Кўз ўнгига чақалоқнинг типирчилаши келади. Қулоғи остида унинг ёқимли «ингаси. Сийнаси учиди митти гўдакнинг ширин дудоқчаларини ҳис этиб, эти жунжикади. Ё тавба, ҳали кўзи билан кўрмаган, аммо армонга айланган боласи учун шунча эзилса...

Вақт ўтиб, қайғу оташи бир оз пасайгандек бўлди. Аммо оғриб, каравотга михланиб қоладиган одат чиқарди. Айрим пайтларда ҳатто эрига тушлик қилиш учун ҳам қўзғалолмай қолди.

У уйдан чиқишга ҳам қўрқарди. Учта-тўрттаб бола туққан қўшнилари билан юзма-юз келишдан чўчирди. Улар нақадар баҳтли! Парвардигор ҳам улардан марҳамини дариф тутмаган. Унинг тирноқдеккина зурриёдини эса, мағзава оқизиб кетди. Вужудида бир неча кунгина меҳмон бўлган гумонаси унга муваққат қувонч баҳш этди-ку, кўп ўтмай қайғу-аламлар гирдобига ташлаб кетди.

Фақат бир таскин бор. «Ҳали ёшман, болаларим кўп бўлади, ҳаммаси олдинда» дея ўзини ўзи юпатади. Балки, у онасини хўрлаб, уни ташлаб кетиб, Худонинг ғазабини қўзғагандир? Шунинг учун тақдир унга ана шу мусибатни рано кўргандир? Ахир онасининг бўйнига тушган сиртмоқقا унинг ўзи сабабкор бўлмадими? Нонкўр қиз она бўлишга муносибми? Кечалари босириқиб чиқар, онасининг елкасига миниб оладиган шайтон унинг ортидан қувлаб юрар, Нана эса, уни кўриб қаҳ-қаҳ куларди.

Йўқ, ҳаммасига Рашид айбдор! Элбурутдан хурсанд бўлиб, шодмарг очишга бало бормиди? Туғилмаган болага от қўйиб, бешик йўнишга-чи? Яна ҳаммомга боришни ҳам у ўйлаб топди-ку! Ифлос сув, иссиқлик, буг... мана оқибати! Йўқ, Рашидда айб йўқ! Ўзида! Кечалари нотўғри ётган, мева-чева емади, кўп чой ичди. Балки шунгадир?

Балки Яратганинг ўзи унинг устидан қулдимикан? Аввал баҳт бериб, кейин қайтариб олди! Йўқ, ўзинг кечир, астағфируллоҳ! Ахир Фатхулла ота айтарди-ку: «Яратганинг қаломи бор, У бандаларнинг қай бири яхшироқ амаллар бажарishi учун ўлим ва ҳаётни яратган».

Марям шаккок фикрлари учун кечиришни сўраб, бошини саждага кўйди.

Ҳаммомдаги ноҳушлиқдан кейин Рашид ҳам ўзгариб қолди. Энди ишдан қайтмас, хотинига чурқ, этиб оғиз очмас, еб-ичар, сигарет чекар, кейин эса хонасига гум бўларди. Гоҳида кечалари уни қўполлик билан уйғотиб, нафсини қондирар, кейин эса, хотини билан иши бўлмай чиқиб кетарди. Ҳамма нарсадан айб қидирар, бўлар-бўлмасга тўнғилларди.

Жума кунлари Кобулни айлангани чиқишганда ҳам шунаقا тез юрарди. Марям унинг ортидан ҳарсиллаб югуришга мажбур бўларди. Эри энди камдан-кам ҳолларда куладиган бўлиб қолди. Маряннинг саволлари унинг энсасини қотирарди, холос.

Кунларнинг бирида кечқурун меҳмонхонада радио эшитиб ўтиришганди. Қиши оёқлаб қолганди. Икки ҳафта ўтиб дарахтлар ҳам куртак ёза бошлийди. Рашид қўшиқ оҳангига мослаб, оёғини тапиллатар, кўзларини қистганча сигарета чекарди.

– Мендан хафамисиз? – сўради Марям.

Рашид индамади. Қўшиқ тугаб, янгиликлар эшиттирила бошлади. Сухандон қиз президент

Довуднинг Кремлдан норозилиги туфайли бир гуруҳ шўравий маслаҳатчилар гуруҳи Кобулдан чиқариб юборилганини маълум қилди.

– Нега хафа бўларканман?

– Билмадим. Назаримда, ўша боламиз нобуд бўлганидан кейин...

– Сенга бирор марта бирор нима дедимми?

– Йўқ!

– Бўлмаса, мени тинч қўй!

– Мени кечиринг, Рашид!

Эри сигарета қоддигини кулдонга босиб ўчи-
паркан, янги сигаретани ўт олдирди.

– Менимча...

– Яна нима дейсан? – жаҳл билан пешонасини артиб, радио қулогини буради.

– Боламизни... бирор маъракасини ҳам қил-
мадик. Ахир уям боламиз эди. Мусулмончилик,
расм-русум.

Марям бу ҳақда узоқ ўйлаган, жигарпораси-
нинг худди сувга тушган тошдек унутилиб кети-
шини истамасди. У ўз аждодлари анъаналарини
ҳам эъзозларди.

– Эсингни едингми?

– Сал бўлсаям, кўнглим таскин топарди-да!

– Ҳе ўргилдим кўнглингни кўчасидан. Агар ке-
рак бўлса, расм-русумингни ўзинг қилавер. Мен
битта боламни ерга бериб бўлдим. Яна биттасига
мотам тутгим йўқ. Энди эса, халал берма, радио
эшитяпман.

У радио овозини янада баландроқ қилди.

Эртаси куни Марям ҳовлиниңг бир кунжида чуқур қазиб, унга эри олиб келган камзулчани ташлади ва тупроқ тортди:

– Бисмиллаҳир роҳманир роҳим! Яратган эгам,
жигарбандимдан ўз раҳматингни дариф тутма, –
деха пичирлади унинг лаблари. – Сен кечани кун-

дузга, кундузни эса кечга киритгувчисан! Ўликдан тирикни, тирикдан эса ўликни чиқаргувчи зотсан!

Кейин эса, ҳосил бўлган митти тепалик ёнида тиз чўкди:

– Поко парвардигор! Ўзинг меҳрибонсан ва карамлисан!

ЎН БЕШИНЧИ БОБ

1978 йил, апрел. Марям 19 га қадам қўйган куни Мир Акбар Ҳайбар деган кишининг мурдасини топишиди. Икки кун ўтиб, Кобулда катта намойиш бўлди. Ҳамманинг оғзида шу гап. Марям уйининг деразасидан кўчада қўшниларнинг транзистор карнайига қулоқ тутиб янгиликларни эшитишини, оғироёқ Фарибанинг нотаниш, сариқсоч хотин билан қўлинни белига тираб гап сотиб ўтирганини кўриб турарди. Марям малласоч хоним қўлидан ушлаб турган рангпар болакайни таниди. Уни Тариқ деб чақиришарди.

Марям билан Рашид кўчага чиқмай, уйларида радио тинглашарди. Хабар қилинишича, 10 минг намойишчи ҳукумат уйи олдига тўпланибди. Рашидинг айтишича, улар ўша, ўлдирилган коммунист Мир Акбар Ҳайбарнинг тарафдорлари бўлиб, улар бу қотилликда Довудхонни айблаётган эканлар.

– Коммунист дегани ким? – сўради Марям.
– Булар Карл Марксга сигинадиганлар, – тўнгиллади Рашид пешонасини тириштириб.

– Карим Маркиз деганиз ким?
Рашид чуқур уф тортди. Сухандон қиз Нурмуҳаммад Тараққийнинг намойишчилар қаршисида туриб нутқ сўзлаганини айтаётганди.

– Мен сўрамоқчи бўлганим...
– Бунаقا нарсаларга ақлинг етмайди. Миянг қовоқнинг ўзгинаси. Шунинг учун овозингни ўчириб ўтир!

Марям жим қолди. У эрининг бу тахлит қўпол мумомаласи, мазах ва истеҳзоларига аллақачон кўнишиб бўлганди. Тўрт йиллик турмуши мобайнида у эрининг олдидаги эътибори қанчалик эканига ишонч ҳосил қилганди. Эрига бир гап кам, икки гап ортиқча бўлиб қолган.

Шу тўрт йил ичида, ҳаммомдаги нохушлиқдан сўнг умид шамчироги бу хонадонда олти маротаба ёниб ўчди. Ҳар гал доктор қабулидан нохуш кайфиятда қайтаётганда Марямнинг қайфу юки ва Рашиднинг қаҳр халтаси бир сидра оғирлашарди. Эндиликда эрини ҳамма нарса асабий-лаштирадиган бўлиб қолган. Ҳолбуки, уйи ёғ тушса ялагудек, кийимларига гард юқмаган, оби овқати ҳам ўз ўрнида бўларди.

Бир кун эрининг келиши олдидан Марям янги сотиб олган пардоз-андоз бўёқлари билан безаниб қарши олди. Аммо, эри уни кўриб, афтини буриштирганча фижиниб қўйди, холос. Марям ҳам шу заҳоти юзини ювиб ташлади.

Кеч кириши, эшик гичирлаши билан Марямнинг юраги безиллаб қолганди. Эри келдими, демак ҳозир яна бир дилхиралик бошланади. Ахир шўрлик Марям нима қылсин? Рашиднинг ўғлини ортга қайтариш унинг инон-ихтиёрида эмас-ку! Лоақал унинг ўрнида бошқасини туғиб берганида эди.

– Энди нима бўлади? – сўради у яна бир оз ўтиб. Эри унга ер остида бир ўқрайиб қўйди-да, радиони ўчириб хонасига йўл олди.

27 апрел қуни ҳамма ёқда отишмалар бошланди. Марям ўқ овозидан чўчиб ўзини меҳмонхонага урди. Рашид ички кийимда дераза олдидага турарди. Шаҳар осмонида ҳарбий самолётлар қузғундек чарх урарди. Узоқдан нималардир портлаб, ҳавога қуюқ тутун ўрларди.

– Нима бўляпти, Рашид?

– Худо билади, – радионинг қулогини буради Рашид.

– Биз нима қиласиз?

– Кутамиз.

Куннинг ўтиши қийинлашмоқда эди. Рашид эса, радиоприёмник ёнидан жилмас, Марям ошхонада исмалоқ ва гуручдан овқат тайёрлашга уннаганди. Бу уйда қувонч шарпаси кезмаётганига ҳам анча бўлди. Эри энди фақат унинг овқатидан айб топадиган бўлиб қолган.

Марям эрининг олдига тақсимча қўйган пайтида радиодан мадҳия садолари жаранглай бошлиғанди.

– Сабзи (афонча таом – таҳр.) тайёрлагандим.

– Жим! – эри қулогини радиоприёмникка босди.

«Ҳарбий ҳаво кучлари полковниги Абдулқодир гапиради», эълон қилди диктор.

Полковникнинг баёнотига кўра, уларнинг дивизияси аэропортни, шаҳарнинг асосий магистрал йўлларини, «Кобул» радиосини, бир қатор вазирикларни эгаллабди. Довудхон тарафдорлари таслим бўлибди.

– Қуролли кучлар инқилобий кенгаши тузилди, – тантанавор эълон қилди полковник. – Энди бизнинг юртимизда тенгсизлик, ноҳақлик ва истибодод тузуми барҳам топди. Ҳукумат халқнинг қўлига ўтди. Ватандошларимиз, Ватанимиз тарихида янги саҳифа очилди. Бизни порлоқ кела жак кутаётир.

Рашид радиони ўчирди.

– Бу яхшими, ёмонми? – сўради Марям.

– Бойларга қийин бўлади, – деди Рашид бош чайқаб. Кейин эса, шокосадаги гуручга имо қилиди, – иссиқми?

– Ҳозир ўчоқдан олдим.

– Унда суз-чи.

...Фариба оғриқдан бадани зирқираб, тирсатындаға таяниб туар, қызыл, сариқ учқунлар тун бағрини ёриб үтарди. Фариваның соchlары парижон, юзларыда тер резалаганды. Кекса доя Важма, ота-бала янги туғилған чақалоқнинг сариқ соchlарыга, қызығындықтарына, чимирилған лабларыга, күм-күк күзларыга ҳайрат билан тикилип туришарди. Қизалоқнинг йиғиси худди мушук миёвлашини ёдға соларди. Ҳамма хурсанд. Оиласындағы эңг тақводор вакили Аҳмад чақалоқнинг қулогига азон айтди.

– Демак, исми Лайлоба бўлдими? – сўради Ҳаким қизасини қўлига олиб. – «Лайлоба» – тун гўзали дегани!

...Рашид гуручни думалоқлаб соққача ясади ва оғзига солди. Кейин яна битта... Кейин афтини буриштириб, дастурхонга тупурди.

– Нима бўлди? – юраги ҳаприқиб кетди Маряминг.

– «Нима бўлди?» – хириллади Рашид. – Ҳар доим шу аҳвол!

– Ҳар доимгидек, ўзингиз айтгандек узоқроқ қайнатдим.

– Алдама!

– Ўлай агар!

Рашид овқат тўла тақсимчани нари суриб, кўчага чиқиб кетди. Марям тиззалақ олганча, дастурхонга сочилилган гуруч доналарини тера бошлиди. Унинг қўллари асабий титрарди. Чуқур-чуқур нафас олишга уринди.

Яна эшик очилиб, Рашид кириб келди.

– Эй, бу ёққа кел!

Рашид ҳовучини очганида бир сиқим майдатошлар сочилиб кетди.

– Оғзингга сол!

– Нима?

– Анави тошларни оғзингта сол, деяпман!

– Рашид, қўйсангиз-чи!

Эри куч билан унинг иягидан тутиб, жағини қисди ва очилган оғзига майда тошчаларни жойлади. Марям унинг қўлидан юлқиниб чиқмоқчи эди, бўлмади.

– Чайна!

Марям чамаси шафқат сўраб, фўлдиради. Аммо, тошлар орасидан бирорта сўзни илғашнинг иложи йўқ эди.

– Чайна! – бақирди эри оғзидан тамаки иси уфуриб.

Марям ноилож чайнашга тушди. Оғзида ни-мадир қасирлаб кетди.

– Яхши! – пишқирди эри ёноқлари ўйнаб. – Пиширган овқатинг қанчалик ширин эканини билдингми? Мен сенга уйланиб нимага эга бўлганимни энди пайқагандирсан? Ҳа, мен ҳар куни ана шундай овқат ейман! – Унинг қораси ўчди.

Марям қонга белангтан тошчаларни бирин-кетин тупура бошлади. Ерга сочилган тошчалар орасида иккита курс тиши ҳам бор эди.

Биринчи қисм тугади

ИККИНЧИ ҚИСМ

БИРИНЧИ БОБ

Кобул, 1987 йил, баҳор.

Ҳар тонгда Лайло фақат бир нарсани – тезроқ ўртоги Тариқни кўришни истарди. Икки ҳафта илгари уларнинг оиласи Фазнига, Тариқнинг тоғасиникига меҳмон бўлиб кетишганди.

– Анча пайт қолиб кетасанми? – сўраганди Лайло сафар олдидан.

– Ўн уч кунга, холос!

– Вой-вўй, намунча кўп?

– Ҳа, нега қовоғинг осилиб кетди? Йиғлаворма тағин?

– Нима? Мен-а? Ҳечам-да! – Лайло эркаланиб боланинг соғ оёғини (унинг бир оёғи протез эди) туртиб қўяр, бунга жавобан Тариқ ҳам унинг елкасига енгил шапатиларди.

Ўн уч кун бу қарийб икки ҳафта дегани. Лайло вақт ҳам худди Тариқнинг отаси баъзан пуштунча ашула айтган чоғида чаладиган аккордеоннинг фижимасига ўхшаб, кенгайиб қисқаришини ана шунда тушунди.

Яна Лайлонинг ота-онаси жанжални бошлиашди. Ҳар доимгида онаси бақириб, уйни бошига кўтаряпти, отаси эса бир четда мунғайланча бошини қуии солиб ўтирибди. Лайло шовқин кирмаслиги учун хонасининг эшигини қаттиқроқ ёпиб олди.

Ҳар куни эрталаб пастдан отасининг овози эшитилади:

– Қизим, мен ишга кечикяпман!

Лайло шошилганча туфлисини кияди. Ойнага қараб, елкасига тушадиган малларанг соchlарини тарайди. Онасининг айтишича, унинг соchlари ҳам, ол ёноқлари ҳам, ширин кулгичиу, қалин киприклари ҳам она томонга тортган экан. «Бувим Панжшер водийсидаги энг гўзал қиз бўлган эканлар, йигитлар бувимни деб жон беришга тайёр туришаркан. Ана шу гўзаллик икки авлод ўтиб, сенга насиб қилган, қизим», дерди онаси.

Унинг ота-онаси Панжшер тожикларидан эди. Улар турмуш қургач, Кобулга қўчиб келишган, кейин отаси университетга кирган эди. Лайло онасининг ўз хонасидан чиқмаслигига умид қилиб, зинадан пастга тушарди.

Ҳозир отаси эшик кўзига ҳашаротлар кирмаслиги учун қопланган дока рўмол қархисида чўккалаb турарди.

– Кўряпсанми? – отаси унга икки ҳаfta олдин мато юзида пайдо бўлган тешикчани кўрсатди.

Лайло отасининг ёнидан жой олди.

– Яқинда тешилган шекилли?

– Менам ойингга шунаقا десам, нега қарамайсан. Уй пашибага тўлиб кетди, деяпти.

Лайло ич-ичидан отасига, калта бўйли, чуваккина, қўллари аёлларники сингари нозик бўлган бу эркакка ич-ичидан ачинди. У уйда отасини китобсиз ўтирганини тасаввур қилолмасди. У мутолаа пайтида ҳамма нарсани унтарди. У Румий, Ҳофиз ғазалларининг деярли барини ёддан билар, Афғонистоннинг Россия ва Британия билан уруши ҳақида соатлаб гапира оларди, ердан қуёшгача бўлган масофани ҳам аниқ биларди. «Кобулдан Фазнигача бўлган масофадан беш минг марта кўпроқ» деган бир марта у тасаввур уйготиш учун. Лекин уйдаги арзимас юмушларни қилишга ҳам отасининг уқуви етмасди. Эшиклар

ёғланмагани учун ҳамиша ғичирлаб турар, ошхонадаги жавонларни мөнор босиб ётарди. Онасининг айтишича, шу пайтгача бундай юмушлар Нур билан Аҳмаддан ортмасди. Аммо улар ҳозир шүравийларга қарши урушта кетишганды.

– Бугун ойнинг нечанчиси? Бешинчими, олтинчими? – сүради отаси паришонхотирлик билан.

– Билмадим, күнларни ҳисоблаб юрмайман, – деди Лайлодан ерга қараб.

Нихоят, улар күчага чиқишиди. Лайлодан велосипеднинг орқа ўриндиғига жойлашаётганида, қўшнилари Рашид этикдўз ва унинг одамови хотини турадиган уй дарвозаси олдида «Мерседес-бенц» машинасини кўришиди. Машина ичида иккита нотаниш одам ўтиради.

– Булар ким? – сүради қизча.

– Бизга нима? – деди отаси. – Тезроқ қимирла, кеч қоламиз!

Шу тобда қизчанинг қулоғига яна онасининг отасига айтган киноюмуз гаплари жаранглади: «Нуқул гапингиз шу, «менга нима?». Ҳа, сизга нима? Иккита ўғлингиз урушта жўнади – сизга нима? Ўз болаларингиз худди ўйнашдан туғилган болалардек ўз ҳоли ча чиқиб кетди – сизга нима? Сизга фақат китоб бўлса бўлди!»

Отаси тепкини айлантириб велосипедни ҳайдаб кетди. Велосипед «Мерседес-бенц»нинг ёнидан ўтиб бораркан, орқа ўриндиқда ўтирган жигарранг костюмда, кўкрак чўнтағидан оппоқ рўмолчасининг учи кўриниб турган озгин оқсоч эркакка қизиқсиниб қаради. Машинанинг рақамидан уларнинг ҳиротлик эканини пайқади (*Афғонистонда машина рақамларида вилоят ва шаҳар номлари тўлиқ ёзиб қўйилади – тарж*).

Лайлодан синфда паришонхотир бўлиб ўтиради. Хаёли Тариқда эди – қачон келаркин? Тинчмикин?

Ўқитувчи хотиннинг исми Шанзай бўлиб, ҳамма уни орқаваротдан «Бўёқчи хола» деб чақираради. Чунки у тартибузар болаларни худди чўтканинг икки тарафини айлантириб девор оқлаётган бўёқчидек кафтнинг икки томони билан навбатма-навбат шапатилаб қўярди. У ҳамиша ўзининг хостлик камбағал деҳқон оиласида туғилганини таъкиддашдан чарчамас, ўқувчи қизларнинг юзини бекитишларига рухсат бермас, нуқул эркак ва аёлларнинг тенглигини уқтираради. Унинг фикрича Шўравийлар давлати Ер юзидағи энг яхши ва қудратли давлат эди. У Афғонистонда ҳам ана шундай ёруф баҳтиёр кунлар келади, деб болаларни ишонтироқчи бўларди.

«Бўёқчи хола»нинг орқасида ушбу бепоён мамлакатнинг харитаси, президент Нажибуллонинг портрети (отаси бу одам бир пайтлар даҳшатли махфий полициянинг бошлиғи бўлган, дерди), кулиб турган шўравий аскарларнинг суратлари осилиб турарди.

Лайло айнан апрел инқилоби пайтида туғилгани уни ўқитувчи уни «инқилобчи қизалоқ» деб атарди.

Ўша куни дарслар тутаганида, онаси Лайлони олиб кетиш учун келмади. У синфдошлари Жити ва Ҳасина билан йўлга тушди. Жити қовоғидан қор ёғиб турадиган қиз бўлиб, икки ўрим сочи худди улоқчанинг думидек диккайиб турар, дарсликларни худди қалқондек кўксига босиб олганди. Ҳасина эса ўн икки ўнда бўлиб, дарсларни ўзлашти-ролмагани учун уч йил бир синфда қолиб кетганди. Унинг тили ҳам ўткиргина бўлиб, муаллимага «Бўёқчи хола» лақабини ҳам у ўйлаб топганди.

Ҳасина бу гал уларга ёқинқирамаган куёвларни қандай рад этишдан дугоналарига «сабоқ» бериб кетди:

– Ҳали мен кичкинаман-ку, – деди Жити. – Менда куёв нима қылсın? Ҳали менга совчи келгани йўқ.

– Соқолинг чиққанı учун эр олмаётгандир-да, – атай унинг жиғига тегди Ҳасина. Ҳазилни тушунмайдиган Жити қўрқиб кетиб, иягини ушлади ва мўлтираб Лайлого термилди. Лайло эса, кулиб бош чайқаб қўйди.

– Хуллас, куёв сизларга ёқмадими, уйдан икки банка ловия опчиқасиз ва эндигина чой ҳўплаётган пайтда юз-қўзига қараб сепворасизлар, тамом.

Қизчалар кулиб юбориши. Лайлого ҳали бундай насиҳатларнинг кераги йўқ эди. Чунки отаси бари бир уни ҳаливери эрга бермайди. Гарчи у ҳозир нон заводида ишласа-да, университетни тутатган. Коммунистлар давлат тепасига келгунча мактабда дарс берарди. Кейин уни мактабдан ҳайдашди. Ҳозир отасининг ягона истаги қизини ўстириб, ўқитишдан иборат эди.

– Қизим, турмуш қуриш қочмайди, аммо вақтида билим олиш керак. Шунинг учун сен албатта ўқийсан. Уруш тугаса сендеқ билимли қизлар Ватанга керак бўлади.

Лайло отасининг маърифатпарварлигидан фахрланар, ўзи ҳам аъло ўқишга тиришар, ҳар йили мактабдан мақтов ёрлиғи оларди. Ҳасинанинг отаси эса, баджаҳл, тўпори таксичи эди. Яна учийдан сўнг Ҳасинани ўзидан 20 ёш катта амакиваччасига эрга беришаркан.

– Демак, эслаб қолдинглар-а, қизалоқдар, – Ҳасина оҳиста Лайлонинг қулогига шивирлади.
– Сени эса, бари бир ўша бир оёқли шаҳзоданг келиб опкетади.

Лайло илкис қўлини тортиб олди. У Тариқ ҳақида бунақа қўпол ва совуқ гап эшитишни кутмаганди.

– Бошқалар ҳақида бунақа деб бўлмайди! – деди Жити ёвқараш қилиб. – Ахир бечора уруш туфайли шунақа бўп қолган-ку!

– Ие, Ҳали Житибону ҳам Тариққа ошиқ бўп қоптиларми? Лайло, нега жим турибсан?

– Мен ҳеч кимга ошиқ бўлмаганман, – ўзича тўнғиллади Жити.

Шу жойда уларнинг йўллари айриларди. Қизлар Лайло билан хайрлашиб, яна ўз йўлларида давом этишди. Уч кварталгача Лайло бир ўзи кетди. Қўк «Мерседес» ҳалиям қўшниларининг эшиги олдида турарди. Жигарранг костюмли оқсоч одам машинасига хаёлчан суюниб турарди. Кимдир уни чақиргандек бўлди:

– Эй,mallasoch! Бу ёққа қара!

Лайло ўгирилди. Унинг юзига кимдир тўппон-ча ўқталиб турарди.

ИККИНЧИ БОБ

Тўппончанинг ранги қизил бўлиб, тепкиси зангори тусда эди. Бу ранг-баранг ўйинчоқ ортидан Хадим тишлирини фижирлатиб турарди. Тариқ сингари унинг ҳам ёши 11 да эди. Отаси қассоб бўлган бу кемшиқ, баланд бўйли, озғин бола ўз тенгқурлари ичида энг безорилиги билан ном чиқарган эди. Таанаффусда Тариқ кўринмай қолса, Лайлонинг ортидан худди соядек эргашиб, унга еб қўйгудек термилиб юрарди. Бир гал у қизчанинг елкасига қоқиб, пичирлаганди: «Малласоч, сен менга шу қадар ёқасанки, ўзим уйланиб оламан сенга!»

Мана, у қўлида ўйинчоқ тўппонча билан қандайдир шумликни кўзлаб турибди.

– Кўрқма, ҳеч қандай доф қолмайди, – муғом-бирона жилмайди бола. – Айниқса сенинг мана-ви малла соchlaringda.

– Агар менга яқинлашсанг, ўзингга ёмон бўлади.

– Хўш, нима қила олардинг? Анави чўлоқ ўртоғингга айтасанми? – кейин овозини ингичкалатиб, қизчани мазах қила бошлиди. – Оҳ, Тариқжон! Уйга қайта қол, мени манави аблаждан қутқар!

Лайло ўзини қўлга оламан дегунча Хадим тўппонча тепкисини босди. Илиқ суюқлик томчилари қизнинг бошидан ёғилди. Қўли билан юзларини беркитиб олди. шу пайт бутун кўчани бир тўда боланинг қийқириғи босиб кетди. Лайло ўзи маъносини тушунмайдиган, кўча безорилари тез-тез тилга оладиган сўкишни ишлатди:

– Ҳе, онангни хўроз қувласин!

– Ўзингни нимжинни онангни... – сўкинди Хадим. – Ўша лапашант, сўлақмон отангга қўшиб...! Сен аввал қўлингни бир ҳидлаб кўр-чи?

– Ҳидлаб кўр-чи, маза қиласан, – ҳиринглади болалар жўр овозда.

Лайли кафтини бурнига яқинлаштириди ва ҳаммасини тушунди. Кўз ёшларини тиёлмай, ўзини уйга урди. Кудуқдан сув чиқариб, тогорани тўлғазди. Кийимлари ва сочини қайта-қайта ювиб ташласа-да, кўнгли тўлмади. Бутун бадани дағ-дағ қалтирарди. Юзлари қизариб кетгунча мочалка билан ишқалади.

– Агар Тариқ бўлганида, лоақал онам мени олиб келгани мактабга борганида, ярамас Хадим бунчаликка бормасди, – дея ҳиқиллади Лайло кийимларини алмаштираркан. Лайло нимадандир ижирғаниб ўзини каравотга ташлади. Унинг қўллари мушт бўлиб тугилганди. Сал ўзига келиб олгач, туриб, онасининг эшигини чертди. Ичкаридан жавоб бўлмагач, ўзи эшикни очиб кирди.

Бир пайлар онасидан тартибли, яхши аёл йўқ эди. Ҳар куни эрталаб бардам, тетик бўлиб уйғонар, чиройли, янги кийимларини кияр, Лайло эса,

онасининг соchlарини тараб қўярди. Кейин улар шаҳар айлангани чиқишар, баъзида онаси унга турли ширинликлар олиб берарди. Кечки пайт отаси ишдан қайтиши билан уйлари янада тўлиб қолгандек бўлар, Лайло ўзини худди етtingчи осмонда юргандек ҳис этарди. У пайт акалари ҳам шу ерда эди, хуллас, бир бутун, тўкис оила эдилар.

Кўпинча уларнинг уйига таниш аёллар меҳмонга келар, Лайло онаси билан меҳмонларни қаршилашга алоҳида тайёргарлик кўришарди. Онаси турли пишириқлар пиширса, Лайло идишларни ювишга ёрдамлашарди. Меҳмонлар келишгач, Лайло бир четда уларнинг сухбатига қулоқ тутиб ўтиради. Айниқса, онаси дадасини оғиз кўпиртириб мақташини жон қулоғи билан тингларди:

– Эрим жуда ажойиб ўқитувчи эди, ўқувчилари уни ҳаддан ортиқ ҳурмат қилишарди. У болаларни чизгич билан уриш у ёқда турсин, ҳатто қаттиқ гапирмас, болаларни ҳурмат қиласар, шунинг учун ҳам улар муаллимни жонидан ортиқ кўришарди.

Ойиси эри билан қандай танишиб қолганини айтишни жуда ёқтиради:

– Мен ўшанда 16 да эдим. Улар Панжшерда биз билан қўшни туришарди. Ҳа, дугонажонлар, биз бир-биrimizни шу қадар севардикки! Мен ҳовлимизнинг ўртасидаги деворни ошиб ўтиб, унинг ёнига борарадим. Лекин Ҳаким катталар бу учрашувимиздан хабардор бўлиб қолишидан ёмон қўрқарди. Ўшанда ҳам жуда жиддий, эҳтиёткор эди. Мен ўзим таклиф қилганман: «Ҳакимжон ака, сизсиз яшолмайман. Ўзингиз совчи қўясизми ё дадангизга ўзим айтайми?» О, ўша пайтда унинг юzlари қандай қизариб кетганини кўрсангиз эди?

Фариба қаҳ-қаҳ урганча қарсак чалар, бир уй аёл унинг кулгисига қўшиларди. Ҳа, у пайтларда

отаси ҳақида шунақа ёниб, түлқинланиб гапи-парди, хоналари ҳам алоҳида эмасди. Эх, ҳаммаси ортда қолди.

Хотинлар «гапи»да суҳбат күпинча келгусидағи орзу-ҳавасларга бориб тақаларди. Уруш тугаса, йигитлар қайтиб келса, уларни уйлантириш керак. Шу боис, күпинча аёллар ўзларига келин қидиришга тушардилар: дарвоқе, ҳадемай Лайлонинг акалари Аҳмад билан Нур ҳам қайтиб келишади. Лайло уларни роса соғинганди.

– Азита қалай?

– Анув гиламдўзниң қизими? – Онаси афтини буриштиради. – Вей, ү қизни мўйловини кўрганмисиз? Эримникидан қалинроқ!

– Ноҳида-чи? Ўз синфида биринчи экан!

– Э, тишлари сўйлоқ-ку! Кечаси кўрган одамнинг юраги ёрилади! Бўлмайди у!

– Воҳиднинг сингилларига нима дейсиз?

– Анави калтабақай қизларми? Йўқ– йўқ. Йўқ, нима, менинг ўғилларим кўчада қоптими? Ҳар йигитларки, ҳар тола сочи битта қизга бериқсиз!

Бу пайтда Лайло бир четда ўтирганча Тариқ ҳақида хаёл сурарди...

Мана онасининг ҳужраси. Деразага қалин парда тортилган, қоп-қоронги. Бу ҳужрада ҳар хил ҳид – тер, овқат қолдиги, атир ва бошқа ёқимли, ёқимсиз ислар қоришиб кетганди. Лайло кўзи қоронғига кўниккунча бир оз кутиб турди. Кейин ерда сочилиб ётган кийимларни оёғи билан пайпаслаганча дераза ёнига борди ва пардани очди. Кўзи бир жойда уюлиб турган тўшак жиљдларига тушди.

Деворга Аҳмад ва Нурнинг бир қанча суратла-ри илиб ташланган эди.

Онасининг каравоти остидан пойабзал қутиси-нинг бир учи кўриниб туради. Унда Покистонда чоп этилган исёнчилар ҳақида мақолалар эълон қилинганд газета қирқимлари йифиб кўйилганди.

– Ойи!

Бояги түшак уюми бирдан жонланди. Онаси бир инграб олди.

– Туриңг, ойи. Уч бўлди.

Аёл устидаги матоларни бир четга сурди. Ке-ришганча ўрнидан турди. Кейин тараглмаган соchlарини бир четга суриб, қўлларини ёзиб ке-ришиб олди. Деразадан тушаётган ёруғлик унинг кўзини қамаштирганди.

– Мактабдан келдингми? – сўради мудроқ овозда.

Ҳар қуни шу аҳвол. Бир хил, ҳиссиз савол-жа-воблар. «Қанақа дарс ўтдинглар?», «Овқат еб ол-дингми?», «Неччи баҳо олдинг?»

Онаси кўзларини кафти билан тўсиб олди:

– Шунақа бошим оғриб кетяптики!

– Дори опкелайми, ойи?

Онаси чаккаларини ишқалади.

– Йўқ, кейинроқ! Отанг келмадими?

– Ҳали энди уч бўлди-ку!

– Э, ҳа, боя айтдинг-ку! – ойиси эринчоқдик билан эснади.

– Ойи, битта бола юзимга тўппончаси билан сийдик сепди, – ҳиқиллади Лайлло.

– Нима? Вой, қўлгинаси синсин! – Фариба бир оз сергак тортди. – Эртага бориб ўзим гаплашаман.

– Ҳали кимлигини айтмадим-ку!

– Ҳа-а-а, ким экан?

– Сизга нима фарқи бор?

– Тавба, нега бунақа тўнингни терс кийиб ол-динг, қизим?

– Нега мени мактабдан олиб келгани борма-дингиз?

– Ҳа, бормоқчи эдим, – онаси бармоқларини соchlари орасига тиқиб, бир оз жим қолди. – Ана-ви ўртоғинг бориди-ку, оти нимайди? Тариқми-ди? Уям юрибдими?

– Унинг кетганига икки ҳафта бўлди.
Онаси унинг соchlарини ҳидлаб кўрди:
– Ювиниб олдингми?
– Ҳа!
– Ювиниб олган бўлсанг бўпти-да! Тоза бўпсан,
шунгаям шунча ваҳимами?

Лайло ўрнидан қўзғолди.
– Уй вазифаларимни қилишим керак!
– Ҳа, унда бор, нега турибсан, оппогим, бориб дар-
сингни бажар! – Онаси яна чойшабга ўралиб олди.

Лайло деразага яқин борганида ҳиротлик ки-
шининг мовий «мерседес»и чанглар булути ичи-
дан ўтиб бораради. Лайло машинага узоқ тики-
либ қолди:

– Эртага албатта мактабингга бораман, ваъда
бераман.

– Кечаям шунаقا дегансиз!
– Сен билганингда эди, Лайло...
– Нимани?

Фариба кўксига муштлади:

– Мана бу ерда нималар бўлаётганини билга-
нингда эди...

УЧИНЧИ БОВ

Бир ҳафта ўтди. Кейин яна бир ҳафта... Та-
риқдан дом-дарак йўқ эди. Лайло вақтни қисқар-
тириш учун эшик кўзидағи докани ямаб қўйди,
отасининг китобларига ўтириб қолган чангларни
артиб, уларни алифбо тартибида жойлаштириб
чиқди. Дугоналари билан Товуққўчани айланиш-
га чиқди. Аммо, дунёда кутишдан азобли иш
йўқлигини у шундагина билди.

Лайлони ваҳимали ўйлар қуршай бошлади. Бал-
ки энди у умуман қайтмас? Балки улар Фазнига ба-
тамом кўчиб кетишгандир? Унда Тариқ нега у би-

лан хайрлашмади? Яна минага учраган бўлса-чи? У биринчи бор, 1981 йилда минага дуч келганида беш ёшли бола бўлган. Ўшанда ҳам улар Фазнига кетишган экан. Яхшиям портлаш натижасида унинг битта оёғи узилиб қолган. Ахир буткул парчаланиб кетиши ҳам мумкин эди.

Бу мудҳиши фикр Лайлонинг бошини фувиллатиб юборди.

Бир куни кечаси кўчада қандайдир учқун чақнади. Лайло ўзида йўқ қувониб кетди. Каравот остидан бекитиб қўйган фонарчани одди. Жин урсин, батарейкаси ўтириб қопти. Майли, энг муҳими, у қайтибди-ку! Ҳа, Лайлонинг қувончи чегара билмасди.

Ташқаридаги фонар ёғдуси эса, зулмат қўксини тилиб, тинимсиз ёниб ўчарди.

Эртаси эрталаб Лайло Тариқнинг ёнига югурди. Бу пайтда кўчада Ҳадим ва унинг ўртоқлари негадир қўлларидаги таёқни лойга санчганча, ҳиринглаб туришарди. Лайло бошини хам қилиб, уларнинг ёнидан хўмрайганча ўтиб кетди.

– Нима қип қўйдинг? – дея ҳовлиқди у эшик очган Тариқка кўзи тушиши билан. У Тариқнинг дадаси сартарош эканини унугланди. Тариқ тап-такир қилиб қиртишланган бошини сийпалаб, илжайди:

– Ёқдими?

– Худди янги хизматга борган аскарга ўхшаб қолибсан.

– Ма, ушлаб кўр, – бошини эгди Тариқ.

Боши шунаقا текис, думалоқки, бошқа болаларнига умуман ўхшамайди. Тариқнинг бўйни ва пешонасини офтоб урибди.

– Бунча узоқ қоп кетдинг? – чўччайди Лайло.

– Амаким касал бўп қопти. Кир уйга!

Бола қизчани меҳмонхонага олиб кирди. Лайло бу уйдаги ҳар бир майдада жиҳознинг кўрини-

ши ва жойлашған ўрнини ёд биларди. Девордаги эски гиламдан тортиб, йигма каравот устидаги ёпинчиққача, эски журналлардан то аккордеон филофигача – ҳамма-ҳаммаси унинг күз ўнгидан муҳрланиб қолған.

– Ким келди? – сўради Тариқнинг онаси ошхонадан туриб.

– Лайло, – деди бола уни стулга таклиф қиларкан. Мехмонхонанинг деразалари ҳовлига қараб очиларди. Дераза олдида Тариқнинг онаси ёпиб қўйган тузлама ва мурабболар териб қўйилганди.

– Ие, келинимиз кеп қопти-ку! – деди хонага кириб келган оқсоч, қотма дурадгор – Тариқнинг отаси ва қулочини кенг ёйди.

У қизчанинг пешонасидан ўпаёттганида Лайлонинг димофига нам ёғоч ва пайраҳанинг ёқимли ҳиди урилди.

– Қизимни қўпам уялтираверманг, кейин бизникига кирмай қўяди, – деди шарбат тўла идиш, сузгич ва тўртта финжон терилган патнисни столга қўяркан. Стол устида қизил тусдаги ой ва юлдузлар тасвири туширилган дастурхон ёзирик турарди. Деворда Тариқнинг болаликдаги сурати осигалиқ туар, унда болакайнинг ҳар иккала оёғи бус-бутун эди.

Тариқнинг ота-онаси жудаям меҳрибон, самимий кишилар эди. Тариқ туғилганда онаси эллик ёшга яқынлашиб қолған экан. Ҳозир уларнинг ҳар иккиси чол-кампирга ўхшаб қолганди.

– Отанг яхши юрибдими? – сўради Тариқнинг онаси. Аёлнинг бошидаги эски парик бир тарафга қийшайиб тургани учунми, тагидан унинг оппоқ соchlари кўриниб туарди.

– Яхши, раҳмат, – деди Лайло. – Аввалгидек нон заводда ишлайдилар.

– Ойинг-чи?

- Ҳар доимгидек, бир ундоқ, бир бундоқ.
– Ҳа, она учун фарзанд соғинчидан ёмони бор эканми?
– Биз билан овқатланасан-а? – сўради Тариқ.
– Бўмасам-чи, – деди онаси. – Мана, шўрвамиз ҳам пишай деб қолди.

Лайло уялиб бош эгди. Аслида бу хонадонда, Тариқ бор даврада овқатланиш Лайло учун жуда ёқимли эди. Овқат устида ҳам сухбат тўхтамасди. Улар пуштун бўлишса-да, Лайло бор пайтда форсийда гаплашишарди. Отасининг айтишича, тоҷиклар ва пуштуналар орасидаги муносабат у қадар силлиқ эмас экан.

– Пуштуналар бизни унча менсимайди, – деганди бир гал унга отаси. – Пуштуналар давлатни 250 йил бошқарган, тоҷиклар эса 1929 йилда 9 ой ҳукмронлик қилган, холос. Аслида миллатчилик энг катта хато. Пуштун ҳам, тоҷик ҳам, ҳазорий ҳам, ўзбек ҳам шу тупроқ фарзанди, Ватанимиз бир. Шундан кейин бир гуруҳ одамнинг бошқа бир гуруҳ устидан ҳукмронлик даъво қилиши нотўридирип. Лекин қаерга қарама, тенгсизлик, айирмачилик, тарафкашликни кўрасан...

Лайло ҳеч қачон Тариқ ва ўзи орасида, умуман унинг оиласида ана шундай тенгсизликни, менсимасликни ҳис этмаганди. Тариқнинг ота-онаси Лайлони ҳам худди ўз фарзандидай кўрар, ундан меҳр ва эътиборни дариф тутишмасди.

- Юр, панжпар ўйнаймиз, – деди Тариқ.
– Майли, ўғлим, чиқинглар, юқори қаватда ўйнайсизлар! – деди Тариқнинг онаси. – Мен овқатга қарай-чи.

Тепадаги хонада полга кўкрак берганча, панжпар ўйнашга киришдилар. Ўйин давомида Тариқ унга тоғасиникида ўтказган кунлар, кўрган-кечирғанлари ҳақида гапиришга тушди. Бу хонада

улар күпинча бирга дарс тайёрлашар, карталардан уйчалар қуришар, ёмғир ёққан пайтида де-раза олдидә турганча, ёмғир томчиларини томошаш қилишарди.

– Кел, топишишмоқ айтиш ўйнаймиз, – деди Лайлодан карталарни аралаштиаркан. – Бурчакдан силжимай, дунёни кезиб чиқар, бу нима?

– Ҳозир, – Тариқ негадир афтини буриштирганча, чўлоқ оёғини аранг кўтариб, унинг тагига ёстиқ қўйди. – Ана бўлди!

Лайлодан шу онда тариқ илк бор чўлтоқ оёғини очиб кўрсатганини эслади. Боланинг нотекис фадир-будир суюклари ҳилвироқ тери остидан тутишиб чиққанди. Тариқнинг айтишича, оёғини кесиб ташлашганидан кейин ҳам суюк ўсишдан тўхтамас экан. Протез эса, қуннинг иссиқ пайтида терисини сиқиб, ловуллатиб юбораркан. Ўшандада Лайлодан йифлагб юборганди.

– Марка, – деди Тариқ. Бу пайтда Лайлодан топишишмоқни ҳам эсдан чиқарганди.

– Аввалдан биларкансан-да!

– Ҳечам, ўйлаб топдим.

– Алдама!

– Топқирилигимдан аламинг келяптими? – илжайди Тариқ. – Тушдан кейин ҳайвонот боғига борамизми?

– Топқириши! Шахматда доим ютқизасанку!

– Сенга атайнин ютқизиб бераман, – деди Тариқ кулимсираб.

– Ўзинг мендан катта синфда ўқисанг ҳам, математикадаги мисолларни менга ечирасан-ку!

– Э, қўй бу гапларни, борамизми?

– Борамиз, – жилмайди Лайлодан.

...Улар кўчага чиқишганда, Хадим ўз шотирилари билан ҳамон ўша жойда ҳиринглазиб турарди. Лайлодан ҳар қанча ўзини босмасин, баридан

бир ўша қунги нохуш воқеани айтмасликнинг иложини тополмади. Йўқ, у айтмади, беихтиёр кўксидан отилиб чиқди бу гаплар.

– Нима қилди, дединг?

Лайло такрорлади. Тариқ қўлини Хадим томонга бигиз қилди:

– Шуми? Мана шу аблаҳ шунақа қилдими?

– Ҳа.

Тариқ пуштунчалаб нимадир дея сўкинди. Кейин яна Лайлого ўгирилди:

– Сен шу ерда тур, мен ҳозир.

– Тариқ, шошмагин, керакмас...

Бу пайт Тариқ йўлнинг нарига бетига ўтиб олганди. Хадимнинг юзидаги масхарали табассум сўнди. Белига тиralган қўллари ҳам икки ёнга осилиб қолди. Унинг атрофидаги болалар безовталаниб қолишиди.

– Улар неча киши? – қўрқиб кетди Лайло. – 10, 12... Ҳаммаси бирданига Тариқقا ёпишса нима бўлади?

Тариқ Хадимдан бир неча қадам берида тўхтади. Эгилиб, шимининг боғичини ечди. Аввалига Лайло ҳеч нарсани тушунмади. Шу пайт Тариқ қаддини тиклади ва бир оёқда ҳаккалаб, протез оёғини шамширдек баланд кўтарганча, Хадим тарафга отилди. Болалар тумтарақай бўлишиди. Чанг-тўзон ичида Хадим ҳам, Тариқ ҳам кўринмай кетди. Зарб ва бақир-чақир овозлари қоришиб кетди.

Шу-шу Хадим қайтиб Лайлого хиралик қилмади.

Ўша оқшом Лайло одатдагидек отаси билан бирга овқатланди. Онаси иштаҳаси йўқлигини пеш қилиб, хонасига кириб кетди.

Ҳар оқшом овқатдан кейин отаси бирга дарс тайёрлашади. Отаси қизининг бошқа болалардан ажралиб туриши учун ҳали ўтилмаган мавзу-

ларни ҳам ўргатиб борарди. Гарчи коммунистлар Ҳаким муаллимни ишдан бўшатишган бўлишса-да, у аёлларнинг таълим олишдаги тенгҳуқуқлиги борасидаги фикрларини тасдиқларди. Айни пайтда Кобул университети талабаларининг ҳам учдан икки қисмини қизлар ташкил этарди.

Ота-бала овқатланиб бўлишганида, Лайлодарс тайёрлашни бошламай туриб, отасига Тариқ ва Хадим воқеасини айтишга оғиз жуфтлаганди, бирдан эшик тақиллаб қолди. Бўсафада юzlари шамолдан дағаллашган, гирдигумдан келган, бошига пакол (*афғонистонлик тоҷикларнинг анъанавий бош кийими – тарж*) бостириб олган киши турарди.

ТЎРТИНЧИ БОБ

– Мен ота-онанг билан гаплашмоқчи эдим, қизим, – деди нотаниш одам Лайлого қараб.

– Сиз ким бўласиз? Нима деб қўяй уларга!

У билан изма-из чиққан отаси Лайлонинг елкасини туртди.

– Ичкарига кир, қизим, борақол!

– Мен Панжшердан келяпман, сизга нохуш хабар келтиридим, – деган гаплар юқорига чиқиб кетаётган қизчанинг қулогига чалиниб қолди. Зум ўтмай онаси ҳам дарвоза тарафга ошиқди.

Пакол кийган киши паст овозда уларга нималарнидир тушунтира бошлади. Ҳаким муаллимнинг юзи докадек оқариб кетганди. Онаси эса, дод солиб, соchlарини юла бошлади.

Эртаси куни бутун қўни-қўшнилар уларни-кида тўпланишди. Хатми Қуръон қилинди. Кўз ёшларига фарқ бўлган онаизор каравотдан қимирламас, рўмомлчаси жиққа ивиб кетганди. Унинг тепасида турган икки аёл навбатма-нав-

бат унинг қўлларини, кўксини, оёқларини уқалаб туришар, бир ҳушига келиб, бир ҳушини йўқотаётган Фариба уларни илғамасди ҳам. Лайло онасининг ёнига бориб, тиз чўкди:

– Ойижон!

Фариба караҳт алфозда қизига қаради.

– Қизим, сен бу ёқقا юр, онангни безовта қилма, – деди аёллардан бири унинг қўлидан четга тортиб.

Лайло у хонадан бунисига дайдиб юрар, қаерга боришини билмасди. Шу пайт Лайлонинг дугоналари ҳам кириб келишди. Жити ингичка қўлчала-ри билан Лайлони маҳкам қучиб, йифлаб юборди.

– Ўзингни қўлга ол, – дея маъюс пицирлади.

Ҳаким муаллим ҳам ўзини қўярга жой тополмай қолганди. Хотини аёлларга «ёнимга киритманглар, қўзимга кўринмасин» дея тайинлаган экан. Ниҳоят, у даҳлизда турган курсига бечораҳол, хокисор қиёфада ўтириб қолди. Кимдир «йўлни тўсиб қўйманг» дея танбеҳ бергач, узр сўраб четлашди, бир оз ивирсиб юргач, ўз хонасига қамалиб олди.

Кечқурун эркаклар Карте-Седа ижарага олинган залга эҳсонга ўтишди. Аёллар уйда қолди. Лайло меҳмонхона даҳлизида, онасининг ёнидан жой олганди. Қариндош ва қўшни хотинлар бирин-кетин ҳол сўрашга киришди. Мана, бошига қора дурра ташлаган Тариқнинг онаси, манави кампир эса, Лайлонинг туғилишида доялик қилган Важма хола... Лайло маҳзун жилмайиб, улар билан сўрашган бўлди.

Магнитофон тасмасидан қорининг ширали овози янгради. Хонада чўккан суқунатга Қуръон оятлари оқа бошлиди.

Рашид этикдўзниң хотини Марям ҳам кириб келди. Қора ҳижоб остидан унинг жингалак кокиллари тошиб турарди. У Лайлонинг рўпарасига келиб ўтирди. Фарибадан ҳол сўраган бўлди.

Аммо, Фариба худди ҳаммасини тушида күраёт-гандек, барчага бефарқлик билан боқарди.

– Ойижон, сув ичасизми? – пичирлаб сўради Лайло. Фариба эса, маъносиз кўзларини деворда осилган гилам нақшларига қадаб ўтиради.

Лайло секин-аста оиласлари бошига тушган мусибатнинг моҳиятини тушуниб ета бошлади. Аммо, бари бир у сукутга толган онасининг қалбидаги беомон қайғу пўртанасини ҳис этишга ожизлик қиласарди. У акалари Аҳмад ва Нурнинг тирик пайтини эслолмасди. Унинг тасаввурида ҳар иккиси баайни эртак қаҳрамонлари сифатида из қолдиришганди.

Унинг назаридаги Тариқ улардан яқинроқ, ҳақиқий қондош ва жондош мақомида эди. У Тариқнинг нималарни ёқтириши, қандай гапиришию қанақа овқатланишигача биларди. Унинг ўмровидаги митти рубоб тасвирини эслатувчи нори ҳам кўз ўнгидаги муҳрланиб қолганди.

Алҳол, у онасининг ёнида ўтирганча марҳум акалари учун кўз ёш тўкарди. Ҳолбуки, унинг ҳақиқий акаси фақат битта, у ҳали ўлмаганди...

БЕШИНЧИ БОБ

Дард Фарibани тамомила ҳолдан тойдирганди: кўкраги оғрир, боши айланар, бўғинлари зирқи-рар, қулоқлари шангиллар, баданида турли фурралар пайдо бўлганди. Ҳаким муаллим уни докторга олиб борди. Аммо текширувлар бирор самара бермади, унинг касалини ҳеч ким аниқлаб беролмади.

У аҳён-аҳёнда жазавага тушиб, соchlарини юлар, дод солар, айрим пайтларда эса, соатлаб бир нуқтага тикилиб ўтиради. Гоҳо худди телбадек хоналарни изғиб юрар, ўғилларининг болалиги ўтган хонага киргач, юзида табассум уйғонар-

ди. Худди шу хонада икки ўғли шаталоқ отиб, жанжаллашишар, бир-бирига ёстиқ иргитар, ниҳоят, шумлиқдан чарчаб, уйқуга кетишарди. Энди улар йўқ, ҳеч қачон бўлмайди ҳам. Бу уйда фақат бўшлиқ ва жимлик ҳукмрон.

Онаси фақат беш вақт намознигина мукаммал адо этарди. Бошқа ҳеч нарсанинг унинг учун қизиги қолмаганди. Уйдаги ҳамма юмушлар Лайлонинг зиммасида қолганди. У ҳамма ишларини битириб, онасининг ёнига ётиб олар, унинг қалин соchlари орасига юзларини босарди. Онаси ожиз қимиirlаб олар, қизини бағрига босганча, ўғиллари ҳақида гапира бошларди:

– Аҳмад болагидан мард, жасур бола эди, ўзидан уч ёш катта болаларни ҳам йўриғига соларди. Нур бўлса, расм чизишини ёқтиради. Уйларни, кўприкларни шунақа ўхшатиб чизардики... Ундан ажойиб меъмор чиқарди... Бизга бу хабарни етказган одамнинг айтишича, болаларимнинг дафн маросимида Аҳмадшоҳ Масъуднинг ўзи шахсан қатнашибди. Ҳа, улар ҳақиқий қаҳрамон эди.

Онаси оғир ҳаракат билан ўгирилиб олди. Лайло унинг кўксига бош қўйди.

– Назаримда ҳар бир сония мен учун дақиқадек, соатдек чўзилади, – хўрсинди она. – Эҳ-ҳе, олдимда яна қанча фам-андуҳга тўла сониялар турибди. Яна уларсиз қанча умрни, эҳтимол, ойлар, йилларни ўтказишим керак. Лайло, кимдир юрагимни босиб тургандек, нафасим қайтади, бўғиламан. Шу даражада ҳолсизланаманки, ҳозир ўлиб қолсам керак деб ўйлайман.

– Ойижон, айтинг, сиз учун нима қилай?

– Сен жудаям яхшисан, қизим, – унинг юзларини силади Фариба. – Фақат мен нолойиқ онаман сенга!

– Унақа деманг! Ойижоним менинг!

Онаси юзларини ёстиққа босди. Мана, Фарибанинг соchlари орасида оқ толалар анча қўпайибди. Томоғи ҳам салқиб, осилиб қолибди. Тиқмачоқдек бармоқларидағи узук ҳам ўйнаб қолган...

– Ойи, сиздан бир нарсани сўрасам, майлимни?
– Сўра.

– Мабодо сиз... – Лайло гапини давом этти-ролмади. Бу ҳақда сал аввалроқ у Ҳасина билан гаплашиб қолган, кейин уйдаги ҳамма хапдориларни ахлатхонага ташлаб, ошхонадаги сих, пи-чиқ ва санчқиаларни беркитиб қўйишганди. Ҳасина ҳовлидан топиб олган арқонни ҳам кўздан бекитишиди. Ҳаким муаллимнинг устараси, пискалари ҳам қаёққадир йўқолди. У бу ҳақда отасини огоҳлантириб, ундан бирор таскин кутганди. Аммо отасининг кўзлари маъносиз бўшлиқни кўра олди, холос.

– Ойи, мабодо сиз... – чайнадди яна Лайло. – Мен ёмон қўрқяпман.

Онасининг юзларида синик табассум жонланди:

– Бу гапни эшитган куним, ўзимни бир нима қилиб қўйишим аниқ эди, – шивирлади онаси. – Кейин ҳам бир неча бор шу ҳақда ўйладим. Лайло, энди қўрқмасанг ҳам бўлади. То Ватанимиз озодлигини ўз кўзим билан кўрмасам, ўлмайман. Ёруғ кунларни болаларим менинг кўзим билан кўришади. Қўрқма, қизим!

ОЛТИНЧИ БОБ

Таксичи узун ҳарбий «уазик»лар ва БТРлар карвонини ўтказиб юбориш учун, машинани йўл четида тўхтатди.

– Армияни, техникаларни қаранг, – деди ҳайдовчи. – Шунча кучни сопқонидан бошқа қуроли бўлмаган дехқонлар тўдасига қарши ишлатиш кулгили эмасмикин?

Ҳарбийлар ўтиб кетгач, улар яна йўлга тушишди.

– Агар яна тўхтатишмаса, олдимизда мана шунаقا карвон чиқиб қолмаса, бир соатда етиб борамиз.

Бу саёҳатнинг ташаббускори Ҳаким муаллим, иштирокчилар эса, унинг ўзи, Лайло ва Тариқ эди. Ҳасинани ҳам таклиф қилишганди, аммо отаси рухсат бермади. Ҳаким муаллим бир кунга такси ёллаб, уларни мана шу сафарга олиб чиққан, қаёққа боришларини айтмаган эди.

Улар эрталаб соат бешда йўлга тушишган. Аввал машина ойнасидан қорли чўққилар ўта бошлади, кейин улар ўрнини қўёшда қовжираган тепаликлар, ялангликлар, лойсувоқ кулбалар, буғдойзорлар эгаллади. Уфқда кўчманчиларнинг ўтовлари қорайиб кўринарди. Ниҳоят, куйиб кетган совет танклари, уриб туширилган вертолёт қолдиқлари кўзга ташланди.

Тушга яқин иккита блокпостдан ўтиб, водийга чиқиб олишди. Ҳаким муаллим узоқдан қизарип турган деворларни кўрсатди:

– Бу Шаҳри Зоҳак. Бу ерда бир пайтлар қалъа бўлган. Уни 900 йил муқаддам босқинчилардан ҳимояланиш учун ота-боболаримиз қуришган. 13-асрда бу ерни босиб олмоқчи бўлган Чингизхоннинг невараси мудофаачилар томонидан ўлдирилган. Кейин Чингизхоннинг ўзи катта қўшин билан келиб, қалъанинг кулини кўкка совурган.

– Ҳа, азизларим, – енгил хўрсинди таксичи. – Ватанимиз босқинчилар зулмидан кутулмади, кутулмади. Аввал Искандар, кейин Сосонийлар, араблар, мўгуллар, энди эса, шўравийлар...

Яна ярим соат ўтиб, машина тўхтади.

– Қани, болакайлаар, тушинглар-чи, – деди муаллим машина эшигини очиб. – Қаранглар қани!

Рўпарасидаги манзарадан Тариқнинг оғзи ланг очилиб қолди. Лайлонинг ҳам ҳайрати унивидан

кам эмасди. Улар буюкликтининг бу қадар бетимсол күринишига илк бор дуч келиб туришарди.

Тоғ бағрини ўйиб ишланган иккита баҳайбат Будда ҳайкали ҳар қандай инсонни чексиз ҳайратта гарқ әтарди. Икки минг йил илгари ҳам бу буюк ҳайкаллар пойида Буюк ипак йўли бўйлаб карвонлар ҳаракатланишган. Ҳайкалларнинг турли қисмидаги катта-кичик тирқиши – горлар худди пишлоқ бетидаги тешикчаларни ёдга соларди.

– Биз унинг олдида қанчалик кичкинамиз, – шивирлади Тарик.

– Тепага чиқамизми? – сўради Ҳаким муаллим. Болалар унга эргашишди. Тошлилар ичидан уйилган қоп-қоронги зинапоялар бўйлаб тепага ҳаракатланиш Тарик учун осон эмасди. У бир қўли билан Лайлого, иккинчи қўли билан муаллимга суюниб бораарди. Бу тор зинали туйнук тўппа-тўғри чўққига олиб чиқар, унинг нариги учидан ёруғлик кўзга ташланарди.

– Эҳтиёт бўлиб қадам босинглар, оёқларинг тойиб кетмасин, – муаллимнинг овози деворларга урилиб акс садо берди. – Пастга қараманглар, бошларинг айланиб кетади.

– Бир пайтлар бу горларда беш минг нафарга-ча будда руҳонийлари яшаган, – тушунтирди муаллим. – Фор деворларига улар ўз кечинмаларини ёзиб қолдиришган. – Яна бир оз тепага чиқишигач, муаллим илова қилди. – Мана, болалар, биз ҳайкалнинг бошига чиқиб олдик. Бу ердаги туйнукдан ташқарини бемалол кўриш мумкин.

Улар уч киши сиғадиган унгурга аранг жойлашиб олдилар. Чиндан ҳам бу ердан бутун водий кафтдек кўриниб турарди. Кенг буғдоизору бедазорлар, баланд тераклар, сув тўла ариқлар худди китоб саҳифасидаги сувратдек аниқ-тиниқ кўринарди. Бу ердан одамлар шунаقا кичкина кўри-

нарканки! Бомиённинг ҳар бир кўчаси, чойхона ва дўконлари ортидан баланд тоғ чўққилари кўзга ташланарди. Тепада эса, буултсиз, мовий осмон...

– Қанчалик жимжит, – ҳайратини яшиrolмади Лайл олисларда жимгина ўтлаб юрган отлар ва қўйлар подасига ҳавас-ла тикилиб.

– Ҳа, бу ердаги сокинлик ва фарогатни бошқа ҳеч қаердан тополмайсиз, – деди муаллим қизининг гапини маъқулаб. – Кўряпсизларми, болаларим, юртимиз нақадар буюк ва олис ўтмишга эгалигини. Албатта, китобларда ҳаммаси ёзилган, аммо кўз билан кўрган бошқача!

Тариқ водий узра эркин парвоз қилаётган лочинга хаёлчан термилиб қолганди.

– Ойимни ҳам бу ерга олиб келганмисиз? – сўради Лайл.

– Ҳа, сизлар туғилмасингиздан аввал ҳам, кейин ҳам олиб келганман. У бунақа саёҳатларни жонидан ортиқ кўтарди. Сен унинг шодон кулгисини эшитганмисан? Ҳа, мен айнан ана шу беғубор, қувноқ кулгиси учун ҳам унга уйланганман. Рост, унинг кулгисидан тамомила эсимни йўқотиб қўярдим.

Лайлонинг юраги алланечук жўшқин ҳисларга тўла бошлади.

– Форларни кириб кўрса бўладими? – сўради Тариқ.

– Фақат эҳтиёт бўл!

Пастда учта кичкина одам нималарни дирқизгин муҳокама қилиб борар, улар устидан қизил, яшил, сариқ барглар ёғиларди.

– Ўғилларимни жуда соғинаман, – тан олди Ҳаким муаллим ғамгин нигоҳларини бир нуқтага қадаб. – Мен буни сездирмасликка тиришаман. Онанг эса бошқача, шодлиги ҳам, қайғуси ҳам сиртида. Мен умуман бошқачаман. Болаларимнинг ўлими мени тамоман букиб қўйди. Лайл,

кунларнинг ўтиши мен учун қанчалик қийин эканини билсанг эди...

Муаллим сездирмай намланган кўзларини артиб олди. Овози ҳам бўғилиб қолди. Тишини-тишига босиб, бўғзини кўйдирib келаётган йифини ичига ютди.

– Бахтимга сен бор экансан, – у қизининг малла соchlарини сийпалади. – Худога ҳар куни минг бор шукур қиламан. Онанг аламдан ўзини ҳам, бошқаниям билмай ётган бир пайтда сен мен учун бу ҳаётнинг яккаю ёлғиз мазмуни бўлиб туюласан.

Лайло отасининг торгина кўксига бошини қўйиб жим қолди. Анча пайт шу алфозда қотиб қолишиди.

– Мен бу заминни ҳар қанча севсам-да, гоҳида узоқларга бош олиб кетгим келади.

– Қаёқقا? – сўради Лайло.

– Бошим оққан тарафга! Аввал Покистонга. У ерда ҳужжатларни тайёрлагунча бир-икки йил вақт керак бўлади.

– Кейин-чи?

– Дунё кент. Масалан, Америкага кетсак. Денгиз яқинроқ жойга. Калифорнияга. У ерда ишлаб, анчагина пул ортирардик. Кейин кичкина афтон ресторани очардик. Деворда афтон гиламлари, Кобул манзараларини осиб қўярдик. Ойинг қўли гул пазанда, бизнинг ресторан тез орада мижозлар билан гавжум бўлиб кетарди. У ерда сенам ўқиши давом эттирасан. Оддин ўрта мактабни, кейин коллежни битирасан. Бўш вақтингда ресторан ишларига, онангга қарашардинг. Бизнинг ресторанимизда туғилган кунлар, байрамлар, тўйлар ҳам ўтказидаи. Мижозларимиз асосан афтон муҳожирларидан иборат бўлади. Кечқурун ресторанда одам сийраклашиб қолгач, биз учовлон ўтириб чой иcharдик. Тасаввур қиляпсанми, бир кунлик ҳордиқ ана шу чой билан чиқиб кетади.

Отаси жим қолди. Лайлло ҳам лом-мим демади. У онасини билади. Бу ердан бир қадам ҳам жилмайди. Аҳмад ва Нурнинг тириклигига ҳам у Ватанидан кетишни хаёлига келтирмасди. Мана, ўғиллари Ватан учун шаҳид бўлишди. Уларнинг қони шу заминга тўкилди, хоки шу тупроққа қоришди. Энди бу муқадас заминни тарк этиш энг аввало фарзандлар хотираасига нисбатан хиёнат-ку.

Шу чоқ Лайлонинг қулоғи остида онасининг жаҳлдор овози жаранглади: «Бу гап миянгизга қай гўрдан кеп қолди? Бу ҳаётда мен фақат битта таскин билан яшаяпман: мен болаларимнинг покиза қони томган ерда юрибман, бу ердан менинг тиригим тутул ўлигимни ҳам олиб кетолмайсиз!»

Отаси усиз ҳеч қаёққа кетмайди. Демак, унинг барча орзулари шамолга соврилади.

Онаси қачондир «Мен эътиқодсиз, шаккок бандага эрга теккан эканман», деганди. Лекин у асосий нарсани унутганди. У эридаги ишонч ва эътиқодни пайқаш учун ойнага, ўз кўзларига боқиши етарли эди.

Пастга тушишгач, учовлашиб уйдан олиб келинган тухум, нон ва картошка билан тамадди қилишди. Кўп ўтмай, ҳайдовчи шаҳарчадан қовурилган бодом олиб келди. Кейин муаллим сумкасидан юмшоқ муқовали, Лайлого таниш китобни олиб варақдай бошлади. Бу Эрнст Хемингуэйнинг «Чол ва денгиз» китоби эди. Унда катта балиқни тутиш учун қайиғида очиқ денгизга чиқиб кетган Сантяго исмли чолнинг саргузаштлари ҳақида ҳикоя қилинарди. Чол қирғоққа етиб келганида, у тўрга туширган улкан балиқни акулалар аллақачон нимталаб ташлашган, ундан фақат суюкларгина қолган эди.

Лайло ариқ бўйида сувга оёқларини тиқиб ўтирганча хаёлга чўмди. Унинг боши узра чивинлар фужон ўйнар, мезонлар учиб юаради. Олислардан эшаклар ҳанграши, дизел генераторининг тариллаши эшитилди.

Отаси денгиз бўйига кетмагани ҳам тузук. Ахир соддадил Жити, ҳазилкаш Ҳасина ва энг асосийси – Тариқсиз Лайло яшай олармиди? Ахир атиги икки ҳафталик айрилиққа чидолмади-ку! Бутун умр ундан ажралиш...

Яна ким билсин, фақат яқин инсонингдан узоқлашмаслик учун бутун умрни уруш ва таҳликали ҳаёт ичида ўтказиш ҳам тўғри эмасдир? Беихтиёр, негадир айни дамда Тариқнинг Ҳадимни ясама оёғи билан боплаб туширгани кўз олдига келди. Орадан олти ой ўтди. 1988 йилнинг апрели етиб келди. Кунларнинг бирида Ҳаким муаллим ошиқиб кириб келди.

– Шартнома имзоланди, – дея қичқирди у осто-надан туриб. – Женевада. Шўравийлар кетиша-ди. Тўққиз ойдан кейин Афғонистонда битта ҳам шўравий аскар қолмайди.

– Бари бир коммунистик тузум қолади-ку, – деди Фариба каравотдан силжимай. – Нажибулло ҳеч қаерга кетмайди-ку! Уруш ҳам тугамайди. Ҳали қувонишга эрта.

– Нажибулло узоқ турмаса керак, – деди Ҳаким негадир ишонч билан.

– Ойи, улар кетишади, кетишади! – иргишилади Лайло.

– Ҳа, дадажонинг билан қувонаверинглар. Лекин мужоҳидлар Кобулга ғалаба билан киришмас экан, мен ҳали-вери қувонмайман.

Онаси бошини адёлга буркаб олди.

ЕТТИНЧИ БОБ

1989 йил, январ. Яна уч ой ўтиб, Лайло 11 ёшга тұлади. Кун тунд ва совуқ әди. Одамлар Кобул күчаларини тарк этаёттан шұравийларни кузатиш учун күчага оқарди. Лайло ота-онаси ва Ҳасина билан Вазир Акбархонда масжиди олдида туар, уларнинг олдидан танклар, БТРлар, юқ машиналари тұхтовсиз ўтиб борар, қор учқунлай бошлиғанды.

Кимdir масхараомуз ҳуштак чалади, кимdir бақиради. Афғон армияси аскарлари эса, күчадан ўтаёттан шұравийларни иҳота қилиб туарды. Фариба ўғиллари Аҳмад ва Нурнинг ҳовлидаги нок даражти остида түшгап расмини баланд күтариб олган, у сингари вафот этган яқинларининг портретларини күтариб олган одамлар қўп әди.

Кимdir Лайлонинг елкасини қоқди. Унинг ортида Тариқ туарды.

- Бизни қандай қилиб топдинг?
- Қалай, ярашибдими? – Тариқ бошидаги русларнинг қулоқчин телпагини ушлаб қўйди.
- Афтинг бирам кулгили!
- Ўзим атайин кийиб одим.
- Ота-онаң ҳам шунаقا кийимлар кийиб олишганми?
- Улар уйда ўтиришибди.

Үтган ёзда Тариқнинг Фазнидаги амакиси юрак хасталигидан вафот этди. Бир неча ҳафта ўтиб, отасининг ҳам юраги хуруж қилди. У ҳозир анча заифлашиб, жizzаки бўлиб қолган, олдингидек ҳазилкашлигидан асар ҳам қолмаганди.

Ҳаким муаллим, Фариба, Тариқ ва Лайло автобусда уйга қайтишди. Онаси суратни кўксига босганча, автобус ойнасидан кўз узмай келарди. Автобусдагилардан бири «шұравийлар

кетса-да, Нажибуллога қурол етказишни тұхта-тишмайды», деди.

– Ҳа, уруш энди янгича қўринишда давом эта-ди, – фалсафа сўқиди яна кимдир.

Шу куни кечқурун Лайло Тариқ билан «Парк» кинотеатрига тушишди. Атайн қилғандек, форсчага дубляж қилинган қандайдир совет фильмі берилаётган экан. Унда савдо кемаси капитанининг Алёна исмли қизини унинг ёрдамчиси севиб қолади. Фильм тўй саҳнаси билан тугайди. Капитан ҳам қизининг ёрдамчиси билан турмуш қуришига розилик беради. Келин-куёв ҳамманинг ичида ўпишиб, ароқ ичишлади.

– Ўлсам ҳам уйланмайман, – пичирлади Тариқ.

– Менам турмушга чиқмайман, – унга қўшилди Лайло.

– Тўй шунаقا аҳмоқлик бўладиган бўлса... Турган-битгани галва, тўполон. Ортиқча чиқимдорлик.

– Нимаси чиқим?

– Умрингда бир марта киядиган кийим учун қанча пул кетади, биласанми? Агар мен уйлан-сан, саҳнада фақат уч киши бўлади. Мен, келин ва чаккамга тўппонча тираб турган киши.

Орқа тарафдан кимдир тўнғиллади. Экранда йирик планда ўшишаётган келин-куёвни кўрса-тишди. Лайлонинг юраги қафасдаги қушдек по-тирлади. Қулоқлари шангиллаб, юзлари ловуллай бошлади. Тариқнинг ҳам бир кўзи экранда, ик-кинчиси Лайлода эди. Наҳотки, у ҳам қизнинг ботинидаги тўфондан хабардор бўлса...

Ростакамига ўшиши қанаقا бўларкин? Тариқ бетоқат типирчилади.

– Биласанми, Лайло, Сибирда аксирадиган бўлсанг, мишиғинг нўхатдек ерга тарақлаб ту-шармиш!

Икковлари ҳам кулиб юборишди. Аммо улар-нинг кулгиси аллақандай асабий эди. Кинодан

чиқишиганида қоронги тушиб қолган, Лайло қоронфида Тариқ унинг юзини аниқ кўролмаслиги-дан хурсанд эди.

САККИЗИНЧИ БОБ

1992 йил, апрел. Тариқнинг отаси ўтган уч йил ичида бир неча бор инсультни бошидан кечирди. Энди унинг чап қўли ўзига умуман бўйсунмас, нутқи ҳам тушунарсиз бўлиб қолганди. Айниқса, у ғазабланиб, бақирганда ҳеч нарсани тушуниб бўлмасди.

Тариқнинг соғлом оёғи ўса бошлагач, «Қизил Хоч»дан янги протез олди. Албатта, яrim йил кутиш эвазига. Ҳасинани Лаҳорга олиб кетиб, ўша ердаги қариндошига эрга беришди. Лайло ва Жити уни кузатишга боришганида, бўлажак эри Германияга кетиши учун ҳужжатларни тайёрлаганини айтди. Улар йифлаб, қучоқлашиб видолашишди. Чунки, қайта кўришмоққа ҳеч ким ишонмасди.

Шўравийлар ҳукумати кутилганидан тезроқ парокандаликка юз тутди. Ягона таянчидан айрилган Нажибулло ҳам ўз сиёсатини ўзгартириб, тақводор мусулмонга айланди.

– Ўгри қариса сўғи бўларкан, – дея бунга изоҳ берди Ҳаким муаллим. – Кеча мусулмонларнинг қонини ичган золим бугун мачитта кириб, намоз ўқиса-я?

Кобул атрофидаги ҳалқа торайиб боравергач, Нажибулло ҳам мужоҳидлар билан келишишига қарор қилганди. Аммо, иложи бўлмади. Ниҳоят, Лайло ўн тўртга тўлган кунларда Нажибуллони ағдаришди. У Доруломон қасри яқинидаги БМТ ваколатхонасидан паноҳ топди.

Коммунистлар билан жанг ниҳоялаб, мужоҳидлар ўн йиллик уруш сўнгидан Кобулга тантана би-

лан кириб келишди. Уларнинг йўлбошчилари сағида Фарибанинг кумири – Панжшер арслони номини олган тожик Аҳмадшоҳ Масъуд ҳам бор эди. Эртаси куни Фариба умуман бошқача кайфиятда уйғонди. Беш йилдан бери қора кийимини ечмаган аёл, энди фақат байрамларда киядиган мовий кўйлагини кийди. Дераза ва полларни ювиб чиқди. Уйларни тозалаб, ваннани қатрон қилди.

– Бугун зиёфат қиласиз, – деди у тантанавор оҳангда.

У ошхонага кириб, қўлларини биқинига тиради ва норози қиёфада Лайлого юзланди:

– Вой-вўй, ошхонамни нима қип қўйдинглар, – сўради у беозор норозилик билан. – Ҳамма нарсанни жойини алмаштириб ташлабсизлар, ҳеч нарсанни топиб бўлмаяпти.

Лайло онасидаги бу кутилмаган ўзгаришдан ҳам ҳайратда, ҳам бир оз хавотирда эди. Онаси байрам дастурхони таомномасини тузиб чиқди: кўкатли шўрва, ош, котлет, устига ялпиз сепилган, қатиқ сурилган манти...

– Қошлирингни терибсанми? – гуручининг толшини тераётсиб, қизидан сўради.

– Озгина!

Онаси гуручни кафти билан ишқалаб юваркан, яна қизига юзланди:

– Тариқ дўстинг юрибдими?

– Ҳа, отаси касал бўп қолган.

– Ҳозир неччига кирди?

– Билмадим, олтмиш-етмишларда шекилли!

– Мен Тариқни сўраяпман.

– Ҳа, уми, яқиндагина 16 га тўлди.

– Чиройли бола, тўғрими?

Лайло уялиб, елка қисди.

– Нима демоқчисиз бу билан, ойи?

– Ҳеч нарса, – самими жилмайди онаси. – Биласанми, бир пайтлар сизлар бирга ўйнасанглар, у ер-бу ерга бирга борсанглар ҳамма кулиб, жилмайиб қарапди. Энди эса, сизлар катта бўлдинглар, қарапшлар ҳам ўзгаради. Сен... сийнабанд тақяпсанми?

Лайло бу саводдан гангид қолди.

– Нега менга бир оғиз айтмадинг? – ҳаддидан ошаётганини билган онаси сал юмшади. – Тариқ минг қилсаям ўғил бола. Қизлар билан юрсаям ҳеч ким уни айбламайди. Сен эса, қиз боласан. Сендеқ чиройли қизлар учун ор-номусни асраш жуда нозик масала. Тасаввур қил, қўлингда кичкина майнани ушлаб турибсан, кафтингни ёзишинг билан у йўқ – учиб кетади. Номус, иффат ҳам ана шу майнага ўхшайди.

– Ўзингизам бир пайтлар отамни кўриш учун девор ошиб ўтганингизни айтгандингиз-ку!

– Биз қариндош эдик. Ба турмуш ҳам қурдик.

– Биз Тариқ билан дўстмиз, холос, – деди Лайло бир оз қатъиятсизлик билан. – У... худди акамдек...

– Ҳеч қанақа аканг эмас, – онасининг қовоғи солинди. – Сенинг акаларинг Ватан учун шаҳид бўлишди. Ўша дурадгорнинг чўлоқ ўғли сенга aka бўп қолдими?

– Ойи, кечиринг, унақа демоқчи эмасдим...

Онаси оғир хўрсинди.

– Нима бўлганда ҳам, энди қадамингни билиб бос, одамлар гап-сўз қилишмасин!

Лайло нимадир демоққа оғиз жуфтлади, аммо индамади. Онаси ҳақ эди. Лайло Тариқ билан кўчаларни айланиб юрганида, одамларнинг уларга қаратилган қизиқувчан нигоҳларини кўп бора ҳис этган. Унинг назарида ҳамма уларга бошдан-оёқ назар солиб, ортларидан пицирлашиб қоладигандек туюларди. У айни чоғда Тариққа нисбатан бўл-

ган ҳисларига ич-ичидан иқрор бўлишдан бошқа чора топмаганди. Тариқ ёнида бўлганида миясига турли қарама-қарши ўйлар гужғон ўйнар, уларни қувиб ҳайдашга эса мажоли етмасди. Кечалари алламаҳалгача уни ўйлаб уйғоқ ётар, баъзида Та-риқнинг юмшоқ лабларининг нафис, нозик вужу-ди бўйлаб сузаётганини, унинг қўллари бўйни, ел-калари оша қуйи интилаётганини ҳис этарди. У бундай хаёлларнинг гуноҳ эканини билса-да, бош-дан-оёқ бутун танасини қоплаб оладиган лаззат тўлқинидан ҳам юз ўтиромасди.

– Сизлар Лайли ва Мажнуннинг худди ўзисиз-лар, – деганди кунларнинг бирида қўшнилари Ра-шид этикдўз.

Онаси ҳақ. Аммо энди қизига насиҳат қилиш-га ҳаққи бормикин? Бу гапни отаси айтса бошқа гап эди. Шунча пайтгача қаерда эди? Ақалли онасининг эътиборини ошхонадаги буюмчалик торта олдими?

Лайло онасининг бугунги ажойиб кайфиятини бузмаслик учун лом-мим демади. Мутелик билан бош иргади.

– Балли, қизим, айтганча, отанг кўринмайди-ми? Қани менинг муҳтарам эргинам?

Кун жуда ажойиб ва беғубор эди. Эркаклар ҳов-лининг бир четида эски йиғма курсиларда ўтирганча, чой ичишар, сигарет чекишар, мужоҳид-ларнинг режаларини муҳокама қилишарди. Бу мамлакат энди Афғонистон Ислом Давлати деб ном олганди. Ҳукумат Пешоварда ташкил этилган иирик гуруҳлар қўлига ўтганди.

Каттароқ болалар эса уйнинг ҳар тарафи-га тарқаб кетишган. Магнитофондан Устод Са-роҳанг ижросидаги fazallar жарангларди.

Эркаклардан бири кўра устига терилган кабоб сихларини бир маромда айлантирас, Ҳаким му-

аллим билан Тариқнинг отаси қари нок дарахти остида шахмат ўйнашарди. Тариқ уларнинг рўпарасида ўтирганча, ўйинни томоша қилар, ора-сира сұхбатта қулоқ берарди. Лайло билан Жити эса, бу пайтда ошхонада кўзачаларга қатиқ солиш билан банд эдилар. Житининг қиёфасидаги одатий тортичоқлик ва жиддийлик йўқолганди. Унинг бундай шўх-шодон қиёфада кўрмаган Лайло ҳам аввалига ҳайрон бўлди. Сочларини ҳам бошқачасига турмаклаб, кокилларини қизғиши тусга бўяб опти. Маълум бўлишича, ҳаммасига сабаб Житининг катта акаси ўйнаётган футбол жамоасининг дарвозабони – ўн саккиз ёшли Собир деган йигит экан.

– Сочлари тим қора, шунаقا ширин жилмайдики, эриб кетаман, – деганди бир гал у дугонасига. – У билан бор-йўғи икки марта учрашдик. Менинг қўлимни сўрамоқчи. Шу йил ёзда тўйимиз бўлиши мумкин, Лайло! Эртаю кеч фақат уни ўйлаяпман.

Жити ҳозир ҳам хаёлчанлик билан бодринг тўғрар, чамаси ўша йигитни ўйлаётган бўлса керак, юзида орзуманд табассум жилва қиларди. Унинг рўпарасида Фариба хоним оҳорли кийимида тухум арчиш билан овора эди. Унга доя Важма билан Тариқнинг ойиси ҳам кўмаклашиб туришарди.

– Мен бош қўмондон Масъудга ўғилларимнинг суратини совфа қиласман, – дерди Фариба Важма кампирга. – Ахир у болаларимнинг жанозасида шахсан иштирок этган. У ақдли, бафрикенг инсон.

Аёллар ошхонадан олиб чиқилган хилма-хилтаомлар – мастава, нон ва курма солинган идишларни дастурхонга тера бошлашди. Шу пайт бўсағада Тариқ кўринди:

– Эркаклар кириши мумкинмас, – дея қовоқ уйди Жити.

– Қани жүна, – бобиллади Важма кампир.

Тариқ эса, илжайиб тураверди. Үнга аёллар-нинг ҳайдови ҳам, ўзининг ўжарлиги ҳам хуш ёқаётгандек эди.

Тариқнинг ҳам анча бўйи чўзилиб, қад-қомати келишиб қолганди. У энди юзларини қиртишлаб, тифдек дазмолланган шимларни кийиб юрар, кўйлагининг калта енги остидан бақувват, мускулдор билаклари бўртиб турарди.

Лайло ер остидан Тариққа мўралади. Унинг ўғринча қарашини пайқаб қолган онаси, айронга тўғралган бодрингни аралаштираётуб, лабларини қаттиқ тишлади-да, кулимсираб бош чайқади.

Эркаклар ташқарида, аёллар меҳмонхонада овқатланишга ўтириши. Таом еб бўлингач, чойхўрлик бошланди. Тариқ Лайлого сирли им қоқиб, ўзи ташқарига отланди. Орадан беш дақиқа ўтиб, Лайло ҳам ташқарилади. Тариқ уни кўчада, уч ҳовли нарида лабида сигарета қистирганча кутиб турар, Устод Ақвал Мир ижросидаги эски пуштунча ашулани ўзича хиргойи қиласарди:

*Да зе ма, зиба ватан,
Да зе ма дада ватан!*

(«Бу менинг гўзал ватаним, бу менинг севимли ватаним!»)

– Ойинг кўриб қолса, ўлдиради, – деди Лайло торкўчага қайрилиб, йигитнинг юзига баралла тикиларкан.

– Билмайди, – деди Тариқ тутун пуркаб. – Нима, чақиб берасанми?

Лайло оёфи билан оҳиста тепинди:

– Сирингни шамолга айтиб, дарахтдан ўпкама, – деган экан Халил Жаброн.

– Қара-я, билмабман!

– Қани, бер сигаретани!

Тариқ ортга чекиниб, бош чайқади ва қўлини елкасига қўйди.

- Сенга чекиш мумкинмас!
- Сенга мумкинми унда?
- Ҳа, қизларга бу ёқади.
- Қанақа қизларга ёқаркан?
- Чекадиган йигитлар уларнинг эътиборига тезроқ тушармиш.
- Ҳечам-да, ким айтди шунаقا деб?
- Демак, сенингча, ёқмайди, шунақами?
- Афtingга қара, худди тентакка ўхшайсан!
- Ўлдирасан-да одамни, Лайло!
- Энди айт, қанақа қизларга ёқишишингни?
- Рашқ қиляпсанми?
- Шунчаки сўрадим, жинни!
- Бу ерда туришимиз хавфли, – деди Тариқ сигарета қолдигини четга улоқтириб. – Менимча, ҳозир бизни роса «чайнашяпти».

Лайлонинг қулоги остида онасининг гаплари қайта жаранглади: «Тасаввур қил, қўлингда кичкина майнани ушлаб турибсан, кафтингни ёзишишинг билан у йўқ – учиб кетади. Номус, ифрат ҳам ана шу майнага ўхшайди!». Қизнинг виждонини нимадир санчиб ўтгандек бўлди. Аммо Тариқнинг ёқимли чеҳраси олдида бунаقا санчиқлар нима бўпти?

- Узун соч сенга шунаقا ярашарканки! – деди Тариқ.

«Юзим уятдан қизардимикин» ўйлади Лайло.

- Мавзуни ўзгартирамиз.
- Қанақа мавзуда гаплашаётувдик?
- Сендек тентакни ёқтирадиган аҳмоқ қизлар ҳақида.
- Ахир, ўзинг ҳам биласан-ку!
- Нимани?
- Бу ҳаётда мен учун сендан бўлак қиз йўқ!

Лайлонинг боши айланиб кетди. Бироқ Тариқнинг юзида мавҳум табассумдан бўлак маънони илғаб бўлмасди. У ерга тушган сигарета қолдигани оёғининг учи билан эзғилади. Лайло эндиғина нимадир демоққа оғиз жуфтлаган пайтда уларнинг уйидан бақир-чақир, шовқин овози эшитилди. Лайло ўрнидан иргиб турди. Ортидан оқсоқланганча, Тариқ эргашди.

Бир-бирини энг таҳқиромуз гаплар билан ҳақоратлаётган икки эркак ерда ағанааб олишишарди. Лайло уларнинг ҳар иккисини таниди: бири боя сиёсат ҳақида қизғин баҳслашаётганди. Иккинчиси эса, кабоб пишириш билан машғул эди. Бошқалар уларни ажратишга уринар, Ҳаким муаллим дөвортга суюнганча уларга жим қараб турар, Тариқнинг нотавон отаси эса юм-юм йифларди.

Маълум бўлишича, «сиёсатчи» асли пуштун бўлиб, Аҳмадшоҳ Масъудни саксонинчи йилларда шўравийлар билан яширин битим имзолаган сотқин дея таҳқирлаган. Тожик кабобпаз ундан бу гапи учун узр сўрашни талаб қилган. Пуштун рад этган. Шунда тожик «Сен Масъудни қўятур, ўз синглингни бил, бир пайтлар шўравийлар аскарларнинг кўнглини овлаб юрарди», дея ҳақорат қилган. Шундан кейин ур-тўполон бошланган. Кимдир пичоқ чиқарган.

Бир пайт Тариқ олатасир ичига тушиб қолганини кўриб, Лайлонинг кўзи қинидан чиқиб кетди. Бу пайтда уларни ажрататиётганлар ҳам негадир бир-бири билан ёқалашиб кетишган, уларнинг орасида қолиб кетган Тариқ зўр бериб, ўзини четга олишга уринарди. Лайло кейинчалик уларнинг уйидаги меҳмондорчилик жанжалга айланиб кетгани ва Тариқнинг ёқалашаётганлар ичига тушиб қолгани ҳақида анча пайт эслаб юрди.

Шундан кейин раҳбарлик кенгаши Раббонийни президентликка сайдади. Бошқа қуролли гуруҳлар ичида зиддиятлар яна авж олди. Миллий ва сиёсий қарама-қаршиликлар пуштуналар, тожиклар, ҳазорийлар ва бошқа миллатлар ўртасидаги мавжуд келишмовчиликларни янада кучайтирди. Айирмачи гуруҳлар бир-бирига қарши овлоқ-овлоқда тиш қайрай бошлади. Умумий душман йўқолгач, тиш-тирногигача қуролланган гуруҳлар ўзларининг собиқ иттифоқчилари қиёфасида ашаддий рақибларни кўришди.

Ракеталар ёғифири ёғилган чоғда, одамлар ўзини панага урди. Фариба яна мотам либосига бурканиб, хонасига биқиниб олди.

ТЎҚҚИЗИНЧИ БОВ

– Бу лаънати чинқириқни бирам ёмон кўраман,
– деди Лайло. Тариқ маъқуллаб бош иргади.

Аммо гап бу асаббузар чинқириқда эмас, саноқди сониялардан кейин у келтириб чиқарадиган оқибатда эди. Хўш, бу «чинқириқ» кимга наф, кимга мусибат келтирди экан? Хуштакни эслатувчи бу чинқириқдан сўнг аллақаерда, узоқларда портлаш овози эшитилди ва Лайло ҳам, Тариқ ҳам енгил нафас олди. Ҳарқалай, портлаш уларнинг уйидан анча олисда юз берди-ку! Лекин, кимдир айни пайтда хонавайрон бўлгани аниқ. Агар жони омон қолган бўлса, яқинлари саломат қолган бўлса, уй садқаи сар!..

Ҳар бир портлашдан кейин Лайло ичида дуо ўқиб Худога ёлворар, ишқилиб, Тариқнинг жони омон бўлсин, дея илтижо қиласарди.

Кейинги пайтлар Лайло камдан-кам ҳолларда кўчага чиқар, ҳар гал Тариқ унга қўриқчилик қилиб юрар, бу эса, қизга фоят ёқарди.

– Тўппонча сотиб олдим, – дея мақтанганди у кунларнинг бирида. – Қара, ярим автоматик «беретта!»

Лайло қоп-қора, қўрқинчли қуролга хавотир билан тикилди.

– Мен қуролдан жуда ҳам қўрқаман.

Тариқ тўппончани бармоғида айлантириди:

– Ўтган ҳафта Карте-Седаги бир уйдан учта мурда топишибди. Уч опа-сингил экан. Аввал зўрлаб, кейин сўйиб кетишибди. Қизларнинг бармоғидаги узукларни ҳам тишлаб суғуриб олишибди.

– Илтимос, бунаقا гапларни гапирма!

– Қўрқитмоқчи эмасман, лекин бунаقا қурол билан ўзимни анча хотиржам сезаман.

– Наҳотки шу сенга ярашса? Наҳот сен ҳам кимнидир ўлдиришга қодир бўлсанг? – сўради Лайло.

– Сен учун ўлдиришга ҳам тайёрман, – деди Тариқ тўппончани камарига қистириб.

Шунда беихтиёр қўллар бирлашди. Кейин эса, лаблар... Бу онда, мана шу ўтли бўсалар, ширин эркалаш олдида Лайло учун Кобул ва унинг теварагидаги отишмалару, биродаркушликлар ҳам, онасининг ор-номус чангладаги майна ҳақидаги насиҳатлари ҳам абас бўлиб кўринди.

1992 йил, Фарбий Кобулда пуштуналар ва ҳазорийлар ўртасидаги шиддатли отишмалар давом этарди. Уйлар вайронага айланган, электр таъминоти издан чиққан, шаҳар зулматга гарқ бўлганди. Турли қийноқдар изи яққол кўриниб турган мурдаларни кўчаларда ҳар куни учратиш мумкин эди.

Ҳаким муаллим хотинини кетишига яна бир бор уннади:

– Ҳаммаси изига тушади, – деди хотини. – Ҳадемай қирғинбарот тугайди. Тинчлик қарор топади.

– Фариба, бу одамлар урушдан бошқа нарсани билишмайди. Уларнинг комини уруш билан кўтартган.

– Ҳамма гапирсаям сиз гапирманг, – қичқирди хотини. – Сиз қўлингизга қурол олиб Ватанини ҳимоя қилдингизми? Шу замин учун нимани қурбон қилдингиз? Энди яна тинчгина жуфтакни ростламоқчимисиз? Сиз хоинсиз!

– Мен? Қанақасига хоин бўлай?

– Кетинг! Қизингизни олиб, истаган жойингизга бораверинг! Етиб борсангиз, менга открытка юборарсиз! Лекин билиб қўйинг, тинчлик албатта қарор топади. Ёруғ кунлар келади.

Ҳаким муаллим индамади. Аммо кўчадаги но-тинчликлар сабаб қизини мактабдан чиқариб олди. У энди қизини ўз уйида ўқита бошлади. Ташқарида ўқлар ёмфиридек ёғилаётган пайтда ота қизи билан ўз хужрасида Ҳофиз ва Ҳалилий ғазаларини таҳдил қилишар, квадрат тенгламалар ечишарди.

– Қизим, пирамиданинг майдони нимага teng?
– сўради муаллим.

Айни дамда Тариқнинг қалин лаблари, қайноқ нафаси, тим қора кўзлари унинг хаёлини банд этганди. Ўша кундан кейин улар илк бор тунда сирлашган торкӯчада икки марта ўшишишди. Охирги марта Тариқ қизнинг фунчадек кўкраги-ни ҳам оҳиста силаганди...

– Лайло! Пирамиданинг майдонини сўрадим.
Хаёлинг қаерда?

– Кечиринг... ҳозир... асосни баландликка кўпайтириб, кейин учга бўлиш керак.

Муаллим қониқиб бош иргади. Айни чоғда хаёлида Тариқ ҳукмрон, у қизнинг латиф вужуди-ни қучганча, пайдар-пай ўпарди.

Ёз кунларининг бирида икки дугонаси билан мактабдан қайтаётган Житининг олдига дайди ракета келиб тушибди. Лайло кейинчалик Житининг онаси Нила холанинг кўчада дод солганча қиззасининг парчаланиб кетган тана аъзолари-ни териб юрганини айтиб беришди...

Житининг ўлымидан сўнг Лайло анчагача ўзига келолмади. Биринчидан у яхши билган, яхши кўрган бир инсон энди йўқ. Аммо Житининг тортичоқ, уятчан қиёфаси ҳеч қачон унинг кўз олдидан кетмаса керак. Яқиндагина Жити унинг тирноқларини бўяб, қошларини териб қўймаганмиди? Яқинда дарвозабон Собир билан тўйимиз бўлади, деб ич-ичига сифмай юрганди-я, бечора! Энди у йўқ! Қаттол ракета унинг пок, бегубор орзуларини ҳам худди гул вужудидек парчалаб ташлади.

Хатто ўз акаларининг дафн маросимида қўзидан ёш тирқирамаган Лайло энди йифидан ўзини тутиб туролмади. Ўксиб-ўксиб йифлади.

ЎНИНЧИ БОБ

1992 йил, август. Кун дим ва иссиқ эди. Онасининг кун бўйи қорни оғригани учун отаси уни докторга олиб кетган, уйда у Тариқ билан қолганди. Мана, Тариқ у билан ёнма-ён йифма каравотда, ерга қараганча жим ўтирибди.

Улар кетишаркан, Кобулдан эмас, умуман мамлакатдан кетишаркан. Лайлонинг кўз олди қоронғилашиб кетди. Худди бутун аъзои бадани бетон қоришимаси ичидаги қолиб кетгандек, қўл-оёғини қимирлатолмай қолди.

– Қаерга... кетяпсизлар?

– Аввал Пешоварга... Покистонга! Кейин, билмадим. Ё Ҳиндистонга ё Эронга кетсак керак.

– Анча кетасизларми?

– Билмадим.

– Аллақачон бир қарорга келгандирсизлар?

– Икки кун бўлди. Сенга аввалроқ айтай демидим, тилим бормади. Сен қанчалик ранжишинингни билгандим.

– Қачон? – Лайлонинг овози титради.

- Эртага...
- Эртага?
- Лайло, азизам! Менга қарагин.
- Эртагами?
- Ҳаммаси отамни деб бўлди. Унинг юраги бунақа даҳшатларни кўтара олмайди.

Лайло қўли билан юзини бекитиб олган, бармоқлари орасидан шаффоф томчилар сизарди.

Лайло танийдиганларнинг кўпи шаҳарни тарк этди. Ҳасиналарнинг оиласи май ойидаёқ Техронга жўнаб кетишиганди. Важма хола кўпгина яқинлари билан ҳозир Исломободда яшаяпти. Житининг отаси унинг ўлимидан кейин кўчиб кетишиди. Айтишларича, ҳозир Машҳадда эканлар. Уларнинг ҳувиллаб қолган уйларини ҳозир мужоҳидлар ёки тамоман бегона одамлар эгалланган. Мана, Тариқ ҳам кетяпти...

- Ойим ҳам қарис қолган, – тўнғиллади Тариқ.
- Унга ҳам қийин. Лайло, менга қара!
- Нега менга аввалроқ айтмадинг?
- Илтимос, жоним, менга қара!

Лайло ҳўнграб юбормаслик учун чуқур уҳ тортди. Тариқ кафтининг қирраси билан унинг кўз ёшлини сидирмоқчи эди, қиз унинг қўлини нари сурди. Ахир бу қанақаси? Тариқ уни ташлаб кетадими? Қандай журъат этди? Лайло-чи? У нима қилсин энди? Урсинми, соchlарини юлиб ташласинми бу худбин боланинг?

Тариқ нималарнидир гапирап, аммо Лайло ҳеч нарсани эшитмасди. Фақат бу сўзларининг майин, ёқимли оҳанги унинг юрагидан жой олмоқча уринарди. Нима бўлди? У Тариқнинг қучогига қандай тушиб қолди? У яна майин лаблар, қайноқ нафаслар таъқибига дуч келди. Ҳа, бу оламда ана шу лаблар ва қайноқ нафаслардан бўлак ҳамма нарса эриб йўқолди.

Кейинчалик Лайло ўша дамлардаги ҳар бир ҳаракат, ҳар бир қарааш, ҳар бир товушни ёддан чиқармаслик, йўқликка ғарқ этмаслик учун кўп бор эслаб юрди. Аммо, вақт шафқатсиз, хотира эса маҳдуддир. Фақат эсида қолгани: қорнининг пастки қисмидаги кучли оғриқ, гилам устида жилваланган қуёш ёғдуси, протез оёқнинг совуқ тафти, тўнтарилган рубоб кўринишидаги қизғиш нор, юзига тегиб турган жингалак соchlар... Кўрқувга йўғрилган кучли ҳаяжон, таърифлаб бўлмайдиган даражадаги самовий лаззат, Тариқнинг юзида акс этган эҳтирос, истиҳола, иштиёқ ва кучли истак инъикоси...

Кейин улар шоша-пиша кийимларини тартибга келтиришди. Сочларини текислашди. Улар яна ўша йифма каравот устида лоладек қизарганча, бир-бираiga сўзсиз тикилиб ўтирибди. Ҳа, улар ҳозиргина файриихтиёрий тарзда юз берган бу ҳаяжонли ҳодисадан сўнг сўз қотмоққа ожиз қолишганди.

Лайло гилам устига ёйила бошлаган уч томчи қон доғини кўрди. Бу унинг қони, иффат нишонаси!.. Ота-онаси сезиб қолишса-чи? Йўқ, бу қон доғлари гилам устидаги қирмизи гуллар нақшидан фарқданмайди. Лайло айни дамда виждонини қанчалик ингранаёттанини пайқади. Иккинчи қаватда турган соатнинг овози бу қадар кўтарилиб кетди? Бунча қаттиқ чиқилламаса? Худди «уят, уят, уят» дея ҳамма ёқса жар солаётганга ўхшайди.

– Мен билан кетасан, – деди ниҳоят Тариқ.

Кетишади! Тариқ уни олиб кетади. Жомадонларни автобусга ортишади ва Тариқнинг ота-онаси билан олис-олисларга, даҳшат ва ваҳшатдан холи ҳудудларга кетишади. Тақдир уларни нимани раво кўради – севинчними, кадарними, фарқи йўқ – улар бирга бўлишса бас.

— Лайло, менга турмушга чиқ, — деди Тариқ унинг кўзларига тик боқиб, бу кўзларда фақат самимият, ростгўйлик ва мунг бор эди. — Бутуноқ, ҳозироқ сен билан турмуш қуришга розиман. Ҳозироқ масжидга борамиз, мулладан илтимос қиласиз ва икки нафар гувоҳ топиб, никоҳдан ўтамиш.

Шу аснода Лайлонинг кўз олдига худди муъжоҳидлар сингари қайсар, исёнкор онаси, ҳар қандай вазиятда хотинининг гапига кўнадиган муте, беозор отаси гавдаланди. Қулоғи остида отасининг маҳзун овози янгради: «Қайгули қунларда сен мен учун бу ҳаётнинг яккаю ёлғиз мазмуни бўлиб туюласан!»

— Мен Ҳаким амакимдан қўлингни сўрайман. У албатта рози бўлади. Лайло, мен биламан.

Тариқ бир пичирлар, бир овозини кўтарар, ялиниб-ёлворар, ишонтиришга уринарди... Негадир дастлаб унинг овозида тўла ҳукмрон бўлган ишонч сўна бошлади:

— Бунинг иложи йўқ, — такрорлади Лайло.

— Унақа дема! Сени севаман.

О, бу сўзларни унинг оғзидан эшитишни қанчалар истаганди у! Мана ўша сўзлар! Бу нима, тақдир киноясими?

— Отамни ташлаб кетолмайман, — аранг пичирлади Лайло. — Мен унинг бор-йўқ бойлигиман. У менсиз яшолмайди.

Тариқ буни яхши биларди. Шундай бўлса ҳам имкон қадар қизни кўндиришга уринарди.

— Мен албатта қайтаман, — деди Тариқ. — Сени олиб кетиш учун қайтаман.

Эшик ёпилди. Ҳовлидан унинг узоқдашиб бораётган қадам товуши эшитилди. Ҳамма ёқ жимиб қолди. Бу жимликни аҳёнан тоф тарафдан келаётган ўқ садолари, юрагининг беором тепкиси бузиб турарди.

ҮН БИРИНЧИ БОБ

Жазирамага чидаб бўлмасди. Қизиб турган тоғларнинг ҳовури кўтарилаарди. Бир неча кунки, электр узилган. Шу боис шаҳарда бирорта вентилятор ишламайди. Лайло меҳмонхонада йифма қаравотда ётарди. Иссиқ ҳаво ўпкани куйдирман дейди. Ота-онаси нариги хонада нималарнидир муҳокама қилишмоқда. Кейинга пайтда уларнинг суҳбати ҳечам тугамайдигандек кўринарди.

Ташқарида автоматнинг узлуксиз тариллаши эшитилди. Лайлонинг ботинида ҳам ана шундай отишмалар давом этарди. Бир тарафда уят ва виждан азоби аёвсиз қийнаса, иккинчи тарафда Тариқ билан бирга содир этилган гуноҳнинг даҳшати, муқаррарлиги ва... лаззати тинчлик бермасди. Энг ёмони, улар энди кўришадими, йўқми, фақат Худога аён!

Ўша аснода Тариқ унга эҳтирос билан пичирлаб айтган сўзларни ҳали-ҳануз аниқ эслолмайди: нима деганди? «Оғримаяптими» деб сўрадими, «сени қийнаб қўймаяпманми» дедими? У кетганига атиги икки ҳафта бўлди. Аммо, мана, хотира унга ҳозирдан панд бермоқда. Афсуски, бу хотиралар абадий эмас.

У хаёллар уммонига фарқ бўлиб ўтирган чоғда, эшикдан отасининг овози эшитилди:

– Онанг рози бўлди, – деди титроқ, ҳаяжонли овоз билан. – Биз кетамиз, Лайло! Учовлашиб, Кобулдан кетамиз!

Улар онасининг ётогида жамланишди. Уй тепасида ракеталарнинг чийиллаб учгани эшитилар – Ҳикматёр ва Масъуд кучлари ҳамон қирпичноқ бўлаётган эдилар. Лайло аниқ биларди: ҳозир қаердадир, кимнингдир уйига бомба тушиб, ёниб кетди, эртага ўша уйнинг ўрнидан косовга айлан-

ган одам жасадлари, қорайган култепаларнигина топишади. Кимнингдир омади чопса, жасади кафанга чулғаниб, дафн этилади, омадсизларнинг эса танаси одам гўштидан мазахўрак бўлиб қолган Кобул итларининг ошқозонидан жой олади.

Айни дамда Лайло хурсандчиликдан кўчага чиқиб бақиргиси, юргургиси келарди. Бир жойда ўтира олмасди. Отасининг айтишича, яқин кунларда Покистонга кетишади, у ерда виза учун ҳужжат топширишади. Тариқ кетганига 17 кун бўлди. Агар онаси эртароқ розилик билдирганида, 17 кун илгари Тариқлар билан бирга кетишган бўларди. Лекин муҳими бу эмас. Улар аввал Пешоварга боришидаи, албатта Тариқ ва унинг ота-онасини излаб топишади. Уларнинг ҳужжатларини ҳукумат бир пайтнинг ўзида қўриб чиқади. Кейин қаерга кетишади? Европагами? Америкагами? Отаси айтганидек, денгиз соҳилида бўлса бас.

Онаси каравот суюнчиғига суюнганча чала ёнбошлилаганди. Кўзлари нам, қўллари сочига ёпишганди.

Уч кун илгари Лайло тоза ҳаводан нафас олиш учун ташқарига чиққанди. Кўчада ҳеч ким йўқ. Шу онда қулоғининг остидан нимадир чийиллаб ўтди-да, дарвоза тахтасига урилиб, унинг пайраҳаларини ҳар тарафга сочиб юборганди. Шу пайтга қадар на юзлаб вайронага айланган уйлар, на Кобул узра ёғилган минглаб ракеталар, на Житининг ўлими Фарибанинг муз қотган қалбини ҳаракатга келтира олмаганди. Аммо, Лайлонинг қулоғи остидан ўтиб, дарвозага санчилган дайди ўқ уни сескантириб юборди: икки ўғлидан ажраган шўрпешона она навбат қизига етганини тушуниб, қарорини ўзгартирди.

Онасининг ётоғида илинганд суратда Аҳмад ва Нур жилмайиб туришарди. Онаизор жигарбанд-

ларининг юзига ҳам афсус, ҳам қайғу, ҳам видо нигоҳи билан күз тикиб ўтиради.

– Бу ерда бизни боғлаб турадиган нарса қолмади, – деди Ҳаким. – Икки ўғлимиздан айрилдик, аммо шукрки, Лайлодан қызынмыз ёнимизда. Биз биргамиз. Янги ҳаётни бошлашимиз керак. – У шундай дея Фарибанинг құлларидан тутди. Аёлнинг юзларида мунг ва мутелик акс этарди. Кейин оқиста юзини эрининг торгина күксига босди.

Үша оқшом Лайлодан ухлаёлмади. Тонг қизара бошлаганида қўзи илинди. Туш кўрди. Қумлоқ соҳил эмиш. Ҳаво булатли, сарин шабада эсармиш. Тариқ билан ёнма-ён юмшоқ қум устида осмонга тикилиб ётишганмиш. Қатор саф тортган палмалар тагида хилма-хил машиналар тизилиб турганмиш. Тўлқинлар узра елканли кемалар оқиста чайқалиб кетаётганмиш.

Эртаси куни отаси уйда қўлга илингулик нарсаларни сотишга қарор қилди. Отасининг айтишича, Пешоварда вақтингча яшаб туришлари учун ана шу пул аскатаркан.

Лайло ҳам ўз хонасидаги нарсаларини йифиширишга тушди. Улар орасида Хасина совға қилган шиша қутича, Жити эсдалик учун берган футбол тўпи шаклидаги брелок, Тариқ билан ариқдан топиб олишган чинни ҳайкалча ҳам бор эди.

Онаси ҳам алланечук тушкун кайфиятда сафар роҳиласини кўраётганди. У чинни идишлар, сочиқлару ёпинчиқлар, ортиқча кийимларнинг ҳаммасидан қутулмоқчи эди. Ҳатто ялтироқ тугмалар, чиройли тасмалар ва антиқа безаклар қадалган никоҳ кўйлагини ҳам эътиборсизлик билан бир четга ирғитди.

Энг қийин вазифа отасининг зиммасига тушаётган эди. Лайло унинг хонасига кирганида, отаси Сан-Францисконинг туманли манзараси,

икки тарафида миноралар қад ростлаган қизил кўприк тасвиrlанган футболкасини кийиб олган, ўзининг китоб жавонларига маъюс термилиб ўтиради.

– Бунча китобни нима қиласман энди? – деди у худди ўз-ўзига гапираётгандек. – Умр бўйи йиққандим. Олиб кетишнинг иложи йўқ, ташлаб кетай десам...

– Дада, биз янги жойда янги-янги китоблар сотиб оламиз. Ўз кутубхонамиз бўлади.

– Кобулни ташлаб кетаётганимга ишонолмайман, – деди у фамгин оҳангда. – Шу ерда ўқидим, ишладим. Болаларимнинг киндик қони шу шаҳарда тўкилди. Ҳадемай, бошимиз устидан бошқа қуёш, бошқа юлдузлар чарақлади.

– Қуёш ва юлдузлар? – ажабланди Лайло.

– Биласанми, буюк Озарбайжон шоири Соиб Табризий Кобулни қандай таърифлаган?

*Чулғонур ҳар томи беҳад моҳитоб анворида.
Минг қуёшининг шуғласи порлайди ҳар деворида!*

Ҳаким муаллимнинг кўзлари жиққа ёшга тўлди.

– Отажон, биз албатта қайтиб келамиз, – Лайло ҳам йиглаб юбормаслик учун аранг лабини тишлади. – Ҳали, иншооло, уруш тугайди. Кўрасиз!

Учинчи куни Лайло ҳамма лаш-лушларини кўтариб дарча ёнига чиқди. Отаси такси ушлаб келиши, ҳамма ортиқча нарсаларни чайқовчиларга топшириш лозим эди. Лайлонинг юраги ҳаяжондан тўлиб-тошарди. Қанийди бу дардисар нарсалардан тезроқ қутулсалар-да, Лайло тезроқ Тарик турган манзилга етиб олса...

– Каттароқ машина олиб келинг, – деди Фарiba қизининг ётоги деразасидан бошини чиқариб. Унинг оқарган соchlарида тўғридан тушаётган

қүёш нури зарраланаарди. Лайло энди эътибор қилди: онаси фақат эңг хурсанд лаҳзаларда, байрам ва түйларда киядиган мовий қўйлагини ки-йиб олибди.

– Қизим, сен уйга кир, – дея унга юзланди ойиси.
– Тухум қайнатганман, кечаги овқатдан ҳам бор.
– Хўп, ойижон!

Шу аснода Лайлонинг кўз олдида кеча кўрган туши жонланди. Денгиз, қумлоқ соҳил... Шу аснода ернинг ёриғидан кулранг калтакесак югуриб чиқди, у ёқ бу ёққа аланглади-да, сал наридаги тош остига кириб кўздан йўқолди. Лайлонинг қу-логи остида эса, дengизнинг ёқимли шовуллаши аниқ эшитилиб турарди. Кейин бу товушлар мутлақо ноаён тус олди. Бу ниманинг овози экан-а? Аввал узун чийиллаш эшитилди. Лайло ҳеч нарсанни тушунмай осмонга қаради. Шу аснода портлаш юз берди. Елкаси оша оппоқ аланга кўкка ўрлади. Ортидан бостириб келган қайноқ бир куч уни оддинга улоқтириб юборди. Бир лаҳза ўзини ҳавода муаллақ ҳолатда кўрди. Замину осмон чирпирак бўлиб айланба бошлади. Дафъатан пастда ёнаётган уйлар, бурқсиётган тутун, ҳар томонга сачраган ойна парчаларида акс этган қүёш зарраларини аниқ кўрди. Кейин Лайлонинг танаси деворга зарб билан урилди ва анча нарига бориб тушди. Унинг эңг охирида кўргани ерда ётган, аллақандай матога қоришган каттакон гўшт парчаси бўлди. Матода икки тарафи минорали қизил кўприк тасвири кўзга чалинарди.

Атрофида шарпалар айланба бошлади. Шифтдан қандайдир ёруғлик тушди. Фира-ширада аёл кишининг нечукдир мулойим чеҳраси ажралиб чиқди ва ҳавода чарх ура бошлади. Кейин атрофни қуюқ қоронгилик босди. Сўнг эркак кишининг таниш юзи кўринди. Лаблари нималарнидир шивирляяпти, аммо ҳеч нарса эшитил-

майды. Қўлини силкитиб, юзини буриштиридими?
Яна лаблари пичирлай бошлади.

Ҳамма ёғи оғриқдан зирқиради. Нафас олиш
ҳам бунчалик азоб бўлмаса? Унга аввал сув, кей-
ин пуштиранг дори ичиришди. Кейин кўз ўнги-
да бошқа бир аёлнинг узунчоқ юзлари жонланди.
Уям нимадир деди. Аммо қулоғи узлуксиз чинқи-
риқдан бошқа нарсани эшитмасди. Кўкраги,
оёқ-қўллари зирқиради. Кўз ўнгида яна ҳаммаси
қоришиб кетди.

Тариқ қани? Нега у қўринмаяпти? Яна йаша
узунчоқ юзли аёл кўз олдига келди. Аллақаердан
аккордеон саслари янгради. Яна пуштиранг хап-
дори ичиришди. Кейин яна бутун борлиқ суку-
натга фарқ бўлди.

УЧИНЧИ ҚИСМ

БИРИНЧИ БОБ

Марям:

– Сен мени танимаяпсанми? – деб сўради.

Қизнинг киприклари бир силкинди.

– Нима бўлганини эслай оласанми?

Унинг лаблари оҳиста қимиirlади. Кўзларини юмди. Ютинди. Қалтироқ қўллари билан чап ёноғини ушлади. Марям унга яқинлашди.

– Ҳеч нарса... эшитилмаяпти, – ингранди қиз.

Дастлабки бир ҳафта давомида у фақат ухлади. Чамаси, Рашид госпиталдан сотиб олиб келган пуштиранг хапдорилар кор қилганди. У фақат тушларида алаҳдаб чиқар, нотаниш исмларни тилга олар, баъзида йиграб тўлғанаарди. Шунда Марям уни тинчлантиришга уринар, Лайлло эса унинг қўлидан юлқиниб чиққудек бўларди.

Марям баъзида унга мажбуrlаб овқат едирап, аммо кўп ўтмай, еган-ичгани оғзидан варақлаб отиларди. Эрининг амри билан Марям қизнинг юзи ва бўйнидаги жароҳатлар, қўл-оёғидаги чоклар ўрнига малҳам суриб чиқди. Яраларни спирт билан юва бошлаганда қиз дод солиб чинқиравар, Марям эса баъзида сочидан тортиб, ишини битиришга мажбур бўларди.

– У бизникида қачонгача туради? – сўради Марям эридан.

– Тузалгунича. Сен фақат унга кўз-қулоқ бўлиб тур. Қаёққа ҳам борарди бечора?

Қизчани харобалар орасидан Рашид тортиб олганди.

– Бахтингга мен уйда эканман, сенинг бахтингга, – дерди у унинг каравоти ёнида чўккалаб. – Мана шу, яланг қўлларим билан сени чиқазиб олдим. Мана шунча, – у бошмалдоғи ва кўрсаткич бармоғи орасини кўрсатди, – катталиқдаги темир парчаси елкангдан чиқиб турувди. Бир амаллаб чиқариб олдик. Худога шукур, ҳаммаси ўтиб кетди. Яна бир оз вақт ўтсин, кўрмагандек бўлиб кетасан.

Рашид Ҳаким муаллимнинг кутубхонасидағи китобларнинг бир нечтасини сақлаб қўйганди.

– Жуда кўп китоблар куйиб кул бўлди, бутун қолганини ҳаммасини олиб келиб қўйибман.

Биринчи ҳафта Рашид меҳрибончиликни жуда қойиллатди. Гоҳ бошига ёстиқ қўяди, гоҳ қизнинг устига адёл ёпади, гоҳ хапдори топиб келади.

Тариқларнинг уйига янги одамлар кўчиб келганини ҳам Лайлого Рашид етказди.

– Бамаъни, яхши йигитлар, – дея таърифланганди бир гал у хотинига. – Сайёф (маҳаллий пуштун дала командирларидан бири. – тарж.) ўз одамларига нисбатан жуда олижаноб экан. Учта болага битта катта уйни бериб қўйибди-я!

Учовининг ҳам юзи офтобда обдан қорайган, ҳаммаси бир хил тусдаги камуфляжда юради. Марям кўпинча уларни ҳовлида, дарча ёнида чекиб турган ёхуд автоматларига суюнганча карта ўйнаётган ҳолатда учратарди. Уларнинг энг каттаси ўта жиддий, қовоғидан қор ёғиб турар, кичкинаси эса, ҳали ўсмирилик остонасидан ҳатламаган бўлиб, бир оз тортинчоқ, Марямни кўриши билан қимтингача, бош иргаб салом берарди.

Кунларнинг бирида улар яшаётган уйга ракета келиб тушди. Кейинчалик маълум бўлишича, бу ракетани ҳазорийлар отишган экан. Шўрлик йигитчаларнинг таналари майдада бўлиб, ҳар ёққа сочилиб кетибди.

«Халиям қизчанинг омади бор экан», ўйларди Марям. Ахир уларнинг ҳам уйи култепага айланаб қолганди. Қизнинг ўзи тобора тузалиб бормоқда эди. Иштаҳага кира бошлади, ўзи ювиниб, таранадиган, пастда Рашид ва Марям билан бирга овқатланадиган бўлди. Албатта, ҳали заифлик уни тарк этмаганди. Боши айланар, қўнгли айнир, кечалари алоқ-чалоқ тушлар кўриб, тўлғаниб чиқарди.

– Мен нега бошқа ердаман? – дея чинқирди бир гал.

Марям унинг чойшабини алмаштиради. Бу пайтда қиз иягини қучоғидаги тиззасига тираб ўтиради.

– Отам китоблар солинган қутиларни кўчага олиб чиқаётганди. Менга «оғир» деб бермади. Лекин бари бир битта қутини олиб чиқа бошлагандим, бир пайт қарасам...

Марям каравот устига янги дазмолланган чойшабни тўшаркан, унинг сарғиш, жингалак сочларига, мовий кўзларига, баланд ёноқлари ва қалин лабларига тикилди. Бир пайтлар у миттигина бўлиб, онасининг ортидан новвойхонага югуриб, кўчадаги қизчалар билан тўп ўйнаб юради.

Мана у, кимдандир таскин, тасалли кутганча мунғайиб ўтирибди. Марям уни юпатиш учун нима десин? Ахир, онасини кўмишганида, Мулла Фатҳулла ҳам унга бирор илиқ гап айтолмаганди. Хўш, бу маъсум, муштипар қизалоқнинг дардини аритиш, ҳасратини енгиллатиши учун нима қилиш мумкин?

Тилига бирор тузукроқ гап келмади.

– Мазам қочяпти, қўнглим айнияпти, – деди қиз хириллаганча фужанак бўлиб оларкан.

– Шошма, қимирламай тур, ҳозир жом олиб келаман... Ахир полни ҳозиргина ювгандим. Оббо... Эй Худойим-эй!

Бир ой ўтди. Кунларнинг бирида кимдир эшик қоқди. Марям бўсағада турган нотаниш эркакни кўрди. Ўзини таништириб, ким кераклигини айтди.

– Сени чақиришяпти, – қичқирди Марям. Лайло ёстиқдан бошини кўтарди. – Абдул Шариф деган одам.

– Мен бунақа одамни танимайман.

– У сени чақирияпти. Тушеб ўзинг гаплашиб чиқ.

ИККИНЧИ БОБ

Лайло чўтирир юзли, пакана, картошкабурун кимса – Абдул Шарифнинг рўпарасида ўтирас, унинг калта қўнғир соchlари типратиканнинг игналадидек диккайиб туради.

– Кечир мени, синглим, – ҳалиги киши ёқасининг тутмасини қадаб, пешонасидаги тер резасини рўмомчаси билан сидирди. – Сал мазам йўқрок, яна ўн кунча манави дори... Нимайди... ҳа, сулфамид қабул қилишим керак экан.

Лайло ҳамсуҳбатининг гапини яхшилаб эшитиш учун ўнг қулогини ўша тарафга тўғирлади.

– Сиз ота-онамни танийсизми?

– Йўқ, йўқ, – деди Абдул Шариф шошилиб. – Кечирасан, – у Марям опкелиб қўйган стакандан сув ҳўплади. Ва бармоини кўтарди. – Бир бошдан айта қолай. Ўзим тадбиркорман, эркаклар либослари сотиладиган бир нечта дўконим бор эди. Кобулнинг ўзида иккита дўконим бор. Айтганча, яқинда уларни сотиб юбордим. Яна Покистонда, Пешоварда ҳам иккита дўконим ишлаб турибди. Омборхонам ҳам ўша ерда. У ерга бориб-келишнинг ўзи бўлмайди, биласан, – бояги киши ҳиринглаб қўйди. – Яқинда иш билан Пешоварга борувдим. Оилам билан ҳам кўришиб келдим. Айтганча, учта қизим бор. Мужоҳидлар

қирпичноқ бўла бошлагач, оиласми Покистонга олиб бордим. Бу ерда кўриб турибсиз тўполонни. Ўзимам нариги дунёга шошаётганим йўқ.

У яна алланималарни гапириб томоги қуригач, стаканни бир кўтаришда бўшатди ва Марямга тутқазди:

– Синглим, иложи бўлса, яна бир стакан!

Марям сув олиб келгани кетди. То сув келгунича у ўзининг хасталаниб қолганию, докторга боргани тафсилотларини ҳикоя қилиб берди. Марям тутқазган стаканни бир қўлида тутиб, иккинчи қўли билан чўнтағидан каттакон оқ хапдорини олди-да, тилининг остига ташлади.

– Хуллас, мени энг оғир касаллар ётадиган госпиталга ётқизишди. Доктор қонимни тозалаш кераклигини айтди. Хуллас, ана ўша ерда сенинг ўртогинг – Муҳаммад Тариқ Вализай билан танишиб қолдим.

Лайлонинг юраги қинидан чиққудек потирлай бошлади. Тариқ госпиталга тушибдими? Яна энг оғир касалларнинг ёнига-я? Лайло оғзи қуруқшаб, ўрнидан турди. Йўқ, ўзини қўлга олиши лозим. Касалхона ва касаллар ҳақидаги фикрни ўзидан нари суриши лозим. У Тариқнинг тўлиқ исмини қачон эшитганди? Эслади: ўшанда форс тилини мустаҳкамлаш курсларида қатнар эди. Ўқитувчи йўқлама пайтида «Муҳаммад Тариқ Вализай» исмини тилга олган, бу қизнинг қулоғига қандайдир жарангдор, расмий ва ҳатто бир оз қулгили эшитилганди.

– Унга нима бўлганини менга ҳамшира қиз айтиб берди, – Абдул Шариф хапдори ўтиб кетиши учун кўкрагига бир-икки муштлади. – Мен Покистонда кўп бўлганман, шунинг учун урду тилини жуда яхши биламан. Худди она тилимдек бўлиб қолган. Тушунишимча, Тариқ бошқа қочоқлар

билинг бирга юк машинасида келаётганда чегара яқында отишма юз берган. Машинага ё тасоди-фан, ё атайнин ракета келиб урилган. Машинада-ги 23 йўловчидан 17 нафари воқеа жойида ҳа-лок бўлган. Яна уч киши бир кундан сўнг вафот этган. Икки опа-сингилга зарар етмаган экан, шу куниёқ чиқарип юборишган. Сенинг дўстинг, жаноб Вализай ҳам госпиталга ётқизилган эди. Мени ётқизишган маҳалда Тариқнинг келганига уч ҳафта бўлган экан.

«Демак, у тирик. Лекин оғир ярадор бўлган. Агар ўшандан бери шифохонадан чиқмаган бўлса, демак аҳволи оғир!»

Лайлонинг аъзои баданидан дув-дув тер ёфи-ла бошлади. Ёмон нарсаларни ўйламасликка ти-ришди. Кўз олдига отаси ва Тариқ билан бирга баҳайбат Будда ҳайкалини томоша қилиш учун боришганини келтиришга уринди. Лекин ҳай-кал ўрнида ағдарилиб ётган юк машинаси, бо-шидаги париги алланга олганча, дод солиб ўғлини чақириб юрган Тариқнинг онаси пайдо бўлди. Лайлонинг нафаси бўғзига қадалди.

– Унинг каравоти меники билан ёнма-ён эди, ўртамиизда юпқагина парда бор эди, холос. Уни яққол кўриб туардим. – Абдул Шариф бармоғи-даги узукни айлантира бошлади. У шошилмасдан нутқида давом этди. – Сенинг ўртоғинг қаттиқ яраланган эди. Жуда оғир эди унинг аҳволи. Унинг ҳамма ёғидан резина ичаклар чиқиб ту-рарди. Аввалига, – у енгил йўталиб олди. – Ав-валига унинг ҳар иккала оёғини кесиб ташла-шибди-да, деб ўйладим. Аммо, ҳамширанинг ай-тишича, чаг оёғидан болалик пайтида ажраган экан. Унинг ташқи жароҳатлари ҳам анчагина экан. Уни уч марта операция қилишди. Аввали-га ичагининг бир қисмини... яна аллақаерини

кесиб ташлашибди. У ўт-олов ичида ётар, кечалари билан ох-воҳ қилиб чиқарди. Менимча, шу етарли, а? Рангинг ҳам оқариб кетди. Ўз дардинг ўзингта етиб турғанида, мен яна...

Демак, Тарик тамомила оёқсиз бўлиб қолган... Битта гавдаю иккита қўл! Қанийди имкон бўлсаю, ҳозир ўрнидан сапчиб туриб, бу шум хабарни келтирган кимсадан йирокроққа, умуман ҳеч ким кўрмайдиган, ҳеч ким эшитмайдиган бир овлоққа қочиб кетса...Faқат бу мудҳиш тасаввурлар, эзгин хотиралардан қочишининг имкони бормикин?

– Унга оғриқни қолдирувчи уколлар қилишиди. Аммо бир оз ўтиб, бари бир дори ўз кучини йўқотар, бола бечора яна дод сола бошларди. Мен унга ўзим ҳақимда, оилам, қизларим, дўконларим ҳақида гапириб беришдан чарчамасдим, лекин чамамда унга буларнинг умуман қизифи йўқ эди. Сал оғриқлар чекинган пайтда у ҳам ўз уйи, ота-онаси, Фазнида яшайдиган тофаси ҳақида узуқ-юлуқ хотираларини гапириб қоларди. Лекин у ҳамиша сен ҳақингда гапиришни ёқтиради. Унинг айтишича, унинг илк хотиралари сен билан боғлиқ экан. Сен ҳақингда гапирганида кўзлари чақнаб кетарди. Билдимки, сен унинг ҳаётида катта ўрин тутасан. Аммо сен унинг ёнида эмаслигингдан хурсанд ҳам бўларди.

Лайло яна оёқлари оғирлашиб бораётганини ҳис этди. Аммо унинг хаёллари Кобулдан анча нарида, жигарранг тошлоқ тепаликлар, паст-баланд қўм барханлари, қорли тоғлар ортида эди.

– Мен Кобулга келишимни айтганимда, у сени қидириб топишимни илтимос қилди. «Faқат у ҳақда ўйлашимни, уни қаттиқ соғинганимни бориб айтинг» деб тайинлади. Мен ваъда бердим. У менга жудаям ёқиб қолганди. Яхши йигит, ҳақиқий эркак экан. – Меҳмон пешонасини ар-

тиб олди. – Бир куни қўққисдан уйғониб кетдим. Ҳали ярим кеча бўлса керак деб ўйлагандим. У ерда дераза йўқ. Кеча билан кундузни фарқлаб бўлмайди. Кўз олдимда ғалати шарпалар изғиб юрарди. Чамамда, дўхтирлар унинг атрофини ўраб олишган, ташвишли овозда нималарнидир муҳокама қилишарди. Яна кўзим илинибди. Эрталаб турсам, унинг каравоти бўш турарди. Ҳамширадан сўрасам, йигит сўнгги кучи қолгунча мардонавор курашди... деб айтди.

Лайлонинг кўз одини қалин туман қоплаб олди, бу туман ортида бояги кишининг ликиллаётган боши элас-элас кўзга ташланарди. У ҳамма-ҳаммасини тушуниб етганди. Бу нотаниш кимсани кўриши билан кўнгли бир ноҳушликни сезганди.

– Аввалига сен ҳаётда умуман бўлмагандирсан, булар ҳаммаси унинг наркоз таъсиридаги хаёлоти маҳсулидир деб ўйлагандим. Одамларга ноҳуш хабар етказишни умуман ёқтиирмайман. Лекин нима қиласай, ваъда бергандим. Кобулга келганимга учтўрт кун бўлди. Сени роса сўраб-суриштиридим. Ўйларингни топиб бордим. Қарасам, қултепага айланибди. Юрагим «шиф» этиб кетди. Илож қанча? Тақдир экан-да, синглим!

Абдул Шариф кафтини Лайлонинг тиззасига қўйди.

– Мен унинг сўнгги илтижосини бажардим. Ўзи бўлганида ҳаммасини батафсил гапириб берарди. Мени кечир, синглим!

Бошқа бирорта ҳам сўз унинг қулоғига кирмади. Кўз олдида Панжшердан акаларининг ўлими ҳақида шум хабар келтирган бошқа бир одамнинг қиёфаси жонланди. Ўшанда отасининг юзи бўрдек оқариб кетган, онаси сочларини юлиб дод солганди. Ўшанда Лайлонинг юраги қилт этмаганди-я? Мана, яна шум хабар, яна ўлим! Балки ўшанда

онасининг дардига шерик бўлмагани учун тақдирнинг ўзи ундан шу тариқа ўч олдимикин?

Онаси ўшанда ерга ётволиб, тўлғаниб-тўлғаниб дод солганди. Лайло эса, фалажга учраган каби жойидан жилолмай қолди.

У жойида тош қотган, қўллари тиззаси устида тахланган, кўзлари эса бўшлиқقا тикилиб турарди. Унинг тахайюлида арпа далалари яшнаб ётар, ариқларда сувлар жилдирап, оёқларини сув мавжлари эркалаб ўпар, Тариқ қўл қовуштирганча, мудрабгина ўтирап, уларнинг қаршиисида эса, тошга ўйилган ҳайкаллар сиймоси улуғвор қад ростлаб турарди.

УЧИНЧИ БОБ

– Ҳамдарлик билдираман, – деди Рашид хотинига қарамасдан унинг қўлидаги бир коса маставани оларкан. – Биламан, сизлар жуда яқин эдинглар. Болалиқдан бирга катта бўлгансизлар. Лекин, жуда ёмон иш бўлти. Қанчадан-қанча афгон йигитлар мана шундай жувонмарг бўлишяпти.

Рашид қиздан кўз узмай хотинига қўл узатди ва у берган салфетка билан лунжини артди.

Марям эрининг қандай ейишини ёддан биларди. У мастава келтирилгач, бир қўли билан гуручни ҳовучлаб думалоқлар ва оғзига солар, иккинчиси кафтининг орқаси билан лабини артиб оларди. Неча йилдирки, у овқат пайти умуман оғиз очмас, икки кўзи овқатда бўлар ва баъзида «чой қуй», «нон қани» дея тўнғиллаб қўярди.

Энди-чи? Бир қўлда қошиқ, бошқасида салфетка. «Марҳамат, ёқимли иштаҳа, ош бўлсин» каби «маданий» жумлаларни ўрганибди. Яна гапиришдан чакаги тинмайди.

– Америкаликлар 80-йилларда Ҳикматёрға бекорға қорол етказиб беришди. ЦРУ шұравиілар билан урушда тоғ-тоғ қоролларни етказди. Кейин бу қысталоқ шунча қоролни бегуноҳ одамларнинг қонини түкиш учун ишлатди. Сенинг ота-онанг ҳам шулар қатори қурбон бўлишди. Ҳих, яна жиҳодмиш? Бегуноҳ аёллар, болаларни ўлдириш қанақасига жиҳод бўлсин? Шундан кўра, ЦРУ бермайдими ўша қуролларни мард қўмондон Масъудга?

Марямнинг қошлари таажжубдан керилиб кетди. Нима деди? Масъудни мард қўмондон дедими? Бир пайлар эри Аҳмадшоҳ Масъудни сотқин, коммунист деб сўкарди-ку! Э, ҳа, ахир Масъуд ҳам, Лайло ҳам тожиклардан-ку!

– Бунақа мард инсоннинг садағаси кетсанг арзиди-да! Ана мардлигу ана шијкоат! Ҳақиқий афғон!

– Рашид бир хўрсаниб олди. – Америкаликлар бизга унча қизиқишишмайди. Пуштун, ҳазорий, ўзбек, тоҷик бир-бирини қиргани билан уларнинг нима иши бор? Улар бир миллатни иккинчисидан ажратиб билмайди. Улардан ёргулик кутишнинг ҳам кераги йўқ. Шұравиілар чиқиб кетганидан сўнг, америкаликлар бизга тупурди. Тўғрими, Лайложон?

Лайло косадаги овқатта гана түграётib, ни-мадир деб ўлдиради. Рашид худди доно жавоб эшитгандек қониқиши ила бош иргади. Марям юзини чирт ўтириб олди.

– Биз раҳматли отанг билан сиёсат ҳақида кўп гаплашардик. У пайлар ҳали сен туғилмаган эдинг, отанг китобни жуда ёқтиарди. Адабиёт ҳақида кўп тортишардик. Эсингдами, Марям?

Марям стаканга чой қуиди.

– Сиёсат ҳақида гапиравериб бошингни қотириб юбормадимми, ишқилиб?

Кечки овқатдан сўнг Марям идиш-товоқларни ювишга киришаркан, ич-ичидан аламли бир

хұрсинаң отилиб чиқди. Йүқ, унинг гапларидаги әлғон, иккіюзламачилик, ясама ҳамдардлық унга алам қылғаний йүқ. Рост, у Лайлони харобалар остидан тортиб олганидан бери, Марямга ҳали бир оғиз ҳам ёмон гапирмади, дилини оғритмади. Алам қыладигани шуки, у тамомила ўзғарып қолғанди. У атайнин қызыда яхши, ёқимли таассурот қолдиришга тиришмоқда эди. Ҳа, унинг шубхаларида жон бор эди. Илк бор бу хонағонга келганида Рашид ўзини худди ана шундай тутғанди.

Марям бор журъетини түплаб, Рашиднинг ҳужрасига кирди:

– Мумкинми?

Рашид каравотида чалқанча ётганча, сигарет тутунини шифтта қараб пуларди:

– Албатта мумкин! Келинг, хоним!

Марям оғиз очиши билан эри тутақиб кетишини, ҳамма даъволарини ўжарлық ила рад этишини кутғанди. Шундай ҳолатда Марям унга қайтариши лозим бўлган жавоблар, уни уялтирадиган иддаоларни тил учида шайлаб турғанди. Бироқ эрининг юзидағи хотиржамлик, бепарвонлик унинг шаштини сўндириди:

– Ўтири, – деди Рашид сўнник оҳангда. – Яна нафасинг бўғзингга тиқилиб, ўлиб қолма!

Марям эрининг қаршисидаги стулга бўшашибгина ўтириди.

– Менга кулдонни узатвор-чи! – Марям тобелик билан айтганини қилди.

Эри чамаси ҳозир олтмишни қоралаб қолган, аммо унинг ҳақиқий ёши наинки Марямга, ҳатто Рашиднинг ўзига ҳам маълум эмасди. Унинг қалин соchlари деярли оқариб улгурган, бўйини ажин қоплаган, кўзларининг ости салқиб тушган, юzlари ҳам сўлиб қолғанди. Қомати ҳам анча буқчайиб қолган, аммо кенг елкалари, кучли би-

лаклари, бақувват күкраклари ҳали салобатини йўқотмаганди.

– Менинча, ҳаммасини қонунийлаштириб оладиган пайт келди, – кулдонни қорни устига қўйиб, хунук илжайди Рашид. – Ўзинг ўйла! Одамлар нима деб ўйлайди? Ахир ёшгина, бўй етган қиз менинг уйимда яшаб юрса... Менинг номимга, унинг но-мусига доғ тушмайдими? Э, айтганча, сенинг ҳам шаъннинг бор ўртада?

– Ўн саккиз йил... – Марямнинг овози титради.
– Ўн саккиз йил сиздан бирор нарса сўрамадим. Лекин ҳозир сўрамоқчиман!

Эри бир тўлғаниб, тутун пуркади.

– У бу ерда яшамасин, демоқчимисан? Рост, уни боқишишга, еб-ичиришга, кийинтиришга менинг ортиқча пулим йўқ. Ахир биз «Қизил ярим Ой жамияти» эмасмиз-ку, тўғрими?

– Унда қандай қилиб...

– «Қандай қилиб?» Шундай! Сенингча, у жудаям ёш, тўғрими? Ўн тўртга кирибди. Демак, ёш боламас энди. Ўзинг ўн бешдамидинг? Онам мени 14 ёшида туққан. Демак, 13 да эрга теккан!

– Мен... мен истамайман! – ўпкаси тўлиб ҳиқиллади Марям.

– Сен аралашма!

– Менинг ёшим ўтиб қолди...

– Ҳа сенинг ёшинг ўтди, у жуда ёш... Шунисига дорман-да!

– Менинг ёшим ўтиб қолди, бунаقا ўзгаришларга энди дош беролмайман! – Марям қўлларини қаттиқ сиқди, вужуди зирқираб кетди. – Энди шу ёшимда мени ёш болага масхара қилиб қўясизми?

– Жа оласан-да! Ўзинг ҳам биласан, ҳамма шундай қилади! Айрим ошналаримнинг уч-тўрттадан хотини бор. Отангнинг ҳам учта хотини

бор эди. Менинг ўрнимда бошқаси бўлганда аллақачон уйланворган бўларди.

– Мен розимасман!

Рашид қовоқ уйди:

– Яна бир йўли бор. Бўпти, қизни кўчага чиқариб ҳайдайман. Тўрт томони қибла! Лекин узоқча бора олмайди. На ейишга нони, на чўнтағида бир чақа пули йўқ. Бунинг устига ўқ ёмғирдек ёғиляпти. Ракеталарни айтмайсанми? Бундан ташқари кўчага чиқиши билан тутиб олишади, зўрлашади, кейин бўғизлаб, зовурга тиқиб кетишади. Шунда яхши бўладими?

Кейин у йўталиб, боши остидаги ёстиқни тўғирлаб қўйди.

– Йўллар каллакасер, безориларга тўла. Улардан қочиб қаерга ҳам борарди? Пешоварга етиб борган тақдирда ҳам, ҳеч нима ўзгармайди. Қоҷоқлар лагеридаги вазиятни биласанми? Одамлар картон қутиларнинг ичида жон сақлаяпти. Очлик, муҳтоҗлик, ичбуруғ, вабо... Бу ёқда қи什 келиб қолди, ўткасини шамоллатса нима бўлади? У ерда одамлар музлаб, тарашага айланиб қолади.

Рашид яна бир қўзғалиб олди:

– Рост, фоҳишаҳоналар анча иссиқ. Пешоварда унақаси қадамда учрайди. Бунақа ёш, таранг қизчани ким қўлдан чиқаарди? Ё сен бошқа фикрдамисан?

У кулдонни тумбочка устига қўйиб, ўрнидан турди:

– Менга қара! – деди амиронга оҳангда. – Қарши чиқишингни билардим. Сени тушунаман, лекин сен ҳам кўриб турибсан. Бошқа иложимиз йўқ. Сен ёрдамчига, у эса, бошпанага эга бўлади. Ҳозирги кунда уй ва эр ҳар бир хотин-қизнинг энг катта орзусига айланди. Кўчада ётиб-туриб юрган беваларни кўрмаганмисан? Улар умр йўл-

доши топиш учун ҳатто қон тўкишга ҳам тайёр. Демак, мен тутаётган йўл жуда олижаноб ва тўғри йўлдир. – У ишшайиб қўйди. – Бу ишим учун медал беришса арзийди.

Қоронги тушганда Марям қизга эрининг хоҳишини етказди.

– У эртага эрталаб сендан жавоб кутади, – эслатиб ўтди Марям.

– Мен розиман, – деди қиз уйқусираб. – Ҳозироқ етказишингиз мумкин!

ТЎРТИНЧИ БОБ

Эртаси куни Лайло тўшагидан турмади. Эрталаб Рашид ундан бирров хабар олиб, сартарошга кетаётганини маълум қилди. Лайло эса адёлга яна-да маҳкамроқ ўралиб олди. У қуннинг иккинчи ярмида соchlарини янги услубда қисқартириб, деярли яп-янги костюм ва никоҳ узуги билан қайтиб келганида ҳам қиз ҳали ўрнидан турмаганди.

Рашид каравотда, унинг ёнига ўтириб, қўлидаги қутичанинг тасмасини ечди ва ундан эҳтиёткорлик билан тилла узукни чиқарди. Буни сотиб олиш учун Рашид Марямнинг эски узугини чиқариб сотган эди.

– Кўявер, унга бари бир, пайқамайди ҳам.

Лайло иложи борича Рашиддан нарироққа силжишга уринди. Пастки қаватдан дазмолнинг кийим устидан шифиллаб сирғалиши эшитилиб турарди.

– Керакмас, – деди Лайло заиф овозда. – Истамайман. Унинг узугини қайтариб беринг!

– Қайтариб берай? – Рашиднинг юзида ранж ва ғазаб аломати қанча тез пайдо бўлган бўлса, шу тезликда фойиб бўлди. – Мен бунинг устига яна қанча пул қўшиб берганимни биласанми?

Нақ 22 қиротлик тоза тилладан. Ол! Истамайсанми? – У қутичанинг оғзини ёпди. – Гулларни ёқтирасанми? Қанақа гул ёқади? Табаргулми? Лолами? Балки настарин ёқар? Гул керакмасми? Яхши! Сенга нима ёқишини ҳам билмасам... Дәхи Мазангда бир таниш тикувчи бор, эртага сени унинг ёнига олиб бораман, сен ёқтирган матодан, бўйингга ўлчаб кўйлак тикиб беради.

Лайло бош чайқади. Рашиднинг қошлиари чи-мирилди.

– Мен фақат... истардимки...

Лайло негадир гапини охирига етказа олмади. Елкаси кўйилган катта, қўпол ва қаримсиқ кафтдан ижирғанғандек бўйини қисди.

– Хўш?

– Ҳаммасини ортга қайтаришнинг иложи бўлганда эди?

Ҳайратдан Рашиднинг оғзи очилиб, сарғайган тишлари кўринди:

– Тоқатим тоқ бўлди, – деди аранг пишиллаб.

Абдул Шариф келгунига қадар Лайло Покистонга кетиш ниятида эди. У Лайлого ҳамма гапни етказганида ҳам, бу ердан кетиш қароридан воз кечмаганди. Фикри-зикри ҳар бурчагида ажал пистирма қўйган, ҳар кўчасида баҳтсизлик ҳиди анқиб турган шаҳардан узоқроқча кетиш эди. Энди эса, бошқа ҳеч қандай иложи йўқдигини англаб етганди.

Кўнгли айниганини ҳис этди. Ичи афдарилгудек бўлди.

Лайло бир зум ўзини увада чодирлар билан тўлиб-тошган қочоқлар лагерида тасаввур этиб кўрди. Мана, у қўлида Тариқнинг зурриёди – ёлғиз жигарбандининг совуқдан тош қотиб кўкариб кетган жасадини қучоқлаганча жим ўтирибди. Мана, бегона одамлар унинг миттигина

танасини ювиб, кир, ифлос латтага ўрашди ва узоқлардан ўлжасини пойлаб ўтирган ўлаксахўр қузгуналарнинг ҳафсаласини пир қилиб, торгина чуқурга туширишди. Тупроқ тортишди. Тамом!..

Йўқ, кетмайди. Ҳеч қаёққа!

У ўз яқинларини бирма-бир кўз ўнгига келдирди. Аҳмад билан Нур ўлган, Ҳасина кетган, Жити парчаланган, ота-онаси ҳам энди йўқ... Мана энди Тариқ ҳам...

Уни аввалги ҳаётга, аввалги Лайло билан боғлаб турадиган ингичка, ожизгина бир ришта қолган, у ҳам бўлса, вужудида улғая бошлаган Тариқнинг зурриёди. У вақти-соати етиб бу дунёни кўриши лозим. Ахир Лайло умрининг энг масъуд дамларини эслатиб тургувчи бу нурли риштани қандай қилиб барбод этсин?

У яшин тезлигидаги қарор қабул қилди. Тариқни сўнгги бор кўрганидан бери орадан олти ҳафта ўтди. Яна бир-икки ҳафта чўзилса, Рашид шубҳаланиб қолиши мумкин. Албатта, у режалаштирган иш қабоҳатдан бошқа нарса эмас. Уят! Шармандали! У Марямга нисбатан ҳам ноҳақлик қилаётганини билади. Бироқ, гарчи фарзанди ҳали маийиздеккина бўлса-да, Лайло бир ҳақиқатни англаб етди: она ўз фарзанди учун ҳамма нарсани, ҳатто виждони, инсонийлигини ҳам қурбон қилиши мумкин. У кўлинни қорнига босиб, кўзларини юмди...

Шундан кейинги маъракаю маросимлар Лайлонинг ёдида узуқ-юлуқ сақданиб қолди. Эсида қолгани – Рашиднинг йўл-йўл костюми, арzon атирганинг ўткир ҳиди, устарарадан қолган жароҳат изи, Тамакидан сарғайган бармоқларда айланаштирганиникоҳ узуги... Мана, қўлида қалам, никоҳ хужжатига қўл қўйимоқда. Бўёғи тутабди, янгиси бор экан! Имзолар қўйилгач, хужжат домлага узатилди. Майин қироат овози янгради. Кейин унга кўзгу

тутишди. Рашид қошларини қайчилаб келганини ўшанда пайқади.

Унинг ёнгинасида бир нүктага тикилганча Марям ўтирарди. Лайло унинг кўзларига қарашиб ботинолмади.

Ўша оқшом муздек чойшаб устида чалқанча ётганча Рашиднинг ҳаракатларини кузата бошлиди. Рашид пардаларни тушириб, кўйлагининг тугмаларини ечди. Кейин эса, шалворининг бочичини бўшатди. Чамаси унинг қўллари ўзига бўйсунмасди. Беихтиёр Лайло эркакнинг осилиб тушган қўкраклари, кўксини қоплаган оқ, қалин жунларини, қаршисидаги норасида вужудга ҳирс билан қадалган кўзларни кўрди...

– Ё Аллоҳ, ўзинг шарманда қилма, ўзинг қувват бергил, – тўнғиллади Рашид қизга яқинлашаркан. – Мен сени севаман!!!

Лайло тишларини тараклатиб, чироқни ўчиришини ўтинди.

Нафси қонгандан Рашид дарров ухлаб қолди, Лайло сал аввалроқ уйга опкириб, тўшак остига яшириб қўйган пичноқчани чиқарди ва...

...Кўрсаткич бармоғини тилимлаб чойшабга ишқалади...

БЕШИНЧИ БОБ

Марям унинг борлигини кундузлари фақатгина тепа қаватдаги каравотнинг гичирлаши, боши устида қадам товушлари, ваннадаги сувнинг шовуллаши ва стаканга урилган қошиқчанинг жарангидан биларди, холос. Улар деярли кўришмасдилар. Гоҳ-гоҳида зинопоядаги қадам товушлари уни сергак торттирап, лекин имкон қадар унга кўринмасликка тиришарди. Рост, гоҳида тор йўлакда, ошхонада, эшик олдида улар

юзма-юз келиб қолишар, шунда баайни уларнинг ўртасида ўт чақнагандек бўларди. Шунда қизча довдираганча ундан узр сўрар, Марям унинг ёноқлари қандайин тез ловуллаб қизарганини кўриб турарди.

Марям гоҳида Лайлодан Рашиднинг ҳидини – тамаки, тер ва шаҳват исини пайқагандек бўларди. Марям сўнгти бор эрининг қачон эркалагани, вужудидаги энг инжа торлар қачон чертилганини эслолмайди. У тўшакни фақат эркак нафсини қондиришидан бошқа нарсага ярамаслигига аллақачон ишонч ҳосил қилганди.

Аммо кечқурунлари улар бир-биридан қоча олмасди. Рашиднинг айтишича, улар бир оила аъзолари экан, шу боис, кечки овқат бир дастурхон атрофида қилиниши лозим.

– Бу қанақаси? – тўнғиллади у бир куни кечқурун қўли билан гўштни суяқдан ажратаркан (тўйдан кейин санчқи ва қошиқقا яна дам берилганди). – Мен иккита ҳайкалга уйланган эканман-да? Қани, Марям, гапдан ол! Зерикиб қолмасин кундошинг! Бунақаси кетмайди. – Кейин эса, суяқдан илик сўраркан, Лайлого юзланди. – Ундан хафа бўлма! Жуда камгап, камсуқум аёл. Шукурки, ҳар гапини мулоҳаза билан айтади. Энди сен билан мен шаҳарликмиз. У эса, фирт қишлоқи! Бўлиб ҳам бир тупканинг тагида, лойсувоқ катақда катта бўлган! Айтганча, Марям, сен бунга ҳароми эканингни айтганмисан? Ҳа, бу фирт ношаръий туғилган! Лекин унинг кучли тарафлари ҳам бор! Ўзинг ҳали кўрасан! Ишчан, меҳнаткаш, хокисор! Агар уни бирорта машинага ўхшатиш керак бўлса, шўравийларнинг «Волга»сига қиёслаган бўлардим.

Марям ўттиз учга тўлган, аммо «ҳароми» деган сўз ҳали-ҳануз унинг қулоғига қўроғшиндек ботарди. У ойисининг чинни идишини синдирган

пайтдаги қарғиши ҳали құлғы остидан кетмайды: «Бу митти ҳароми мени хонавайрон қымаса гүргайды!»

– Сен эса, – Рашид кичкина хотинига юзланды.
– Яп-янги «Мерс»сан! Янги, ярақлаб, тирсиллаб турған «Мерс»! Лекин, «Мерс»ни авайлаш керак. Эхтиёт қилиш зарур! – Рашид ҳозир юмалоқлаган гуруч соққасини тақсимчага қўйди ва Лайлого қўл ниқтади. – Ўлганларнинг орқасидан ёмонламайдилар. Ота-онангни қаттиқ ҳурмат қилардим, уларни Аллоҳ ўз раҳматига олган бўлсин! Лекин улар сени жуда эркалатиб юборишганди. Очиқ гапирганим учун кечирасан!

Марям қизчанинг қанчалик нафрат билан эрига қараб тургани пайқаб қолди.

– Майли, ўтган ишга салавот. Муҳими, мен сенинг эрингман, сенинг, умуман оиласизнинг шаъни, ори учун масъулман. Бу менинг бурчим. Сен бу уйда маликасан! Бу уй сенинг қасринг. Марям сенинг ҳар қандай хизматингга шай туради, унга буюрсанг бас. Тўгрими, Марям? Агар бирор жиддий ният туғилиб қолса, унда ўзимга айтасан. Мен ана шунақа эрман. Бунинг эвазига сендан бир нарсани талаб қиласман. Уйдан менинг ижозатимсиз бир қадам ҳам чиқмайсан. Агар бирор нима керак бўлиб қолса, ана, Марям турибди. Айтсанг, физиллаб келтириб беради. Нега иккингизга икки хил муносабат, биласизларми? Ахир «Волга»ни мингандай миниб бўлмайди «Мерс»ни. Ҳа, дарвоҷе, мен билан чиққанингда, албатта, чодра ёпиниб чиқасан. Кўчада нафсини жиловлай олмайдиган, кўзи қонга тўлган эркаклар кўп!

Рашид бир йўталиб олди:

– Уйда йўғимда, Марям менинг кўзим ва қулғимга айланади. – У шундай дея дафъатан Марямга ўгирилди. – Бу сенга ишонмайман деганим

эмас. Аксинча, сен жуда ёшсан ҳали. Ёшлар эса, хато қилишга мойил бўлишади. Марям эса анча ақди кириб, қўйилиб қолган. Хато қилсанг тузатади. Маслаҳатлар беради.

Рашид яна анча гапирди. Марям кўз қири билан Лайлого назар солди. Қизча деразадан ташқарига қараганча жим қотган, чамаси, унинг хаёли тамомила бошқа ёқда эди.

...Марям меҳмонхонада қуриган кийимларни тахлаш билан овора бўлиб, Лайлонинг қачон кириб келганини ҳам пайқамай қолди. Лайло бўсагада қўлида бир финжон чойни ушлаб турарди.

– Кечирасиз, халақит берганим учун...

Марям индамай унга тикилиб қолди. Қуёшнинг заррин нурлари унинг кулча юзларига, текис пешонасига, баланд ёноқларига, қалин қошларига, мовий кўзларига, ўртасидан фарқ очилган сочларига teng ёйилганди. Марям қизнинг қўлидаги чой бир текисда чайқалаётганидан унинг қаттиқ ҳаяжонда эканини пайқади.

– Барглар тўкиляпти, – Лайло деразадан уч бериб турган дарахт шохларига қаради. – Кузни жудаям ёқтираман. Айниқса, боғлардан келаётган куйдирилган хазон ҳиди ёқади. Ойим ҳаммадан ҳам баҳорни ёқтирарди. Сиз уни яхши танирмидингиз?

– Унчамас.

Қизча кафтини қулоғига карнай қилди:

– Лаббай?

– Биз у билан унча яқин эмасдик, – деди Марям бақиргудек бўлиб.

– Ҳа-а-а.

– Сенга нима керак?

– Марям опа, мен... кеча уларнинг айтган гаплари...

– Ўзим сен билан бу ҳақда гаплашиб олмоқчи әдим.

– Марҳамат, – деди қыз шошилиб. Унинг овозида аллақандай хотиржамлик акс этарди. Бир қадам илгарилади. Таşқарида түргай сайрарди. Күчада кимдир судраб бораётган аравачанинг ғичирилаши эшитилди. Кейин изма-из ўқ отилди.

– Мен сенинг чўринг бўлмайман, – деди Марям бош чайқаб. – Бўлмайман, тамом-вассалом.

– Албатта, – деди қыз титраб.

– Малика бўласанми, гўрми, ерми, менга бари бир, сенларга ўзимни хор қилдириб қўймайман. Эрингга айтасанми? Қўрқмайман, менга деса сўйиб ташласин! Эшитдингми? Сенга чўри бўлмайман!

– Менам айтмоқчи әдимки...

– Агар мендан қутулиш учун ўзингнинг чиро-йинг, ёшлигинги ишга солмоқчи бўлсанг, эши-тиб қўй, ҳеч нима қилолмайсан! Мен бу ерга сендан олдинроқ келганман. Мени шунчаки бу ердан чиқариб юбора олмайсанлар! Мен ўзимни хафа қилдириб қўймайман.

– Бунаقا қилиш хаёлимга...

– Қўриб турибман, яраларинг битиб қопти. Демак, уйдаги ишларнинг бир қисмини қилсанг, ўлиб қолмайсан!

Қыз шоша-пиша қўлидаги финжондан чой ҳўплади.

– Ўзим ҳам айнан ғамхўрлигинги, менга қилган яхшиликларингиз учун миннатдорчилик билдириш учун кирудим.

– Агар эримни мендан тортиб олишинги билганимда, сенга қайрилиб ҳам қарамаган бўлардим.

– Ахир мен...

– Овқат қилиш, идиш-товоқ ювиш менинг вазифам. Кир ювиш ва уй тозалаш сенинг зиммангда. Қолган ҳамма ишни навбати билан қи-

ламиз. Сен менинг ичимга илондек киришни ўй-ламай құяқол. Мен ёлғизлиқка ўрганғанман. Мен сенга тегмайман, сен менга! Бу ерда ана шундай, менинг қоидаларим асосида яшаймиз.

Марям нүтқини туттаркан, юраги беором ти-пирчилаётганини сезди. Ахир у умрида ҳеч ким билан бунақа оқантада гаплашмаганди. Миссалыз ғазаб вулқони шу тариқа унинг оғзидан отилиб чиқди. Қизнинг құzlари филт-филт ёшта түлганди. Марямнинг унга ичи ачиса-да, сездирмади, тахланған қўйлакларнинг бир қисмини узатди.

– Буларни шкафгамас, жавонга қўй. У ич кийимлари юқорида, қолганлари пастда туришини ёқтиради.

Лайло финжонни полга қўйиб, кийимларни қўлига олди.

– Илтимос, мени кечиринг, – деди секингина.

ОЛТИНЧИ БОБ

Илкис онасининг энг баҳтиёр қунларидан би-рини кўз олдига келтирди. Кўшни хотинлар уларнинг ҳовлисида ўтириб, тутхўрлик қилишарди.

– Унинг ўғли қандай ўлганини биласизларми? – сўради Важма кампир марвариддек, йирик тут донасини танлаб оғзига соларкан.

– Уни Қарға кўлига чўкиб кетган дейишувди, – гапга аралашди Житининг онаси Нила.

– Ўша куни Рашид ўлардек ичиб, маст бўлиб қолган экан, – Важма кампир оғзини тутга тўлдириб, ҳафсала билан чайнашга тушди. – Айтишларича, ичавериб, думалаб қолган, тушда замбарак отилганда ҳам қилт этиб қўймаган экан. – Кампир ютиниб олгач, ҳикоясини давом эттириди. – Кейин нима бўлгани аён. Ўғли қачон сув бўйига бориб қолганини ҳам билмаган. Ху-

шига келиб караса, ўғлининг жасади сув бетида қалқиб юрган экан. Одамлар уни күриб, ёрдамга ошиқишибди, ҳалиги бир нима қилишарди-ку, ҳа, сунъий нафас олдиришибди. Аммо, бола ўлиб бўлган экан. Шунинг учун ҳам Яратган ичкиликни ҳаром қилган-да, – дея гапига хотима ясаганди Важма кампир.

...Лайло фарзанд кутаётганини айтиши билан эри дарҳол велосипедига мингашганча, Парвардигорга шукrona бажо келтириш учун масжидга қараб йўл олди. Кечки овқат пайтида Рашид Марямга ота бўлажагини тантанавор истеҳзо билан маълум қилди. Марям аввал кўзларини пир-пиратди, кейин қовоғи осилди, юзи қизарди.

Эри тепага, радио эшитиш учун хонасига кўтарилгач, Лайло дастурхонни йиғиштиришга кўмаклаша бошлади.

– Тушунолмай қолдим, энди сен ким бўласан?
– сўради Марям дастурхон устидан гуруч ва нон увоқларини сидириб оларкан. – Олдин «Мерс» эдинг-ку, энди ким бўларкинсан?

– Поезд бўлсам керак, – гапни ҳазилга бурди Лайло. – Балки реактив самолёт бўларман?

– Лекин уй ишларидан кутулдим, деб хаёлинингга ҳам келтирма, уқдингми? – ўдағайлади Марям. Лайло эндигини оғиз жуфтлаган чоғда, бу хонадонда фақат Марямгина бегуноҳ эканини англаш, индамади. Айтганча, бу ёқда бола ҳам бор.

Лайло хонасига қайтиб, ўзини каравотга отди ва ҳўнграб юборди.

– Нима бўлди? – унинг иягидан ушлаб ўзига қаратди Рашид. – Мазанг йўқми? Боланг тузукми? Хайрият! Марям хафа қилдими? Очифини айт!

– Йўқ, йўқ!
– Ҳозир энасини кўрсатаман. Бадбахт ҳароми сени хафа қилгани қандай журъат этди?

— Йўқ.

Бироқ Рашид ўрнидан туриб бўлганди. Лайло унинг қўлидан аранг тутиб қолди:

— Керакмас! У менга жудаям меҳрибон. Бир дақиқа, ҳозир ҳаммаси ўтиб кетади.

Рашид ўзича нималарнидир фўлдираб, хотинининг бўйини сийпалади, кейин елкасини уқалашга тушди, қўли оҳиста пастга қараб сирғала бошлади:

— Ҳозир ҳаммаси яхши бўлади, — деди ишонч билан.

* * *

...Даставвал ўтинчининг болтасидан омон қолган дарахтлар мисранг, тўқ-қизил япроқдарини тўқди. Кейин совуқ шамоллар шаҳарни забт этиб, барча дарахтларни қип-ялангоч қилиб ташлади. Жигарранг тепаликлар фонида ялангоч шоҳ ва новдалар янада қўрқинчлироқ кўринарди. Биринчи қор ҳам ёғди, аммо ерда узоқ турмади. Кейин йўлларни муз қоплади. Том ва бўғотларга сумалаклар осилди. Қор билан бирга Кобул осмонида шафқатсиз ракеталарга қасдма-қасд варраклар ҳам пайдо бўлди.

Рашид бу гал ҳам уруш ҳақидаги энг янги хабарларни олиб келганди. Лайло ким-ким билан уришаётганинию ким билан бирлашганини аранг тушуна бошлади. Рашиднинг айтишича Сайёф ҳазорийлар билан уришаётган экан. Ҳазорийлар эса, Масъуд билан қирпичноқ эмиш. Дўстум қайси тарафга ўтишини билиб бўлмасди.

Кобулда отишмалар, ракеталар зарбаси давом этарди. Элчихоналар ёпилган, мактаблар ишламасди. Рашиднинг айтишича, шифохоналарнинг қабул бўлимида ярадорлар навбат кутиб, қонига беланиб ётса-да, бирор қарамасмиш. Жарроҳ-

лик бўлимларида оёқ-қўлларни наркозсиз кесиб ташлашаётганмиш.

– Лекин сен қайғурма, асалим, – дерди Рашид.
– Мен сени худди тош қалъадек ҳимоя қиласман. Бирортаси сени хафа қилгудек бўлса, ичагини суғуриб, оғзига тиқаман.

Ўша қиши Лайлонинг атрофини аллақандай метин девор ўраб олгандек бўлди. Энди болалик пайтидаги мусаффо осмон, отаси билан бирга борган қўпкари мусобақалари, онаси билан кезган савдо дўконлари, болалиқдаги дугоналари, айниқса, Тариқ билан кечган хушнуд дамлар қўл етмас орзуга айланганди.

Тариқнинг хаёли уни тамомила ақддан оздираётганди. Унинг аллақайси олис госпиталда ётган ялангоч танаси кўз олдига келиши билан, дунё кўзига тор бўлиб қолар, томоғига муштдек бир нима келиб тиқиларди.

1992 йилнинг қиши кир ювишу уй тозалаш билан ўтди. Ҳовлида қаттиқ совуқ чўкканида, Лайло уйга қамалиб олганча, деразасидан ёғаётган қорга тикилиб, соатлаб хаёл суреб ўтиарди.

Кунларнинг бирида Рашид уни етаклаб, ўзининг устахонасига олиб борди. Чодранинг ичида юриш қанчалик ноқулай, қийин ва машаққатли эканини Лайло ўшанда билди. Ҳар қадамда чалишиб ийқилишига сал қолади. Бир томондан шуниси ҳам яхши, Чодра аёлни бегона қўзлардан асрайди. Уни қай аҳволда кетаётганини ҳеч ким кўрмайди, танимайди ҳам.

Устахона Лайло тасаввур қилгандан кўра, кенг ва ёруғ экан. Бироқ хона анчайин тартибсиз ва бе-саранжом эди. Тери парчалари, пошна ва болғачалар, иш қуроллари ҳар ёққа сочилиб кетган.

Кутимаганда, Рашид қўлинин хотинининг этағига солиб, унинг силлиқ, дўмбоқ қорнини сийпа-

лади. Беихтиёр шу онда Тариқнинг силлиқ кучли қўлларин эслади. О, унинг қўллари Лайлонинг бадани узра сирғалган чоғда Лайло бутун оламни, барча ташвишларни унутарди.

– Жуда тез ўсяпти, – деди Рашид. – Ҳали қўчкор-дек ўғил туғилади. Отасига ўхшаб, ҳақиқий паҳлавон бўлади.

Лайло негадир бир сесканиб, қорнини ёпди.

– Марям билан ораларинг яхшими?

– Ҳа, жуда ажойиб.

– Унда яхши.

Беихтиёр Лайлонинг ёдига икки кун аввалги тортишув тушиб қолди. Ўшандада у нимадир иш билан ошхонага тушганди. Марям асабийлик билан тортмаларни ковлаштириб, ҳамма ёқни тарақлатиб юрган экан. Маълум бўлишича, унинг гуруч аралаштирадиган ёғоч чўмичи фойиб бўпти.

– Қаерга қўйгандинг? – деди Лайлого ўтирилиб.

– Мен? – Лайло ажабланди. – Кўзим тушмади, ўзи ошхонага кам тушаман.

– Ҳа, биламиз, эрка-тантисиз!

– Ахир, ўзингиз ишни бўлиб бергансиз, пишир-куйдир менинг вазифам эмас-ку!

– Демак, чўмич оёқ чиқариб, қочиб кетибди-да, шунақами?

– Мен унақа демоқчимасман, – Лайло ўзини қўлга олишга уринди. – Балки сиз бошқа жойга қўйгандирсиз?

– Бошқа жойга? – Марям кўзларини олайтириди. – Бу ёқقا келганингга қанча бўлди? Бир неча ой! Мен бу ерда 18 йилдан бери яшайман, қоқиндиқ! Шу пайтгача чўмич жойида турарди. Эшитдингми? Бу чўмич сен иштонингни булғаб юрган пайтларингдан бери бир жойда туриб келган.

– Ким билсин, – тишларини фижирлатди Лайло. – Қўйган жойингизни эслолмаётгандирсиз?

– Балки менинг жонимни чиқариш учун ўзинг атайин яшириб қўйгандирсан?

– Пасткаш аёл экансиз! – Лайло бу сафар ўзини тутиб турга олмади.

Марямнинг бутун бадани титраб кетди.

– Сен эса, ўфри ва фоҳишасан, текинхўр манжалақисан, эшитдингми?

* * *

Ўшанда аёллар бисотларидағи бор таҳқиромуз ва беҳаё сўзларни тўкиб солишибди. Аммо, хайриятки, бу галги жанг жисмоний куч ишлатишга бориб етмади. Мана, ўшандан бери икки кундош бир-бири билан гаплашмайди.

Фақат, Лайло ўшанда, бор овози билан бақириб, юрагида йифилиб қолган дардини тўкиб солганидан сўнг ўзида аллақандай қониқиши ҳис этди. Қизик, ўшанда Марям ўзини қандай ҳис қиласан бўлса?

Ўша куни, жанжалдан сўнг Лайло юқорига – эрининг ётогига чиқиб, ўзини каравотга отган, юзини ёстиққа босганча, бор овози билан ҳўнграб йифлаган эди. Унинг наздида ота-онасини эндингина ўлдиришган ва бу мусибатдан янги хабар топгандек эди. Ошхонадан Марямнинг қарғанган овози эшитилди:

– Кўзингга тупроқ тўлсин, илоё! Тилгинанг кесилсин, балога учрагин, Худоё худовандо!

Дафъатан Лайлонинг нафаси бўғзига қадалди. Шу топда курсоғидаги гумона бир қимирлаб олганди.

ЕТТИНЧИ БОБ

1993 йил. Баҳор. Эрта тонг. Марям меҳмонхона деразаси олдида турганча, эри Лайлони қандай қилиб дарчадан ўтишга кўмаклашаётганини қузатиб турарди. Лайлонинг қаппайган қорни

ҳатто кенг паранжи остидан ҳам яққол билиниб турарди. Рашид унинг атрофида гирдикапалак бўлар, худди йўл нозири сингари хотинининг ҳар бир ҳаракатини назорат қиласар, «Секин, яна озроқ, мана бу ерга оёқ қўй, бўлди, асалим!» сингари гаплари Марямгача етиб келарди.

Улар кечки пайт қайтишди. Рашид бу гал биринчи бўлиб дарчадан ичкари кирди ва дарчани қарсиллатиб ёпаркан, орқада келаётган Лайлени тутиб юборишига сал қолди. Тез ва йирик қадамлар билан уй томон юрди. Юзлари анча бўғриққан, кайфияти тунд эди.

– Овқат борми? Даствурхонинг қани? – дея ўшқириб берди.

У билан изма-из хонага Лайло кириб келди. Кўлидаги катта тугунни ерга қўйиб, эшик ортига ташлаб келган сумкасини олиб келиш учун яна ташқарига чиқди. Ошхонага чиқаётган Марям у билан бир кўз уриштириди-ю, ўтиб кетди...

… – Қулоқдаримни тешворай дейди-я! – деди оқ соchlари тўзғиб турган Рашид шишган кўзларини ишқалаб, бўсағада турган Марямга зимдан нигоҳ ташлаб қўяркан. – Йифлагани-йифлаган. Чидаб бўлмайди-я!

Тепадан боласини қўлида кўтарганча хонанинг у бошидан бу бошига бориб келаётган Лайленинг алласи эшитилди.

– Икки ойдан бери умуман уйқу йўқ, – шикоятида давом этди Рашид. – Хона худди халажойга ўхшаб сасиб ётиби. Қаёққа қарама, чақалоқнинг булғангтан тагликлари сочилиб ётади.

Марям сезилар-сезилмас кинояли илжайди.

– Ҳовлига олиб туш, – елкаси оша бақирди Рашид. – Тоза ҳавога чиқсаларинг-чи!

– Ўпкаси шамоллаб қолса, нима қиласман? – бу Лайленинг овози эди.

– Вей, ёз келиб қолди-ку!

– Нима?

Рашиднинг тишлиариғи жирилди.

– Ташқары иссиқ, деяпман!

– Оптушмайман, бўлдими?

Яна алланинг мунгли оҳанглари тарафидан.

– Ўлай агар, шу йифлоқини бир куни қутига солиб, Кобул дарёсига оқизвораман. Худди Мусо пайғамбарни гўдаклдик пайтида Нилга оқизишгандек.

Марям бирор марта чақалоқни ўз оти билан – Азиза деб атамаган. Фақат ё бола, ё бўлмаса ҳозиргидек «йифлоқи» дейди.

Марям баъзан кечалари тепадан уларнинг даҳанаки жанжаллари овозидан уйғониб кетарди. Шунда Марям оёқ учидага кўтарилилар, эшик туйнугига қулоқ тутарди. Эри ҳар доим Лайлонинг бефаросатлигидан, уйдаги бесаранжомлик ва қўланса ҳиддан, бола билан бўлиб, эрига умуман қарамай қўйганидан нолирди. Лайло ҳам ўз навбатида эрининг хонада чекиши, шангиллаб болага уйқу бермаётганини айтиб вижирларди.

Гоҳида тамомила бошқа сабаб билан жиқиллашиб қолишарди.

– Дўхтир олти ҳафтагача деганди.

– Йўқ, ҳозир вақтимас, тушунсангиз-чи! Илтимос, ёпишманг менга! Бас қилинг!

– Икки ойлик бўлди-ку!

– Тсс! Ана айтмадимми? Уйғониб кетди. – Анча пайтгача чақалоқнинг фингшиши тинмади, яна бир муддат жимлик чўкди. Яна Лайло норози минфирилади. – Ана, кўнглингиз жойига тушдими энди? Нафсингиз қондими?

Шунда Марям соядек шарпасиз юриб, хонасига қайтарди...

... – Балким, сенинг ёрдаминг тегиб қолар?

– Мен болаларга қарашиб билмайман, – дерди Марям совуққонлик билан.

– Дадаси! Анави сут шишани олиб келинг! Жавонда турибди. Азиза эммаяпти. Балки шиша-дан ичар.

Чақалоқ бўғзи йиртилгудек бўлиб бигилларди.

– Бу боламас, нақ дала командирининг ўзи! Ҳикматёр бу! Ҳа, Лайло менга яна битта Гулбиддин Ҳикматёр туғиб берган.

Кунлар ўтиб борар, Лайло Марямнинг кўз ўнгида болани эмизар, таглигини алмаштиар, тебратиб аллалярди. Кейин яна ҳаммаси бошдан бошланарди. Чақалоқ ухлаб қолганида, Лайлони ифлосланган тагликни олиб, кукунли сув солинган чеълакка ивитиб тозалар, кейин уларни дорга ёйиб қуритарди. Баъзан эри айнан чақалоқнинг нарсалари сабабли ҳам гап ковларди:

– Анавиларни нимага четга қўйгансан?

– Улар ўғил боланини. Бизники қиз-ку!

– Нима фарқи бор! Ҳаммаси пулга келганми? Энангни пули кетганми уларга? Вей, сенинг гапиришинг менга умуман ёқмаяпти. Бу охирги огоҳлантиришим!

Ҳар ҳафта Лайло темир жомга исириқ солиб тутатар, бола ётган хонани тутунга тўлғазиб, ба-ло-қазоларни қувиб соларди.

Лайлонинг кундан-кунга бола парвариши туфайли бошқача қиёфа касб этиб, улгайиб боришини кўриб, негадир Марям ҳам анча эрий бошлиди. Баъзизда у Лайлонинг фарзандига қараб, ёришган юзларини кўриб ич-ичидан севинар, завқланар, аммо ҳеч нарсани сездирмасди. Баъзизда, Лайло кечаси билан ухламай, эрталаб кўзлари қизариб турса-да, унинг юзларидан алланечук хуррамлик уфурарди. Қизалогидаги ҳар бир

ўзгариш, ҳар бир янги ҳаракат Лайлода чексиз ҳайрат, қувонч уйготарди.

– Вой, унинг шақылдоққа қараб интилишини қаранг! Күрдингизми? Вой бунинг ақдллилигини!

– Ҳа, газетага хабар бериш керак, – эрмакларди Рашид.

Ана шундай ҳолатлар деярли ҳар кечқурун қайтарилади. Лайлө қызига қараб бутун олам ва унинг ташвишларини унутар, эри эса парвойи палак эди. У қызғиши бурнини құтариб, чақалоқ тарафға бирров күз ташлаб құяр, кейин пишиллаганча овқаттаға ёпишарди. Қызик, бир пайтлар мана шу қызча эндигина бу хонадонда пайдо бўлганида унга парвона бўлиб, бисотидаги бор ширин гапларини тўкиб солган, унинг ҳар бир саволига эринмай, батафсил жавоб қайтарган, ҳали сочиқ, ҳали санчқи, ҳали қошиқ узатиб, айланиб-ўргилган ҳам шу – Рашид эмасмиди?

Лайлонинг эса, фикри-зикри гўдагида, худди ҳар қандай бало-қазо фақатгина унинг қызига кўз тикиб турганга ўхшайди. Ичбуруғми, зотилжамми, қизамиқми, сариқми – ҳаммасидан хавотир олар, «ишқилиб, менинг боламга юқмасмикин» деб безовтабўларди.

– Қизингга кўпам боғланиб қолаверма, – деди бир куни Рашид бефарқ қиёфада.

– Нимага энди?

– Кеча радиодан эшитдим, Афғонистонда ҳар тўртта боланинг биттаси беш ёшга етмасдан нобуд бўлармиш!.. Ие, ҳа? Қаёққа? Вей, сенга гапирияпман! Қайт орқангга! Қайт ҳозироқ!

Кейин эса елка қисиб Марямга қаради:

– Унга нима жин урди? Мен бир ёмон гапидимми?

Ўша оқшом ярим тунда Марям ўз хонасида бедор ётганида, тепада яна жанжал бошлианди. Ода-

тан Кобулда саратон иссиқ ва қуруқ келади. Марям деразани очиб қўйди. Қилт этган шабада йўқ. Қайтага бир уй чивин учиб кирди. Тепадан Лайлонинг қулоқни ёриб юборгудек қичқириғи эшитилди. Изма-из чақалоқ йиглади.

Кейин тепа ётоқнинг эшиги зарб билан очилди. Марям отилиб чиққач, яна нимадир қарсилаб кетди. Зум ўтмай Марямнинг эшиги остонасида fazabdan oқariб ketgan Raшид kўринди. У oқ lунгида ва қўлтиқ ости terdan ivib ketgan engil kўylakda turardи. Kўliда ёш хотини bilan tўyи олдидан сотиб oлинган янги, teridan isplanган kamarni osiltiriб turardи.

– Ҳаммаси сенинг ишинг, – вишиллади Рашид у тарафга бир қадам ташлаб. – Ҳаммасига сен айбдор!

Марям сакраб турди ва қўллари билан кўкрагини тўсганча деворга суюнди. Илк зарба ҳам айнан кўкрагига келиб тушди.

– Нима бўлди... ўзи? Мен нима қилдим? – сўради у ўзини зарбалардан ҳимоялашга беҳуда уриниб.

– У нимага мени ўзига яқинлаштирмаляпти? Уни сен йўлдан ургансан! Сен!

Ўтган йиллар мобайнида Марям эрининг ҳамма иддаолари, масхараю таъналарига худди чиндан ҳам айбдордек миқ этмай чидаб келарди. Аммо, эрининг кўзи fazabdan ёниб, қонга тўлганида, қўлида камар қарсилай бошлаганида, худди йўлбарс қафасига ташланган улоқчадек қалтираб қоларди. Ҳозир ҳам худди шундай бўлди.

– Аввалдан билувдим у сендан яхши нарса ўрганмаслигини, – ўкирди Рашид камарнинг тўқасини шилдиратиб.

– Бўлди, бас қилинг! – Дафъатан Лайлонинг ўткир овози жаранглади. – Бўлди дедим!

– Уйга кир!

Лайло жойидан жилмади.

– Тўхтатинг!

– Йўқол, дедим.

Навбатдаги зарба Марямнинг юз-кўзи ара-лаш тушди. Шу пайт кутилмаган ҳолат юз берди. ЛайлоМарямнинг қўлига худди канадек ёпишиб олди. Ҳатто Рашид қўлини ҳам қимирлатолмай қолди. Урмади, бироқ жон ҳолатда қичқирди:

– Йўқол, қанжиқ!

– Сизга ўша нарса керакми? Керакми? Юринг, фақат тегманг унга! Илтимос қиласман!

Марям худди қоққан қозикдек жойида қаққа-йиб қолди. Улар эса ҳамон бир-бири билан олишиб ётишарди. Шундагина Марям зарбалар тўхтаганини ҳис этди. Рашид ваҳшатли қиёфада бир зум терга ботганча қотиб турди, кейин камар ушлаган қўлини пастга туширди. ЛайлоНаримон эрининг қўлига ёпишиб турарди.

– Жавоб берасанлар, – хириллади Рашид. – Ҳали иккаланг ҳам жавоб берасанлар. Мени шунчаки аҳмоқ қилиб кетолмайсанлар. Яна ўз уйимда-я? Мен бунга йўл қўймайман!

У Марямга fazab билан тикилди, кейин ЛайлоНаримон кўксидан итариб, чиқиб кетди.

Ёлғиз қолган Марям бошини ёстиқ остига бер-китиб, қалтироғи босилишини кутиб ётди. Ўша кечаси у уч марта уйғониб кетди. Биринчисида, Карте-Чор тарафда портлаган ракетанинг чинқириғидан сапчиб тушди. Энди кўзи илинганида чақалоқнинг йифиси яна уйқусини бузди, кейин ЛайлоНаримон алласи, идишга урилаётган қошиқчанинг жиринглаши қулоғига чалинди. Яна уйқу босди. Кўп ўтмай, кучли ташналиқдан уйғонди.

Ошхонага кетаётиб, йўлакда ётган катта бир нарсага кўзи тушди. Диққат билан тикилиб, ЛайлоНаримон қақалоқ эканини тушунди. Онаси ухлаб қолган, қақалоқ эса уйғоқ эди. Марям керосин-чироқ-

ни ёкиб, биринчи маротаба қизалоқнинг юзларига дикқат билан тикилди. Сочлари, кўзлари қоп-қора, киприклари қалин, ёноқчалари пуштиранг, лаблари худди фарқ пишган анор рангидек... Чақалоқ ҳам унга дикқат билан қараб ётарди. Хиёл ёнбoshiда ётган гўдак унга қизиқиши билан қадалиб турди-да, мамнун чийиллаб қўйди.

– Тccc, – шивирлади Марям. – Ойингни уйғотмагин, тағин! Яхшиям, бечоранинг бир қулоғи эшитмайди.

Қизалоқ митти муштини оғзига солиб жилмайди, кейин эса, оғзидан пуфакча чиқарди.

– Вой-вўй, онанг сени намунча ўраб-чирмаб ташламаса? Шундай иссиқда-я?

У оҳиста эгилиб, боланинг устидаги адёлни очди, унинг остида яна бир қават адёл борлигини кўриб, ҳайратга тушди ва аянчли бош чайқади. Кўксига тоза ҳаво теккан гўдак шодон қиқирлаб, қанот қоқишига уринаётган полапондек оёқ-қўлларини қимирлатишга тушди.

– Энди қалай? Енгил тортдингми?

Марям болани жойига тўғрилаб ётқизаётганда ҳўл бармоқчалари билан аёлнинг бошмалдоғини ушлаб олганди. Гўдак аёлга қаратса «қу» деди.

– Хўп, хўп, фақат қўлимни қўйвор, етар энди!

Марям бармоғини оҳиста бўшатиб олгач, чақалоқ яна «қу-қу»лаб, илжайди ва муштини оғзига солди.

– Намунча хурсандсан, а? Кулишини қара буни! Отанг қўрс, онанг тентак бўлса-ю, сенинг кулишингни қара! Агар буни билганингда ҳеч қачон кулмасдинг. Ухла энди.

Марям ўрнидан туриб, икки қадам босмасидан чақалоқ ҳиқиллашга тушди. «Ҳозир йифлаб оламни бузади», ўйлади Марям.

– Ҳа, нима керак сенга? Нима хоҳлайсан?

Чақалоқ тишсиз милкларини кўрсатиб, илжайди. Марям хўрсинганча ўтириди ва бир бармоғини тўла-тўқис чақалоқнинг ихтиёрига топширди. Аввалига гўдак яна хурсандчилигини сездирмоқчи бўлгандек хушҳол қийқирди, оёқлари билан ҳавони «тепкилади», Марям болакай тинчиб қолгунча, қимиirlамай ўтириди.

Мана, у ширингина бўлиб ухлаб қопти.

Ховлида ҳаққушларнинг сайроғи эшитилиб турарди. Негадир Марямнинг чанқоги ҳам эсидан чиқаёзган, ўтирган ерида қотиб қолганди. Азиза уйқусида ҳам унинг қўлини маҳкам ушлаб олганди.

САККИЗИНЧИ БОБ

Лайло учун бу оламда Азизанинг ёнида ётиб, унинг қорачиқлари кенгайиб торайишини томоша қилиш, бармоқларини боласининг текис, юмшоқ бадани бўйлаб юргизиш, гўдак тирсагидаги митти чуқурчани пайпастлашдан ҳам завқлироқ машғулот йўқ эди. Гоҳида, ҳеч ким йўғида Лайло қизининг қулоғига шивирлаб, ҳақиқий отаси – Тариқ ҳақида, унинг топқирлиги, шўхлиги, қилиқлари ҳақида ҳикоя қилиб берарди.

– Унинг кипприклари шу қадар қалин эдикки, ҳатто қизларнинг ҳасадини қўзғатарди. Худди сеникига ўхшарди. Ияги ҳам, юмaloқ пешонаси ҳам худди сеникидек эди. Сенинг отанг ҳаммадан чиройли йигит эди. Сен ҳам худди унинг ўзисан!

Лайло эҳтиёткорлик юзасидан бирор маротаба унинг ҳақиқий исмини тилга олмас, фақат «отанг» деб гапиравди.

Рашид эса... Ҳар гал қизига кўзи тушиб қолса, негадир пешонаси тиришарди. Бир гал оёғидаги қадоқни олиб ташлаётуб, луқма ташлаб қўйди:

– Сизнинг орангизда нима гап ўтган ўзи?

Лайло ажабланиб эрига қаради:

– Кимнинг ўртасида?

– Лайли ва Мажнуннинг ўртасида! Сен ва анави якланг чўлоқ бола ўртасида! Ораларингда ни-мадир бўлганди, тўғрими?

– У менинг дўстим эди, – Лайло сут шишани қўлида айлантириб, аниқ ва равон гапиришга уринди. – Ўзингиз ҳам билардингиз-ку!

– Нимани биламан? – Рашид оёғидан ажратиб олган қадоқ парчаларини бир тарафга черткилаб юборди, ўзини каравот устига ташлади. – Сизлар чегарадан чиқадиган ишлар билан шуғулланган-сизлар, дўст бўлсаларинг ҳам.

– Қанақа чегарани айтяпсиз?

Рашид лоқайд кулимсиради. Кейин совуқ кўз ташлади.

– Энди айтаман-да! Ўпишганимисизлар у билан? Офтоб тегмаган жойларингдан ушлагандир?

Лайло тишини-тишига босиб, газабини ютди

– У менга... акамдек эди.

– Дўстмиди ёки акамиди?

– Ҳам акам, ҳам дўстим эди.

– Шунақами? Бунақа «ака-сингиллар»нинг кўпини кўрганмиз. Биргалашиб шунақа бемаъни ишлар қилишадики, бунақасини чет эл киноларида ҳам кўрмайсан.

– Бас қилинг, бунақа аҳмоқона гапларни!

– Ҳа, шунақа қилиб, ҳеч нарса бўлмаган, де?

– Бу ҳақда бошқа гапиришни ҳам истамайман.

Рашид бошини буриб, лабини тишлади.

– Икковинг одамларнинг тилидан тушмасдиларинг-ку! Шамол бўлмаса, дарахтнинг шохи қимирламайди.

Лайло ўзини мажбурлаб, эрига қаради. Рашид киприк қоқмасдан унга қадалиб турарди. Лайло бефарқ қарашларини йўқотмаслик мақсадида қўлидаги шишани шу қадар қаттиқ сиқдикни, бармоқлари оқариб кетди.

Қизиқ, агар эри унинг пулларидан ўмарәтганини билиб қолса, қандай ахволга тушаркин? Азиза туғилганидан сўнг Лайло Рашиднинг ҳамёнини титкилайдиган одат чиқарган, эри ухлаётганда, ҳожат учун ташқари чиққанда сездирмай, бир-иккита қоғоз пулни четта олиб қўядиган бўп қолганди. Агар ҳамёнда пулнинг чўғи камроқ бўлса, беш афғоний билан чекланар ёки умуман тегмас, агар лиқ тўла бўлса, бир-иккита ўнталик ёки йигирматаликни гум қиласарди. У пулларни ўзининг палтоси астаридаги яширин ҳамёнга жойларди. Келаётган баҳорда, ёзга чиқмай туриб, Лайло қочиб кетишни режалаштирганди. Унгача жамғарган пули минг афғонийга етиб қоларкан. Пешоварга етиб олиши учун беш юз етади. Унга навбат етиб келгунча никоҳ узуги ва Рашид ҳали «малика»лигига тухфа қилган тақинчоқдарни сотиб, кун кечиради.

– Майли-да, – деди Рашид қорнини сийпалаб.
– Хафа бўлма! Ахир мен сенинг эрингман-ку!
Эр зоти ҳамма нарсага қизиқаверади. Лекин...
унинг омади бор экан, ўлиб кетибди. Бўлмаса, у билан ўзим ҳисоблашиб қўярдим.

– Ўлганлар ҳақида ёмон гапириб бўлмайди.
– Кўриб турибман, жа унақа ўлганга ҳам ўхшамаяпти, назаримда, – дея тўнғиллади Рашид.

Орадан икки кун ўтиб, Лайло уйқудан уйғониб, эшиги остонасида, пол устида бир уюм болаларнинг нарсаларига кўзи тушди. Улар орасида балиқ тасвири туширилган қалпоқчалар, мовий жун камзулчалару, пайпоқчалару, қўлқопчалар бир талай эди.

– Гап-сўзлар юрибди, – деди Рашид янги кийимларда ширингина бўлиб ўтирган Азизага қиёҳам боқмай. – Дўстим Ҳикматёр тарафга ўтиб кетмоқчиймиш. Икковлашиб Масъудни энаси-

ни кўрсатишида, энди. Бу ёқда ҳазорийлар ҳам эзворди, – Рашид Марям ёзда тайёрлаган бақла-жон икрасини ҳузур қилиб кавшади. – Ишқилиб, ҳаммаси миши-миш бўп чиқсин-да! Бўлмаса, шу пайтгача кўрганларимиз энди бошланадиган урушлар олдида ҳолва бўп қолади.

Рашид қорни тўйиши билан пишиллаганча хотинига ёпишди ва бир зумда ишини битиргач, ўзини каравотта ташлаб, дарҳол ухлаб қолди.

...Лайло ётогидан сирғалиб чиққанида Марям ошхонада балиқ тозалаб ўтирганди. Гуруч иви-тилган шокоса унинг ёнида туардиди. Ошхона ту-тун, қоврилган пиёз ва балиқ ҳидига тўлганди.

– Раҳмат, – деди Лайло бурчакда тиззасини бу-киб ўтиаркан.

Марям уни пайқамасдан, балиқдарни чақ-қонлик ва ҳафсала билан тўғрашда давом этарди. Унинг қўллари шу қадар чаққон ишлар, ба-лиқларнинг ичини шунаقا тезкорлик билан тоза-лардики, Лайлонинг оғзи очилиб қолди:

– Балиқни бунаقا тез тозалашни қаердан ўр-гангансиз?

Марям Лайлого бир қараб олди:

– Мен болалигимда анҳор бўйида яшаганман, балиқни ўзим тутардим.

– Мен бирор марта ҳам балиқ тутмаганман.

– Бу қийин эмас, кутишга ҳафсаланг етса бас.

Лайло унинг чаққон қўлларидан кўз узмади.

– Бояги кийимчаларни ўзингиз тикканмисиз?

Марям бош иргади.

– Қачон?

Марям бир бўлак форелни сув тўла идишга бо-тирди.

– Эсимда йўқ, биринчи марта бўйимда бўлганми-ди ўшанда, иккинчи мартами? 18-19 йил бўп қолди. Бари бир уларни кимдир кийиши керак эди-ку!

– Чиройли тикар экансиз, менгаям ўргатасизми?

Марым навбатдаги балиқни тозалаб, унга белаб, идишга соларкан, умрида биринчи маротаба Лайлого тик қаради:

– Ўша оқшом... Ўша оқшомгача... ҳали бир банда менинг ёнимни олмаганди!

Лайло қаршиисида осилиб тушган юзларни, күз бурчагидаги ажинларни қўриб, кўнгли бир ҳаприқиб тушди. Қаршиисида... ўзининг 18-19 йилдан кейинги ҳолатини кўрди.

– Мен қараб туролмасдим. Ахир бу ваҳшийлик-ку! Мен катта бўлган уйда ҳеч ким бундай йўл тутмасди.

– Энди сенинг уйинг – шу! Кўникасан!

– Зўравонликками? Ўлсам ҳам!

– Мен ҳам эдим сенингдек, сенам бўласан менингдек, – Марым қўлинин кир латтага артди. – Сен унга қиз туғиб бергансан. Демак, айбинг катта.

Лайло ўрнидан турди.

– Ташқарида ҳаво бирам ёқимли. Юринг бу ерда тиқилиб ўтирганча ҳовлида чой ичамиз.

Марым юзида таажжуб акс этди.

– Иложим йўқ. Ҳали ловия тозалашим керак.

– Эрталаб ўзим сизга қарашвораман.

– Ҳали ошхона йиғиширилмаган.

– Эртага ўзим йиғишипарман. Уйда озроқ ҳолва қолганди. Чой билан жа кетади-да!

Марым латтани столга қўйиб, рўмолини бошига ташлади, пешонасини тўсиб турган соchlарини йиғиб олди.

– Бир кун чой ичмаслик уч кун овқат емасликдан кўра ёмонроқ, деган экан хитойликлар.

Марым кулимсиради.

– Тўғри айтишибди. Лекин ишим жуда кўп...

– Бир пиёлагина.

Ҳовлидаги супа устида ўтирганча бир тақсимчадаги ҳолвани икковлашиб баҳам кўришди.

Бирпасда икки чойнак чойни бўшатишганини ҳам сезмай қолишибди. Тоғлар ортида ўқ овозлари тинганида, баркашдек ой осмонни забт этганди.

Иккинчи қаватдан Азизанинг чинқириб йиглагани, кейин эса Рашиднинг «манави чирилдоқнинг овози ўчирсанг-чи!» деба қақиргани эшитиди.

Лайло ва Марям бир-бирига термилиб қолди. Уларнинг қараашларида душманликдан асар ҳам қолмаганди.

ТЎҚҚИЗИНЧИ БОВ

Ўша оқшомдан Лайло ва Марям ҳамма уй ишларини биргаликда бажарадиган бўлишибди. Улар ошхонада биргаликда хамир қоришар, пиёз тўғрашар, саримсоқ эзғилашарди. Азиза уларнинг атрофида йўргалаб, қошиқларни бир-бирига ураг, сабзиларни юмалатарди. Улар кир ювишаётганда, болакайни бешикка белаб ухлатиб қўйишарди.

Марям шу тариқа ёлғизлик балосидан қутула-ёзди. Ҳар куни кечки пайт улар ҳовлида ўтириб, чойхўрлик қиласидилар. Ҳар эрталаб Марям зиналардан Лайлонинг пошнасиз туфлисининг овози эшитилишини, Азизанинг саккизтагина тишини кўрсатиб, беғубор табассум қилишини орзиқиб кутадиган бўлди. Агар Лайло ва қизчаси эрталаб сал ҳаяллаб қолишиса, Марям ўзини қўярга жой тополмас, ўзини овутиш учун ювилган идиш-товоқларни қайта-қайта ювар, чиннидай ярақлаб турган токчаларнинг чангини артишга уринарди.

Азиза Марямни қўриши билан кўзларини катта-катта очиб, қиқирлашга тушар, онасининг қучоғидан чиқишга ошиқиб, меҳр билан унга томон интиларди.

– Кўрқма, Марям холанг сени ташлаб ҳеч қаёқса кетмайди, – дерди Лайло қизчасини оҳиста ерга қўяркан. – Тинчлан! Мана, холажониси!

Азиза Марямнинг қўйнига кириши билан унинг бошмалдоғига маҳкам ёпишганча елкасига бош қўйиб оларди.

Марям эса, ҳам хурсанд, ҳам ҳайрон эди. Қизча нимага уни бу қадар яхши кўриб қолдийкин? У бунча меҳрни, бунчалик самимиятни қаердан олдийкин? Болани бағрига босган Марям қўзларидан шашқатор ёшлар тирқираётганини ҳам пайқамай қолди.

– Мен қарип ажинанинг нимасини бунча ёқтириб қолдинг? – деди боланинг қулоғига шивирлаб. – Мен бир қоп-қора қишлоқи хотин бўлсан! Мендан сенга нима фойда?

Азиза нимадир дея чулдириганча унга маҳкамроқ ёпишиб олди. Марямнинг юраги телбavor ура бошлади. Шунча йиллар ичида энг яқин инсонларини йўқотиб, турфа алдов ва қабоҳат ичида қолган Марямга шу миттигина жон чексиз завқ ва бокира туйгулар инъом этганди.

1994 йилнинг бошларида Дўстим Масъуд билан келишолмай, Гулбиддин Ҳикматёр тарафга ўтган, айни чоғда Шердарвоза тоғ тизмалари бағрида қад ростлаган қадимий қалъани ўзига истеҳком қилиб олганди. Масъуд ва Раббонийга тобе кучлар эса Мудофаа вазирлиги, Президент саройи ва бошқа бир қатор муҳим иншоотларни эгаллаб олишганди. Икки ўртада қирғинбарот отишмалар кунда-кунора давом этар, кўчалар ойна синиқдари, снаряд ва ракета парчалари ва ўликларга тўлиб-тошганди. Турли ваҳимали ха-барлар ҳар ёққа ёйилганди.

Минемётлар тариллай бошлаганида, Азиза чирқираб, йиғлашга тушарди. Уни тинчлантириш учун Марям қайнатилган гуручдан уйлар, хўрозвчалар, юлдузлар шаклини ясад, турли хил расмлар чизиб берар, айниқса, қаламни қофоз-

дан узмасдан туриб фил расмини чизиб беришда ҳеч ким унга бас келолмасди.

Рашиднинг айтишича, тинч аҳоли орасидан юзлаб, минглаб одамлар ўлиб кетаётганмиш. Госпитал ва омборларда дори-дармонлар захираси ўқса тутилган, озиқ-овқат ортилган юк машиналарини шаҳарга кирмасдан туриб, талон-торож қилишарди.

«Ҳиротда ҳам шунаقا урушмикин? – ўйларди Марям. – Мулла Фатхулла ҳалиям тирикмикин? Болалари, неваралари омонмикин? Жалил-чи? Балки уям хотини ва болалари билан бирор кавакка беркинган ёки мамлакатни тарк этгандир?»

Жанглар шу қадар шиддатли тус олдики, ҳатто Рашид ҳам кун бўйи уйда ўтирадиган, ташқарига бош чиқариб қарашга ҳам журъат этолмайдиган бўлди. У эшик ва дарчаларни ичкаридан маҳкам танбалаб ташлаган, яна бирор эшикни бузиб кирмасин деб диванни тираб қўйган, ўзи эса, ҳар куни револверини тозалаганча деразадан кўз узмай ўтиради.

– Қани биттаси менинг уйимга яқинлашиб кўрсин-чи? – дея одатича кариллашга тушди Рашид. – Нақ моягини мўлжаллаб отаман. Сен иккалангнинг жа омадинг бор экан. Эрларингга шайтоннинг ўзиям бас келолмайди.

Шу пайт Азиза унинг оёғи остига ўрмалаб келди:

– Қани йўқол! Жўна! Менга осилма, тушундингми? Ҳатто ялиниб-ёлворсанг ҳам қўлимга олмайман. Босиб-нетиб олмасимдан даф бўл!

Азиза норози чулдираб, Марям тарафга эмаклади. Қизчанинг ранжигани юзчасидан кўриниб турарди. Марям уни бағрига олиши билан бошмалдоғини сўрганча, хўмрайиб Рашидга термилди. Марям эса, болани овутишга чоғланди. Начора, отани танламайдилар!

Жанглар тиниши билан Марямнинг елкасидан тоғ қулагандек бўлди. Рашиднинг ҳибсхонасида яшашга энди бардоши қолмаганди. Унинг тунд кайфияти бутун уйни эгаллаб олгандек эди. Яна эри Азизанинг олдида ўқданган револверини ўйнай бошлаганида, Марямнинг юраги отилиб чиққудек бўларди. Ахир фалокат оёқ остида бўлса...

Мана, Лайло Марямнинг соchlарини майда ўриб ўтирибди. Марям рўпарасидаги кўзгудан Лайлонинг бармоқлари қанчалик чаққон фивирлаётганини кўриб, завқланади. Азиза Марям ясад берган латта қўғирчоқни бағрига босиб, пол устида фужанак бўлганча ухлаб қолган.

Марям шу аснода айни дамга қадар ҳеч кимга оғиз очмагани – Жалил, Нана ва унинг бўйнига миниб олган шайтон ҳақида гапиришга тушди. Лайло қўллари муз қотганча, Марямнинг ҳикоясини тингларди. Шу аснода Лайлонинг кўз ўнгида Бибижонининг, Мулла Фатхулланинг, Жалилнинг қиёфалари, унинг қизига қилган ноин-софликлари, Нананинг ўз жонига қасд қилиши, Рашиднинг никоҳига ўтиши, Кобулга келиши, илк ҳомиладорлик ва армонга айланган умидлар бирин-кетин жонлана бошлади.

Кейин Лайло полга чўккараб, қизчасининг сочига ёпишиб қолган бир қатим ипни олиб ташлади:

– Сизга битта гап айтмоқчи эдим, – деди у Марямга.

...Шу оқшом Марям ухлаёлмади. Каравотида ўтирганча, ташқарида учқұнлаётган қор зарраларига тикилиб чиқди.

Ойлар, йиллар ўтиб борар, Кобулда давлат раҳбарлари бирин-кетин алмашар, салтанатлар барбод бўлар, эски уруш ўчоқлари кулга ботиб, янгиси аланга олар, аммо буларнинг бари Марямнинг кўз ўнгидан олисдаги поезд вагонлари мисол би-

пор маъно касб этмасдан ўтиб борарди. Унинг юраги тап-тақир қўриқ ерга ўхшар, унда на умид, на истак, на хоҳишлар ниш урарди. Аммо сўнгти икки ой ичида ҳаёти тамомила ўзгариб кетди. У ана шу қўриқ далада иккита чиройли гул гунча очаётганини пайқади. Уларнинг бири Лайло, иккинчиси эса унинг ўзи сингари никоҳсиз тугилган (буни Марям кейинроқ билди) Азиза эди. Айнан шундан кейингина шу пайтга қадар бирор марта нолимаган ўтмиши битмас-туганмас изтиробларга кон эканини англаб етди.

Лайло, Азиза ва Марям энди кетишади.

Ўтган йиллар уқубатда кечди. Онаси «сенга ўхшаган ҳаромиларга баҳт қулиб боқмайди» деб нотўғри айтган. Мана, Худо унга ҳам баҳтни раво кўрган кўринади.

Қор зарраларига тикилиб ўтирган Маряннинг қулоги остидан Мулла Фатҳулланинг майин, маҳзун овози жаранглади гўё: «Бу икки гулни сенинг қалбингда Яратганинг ўзи эккан кўринади, қизим! Унинг иродаси шу!»

ЎНИНЧИ БОБ

1994 йил. Баҳор. Эрта тонг. Лайло қутилмаган босинқирашдан чўчиб уйғонди. Ҳа, унинг ишончи комил. Эри ҳаммасидан хабардор. Ҳозироқ сапчиб ўрнидан туради-да, «Мени ким деб ўйловдиларинг, мен ҳаммасини биламан, сиз ўйлаганларинг сингари эшшак эмасман» дея бўкиришга тушади.

Дафъатан аzon садоси янгради. Хўrozлар қичқирди ва бошқа бирор-бир фавқулодда ҳол юз бермади. Рашид ваннахонада соқолини олиб, чой ичди, кейин велосипедига ўтирганча, ишига равона бўлди.

– Лайло!

Бўсағада Марям пайдо бўлди. Афтидан, у ҳам бу оқшом ухламаган эди.

– Ярим соатдан кейин жўнаймиз, – деди Лайлло.

Мана, улар таксининг орқа ўриндигида ўтирганча жим кетишмоқда. Қўғирчоғини бағрига маҳкам босиб олган Азиза машина ойнасидан кўз узмай боради. Нималарнидир кўриб ҳайратга тушади, Марямга жажжи бармоқчалари билан кўрсатиб, алланималарни шодон бижирлайди.

Лайлонинг эса кўнгли алағда эди. Кўчадаги ҳар битта эркак унга Рашид бўлиб кўринарди. Марям эса, юзига чодрасини туширганча, дуо ўқиб борар, Лайлонинг ҳам юзи ёпиқ эди.

Лайлло бир неча ҳафта уйидан чиқмаганди. Фақат куни кечак заргарга бориб, ўзининг никоҳ узугини пуллаб қайтди. Кечадан буён ўзини қўярга жой тополмайди.

Кечагина рўй берган шиддатли отишмаларнинг излари қўчаларда яққол кўзга ташланади: парчаланган фишталар, девор қолдиқлари, ёниб кетган автомобил қисмлари бир-бирига айқаш-уйқаш бўлиб кетган. Масжид олдида одамлар тўпланиб турганига қараганда, кимнингдир жанозаси ўқилмоқда. Аёллар дод солиб, соchlарини юлади.

Лайлло хавотир билан қизчасига қараб, унинг қўлчаларини сийпалаб қўйди. «ЛАҲОР ДАРВОЗАСИ» бекатида, Кобулнинг шарқий қисмидаги Пули Маҳмудхон масжиди ёнида автобуслар карвони қатор тизилган. Уларнинг томига лиқ тўла қилиб жомадон ва сумкалар юклangan, эркаклар уларнинг тушиб кетмаслиги учун арқон тортиб бойлашмоқда. Автобуслар панасида паранжига ўранган аёллар ва болалар тўпланиб туришибди.

Яна ҳамма ёқни бошига пакол қўндириб, қўнжи баланд ҳарбий ботинкалар кийиб олган му-

жоҳидлар босиб кетганди. Ҳар бирининг елкасида автомат.

Лайло чодраси остидан уларга қўрқув билан қарап, худди ҳамманинг нигоҳи уларга қаратилгандек эди.

– Биротасини кўрдингизми? – сўради Лайло.

– Қарайпман, – деди Азизани кўтариб олган Марям.

Уларнинг биринчи навбатдаги режаси вақтинча қариндош вазифасини ўтай оладиган эркакни топиш эди. Зеро, аёлларнинг эркин, озод даври ортда қолганди. Ҳукумат мужоҳидлар қўлига ўтгач, мамлакат Афғонистон Ислом Давлати номини олган, Раббоний бошчилигидаги Олий судни чаламуллалар эгаллаб олган, бир пайтлар аёлларга берилган имтиёзларнинг бари бекор қилинган, хотин-қизлар яқин қариндоши ҳамроҳлигидаги на сафарга чиқа олар, эрига хиёнат қилган хотинлар эса тошбўрон қилинарди. Шунинг учун ҳам чегарадан ўтишда бирор эркак «қариндош» топиш жуда муҳим эди.

Иккинчи мақсад эса қандай бўлмасин, Покистонга етиб олиш эди. Айни пайтга қадар икки миллиондан ортиқ афғон қочоқларини бағрига олган Покистон энди чегараларини ёпиб қўйганди. Энди у томонга фақат виза билангина ўтиш мумкин эди. Бироқ, чегаралар у қадар қатъий беркитилмаган, таниш-билиш, пора эвазига минглаб қочоқлар ўтиб олишмоқда эди.

– Ўтиб олсак бўлди, у ёгини бир амаллардик, – дерди Лайло.

– Анави эркак бўладими? – сўради Марям йўловчилардан бирини кўрсатиб.

– Кўринишидан унчалик... ишончли одамга ўхшамаяпти.

– Анави-чи?

– Жуда қары экан. Бунинг устига ёнида яна иккита эркак бор.

Ниҳоят, Лайло қидирған одамини топди. У хи-ёбонга кираверишдаги ўриндиқда чодрали хотин ва Азиза тенғи бола билан ўтиради. Ўттизларга бормаган бу эркакнинг кийимлари бир оз эски униқан бўлса-да, тоза ва ораста эди.

– Мени кутиб туриңг, – деди Лайло ва у тарафга юрди.

Марям ичида қанақадир дуоларни пичирлашга тушди. Лайло яқинлашиши билан ҳалиги эркак кўзини қуёшдан пана қилиб ўрнидан турди.

– Кечирасиз, ака, сиз Пешоварга кетяпсизми?

– Ҳа, – деди эркак бир оз кўзини қисиб.

– Бизга бир яхшилик қила олмайсизми?

Эркак қўлидаги болани ёнидаги аёлга бериб, Лайлони сал четроққа бошлади.

– Сизга қандай ёрдам керак, синглим?

Унинг юз-қўзларидан алланечук самимият балқиб турарди. Лайло аввалдан тўқиб қўйилган «кечмишини» айтиб беришга тушди. Бева эканини, Кобулда онаси ва қизидан бошқа ҳеч қандай қариндоши қолмаганини, Пешоварга амакиси-никига кетаётганини айтди.

– Сиз биз билан бирга кетмоқчисиз, шунаقا-ми? – унинг гапини илиб кетди эркак.

– Биламан, сизга ортиқча ташвиш бу. Аммо қўринишингиздан жуда инсофли, художўй одамга ўхшайсиз.

– Синглим, сиз хавотир олманг. Тушунаман, қўлимдан келганича ҳаракат қиласман. Сизга чипта опкелиб берайми?

Лайло паранжиси остидан пул солинган конвертни узатди. Унда шу пайтгача йифиб юрган пулларининг қарийб ярми – 1100 афғоний бор эди.

Эркак конвертни шимининг чўнтағига жойлади.

– Мени шу ерда кутиб туринг!

У рўпарадаги чиптахона биносига кириб кетди.

Ярим соатлар чамаси вақт ўтиб қайтиб чиқди.

– Чипта олдим, улар менда тургани маъқул.

Автобус бир соатдан кейин, роппа-роса 11 да жўнайди. Автобусга чиқиб ўтира турамиз. Менинг исмим Вакил. Биз сиз билан амакиваччамиз, тушунарлимиз? Мабодо сўраб қолишса, айтасиз. Менимча, сўраб ўтиришмаса керак, уларга ўзим ҳаммасини тушунтираман.

– Мен эса Лайлло. Менинг онам – Марям. Қизимнинг исми эса Азиза.

– Эслаб қоламан. Биздан узоққа кетиб қолманглар.

Улар қўшни ўриндиқдан жой олишди. Тонг қуёшли ва илиқ эди, олисдаги тепаликлар узра икки-уч тўп оппоқ булат сузиб юрарди. Марям ўзи билан уйдан олиб чиқсан печенедан Азизага едиаркан, Лайлого ҳам манзират қилди:

– Томогимдан ҳозир сув ҳам ўтмайди, – деди Лайлло. – Ҳамма ёғим титраб кетяпти.

– Менам қўрқяпман.

– Яхшиям сиз бор экаксиз, Марям опа! Бир ўзим қаёққа ҳам борардим?

– Қўйсанг-чи.

– Ҳали ҳаммаси яхши бўлади, мана кўрасиз!

Марям оҳиста унинг қўлидан тутди.

– Куръонда айтилган: «Мағриб ҳам, Машриқ ҳам Аллоҳга тегишилдидир. Қаёққа юзланма, Аллоҳнинг сиймосини кўрасан. Дарҳақиқат, Аллоҳ буюк ва қудратлидир!»

– Анна, бибип, – Азиза бармоғини автобус таражуга ниқтади. – Майам, анна, бибип!

– Кўряпман, Азизажо! Биз ҳозир чиқамиз бибипга! Буни қувонишини қара!

Лайло жилмайди. Рўпарадаги устахонада дурадгор ёғоч арралар, атрофга қипиқлар худди қор заралари сингари сочилаарди. Уларнинг шундоққина ёнидан чанг ва тутундан ойналари қорайиб кетган машиналар ўтиб қайтар сал нарида ёнбошида тоус, аждар, шер, қуёш ва бошқа жонли, жонсиз нарсалар тасвири туширилган автобусларнинг мотори қулоқни қоматга келтирарди.

Лайло бугунги қатъияти, ботирлигидан ўзи ҳам ҳайратга тушган, қувончи ичига сифмасди. Соат ўн бирга бир неча дақиқа қолганда мегафон қўтариб олган бир одам Пешоварга жўнайдиган автобусга йўловчиларни чақира бошлади. Автобус эшиги фижирлаб очилиши билан буртўда оломон ўзини ўша ёқقا урди.

Вакил ўғлининг қўлидан маҳкам ушлаб бораркан, Лайлого «келаверинглар» дегандек ишора берди.

– Мана, кетяпмиз, – деди Лайло.

Вакил олдинда кетиб борар, автобус деярли тўлиб бўлган, пастдаги хайрлашув, оқ йўл тилаш маъносида тинимсиз қўл силкитишарди. Эшик олдида ёш кўнгилли аскар чипталарни текшира бошлади.

– Бибип, бибип, – дея тинимсиз иргишларди Азиза.

Аскар Вакил узатган чиптани ўртасидан иккига бўлиб, қайтариб берди. Вакил аввал хотини ва ўғлини ўтказиб юборди, кейин эшик олдида турган назоратчи билан кўз уриштириб, ўзи автобуснинг биринчи поғонасига қадам қўяркан, эгилиб, аскарнинг қулоғига нимадир деб пичирлади. Аскар бош иргади.

Бунинг нохушлик аломати эканини пайқаб, Лайлонинг юраги товонига тушди.

– Сизлар, бола кўтарган икки хотинга айтяпман, қани, бу ёқقا ўтинглар!

Лайло худди ўзини ҳеч нарсани эшитмагандек кўрсатиб, автобус зинасига оёқ босди. Назоратчи эса, унинг билагидан тутганча, навбатда турган оломон сафидан четга чиқарди.

– Сен ҳам, – деди у Марямга ўтирилиб. – Тез-тез, имилламаларинг!

– Нима гап ўзи, ака? – сўради Лайло лаблари титраб. – Бизнинг чиптамиз бор. Қариндошимиз уни сизга бермадими?

Назоратчи «жим тур» дегандек бармоғини лабига босиб, ўнг юзи узунасига чандиқ билан қопланган ялпоқбашара шеригига нималарнидир пичирлади.

– Орқамдан юрларинг! – деди тиртиқ соқчи уларга юzlаниб.

– Биз манави автобусга чиқишимиз керак, – чирқиради Лайло асабий овозда. – Бизнинг чиптамиз бор. Нега бизни ушлаб ўтирибсизлар?

– Сизлар ҳеч қаёққа бормайсизлар, эшитдиларингми? Орқамдан юр дедим! Ёки манави ёш қизчаларингни кўз ўнгида сизларга қарши куч ишлатишнимни истаяпсанларми?

Уларни катта юк машинасига чиқаришди. Бе-ихтиёр Лайло автобус тарафга қаради. Вакилнинг ўғли автобус ойнасидан уларга қараб шодон қўл силкитарди.

«Тўрабозхон чорраҳаси» полицияси бўлинмасида уларнинг ҳар иккисини одамлар билан лиқ тўла йўлакнинг икки бурчагига ўтқизиб қўйишиди. Ўртада узун стол бўлиб, унинг ортида бир эр-как ўтирап, лабига сигарет қистирганча ёзув машинасини тарақлатиб қандайдир матнни оққа кўчиради. Орадан уч соатча вақт ўтди. Азиза йўлакнинг у тарафидан бу тарафига пилдираб чарчади, бояги котиб унга ўйнаб туриш учун берган қисқичларни бир четга улоқтириди, Марям

берган печенени еб тугатгач, ойисининг қўйнида ухлаб қолди.

Соат учларга яқин Лайлони сўроқ қилгани олиб киришди. Марям йўлакда қолди. Ҳужранинг тўрида қора костюм, оқ кўйлак кийиб, бўйинбоғ боғлаган, соқоли ўзига ярашган, соchlари қисқартирилган, қошлари ўсиқ, ўттиз ёшлиардаги хушбичим эркак ўтиради. У Лайлодан кўз узмай столни қалам билан тарақдата бошлади.

– Биламиз, – деди у бир-икки йўталиб олгач. – Синглим, сиз бугун бир марта алдадингиз. Бояги, автошоҳбекатдаги йигит сизнинг қариндошингиз эмас эди, тўғрими? Буни унинг ўзи бизга айтди. Хўш, яна алдаш ниятингиз йўқми? Мен фақат рост гапиришни маслаҳат берган бўлардим.

– Биз амакимнига бораётгандик, – деди Лайло ердан кўз узмай. – Ростини айтяпман.

Полициячи бош иргади.

– Йўлакда турган аёл онангизми?

– Ҳа!

– Лекин у Ҳирот шевасида гапиряпти-ку! Сиз эса, фирт кобулликка ўхшайсиз.

– Ойим Ҳиротда, мен эса Кобулда туғилганман.

– Бунга ҳам ишондик, дейлик. Сиз бева эканингизни айтибсиз. Таъзиямни қабул қилинг. Амакингиз қаерда яшайди?

– Пешоварда.

– Ҳа, буни айтдингиз. – У қаламни оппоқ қофоз сутига қўйди. – Пешовар катта шаҳар. Айнан қаерида туради амакингиз? Қайси тумандა? Қайси кўча ёки маҳаллада?

Лайло бутун кучини тўплаб баданида турган титроқни босишга уринди. Беихтиёр ойиси мужоҳидларнинг Кобулга кириб келиши муносабати билан берган зиёфатда эркакларнинг оғзидан эшитган жумла эсига тушди:

– Жамруд кўчасида!

– Яхши, бу кўчада машҳур «Континентал-марварид» меҳмонхонаси бор, амакингиз бу ҳақда айтган бўлсалар керак-а?

– Ҳа, ҳа, айтгандилар, – деди Лайло нафаси тикилиб.

– Йўғ-е, «Континентал» меҳмонхонаси Хайбар кўчасида-ку!

Йўлакдан Азизанинг йифиси эшитилди.

– Қизим нимадандир қўрқсан кўринади, ака, рухсат берсангиз...

– Мен сизга «ака» эмасман. Хизмат бурчимни ба-жаряпман. Шу боис менга «Жаноб полициячи» деб мурожаат қиласангиз. Ҳозир қизингиз ёнингизда бўлади. Амакингизнинг телефон рақами бордир?

– Бор. Бор эди! – Лайло чодра ортидан полициячининг таъқибли нигоҳини хис этди. – Вой, эсим қурсин, унугиб қўйибман. Ўлсин, кейинги пайтларда эсим кирди-чиқди бўп қолган ўзи.

Эркак бир хўрсиниб қўйди. Кейин Лайлодан амакисининг, янгасининг исмини, уларнинг нечта боласи борлигини, уларнинг ёши ва исмини, амакиси қаерда ишлаши, ёши нечадалигини сўради. Шу оддий саволлар ҳам Лайлони боши берк кўчага олиб кириб қўйганди.

Полициячи қаламни бир четга суриб, бармоқларини чирмаштирди ва Лайлого оталарча хайриҳоҳлик билан сўз қотди:

– Синглим, ўзингиз тушунасиз, аёл кишининг уйдан қочиб чиқиши – жиноят. Сизга ўхшаганларнинг қанчасини уйига қайтарамиз ҳар куни. Ҳаммасининг баҳонаси бир хил – эри ўлган, қариндошиникига кетяпти! Албатта, битта-иккита рост гапирадиганлар ҳам чиқиб туради. Қочганингиз учун сизни қамашлари мумкин. Буни айтмасам ҳам биласиз.

– Бизни қўйворинг, жаноб... – у эркакнинг ёқасига ёпиширилган ёрлиқдан исмини ўқиб олди. – Жаноб Раҳмон. Юзингиздан яхши одамлигиниз шундоққина билиниб турибди. Бизга раҳм қилинг. Иккита муштипар аёлни қўйиб юборсангиз бирор ерингиз камайиб қолармиди? Биз нима ёмонлик қилдик ахир? Ахир биз ашаддий жиноятчи эмасмиз-ку!

– Иложим йўқ.

– Ўтинаман.

– Мен қонунга қарши боролмайман, синглим, – таъкидлади Раҳмон. – Тартиб-қоидани сақлаш менинг бурчим.

Лайло ҳар қанча асабийлашмасин, беихтиёр юзига заҳарханда югурди. Мужоҳидларнинг ўзи хоҳдаганча қонунбузарлик қилиб турганда, ҳамма ёқ ўғирлик, талончилик, қотиллик, зўравонлик, ноҳақлик ва адолатсизликка тўлиб турганида, яна қанақа тартиб-қоидани гапиради бу олифта? Уялмаганини-чи? Аммо Лайло тилига бошқа гапни чиқарди:

– Агар сиз бизни уйга юборсангиз, эрим бизнинг бошимизга қандай ўйин очишини тасаввур ҳам қилолмайсиз.

Полиция кипприк ҳам қоқиб қўймади:

– Ҳар бир эркак ўз уйида хўжайин, синглим.

– Унда сиз айтган қонун қаерда қолади, жаноб Раҳмон? – Лайлонинг кўзларида алам ва изтироб ёшлари тирқиради. – Сизнинг бурчингиз, тартиб-қоидангиз нима бўлади?

– Полиция оиласиб ишларга аралашмайди, синглим.

– Қаердан ҳам аралашсин? Эркаклар ҳақида гап бораркан, сиз полициячилар ҳамиша уларнинг ёнини оласиз.

Полициячи ўрнидан турди:

– Сўроқ тугади. Сизга шуни айтишим мумкинки, ҳамма кўргуликлар учун ўзингиз айбдорсиз. Энди эса, йўлакка чиқиб, анави... сиз билан кетмоқчи бўлган хотинни чақиринг.

Лайло депсинди, кейин дод солиб, тўполон кўтарди. Шу заҳоти икки нафар соқчи уни қўлтиғидан тутиб, ташқарига олиб чиқди.

Марямни сўроқ қилиш беш дақиқага ҳам чўзилмади. Лайлонинг олдига қўллари қалтираб чиқди.

– У менга шунақа кўп саволлар бердики, Лайло! Мени кечир, бир саводсиз хотин бўлсан! Нима деб жавоб қайтаришни ҳам билмадим, тўғриси...

– Бу ерда сиз эмас, ўзим айборман, – деди Лайло ожизона бош иргаб. – Фақат ўзим!

Кеч соат еттиларда полиция машинаси уларнинг уйи дарчаси олдида тўхтади. Лайло ва Марямга мужоҳид аскарлар назоратида машинада кутиб туриш буюрилди. Ҳайдовчи дарчани муштлади. Зум ўтмай Рашиднинг башараси кўринди. Ҳайдовчи машина тарафни кўрсатиб нималарнидир гапирди. Кейин эса, машина эшигини очди:

– Марҳамат, хонимлар, уйингизга келдингиз, – деди соқчилардан бири илжайганча сигарет тутатиб.

... – Сен шу ерда тур, – деди Рашид бўғик, аммо таҳдидли оҳангда Марямга. – Қимирламай ўтири!

Марям итоаткорлик билан диванга чўқди.

– Сен эса, чирилдоғингни кўтариб, юқорига жўна!

Рашид эса, Лайлонинг тирсагидан тортқиласланча, зинадан судраб чиқа бошлади. Қўлидаги соати, оёғидаги ботинкаси, ерда ётган палтосига қараганда, ишдан қайтганига бир соат ҳам бўлмаганди.

– У хоҳламаганди, мен уни мажбур қилдим, – деди Лайло ётоқча кириши билан.

Лайло зарба қандай келиб тушганини пайқамай қолди. Бир лаҳзада ўзини ерпарчин ҳолда

күрди. Нима бўлди ўзи? Нафас олишга ҳам қийналяпти, юз-кўзи қонга беланибди. Худди катта тезлиқда келаётган машина уриб кетгандек сезди ўзини. Қулоғига Азизанинг чинқираб йиғлагани эшитилди. Ҳа, эслади, ҳозиргина уни қўлидан тушириб юборганди. Нафас керак, нафас, оғзидан кўпик чиқа бошлаганини элас-элас ҳис этди.

Рашид бир қўлида Азизани кўтарганча, иккинчиси билан Лайлонинг социдан судраб бораарди. Азизанинг оёқчалари ерга тегар-тегмас судраларди. Шиппакчалари ҳам оёғидан тушиб қолди. Кейин Марямнинг хонаси эшигини очиб, Азизани каравотга ирғитди. Кейин эса, бор кучи билан Лайлонинг орқасига тепди. Лайло бақирмади, оғриқдан аранг инграб қўйди, холос. Эшик ёпилиб, калит буралди.

Азиза чинқиришга тушди. Лайло хириллаганча ўпкасини тўлдириб нафас олишга тиришди. Кейин эса қизининг ёнига аранг эмаклаб борди ва уни қўлига олди. Жиққа ивиб кетибди.

Пастдан кучли зарб товушлари эшитиларди. Худди боксчи осмақопни уриб машқ қиласётгандек. Ҳеч қандай дод-фарёд, оҳ-воҳ эшитилмайди. Кейин тезкор ва қўпол қадам товушлари, ойналарнинг жаранглаб сингани эшитилди. Тапир-тупир овозлар тинай демасди. Лайло қизчасини аста ётқизиб, деразага яқинлашди.

Рашид ҳовлида Марямнинг бўйнидан судраб чиққан экан. Марям букчайиб олган, оёқлари яланг, юzlари қонга беланганд, соchlари тўзиб, рўмоли йиртилганди.

– Кечиринг, Марям опа! – дея чинқириди Лайло, аммо овозини ёпиқ дераза тутиб қолди.

Рашид Марямни омборхонага итариб, дарчани ёпди. Қўлига болға олиб, дарчани михлашга тушди. Кейин оғзида бир нечта михни тишлаб, қўлида уч-тўртта тахта кўтариб, уй деразаси ёнида

пайдо бўлди ва ёғочларни дераза ромларига қоқа бошлади. Кўп ўтмай, деразанинг қўзлари тахталари ортида қолиб кетди. Хона зулматга тўлди. Тахталар орасида қолган тирқишиларни ҳам Рашибд мум билан суваб чиқди. Ҳатто эшикдаги қалит тешигига ҳам нимадир тиқиб қўйди.

Тамом, энди қўзлар учун қиладиган иш қолмади. Фақат қулоқдаргина бирор янгиликни илғаси мумкин. Йўқ, қулоқлар эмас, биттаси умуман эшитмайди. Аzon ва хўроз қичқирифи тонг отганини, ошхонадаги коса-товоқ ва радиодаги сухандон овозидан кеч тушганини билиш мумкин, холос.

... – Қойним очди, – дея эркаланди Азиза. – овқат бейинг.

– Озгина чидагин, асалим, – Лайло қизчасининг пешонасидан ўпмоқчи эди, Азизанинг боши беҳол эгилиб, титроқ лаблари унинг энса тарафига ўтиб кетди. – Ҳозир сенга сут бераман, озроқ сабр қил.

Лайло қизини алдаш учун заиф овозда алла айтишга тутинди.

Иккинчи бор аzon садоси янгради. Икки кундирки, на ейишга, на ичишга ҳеч вақо йўқ. Атроф худди дўзахдек қизиб кетган. Лайло қуруқшаган лабларини ялаб, ҳовлидаги қудук ва муздек сув ҳақидаги хаёлларни нари қувишга уринди. Азиза тинимсиз йифлар, Лайло унинг куп-қуруқ ёноқларини сийпалаб даҳшатга тушарди. У Азизани ечинтириб, елпишга, куҳ-куҳлашга уринди. Мана, ниҳоят ўзи ҳам ҳолдан тойиб, боши айлана бошлади. Тез орада Азизанинг қўл-оёғи шалпайиб, уни қандайдир фалати мудроқ элитди.

Лайло ўрнидан сапчиб турди-да, бор кучи билан деворни муштлашга, овози бўғилгунча ёрдам сўраб қичқиришга тушди. Аммо унинг овози бу кар, метин деворларни ёриб ўтишга ожизлик қиласар, фақатгина беҳол ётган қизчасини қўрқи-

тишга ярарди. Азиза ҳар-ҳар замонда бир сеска-ниб тушар, кейин ожиз овозда инграб құярди. Лайло ҳам ахири чўзилиб қолди. Илкис виждонида санчиқ турди. Шўрлик Марямнинг ҳоли нима кечди? Ўтиргандир-да, қоп-қоронги, диққина-фас омборда, ҳоли нима кечдийкин?

Бирдан кўзи илинибди. Катта, гавжум кўча эмиш. Одамлар шунаقا кўпмишки, олма ташласа ерга тушмасмиш. Шу пайт одамлар орасидан Та-риққа кўзи тушибди. У тикувчилик устахонасида кўйнида бир сават анжир олиб ўтирганмиш.

«Бу сенинг отанг, – шивирлармиш Лайло қизи-нинг қулогига. – Сенинг ҳақиқий отанг шу!»

Бироқ шовқиннинг кўплиги туфайлими, Та-риқ уни кўрса ҳам, овозини эшитмасмиш.

Уй тепасидан учеб ўтган ракета овози уни уй-ғотиб юборди. Автоматлар узоқ ва асабий тариллади. Лайло кўзларини юмди. Пастдан Рашиднинг оғир қадам товушлари эшитилди. Лайло эшиккача эмаклаб борди ва ожиз муштлари билан эшикни дўппослади.

– Бир пиёла сув беринг, Рашид, бир пиёлаги-на! Менгамас, қизимга! Бегуноҳ боланинг уволи-га қоласиз.

Рашид чамаси унинг овозини эшитса-да, парво қилмай ўтиб кетди. Лайло ялиниб-ёлворишга, тавалло қилиб йиғлашга тушди – фойдаси бўлмади. Бисотида бор қарғишиларини тўкиб қолди – наф бермади. Пастки эшик қарсиллаб ёпилди. Радиодан таниш сухандоннинг овози янгради.

Яна муazzин мўъминларни нажотга чорлади. Хонадаги ҳарорат ҳамон юқори эди. Азиза тамом сўлиб қолганди. Энди у йиғламасди ҳам. Ҳар замон, ҳар замонда Лайло унинг оғзига қулоқ тутарди. Нафас оляпти. Худога шукур! Сал жонлироқ ҳаракат Лайлонинг бошини айлантиради. Яна кўзи илин-

ди, яна уйғониб, Азизага томон сурилди. Лаблари худди олма қоқисини эслатади. Мана, бўйинчаси, томири ҳамон заифгина уриб турибди.

Ҳа, уларнинг куни худди шу ерда битган кўри-нади. Наҳотки, қизчаси Лайлодан кўра камроқ яшаса? Ахир у онасидан-да нимжон ва нозик. Яна неча соат ёки дақиқалик умри қолдийкин? Ҳадемай, қизалоқнинг митти танаси совуб тара-шага айланади. Кейин Лайло ҳам...

Яна уйқу. Яна уйғониш... Борлик ва йўқдик орасида сарҳад эриб битаёзанди...

Бу гал уни аzon ҳам, хўроллар бонги ҳам эмас, эшикнинг туйқусдан фижирлаб очилиши уйғотди. Хонага кучли ёруғлик худди денгиз тўлқинидек ёпирилиб кирди. Лайло бошини кўтарди. Кўзларида худди кимдир найза санчгандек азобли оғриқ турди. Унинг қаршисида баҳайбат, бесўнақай бир шарпа турарди. У Лайло сари юриб келди ва эгилиб алланималарни тўнфиллай бошлади. Аввал сўзларининг маънисига етолмади. Кейин Лайлонинг мия ҳужайралари секин-секин фимиirlашга тушди.

– Яна бир марта шунаقا қилиб кўр, мен сени нима қиларканман! Пайғамбаримизнинг муборак номи билан қасам ичаман. Бу қарғиш урган мамлакатда бирорта суд сенларнинг оҳингни эшитмайди. Энг аввал Марямни ўлдираман, кейин манави чирилдоқ болангни, энг охирида сенга навбат келади. Ҳа, ҳаммаси сенинг кўз олдингда рўй беради. Тушундингми? Ана шу даҳшатларни томоша қилишга мажбур қила-ман сени.

Рашид хотинини зарб билан тепди ва кўздан йўқолди. Бир неча кун Лайлонинг пешоби қон аралаш келиб юрди.

ЎН БИРИНЧИ БОБ

1996 йил, сентябр. Орадан икки ярим йил ўтди. 27 сентябр куни Марям кўчадаги шовқинсурондан уйгониб кетди. Кўчада оломон қайнаб тошар, мушаклар чақнар, баланд мусиқа садолари янграиди. Марям шартта меҳмонхонага югурди. Лайло ҳам дераза олдида тураг, Азиза унинг елкасига осилиб олганди. Лайло Марямни кўриб, ортига ўгирилди.

– Толиблар шаҳарга кириб келишди!

«Толибон» ҳаракати ҳақида Марям биринчи бор эридан икки йил илгари эшитганди. Ўшанда Рашид кўчадан келиб, ҳовлиққанча ушбу ҳаракат аъзолари Қандаҳорни қўлга олганини айтиб берганди. Унинг гапларига қараганда, толиблар – шўравийлар уруши даврида Покистонга қочиб ўтган оиласарнинг фарзандлари экан. Улар Покистондаги мадрасаларда диний таълим олиб, жуда катта ҳарбий тайёргарлик қўришган. Бу ҳаракатга аллақандай Муҳаммад Умар деган чаласавод мулла раҳбарлик қиласаркан.

– Буларнинг илдизи йўқ, – деди у худди ўзўзига гапираётгандек бепарволик билан.

Марям ҳам, Лайло ҳам омадсиз қочишдан сўнг унинг наздида қандайдир жирканч мавжудотларга айланишган, уларга қараб фақат ич-ичидан разаби тошарди, холос. Улар билан гаплашаётганида ҳам бўшлиққа ёхуд аллақандай номаълум кўринмас сухбатдошига қараб гапираётгандек тутарди ўзини.

– Уларнинг ўтмиши йўқ, – деди Рашид сигарет тутунини осмонга пуфларкан. – Улар на ўз ватани, на дунё ҳақида бирор тушунчага эга. Уларга солиштириб кўрилса, Марямни нақ университет профессорига қиёслаш мумкин. Атрофимиизда-

ги мужоҳид, героинбуруш командирларга солиштиrsa, улар анча тоза, ҳалол қўриниши мумкин. Ким билсин, балки улар мамлакатга тинчлик ва фаровонлик баҳш эта олар? Ахир ҳалқ жонидан тўйиб бўлди. Кўчага чиқишига ҳам қўрқасан, нақ пешонангдан дарча очишади. Хўш, кўрайлик-чи, охири баҳайр бўлсин ишқилиб.

Толиблар Кобулни эгаллагунча йўл-йўлакай бир қанча шаҳарларни қўлга киритиб келишди. Толиблар қўлга олган жойларда тинчлик қарор топди, гуруҳлар ўртасидаги қирғинбарот тўхтади. Улар ҳазорийлар етакчиси Абдул Али Ҳазорийни тутиб қатл этишди. Кобул атрофидаги қасабаларда Аҳмадшоҳ Масъудга қарашли дасталар аёвсиз ўқса тутилди. Сентябрнинг бошида улар Жалолобод ва Сароби шаҳарларини қўлга олгандилар.

– Толибларнинг мужоҳидлардан афзал тарафлари кўп, – деди Рашид. – Улар ягона куч бўлиб, биришиб ҳаракат қилишяпти. Майли, уларнинг келгани яхши бўлди. Ишқилиб охири баҳайр бўлсин.

Эртаси куни улар тўртовлон Кобулдаги янги ҳаёт, янги раҳбарларни олқишлиш учун кўчага чиқишиди. Одамлар ҳар томондан оқиб келар, ҳамманинг юз-кўзида қувонч намоён эди. Бир кампир тиҳсиз милкларини қўрсатиб илжай-ганча, ўтган-кетганларни қайнатилган гуруч билан сийларди. Эркаклар бир-бирининг елкасини қоқиб кучоқлашар, болалар осмонга мушак отишарди. Машиналарнинг сиреналари қулоқни қоматга келтирас, атрофдан миллий мадҳия садолари жаранг сочарди.

– Қаянг, Майам хола! – Азиза Марямни турткиласди.

Жаддайи Майванд кўчасида болакайлар пачоқланган консерва қутиларини ипга бойлаб

судраганча, «Масъуд ва Раббоний тарафдорларига ўзларича мушт дўлайтириб қичқиришарди. Кимдир деразасига «Зинда бод Толибон!» (Яшасин толиблар!) шиори битилган чойшабни илиб қўйибди. Бундай шиорларни ҳар қадамда, дераза ва деворларда, машина антенналаридағи байроқчаларда ўқиши мумкин эди.

Толибларни улар илк бор Пуштунистон майдонида тўпланган оломон орасида яқиндан кўришиди. Одамлар бўйини чўзиб, майдон марказидаги қуриб қолган фавворга тарафга интилишарди. Бу ерда эски «Хайбар» ресторани қад ростлаганди. Азиза ўша тарафга бир қарадио, кейин қўрққанидан чинқирганча, юзини Марямнинг кўксига босди. Давра марказидаги қора саллали, соқолли одам ресторан олдида, ёғочдан қурилган минбарсимон катак устида туриб, кўлидаги «стингер»ини силкитганча, овозкучайтиргичдан оташин нутқ сўзларди. Унинг ортида турган светофорда иккита мурда осилиб турарди. Уларнинг эгнидаги кийимлар йиртилиб, юзлари шишиб, кўкариб кетганди.

– Мен анавини танийман, – деди Марям паст овозда. – Чапдагисини.

Олдиндаги ёш аёл унга ўгирилди.

– Ҳа, бу Нажибулло-ку! Ёнида осилиб тургани акаси!

Бу мўйловдор, кулчаюз одамнинг суратини шўравийлар даврида ҳамма учратиш мумкин эди. Маълум бўлшича, толиблар Нажибуллони бир пайтлар яширин бошпана топган БМТ ваколатхонаси биносидан топиб олишган, узоқ қийнашган, кейин оёғидан машинага боғлаб Кобул кўчалари бўйлаб айлантиришган.

– У кўплаб мусулмонларнинг қонига зомин бўлди, – дея қичқирди қора саллали ёшгина толиб форс ва пуштун тилларида, автомати билан мур-

даларни турткилаб. – Унинг жиноятларини ҳар биримиз яхши биламиз. У коммунист ва сотқин эди. Кўриб қўйинг, исломга қарши жиноят қилган коғирларнинг ҳоли ана шундай бўлади.

Рашиднинг юзларида табассум ўйнади. Азиза ҳамон чинқириб йигларди.

Эртаси куни Кобул кўчаларида юк машиналари тўлиб кетди. Қора саллали, соқолтойларга лиқ тўла қизил «Тойота»лар Хойирхон, Шахринав, Карте – Парвона, Вазир – Акбархон кўчаларини босиб кетганди. Машиналарда ўрнатилган овозкучайтиргичлар орқали янги қонунлар эълон қилинарди. Бу қонунларни масжидларда ҳам, «Овози шариат» радиоси орқали ҳам ўқиб эшиттиришди. Шамол минглаб варақаларни шаҳар бўйлаб сочиб ташлади. Ана шу варақаларнинг бири Марямнинг ҳам қўлига тушиб қолди.

«Бизнинг мамлакатимиз эндиликда Афғонистон Ислом Амирлиги деб номланади. Ушбу қонунлар эълон қилингани ҳамоно кучга киради ва барча учун ижроси қонунийдир.

Барча фуқаролар кунда беш маҳал намоз ўқишлари шарт. Намоз пайти бошқа иш устида ушланганлар жисмоний жазога тортилади.

Барча эркаклар камида бир муштга сиққулик узуныликда соқол қўйишлари шарт. Бош тортганлар жисмоний жазога тортилади.

Кўшиқ айтиш тақиқланади.

Рақс тушиш тақиқланади.

Карта, шахмат, турли қимор ўйинлари ўйнаш, варрак учириш тақиқланади.

Китоб ёзиш, нашр қилиш, фильм томоша қилиш, расм чизиш тақиқланади.

Тўтиқуш боқиши тақиқланади. Барча тўтиқушлар тутиб йўқ қилинсин.

Ўғирлик устида қўлга тушганларнинг бармоқлари қирқиб ташланади.

Мұхтарам аёллар!

Сиз ўз үйларингизни ташлаб кетмәнглар! Аёлларнинг күчаларга беҳуда чиқиши тақиқланади. Фақат яқин қариндошлари ҳамроҳлигидә чиқиши мүмкин.

Ҳар қандай вазиятда ҳам юзингизни бегона-га күрсатмаслигингиз лозим. Чодрасиз күчага чиқиши тақиқланади.

Пардоз-андоз қилиш мүмкин эмас.

Тақиңчоқлар тақиши мүмкин эмас.

Фақат сизге гапиришсагина гапиришингиз мүмкин.

Одамлар ичида кулиш тақиқланади.

Тирноқларни бўяш тақиқланади.

Қизлар мактабга бориши мүмкин эмас. Қизлар мактаблари ҳаммаси ёпиасин.

Аёлларга ишлаш тақиқланади. Турмушига хиёнат қилганлар тошбўрон қилиб ўлдирилади.

Дикқат билан эшитинглар, қонунларга амал қилинглар, Аллоҳу акбар!»

Нажибулло осиб ўлдирилганидан бир ҳафта ўтиб, оила аъзолари бир дастурхон атрофида овқатланиб ўтиришарди.

– Ахир қанақасига аҳолининг teng ярми уйда ўтириши, ишламаслиги мүмкин? – тутақиб кетди Лайлo.

Рашид радиоприёмникни ўчирди.

– Шунақасига!

– Ахир бу ер қишлоқ эмас-ку! Пойтахт-ку! Бу ерда қанчадан-қанча юрист, шифокор аёллар бор. Қанча аёлар ҳукумат идораларида ишларди.

Рашиднинг юзлари тиришди:

– Отанг университетда ўқигани шу ерда ҳам билинди. Жуда без бўлиб кетгансан. Тожиксан-да, бунинг устига фирт шаҳарлик олифтасан! Бирор марта пойтахтдан чиқиб кўрганмисан? Мамлакатнинг фарбида, жанубида, Покистон билан чегара-

дош ерларда бўлмагансан! Ҳақиқий Афғонистонни ана ўша ерда кўрасан. Бизнинг мамлакат халқи азалдан ана шундай яшайди. Ёки деярли шундай. Нима, билмасмидинг?

– Ишонгим келмайди. Ахир сал жиддийроқ бўлиш керак-да!

– Нима, Нажибуллонинг ўлдирилиши ҳам жиддий масала эмасми? Улар менимча жуда тўғри қилишди. Сен бошқача фикрдамисан?

– У коммунист эди, махфий полицияга раҳбарлик қилган.

Рашид кулиб юборди. Унинг кулгисида шундай жавоб ўқиши мумкин эди: рост, коммунист ва жаллод кимса толиблар назарида ҳар қандай жазога лойиқ. Аммо, қонунни бузиб юрган аёлларнинг гуноҳлари олдида унинг қилмишлари тош босмаса ҳам керак.

ЎН ИККИНЧИ БОВ

Толиблар астойдил ишга киришган пайтида Лайлонинг миясига бир шафқатсиз фикр кедди: отаси вақтида ўлиб кетган экан. Бўлмаса, бу ҳодисалар уни тамомила эзиз ташлаган бўларди. Одамлар Кобул музейига ўроқ-болталар билан бостириб кириб, у ерда мужоҳидлар ҳамласидан омон қолган, исломгача бўлган даврга оид ёдгорликларни ер билан яксон қилишди. Университет ёпилди, талабалар тарқатиб юборилди. Толиблар деворлардаги суратларни найзалар билан йиртиб ташлашди, телевизорларни мажақлашди. Куръондан бўлак барча китоблар гулхангта ташланди. Китоб дўконлари ёпилди. Ҳофиз, Жомий, Низомий, Румий, Хайём, Бедил, Ансорий, Халилий, Пажвак, Ҳожи Дехқон, Ашрақий сингари буюк шоирларнинг девону дostonларининг кули кўкка соврилди.

Лайлого етиб келган хабарларга кўра, намозга чиқмаган одамлар кўчаларда сазойи қилиниб,

мажбуран масжидларга юборилаётганмиш. Товуқкүчадаги «Марко Поло» ресторани эндиликда «бенамозлар» сўроқ қилинадиган қозихонага айлантирилибди.

«Парк», «Ориёна», «Ориуб» сингари кинотеатрлар ҳам ёпилди. Киномеханикларнинг дўкончалари бузиб ташланди, кинотасмалар ёндирилди. Лайло бу кинозалларда Тариқ билан қанчадан-қанча кинофильмларни томоша қилганди. Уларнинг аксарияти ҳиндча кинолар бўларди. Кўпинча, бу фильмларда ошиқ-маъшуқлар отонанинг айби билан айро тушар, йигит юртидан бош олиб кетар, қизни мажбуран бошқага узатишар, дардли куй-қўшиқлар куйланар, севишгандар тақдирнинг турфа зарбаларига дучор бўларди. Лайло бундай киноларни кўзидан шашқатор ёшлар оқиб, томоша қилиб ўтирас, Тариқ унинг кўнгли бўшлигидан мириқиб куларди.

– Ҳиротда отамнинг ҳам кинотеатри бор эди, – деди бир гал Марям шу ҳақда гап очилганида. – Уни ям аллақачон бузиб, ер билан яксон қилишгандир-да!

Кобулнинг анъанавий мусиқа шайдолари жамланадиган «Харобот» маркази ҳам сув қўйгандек жимжит. Мусиқачиларни аямай дўппослашди, турмаларга тиқишиди. Чолғу асбобларини майдалаб ташлашди. Толиблар машҳур хонанда Аҳмад Зоҳирнинг қабрини ҳам таҳқирлашди. Унинг сағанасини аёвсиз ўқقا тутишиди.

– Бечоранинг ўлганига йигирма йил бўлганди, – ачинди Лайло. – Уни яна бир марта ўлдиришнинг кимга кераги бор экан?

Рашиднинг эса парвойи палак эди. Соқол қўй, дейишибдими – бир қарич соқол қўйди. Масжидга қатна, дейищдими – бир оёғи ўша ёқдан узилмайди. Қонунми – қонун! У толибларга ўта эҳтиром билан ёндашарди.

Хар чоршанба «Шариат овози» радиосидан турли жазоларга ҳукм этилганлар рўйхати ўқиб эшиттириларди. Жума куни Рашид қатл ва бошқа жисмоний жазолар ижро этиладиган «Фози» стадионга йўл олар, у ердан бир шиша «пепси» сотиб олиб, ҳафсала билан томошага бериларди. Кечқурун тўшакда Лайлого қандай қилиб маҳкумларни дарра билан савалашгани, қўли ёки бошини кундада чопишгани, дорга осишгани ҳақида завқ билан ҳикоя қилиб берарди.

– Бугун бир одам ўз акасининг қотилини қўйдек бўғизлади, – деди Рашид пафа-пафа тутунларни шифтга пулаб.

– Нақадар ваҳшийлик, – деди Лайло титраб.

– Сен шунаقا деб ўйлайсанми? Бу дунёда ҳамма нарса нисбий. Шўравийлар бир миллион одами қирвoriшди. Мужоҳидларнинг касрига қолиб, Кобулнинг ўзида 50 минг одам нобуд бўлди. Уларнинг олдида уч-тўртта ўғрининг қўли қирқиulgани нима бўпти? Қонга – қон, жонга – жон. Қуръонда ҳам шунаقا ёзилган. Ўзинг айт-чи, кимдир Азизани ўлдириб қўйса, кейин ўша одамни тутиб, сенга ундан қасос олиш имконини беришса, нима қилярдинг? Наҳотки, уни кечириб юбора оласан?

Лайло унга нафрат билан тикилди.

– Мен мисол тариқасида айтдим, холос, – деди Рашид заррача хижолат чекмай.

– Сиз ҳам худди ўшаларга ўхшайсиз.

– Айтганча, қизинг, Азизанинг кўзи қанақа рангда? Жа қизиқ, а? Сенинг кўзингга ўхшамайди, меникига ҳам. – Рашид Лайдонинг сонини чимчилаб қўйди. – Биласанми, сенга нима демокчиман? Агар менинг овим бароридан келса, эҳтимол бароридан келмас, яна ким билсин, Азизани кўчага улоқтириб юбораман. Хўш, бу сенга ёқадими? Кейин толибларнинг ёнига бораман-да, сендан шубҳаланишимни айтаман. Шу-

нинг ўзи етарли уларга. Сенингча, уларга кимга ишонишаркин? Менгами ё сенга? Хўш, шунда ҳолинг нима кечади?

Лайло бошқа тарафга ўгирилиб олди.

– Рост, мен бунчаликка бормасам керак. Яна ким биласин? Сен мени биласан-ку!

– Сиздан нафратланаман, – деди Лайло ўзини босолмай.

– Тилинг намунча заҳар бўлмаса! Ўлай агар, фазабим қўзийди. Бир пайтлар анави мишиқи, чўлоқ жазманинг билан кўчаларда қўл ушланиб юрганингда ҳам «мен ҳаммадан ақдиман, мен кўп китоб ўқиганман» деб бурнингни кўтармидинг? Қани энди ўша ақлинг? Жа фойда бердими, а? Ўйингга снаряд тушганда сени ким асраб қолди, китобларингми ё менми? Шундан кейин ҳам мен нафратга лойиқ бўлдимми? Сен биласами, бу шаҳарда қанчадан-қанча аёллар мендек эрга эга бўлиш учун ҳамма нарсага, ҳатто бир-бирини ўлдиришга ҳам тайёр туришади.

Рашид яна бир силтаниб шифтга тутун пуркади.

– Сенга жарангдор сўзлар ёқармиди? Масалан: истиқбол! Ҳа, газетчилар тили билан айтганда, мен сенинг истиқболинг порлоқ бўлиши учун ҳамма нарса қиляпман.

У албатта ҳақ эди. Айнан ана шу ҳақиқат Лайлонинг нафратини ўн чандон оширади. Ҳатто кўнглини ҳам айнитарди.

У туни билан кўнгли айниб, ўқчиб чиқди. Эртасига ҳам ўзига келолмади. Уч-тўрт кун юраги бежо бўлиб юрди.

Совуқ, тунд кунларнинг бири эди. Лайло ваннахонада беҳол чўзилиб ётар, Марям эса, Азиза билан ўз хонасида чўзилганди.

Лайлонинг қўлида узун, қаттиқ сим. Кечагина Лайло бир пайтлар Тариқ билан ўпишган торкўчада ташландиқ велосипед фидирагига кўзи

тушган, бу симни айнан ана шу филдирак ўқидан омбур билан сугуриб олганди. Лайло оёқларини кенг ёзип, оғир-оғир нафас оларди.

Азизанинг борлигини вужудида ҳис этган биринчи сониялардан бошлаб, унга нисбатан чексиз меҳр ҳиссини туйган, бирор-бир нохуш фикр унинг миясини ҳатто чертиб ўтмаганди. Энди эса ана ўша нохуш ўй, шафқатсиз истак унга тинчлик бермайди. Ҳар қанча даҳшатли бўлмасин, Лайло яна бир бўлажак фарзандига етарлича меҳр бера олмаслиги, уни Азизачалик севмаслигини сезиб турибди. Ахир унинг отаси Тариқ эмас, Рашид-ку!

Мана сим, унинг қўлида. Биргина ҳаракат билан гумонанинг мавҳум ҳаётига нуқта қўйиши мумкин. Аммо, нега қўллари қалтираяпти? Уни нима тўхтатиб турибди?

Дақиқалар югуради. Йўқ, қўлидан келмади. Сим парчаси ерга тарақлаб тушди. Йўқ, у бехуда қон тўкилишидан, гуноҳга қўл уришдан кўрққани йўқ. Рашид билан унинг ўртасида эса, уруш кетмоқда. Аммо, урушда ҳамма воситалар ҳам иш беравермас экан. Мужоҳидлар ёки толиблар begunoq қурбонларга қўл силташи мумкиндир. Аммо Лайло ҳали дунё юзини кўрмаган митти гумонасининг қонини тўка олмади.

Ахир шунча тўкилган қон етмайдими?

ЎН УЧИНЧИ БОВ

1997 йил, сентябр.

– Шифохона аёлларга хизмат кўрсатмайди, – қичқирди қоровул зинапоянинг юқори поғонасида турганча, пастда, «Малалай» госпитали ҳовлисида тўпланган оломонга совуқ нигоҳ ташлаб. Оломон «ух» тортиб юборди.

– Ахир бу аёллар клиникаси эди-ку, – деди Марямнинг орқасида турган аёллардан бири.

Марям Азизани бир қўлидан иккинчисига ўтказиб, беҳол инграётган Лайлони маҳкамроқ ушлади. Иккинчи елкасидан уни эри суяб келарди.

– Энди унақамас, – бўйинни чўзиб чийиллади толиб.

– Менинг хотиним туфай деб турибди, – бақирди миқтидан келган бир эркак. – Нима, катта кўчада туғиб кетаверсинми?

Январ ойида аёллар ва эркаклар бошқа-бошқа касалхонада даволансин, деган янги қонун кучга кирган эди. Аёлларнинг ҳаммаси Кобул шифохоналаридан чиқарилиб, битта муассасага кўчирилди. Толиблар бу қонунни ҳаётга татбиқ этишга бунчалик жидду жаҳд билан киришади, деб ҳеч ким ўйламаганди.

– Алиобод госпитали-чи? – сўради бошқа бир эркак.

Қоровул бош чайқади.

– «Вазир Акбархон»-чи?

– Фақат эркаклар учун.

– Энди биз нима қиласиз?

– «Робия Балхий» шифохонасига боринглар!

Оломон орасидан бир аёл ажралиб чиқди:

– Мен ҳозир ўша ердан келяпман. У ерда тоза сув ҳам, кислород ҳам, дори-дармон ҳам, электр ҳам йўқ.

– Боринглар, ўша ёқса бораверинглар! – чўрт кесди қоровул.

Одамлар орасида шовқин бошланди. Кимдир сўкинди, кимдир қарғанди. Ҳатто тош отганлар ҳам бўлди. Толиб милтигини осмонга қаратиб ўқ узди. Унинг шериги эса, қамчисини қарсиллатди. Издиҳом тарқалиб кетди.

«Робия Балхий» қабулхонасидан тер, пешоб, та-маки ва карбол кислотаси ҳиди анқиб турар, ўрангандан аёллар ва болалар билан лиқ тўла эди. Шифтда-

ги вентилятор парраклари ҳам ишламас, ичкарида ҳаво етишмасди. Марям Лайлони нураган девор ёнидаги стулга ўтқазди. Лайло қорнини ушлаганча тинимсиз типирчиларди.

– Озроқ чида, Лайложон, ҳамма сенга қарапти, – шивирлади Марям.

Рўйхатга олиш дарчасида бола қўтарган аёллар тиқилишиб турарди. Эшик оддида ҳам одамлар тўпланиб қолган, фақат қуролланган толиб уларни ичкарига қўймасди. Марям бир амаллаб одамлар орасини ёриб кирди. Навбат кутиб турганлар Марямни туртишар, чимчилашар, тепишар, юзига чанг солишар, Марям эса, ҳаммасига чап бериб олдинга интиларди.

«Она бўлиш нақадар қийин, – ўйларди у ҳар томондан тушаётган зарбалардан ўзини ҳимоялашга уриниб. – Турган-битгани азоб-ку!»

Беихтиёр онаси ёдига тушди. Шўрлик Нана бутун шармандаликни бўйнига олиб, ҳароми боласини дунёга келтирди, боқиб тарбиялади. Марям эса, ундан кўра Жалилни афзал биларди. Қанчалик аҳмоқ, кўрнамак бўлган экан-а? Ўшандай онанинг қадрига етмади-я!

Шу пайт Марямнинг қаршисида бошдан-оёқ қулранг чодрага ўранган баланд бўйли ҳамшира пайдо бўлди. Унинг ёнида кийими буткул қонга беланган яна бир ёшгина жувон турарди.

– Менинг қизимдан анчадан бери сув кетяпти, лекин ҳали ҳомиладан дарак йўқ, – деди Марям ҳамширага юзланиб.

– У билан мен гаплашяпман, – тўнғиллади қонга беланган жувон. – Навбатингизни кутинг!

Бутун оломон худди шамол эсган майсазордек чайқалди.

– Менинг қизим дарахтдан йиқилиб, қўлинни синдирибди, – нолиди Марямнинг ортида турган бир аёл.

- Менинг қизимнинг ичи қон аралаш кетяпти,
- қўшилди яна бир аёл.
- Ҳарорати борми? – сўради ҳамшира. Марям савол ўзига қаратилганини даставвал пайқамади.
- Йўқ.
- Қон кетяптими?
- Йўқ.
- Қани ўзи?

Марям анча нарида, Рашиднинг ёнида ўтирган Лайлодан томонга имо қилди.

– Бўпти, ўзимиз қараймиз, – деди унга ҳамшира.

- Қачон?
- Билмадим. Бизда иккитагина врач бор. Иккови ҳам операцияда.

– Қизимнинг жони оғрияпти, ахир! – зорланди Марям.

– Меникиям оғрияпти, – суқиди қонга беланган аёл. – Навбатингизни кутинг.

Марям четта чиқди.

– Бир айланиб келинглар, – деди ҳамшира Марямга. – Кейин кутиб турасизлар.

Ҳамшира уларни чақирганида, қош қорайиб қолганди. Туғуруқ залида саккизта каравот бўлиб, улар орасида на тўсик, на парда тортилган эди. Аммо доя хотин бошдан оёқ ўралиб олганди. Икки аёлнинг кўзи ёриётган экан. Лайлони қора бу ёқ сурилган дераза ёнидаги каравотга олишди. Девордан эски, чирик раковина туртиб чиқсан, унинг тепасидаги арқонда қонга беланган жарроҳлик қўлқоплари осилиб турарди. Жўмракдан анчадан бери сув оқмагани шундоқ билиниб турибди. Хонанинг ўртасида икки қаватли, катта алюминий стол бўлиб, тепа қисмига адёл тўшалган, пасти бўш турарди.

– Тирикларни тепага ётқизишади, – ҳайратдан оғзи очилиб турган Марямга уқтирди қўшни каравотда ётган аёл.

Түк күк ҳижобга бурканган, паканагина доя аёл бир қараашда тумшуқсиз қушни эслатарди. Унинг овози бир оз зардали ва кескин эди.

– Биринчи боласими?

– Иккинчиси, – деди Марям.

Лайло кучли тўлғоқ азобидан букчайиб, Марямнинг қўлига ёпишди ва додлаб юборди.

– Биринчи туфуруқ пайтида қийинчилик бўлмаганми?

– Йўқ.

– Сиз унинг онасимисиз?

– Ҳа, – алдади Марям.

Доя чодрасини кўтариб, четда турган конусимон асбобни олди ва Лайлонинг қорнини очиб, аввал ҳалиги конуснинг бир тарафи, кейин иккинчисини босиб, ниманидир эшишиб кўрди.

– Ҳозир болани ушлаб кўришим керак, синглим.

У шундай дея арқонга илинган қўлқопни кийди-да, бир қўли билан Лайлонинг қорнини босиб, иккинчисини ичкари киритди. Лайло инграб юборди. Доя ишини битириб, қўлқопни ҳамширага берди, у эса наридан-бери чайиб, яна арқонга илди.

– Қизингизни кесарово йўли билан туғдира-миз. Биласизми бу нима дегани? Қорнини ёриб боласини оламиз. Тос суюги жуда тор экан.

– Тушунмадим.

– Бола нотўғри ётибди. Оддий йўл билан туголмайди қизингиз. Кейин анча вақт ўтиб кетибди. Уни тезда жарроҳлик хонасига олиб бориш керак.

Лайлонинг юzlари тиришиб, бошини ён тарафга бурди.

– Фақат сизга бир гапни айтишим керак, – доя хотин сал хижолатланиб, Марямнинг қулогига ниманидир шивирлади.

– Нима бўпти? – ингранди Лайло. – Болага бирор нима бўптими?

– Ахир... у қандай чидай олади? – қичқириб юборди Марям.

Доя аёл худди кимдир уни айблаётгандек ту-тақиб кетди:

– Нима, мен атай қиляпманми? Мен ҳам но-иложман ҳозир. Бизга керакли нарсаларни бе-ришмаса мен нима қилишим керак? Уйимдан олиб келолмайман-ку! Бизда рентген ҳам, сўриш мосламаси ҳам, кислород ҳам, ҳатто оддий анти-биотиклар ҳам йўқ. Хайрия ташкилотлари бера-ётган ёрдамни ҳам толиблар бошқа мақсадларга сарфлашяпти.

– Хоним, айтинг, мен нима қилай, қўлимдан келганини қиласман! – деди Марям.

– Нима бўляпти ўзи? – фингшиди Лайлло.

– Дориларни ўзингиз ҳам олиб келсангиз бўла-ди, фақат...

– Ёзиб беринг, – деди Марям қатъий. – Беринг менга қоғозни!

Доя хотин бош чайқади:

– Бунга вақтингиз етмайди. Биринчидан, яқин орадаги бирорта дорихонада бу дорини то-полмайсиз. Бутун шаҳарни кезиб чиқсангиз ҳам топишингиз даргумон. Соат тўққиз ярим бўлди. Демак, сизни комендант соатини бузган ҳисоб-лаб ҳибсга олишади. Қолаверса, операцияни жуда тез қилишимиз керак.

– Илтимос, менга тушунтилинг, нима бўляпти ўзи? – зорланди Лайлло тирсагига таяниб, ўрнидан тураркан.

Доя хотин оғир хўрсишиб шифохонада оғриқ-ни қолдирадиган бирорта ҳам восита йўқлигини билдириди.

– Нима қиласангиз қилинг, – деди Лайлло ўзини тўшакка ташлаб, тиззаларини букаркан. – Фақат болам эсон-омон туғилса бас.

Ниҳоят, Лайло деворлари кўчиб тушган эски жарроҳдик хонасида ётарди. Доя қўлларини тоғорада чайиб олди. Ҳамшира Лайлонинг қорнини аллақандай жигарранг суюқликка ивитилган тампон билан артиб чиқди. Ҳар бир ҳаракатдан Лайло безгак тутгандек қалтирарди. Иккинчи ҳамшира негадир эшикни очиб, йўлакка мўради. Доктор аёл энди ҳижобини ечиб ташлаган, Марям унинг салқи қовоқлари, оқарган соchlари, юзидаги ажинларини аниқ кўриб туради.

– Улар операцияни ҳам ўранган ҳолимизда қилишимизни хоҳлашади, – деди доктор аёл ҳамшира тарафга имо қилиб. – Бу эса, йўлакда бирорта шарпани сезиши билан ишора беради. Мен эса, дарров ўраниб оламан.

Марям унинг бефарқ, сокин овозидан сездики, шўрлик ишсиз қолмаганидан хурсанд.

Операция столининг ҳар тарафи тепадан тушган пўлат стерженга маҳкамланган эди. Бояги ҳамшира бир парча матони бемор ва жарроҳ ўртасидаги парда сифатида бояги стерженга қисқич билан илиб қўйди. Марям Лайлонинг тепасида эгилган, уларнинг юзи ҳам бир-бирига деярли тегиб туради. Лайлонинг тишлари тақиллар, Марям унинг қўлидан маҳкам тутиб олганди. Парда ортидан доктор аёл ва ҳамширанинг соялари кўринарди холос. Лайлонинг оғзи қийшайиб бир томонга ўтиб кетган, тишлари маҳкам жипслашган, лаблари орасидан оппоқ кўпик сизиб чиқарди.

– Бардам бўл, синглим, – деди доктор аёл Лайло томонга эгилиб.

Лайлонинг кўзлари ҳам, оғзи ҳам катта очилди. Бўйнидаги қон томирлари бўртиб кетди. Юзлари тердан жиққа ивиди. Мушталари тугилди.

Лекин у эмас, қувонганидан Марям қичқириб юборди.

ЎН ТЎРТИНЧИ БОБ

1999 йил, куз ойлари...

Чуқур қазиши фикри биринчи бўлиб, Марямнинг хаёлига келганди.

– Мана бу ер, – деди у омборхонага кираётиб.
– Ҳар томонлама қулай.

Улар навбат билан қақшаб ётган ер бағрини ўя бошлишди. Бир қарашда иш унча кўп эмасди. Ўра ҳам унча чуқур ва катта бўлиши шарт эмас. Аммо ер тошдек қотиб кетган. Иккинчи йилдирки, қурғоқчилик авжига чиққанди. Қишда қор кам ёғди, баҳорда эса, ёмғир ёғмади, ҳисоб.

Бутун мамлакат бўйлаб деҳқонлар сувсизликдан мол-мулкини сотиб, қишлоқма-қишлоқ саргардон бўлишди, Эронга, Покистонга кўчиб кетишди. Бир қисми Кобулга келиб жойлашди. Бироқ, шаҳардаги кичик қудуқлар ҳам қуриб, еrosti сувлари сатҳи ҳам пасайиб кетганди. Лайло ва Марям соатлаб сувга навбат кутишарди. Кобул дарёси ҳам қуриб, унинг ўзани шаҳар аҳлининг ахлатхонасига айланиб қолганди.

Марямнинг ёши қирқقا қараб борарди. Сочларига оқ тушиб, кўзларининг ости салқиб қолди, иккита олд тишидан айрилди: биттаси ўзи тушган бўлса, иккинчисини Рашид Залмайни бехосдан тушириб юборгани учун уриб синдирганди. Кун бўйи ҳовлида офтоб тагида юрганидан бадани қоп-қора тус олди.

Аёллар нафас ростлаб, Залмайнинг опаси билан қувлашмачоқ ўйнашини бир оз томоша қилишди, кейин яна ер қазишига тушишди. Анча ковлашгач, Марям чуқур нафас ростлади:

– Етади!

Залмай икки ёшга тўлди. У дўмбоққина, сочлари жингалак, кўзлари қуралай, юзлари Рашид-

никидек қорамағиз, пешонаси ҳам отасиникидек тор эди.

Лайлонинг ёнида қолганида, Залмай жуда қувноқ, ёқимтой болага айланарди. У кимнингdir елкасида сайд қилишни, онаси ва опаси билан бекинмачоқ ўйнашни жуда ёқтиарди. Баъзида онасининг тиззасига ўтирганча, унинг қўшиқларига қулоқ тутарди. Айниқса, «Мулла Муҳаммаджон» қўшигини эшитишни жуда ёқтиарди. У қўшиқнинг охирги мисраси – нақаротини ҳар доим ойиси билан қўшилиб айтарди:

«Рафтем ба Мозори Шариф, Мулла Муҳаммаджоон!»

(Кетдик Мозори Шарифга, Мулла Муҳаммаджон!)

Лайло болакайнинг нам ўпичларидан маст бўлар, тирсагидаги чуқурчаси, пуштиранг дудоқларини эркалар, болакай учун адёл ва ёстиқлар ёрдамида «кўприкчалар» қуриб берар, бола онасининг қулогини ушлаб уйқуга кетганида у ўзини дунёдаги энг бахтиёр инсон деб биларди. Лайло бир пайлар ваннахонада ўтирганча фидирак сими билан ҳомиласини нобуд қилмоқчи бўлганини эслаганида, бутун вужуди увишиб кетарди. Биргина ҳаракат билан тузалмас хатога йўл қўйиши тайин эди. Ўзи бу фикр унинг миясига қай гўрдан ёпишганди ўшандა? Ўсли энди унинг учун Яраттанинг ҳақиқий тухфасига айланганди. Ҳамма қўркув ва таҳлика беҳуда бўлиб чиқди. У Залмайни ҳам худди Азиза сингари ардоқларди.

Залмай эса, отасини жону дилдан ёқтиарди. Рашид келиши билан бола ҳам тамомила ўзгариб қоларди. У қулоқсиз, қўпол, шумтакага айланар, бўлар-бўлмасга хархаша қилас, тўполон кўтарарди. Отаси унга чекланмаган ҳуқук берганди.

У ўғлининг эркаликларини кўриб, завқданар, «Бунинг зеҳни, идрокини қара» деб фуурланиб қўярди. Дастрраб Залмай ота-онаси билан битта ўринда ётарди. Кейин Рашид унга четларида шер ва леопардлар тасвири туширилган каравотча олиб берди. У ўғлидан пулни аямасди. Ҳали Азизанинг нарсалари бус-бутун турганига қарамай, ўғлига янги тагликчалар, шакилдоқлар, ўйинчоқлар сотиб олишдан чарчамасди. Бир куни у кунгабоқар шаклидаги токли ўйинчоқ олиб келди. Унинг шохига арилар қўниб олган бўлиб, тутмасини бошиши билан зувиллашга тушар, кейин қандайдир шўх мусиқани «куйлашарди». Рашид бу ўйинчоқни ўғлининг каравоти тепасига осиб қўйди.

– Кейинги пайтда буюртмалар кам тушяпти, демаганимидингиз? – сўради Лайло норозилик билан.

– Ҳечқиси йўқ, қарз олиб туармиз.

– Қарзниям қачондир қайтариш керак-ку!

– Ҳали ҳаммаси яхши бўлади. Ойнинг ўн беши қоронфи бўлса, ўн беши ёргу. Қара, ўғлимга ёқди янги ўйинчоқ.

Кейинги пайтларда Лайло ўғлини кам кўрадиган бўлиб қолди. Рашид уни ўзи билан устахонасига опкетар, отаси ишлаган пайтда бола стол тагида ўтирганча тери ва резина парчалирини ирфитиб ўйнарди. Ўғли пойабзаллар терилган столни ағдариб юборганида ҳам, Рашиднинг жаҳди чиқмас, ўғлига енгилгина танбеҳ берарди.

Кечқурунлари ота-ўғил уйга қайтишар, Рашидининг елкасида уйга кириб келган Залмайдан тери ва елим ҳиди анқиб туарди. Даствурхон бошида ҳам Марям, Лайло ва Азиза алоҳида ўтиришса, Залмай ҳамиша отасининг ёнидан жой оларди. Ота-ўғил ҳамиша бир-бири билан ҳазиллашиб, қиқирлашиб ўтиришар, нималарнидир шивирлаб

гаплашишарди. Лайло ўғлига гап қотган чоғида Рашиднинг пешонаси худди уйга чақирилмаган меҳмон келгандек тиришиб кетар, боланинг ўзи ойиси ёнига боришни хоҳлагандада эса, умуман түнини терс кийиб оларди. Бунақа пайтда Лайло дарҳол ўзини четта олишни маъқул кўрарди.

Залмай икки ёшга тўлганидан кўп вақт ўтмай, Рашид уйга телевизор ва видеомагнитофон олиб келди. Кунлар иссиқ бўлишига қарамай, кечалари анча салқин тушиб қолганди. Рашид меҳмонхонада гердайганча чордана қуаркан, буларни «Қора бозор»дан сотиб олганини айтди.

– Яна қарз олдингизми? – сўради Лайло.

– Бу «Магнавокс».

Азиза қизиқсиниб, телевизорга яқинлашди.

– Эҳтиёт бўл, Азизажо, – деди Марям. – Илтимос, тегмагин, бачам!

Азизанинг соchlари худди ойисиникига ўхшар, ёноғидаги кулгич ҳам айнан Лайлоники билан бир хил эди. Қизнинг оғир-вазминлиги, мулоҳа-закорлиги, ҳар бир гапни териб-чертиб гапиришини кўриб, ҳеч ким уни олти ёшда демасди. Лайло ҳар куни эрталаб унга Залмайни уйғотиб, кийинтиришни, овқатлантиришни буюарди. Азиза баъзида укасини ухлатиш учун алла айтар, хархаша қилганида овутишга уринарди.

Азиза телевизорнинг тутгасини босиши билан Рашид сакраб турди ва қизчанинг қўлинни зарда билан нари сурди.

– Бу Залмайники, сен қўл теккизма!

Азиза Марямнинг ёнига борди ва тиззасидан жой олди. Уларни асло ажратиб бўлмасди. Марям унга Куръондаги баъзи кичик сураларни ёд одирган, Азиза «Алҳамду» билан «Қўл ҳуваллоҳу аҳад»ни аллақачон ёддан айта оларди. Зотан, Марямнинг ўзи шундан бошқа нарсани билмасди ҳам.

Хонага Залмай кириб келганида, Рашид унга худди күчадаги афсунгарларни кузатаётган томошабин сингари қизиқувчан назар билан тикилди. У телевизор симини, тұгмачаларини ўйнашта түшди, бўм-бўш экранни митти кафти билан сийпалаб чиқди. Шу аснода экранда ҳўл излар қолди. Рашид эса, ўғлига мамнун тикилиб ўтиради.

Толиблар телевизор кўришни ман этишганди. Видекассеталар, тасмалар мажақданган, йўлдош антенналар олиб ташланган, аммо бу тақиқ одамларнинг қизиқишини йўқقا чиқаролмаган эди.

– Эртага мултфильм топиб келаман, – деди Рашид. – Чайқов бозорида ҳаммаси бўлади.

– Ундан кўра, янги қудук қаздирсак бўларди, – деди Лайлло норози оҳангда. Унга жавобан Рашид бир ўқрайиб қўя қолди.

Кечки овқатда қуруқ гуручнинг ўзи чойсиз (қургоқчилик-да) тановул қилинди. Кейин Рашид сигарет тутатиб, Лайлого янги қарорини айтди.

– Йўқ, – деди Лайлло қатъият билан.

– Мен сенинг фикрингни сўраганим йўқ.

– Мен ҳам сизнигини сўрамадим.

– Агар сен ҳозирги аҳволни тушунганингда бошқача фикрлаган бўлардинг.

Маълум бўлишича, Рашид анчагина қарздор бўлиб қолган, топаётган даромади бу қарзни узишга урвоқ ҳам бўлмас экан.

– Мен сени ранжитмаслик учун аввал бу ҳақда индамагандим. Сен уларнинг бир кунда қанча топишини кўрганингда эди.

– Йўқ, – деди Лайлло кескин.

Улар меҳмонхонада баҳслашишар, Марям ошхонада идиш-товоқ ювар, болалар унинг ёнида эдилар. Залмайнинг кулгиси ва Азизанинг овози баравар эшитилди.

– Ундан кичкина болалар ҳам юради. Ҳозир Кобулликларнинг ярми шу иш билан шуғулланади.

– Мени бошқалар болаларни нима аҳволга солиши қизиқтиrmайди.

– У ҳар доим кўзимнинг олдида бўлади, – Рашиднинг овозидан асабийлашаётгани сезиларди. – Масжид шундоққина йўлнинг нариёғида.

– Мен ҳеч қачон боламни тиланчилик қилишига йўл қўймайман.

Тарсаки овози уй деворига урилиб, жаранг берди. Лайлонинг боши айланиб кетди. Ошхонадаги овозлар ҳам тиниб қолди. Кейин тапир-тупур қилиб, Марям ва болалар уйга югуриб келишди.

Лайло ҳам қараб турмади. У илк бор бошқа бир инсонга қўл кўтарди. Албатта, болалиқдаги Тариқ билан қилган шўхликлари, талашиб-тортишишлари ҳисобга ўтмайди. Ҳозир эса у муштини туттганча Рашиднинг устига бостириб борди. Буни кутмаган Рашид беихтиёр ортига тисарилди. Чуқур хўрсиниқ эштилди. Кимдир «ух» тортди, кимдир қичқирди. Орадан бир муддат ўтиб, нима юз берганини ўзи ҳам англолмай қолган Лайлонинг юзларида кинояли табассум уйғонди. Рашид жимгина хонадан чиқиб кетди. Назарида, шу биргина зарба билан унинг вужудида йифилиб келаётган барча хўрлик, алам ва изтироблар ҳам чиқиб кетгандек эди.

Улар Рашиднинг қандай кириб келганини ҳам сезмай қолишли. У кутилмаганда Лайлонинг бўғзига чанг солиб, деворга қапиштирди. Лайло эрининг ажин босган, қип-қизил башарасини бу қадар яқиндан кўрмаганди. Рашид бир оғиз ҳам гапирмади. Зотан эрининг тўппончаси Лайлонинг оғзига қадалиб турганидан, ҳеч қандай гап-сўзга ўрин қолмаганди...

...Улар чуқурни оммавий тафтиш натижасида қазишишмоқда эди. Бундай текширувлар илгари ойда, ҳафтада бир ўтказилса, кейинги пайтларда кунда-кунора бўлаётганди. Толиблар ниманидир

мусодара қилишса, унинг эгасини таёқ ва қамчи билан аямай сийлашарди. Жазоланган одамлар эса, лоақал халқ олдидә дарра уришмаганидан хурсанд бўлишарди.

– Эҳтиёт бўл, – шивирлади Марям тиз чўкканча, сувқоғозга ўралган телевизорни чуқурга тушиаркан.

Кейин эса, чуқур устидан оҳиста тупроқ тортишди. Қачонки текширишлар тугаса (қачондир якун топар, ахир), телевизорни яна уйга қайта-ришга қарор қилишганди.

Лайло ўша оқшом туш кўрди. Марям билан омбор ёнида чуқур қазишаётганмиш. Бу гал улар телевизорни эмас, Азизани кўмишибди. Селлофанга ўралган Азизанинг кўзлари даҳшат ва илинж билан термилиб турганмиш. Унсизгина шафқат тиланармиш. Лайло эса, унга таскин берармиш: «Озгина чида, болажоним, озгина, текширишлар ўтиб кетсин, биз сени холанг билан бирга яна чиқариб оламиз. Кейин маза қилиб ўйнаймиз!»

Лайло белкуракни тўлдириб, чуқурга тупроқ ташлаган чогида чўчиб уйғонди.

Лекин у тупроқ селлофан ўрамига урилиб, шифилаб овоз чиқарганини аниқ эшитди-ку! Оғзида худди ҳозиргина тупроқ егандек, нохуш таъмни туйди.

ЎН БЕШИНЧИ БОБ

2000 йилда ҳам қурғоқчилик давом этарди. Йил жуда даҳшатли ўтди. Кобул, Қандаҳор, Ҳилманд вилоятларида бутун-бутун қишлоқлар аҳолиси, мол-ҳоли, кўй-эчкиси билан бошқа жойларга кўча бошлади. Ҳеч нарса тополмай, мол-ҳоли ҳам ҳаром қотган одамлар эса, ўзларини Кобулга уришди.

Карте Ориёна тог ён бағирларида бутун-бутун қасабалар пайдо бўлди. Бу ерда битта кулбада 10 – 15 кишилаб одамлар яшай бошлади.

«Титаник» фильмі довруғ олган пайтлар. Азиза ўзича Жекка тақлид қила бошлар, шу масалада Марям билан келиша олишмасди.

– Азизажо, бўлди, тинчлан энди!

– Холажон, мени Жек деб чақиринг! Тушундингизми? Жек! Қани айтинг-чи?

– Отангни уйғотворасан ҳозир! Роса бақириб беради.

– Бари бир, мен – Жекман! Сиз эса Роуз бўласиз.

Марям ноилож «Роуз бўлишга» розилик билдириди.

– Жек, сен ахир ёшлигингда сувга чўкиб кетасан-ку, – деди Марям кулимсираб. – Мен эса, қариб-чиригунимча яшайман.

– Лекин мен қаҳрамонларча жон бераман, – деди Азиза кўксига муштлаб. – Сен эса, Роуз, бутун умр мени соғиниб яшайсан. Энди эса, кел иккимиз ўпишамиз.

– Жинни, унақа демайди ёш бола, уят бўлади!

– қошларини чимириди Марям.

Шу пайт бўсағада Залмай пайдо бўлди:

– Мен-чи? Мен ким бўламан унда? – дея чиyllади.

– Сен кемани чўқтирган Айсберг бўласан.

«Титаник» энди бутун Кобул бўйлаб сузарди. Фильмнинг соxта нусхалари Покистондан яширинча келтириб сотиларди. Комендант соати бошланиши билан ҳамма уйига биқиниб, эшик-тешикларни беркитар, кейин эса, телевизор қаршисида ўтириб, Жек ва Роузнинг, шунингдек, кемадагиларнинг тақдирини ўйлаб кўз ёш тўкишарди. Электр узилиб қолмаса, Марям, Лайлло ва болалар ҳам экрандан кўз узмай ўтиришарди. Шу пайтга қадар телевизорни ўн икки марта яrim кечаси «қабр»дан қазиб олишга тўғри келди. Ҳар гал уйнинг деразаларига қора парда тутганча, фильм томоша қилишарди.

Кобул дарёсининг қуриган ўзани чайқов бозорига айланган, бу ерда «Титаник» гиламлари, «Титаник» дастурхонлари, «Титаник» атиrlари, «Титаник» тиш пасталари, ҳатто шу номли аёллар ҳижжоби ҳам сочувга чиққанди. Қайсиdir девона тиланчи ҳатто ўзини-ўзи «Титаник» деб аташгача журъат қилибди.

Хуллас, ҳамманинг оғзида «Титаник» эди.

– Ҳамма ўша сариқмашак Жекни гапиради, – деди бир куни Марям Лайлого. – Худди ўша келиб ҳаммани қутқазадигандек. Ахир, у ўлган-ку! Ўзи бир кино бўлса...

Ўша йили ёзда бир савдогар қўлидаги сигаретани ўчирмасдан мудраб қолибди. Шундан ёнгин чиқиб, эски киймлар дўкони, новвойхона, мебел дўкони куйиб кул бўлибди.

Кейинчалик Рашидга айтишларича, агар ўшанда шамол шарқдан эмас, гарбдан эсганида, унинг устахонаси ҳам омон қолган бўларкан. Устахона ҳам ёнфиннинг бемон ҳамласига дош беролмаганди.

Улар ҳамма нарсани сотищди. Аввал Марямнинг нарсаларини пуллашди. Кейин Лайлоникини ҳам. Кейин Рашидга ялиниб-ёлвориб Азиза учун сотиб олинган ўйинчоқлар, кийим-кечаклар ҳам пулланди. Рашидинг соати, радиоприёмниги, галстук ва никоҳ узуги ҳам чайқовга тушди. Диван, стол, гилам ва стуллар ҳам эҳтиёж қурбонига айланди. Рашид телевизорни сотганида Залмай бутун уйни бошига кўтариб тўполон қилди.

Устахонасига ўт кетиб, Рашид хонанишин бўлиб қолди. У кун бўйи уйдан чиқмай хотинлари билан жанжаллашар, Марямни дўппослар, Азизани турткилар, Лайло билан фижиллашарди. Гоҳ Лайлонинг кийинишидан, гоҳ ундан ноxуш ҳид келишидан, гоҳида тишлари сарғая бошлаганидан нолирди.

– Сенга нима бўлди, ўзи? Мен парига уйлангандим, оқибатда у алвастига айланди-қолди.

Қара, Марямдан умуман фарқинг қолмаган сенинг!

У Ҳожи Ёқуб майдонидаги кабобхонага ишга жойлашганди. Аммо, мижозлардан бирини «маймун» деб ҳақорат қылгани учун у ердан қувиб солишибди. Маълум бўлишича, у овқатланиш учун келган бир ўзбекни «маймун» деб таҳқирилаган. У жаҳди чиқиб, тўппончасини чиқарган, Рашид унга кабоб сихини ўқталган, одамлар бир амаллаб уларни ажратиб қўйишган. Рашид гарчи «мен бўшаган сихларни унинг олдидан олиб кетаётгандим», деб ўзини оқдаса-да, Марям бунга унча ишонмади.

– Чўзилиб олган вақтингизни қаранг, – деди Лайло бегам сигарет тутатаётган эрига қаратса.

– Қўй, Лайло, жаҳдини чиқарма, – паст овозда ўтиндиди Марям.

– Ёмон жонимга тегяпсан-да! – тишларини фижирлатди Рашид.

– Яна ётволиб сигарет тутатишига ўласанми?

– Худо ҳақи, қасам ичаманки...

– Букрини гўр тузатади, деб шуни айтсалар керак-да!

Рашид ўлжасига отилган шердек унга ташланди. Аёлнинг боши, қорни, кўкрагига зарбалар дўлдек ёғила бошлади. Азиза билан Залмай онасини қутқариш учун Рашиднинг кўйлагига ёпишиб олишибди. Аммо, Рашид тобора қутуради. У Лайлони аямай тепкилашга тушди. Марям эса, эрининг оёғига йиқилганча, шафқат сўрарди.

Рашид эса янада ғазаб отига минди. То ҳолдан тойиб қолгунча хотинини дўппослади.

– Ўлай агар, тоқатимни тоқ қилдинг, – нафаси қайтиб, хириллади Рашид. – Бир кунмас бир кун сени ўлдираманку-я!

Кейин дарчани қарсиллатиб ёпди-да, кўздан йўқолди.

Үйда пул тугади, құлға илинадиган нарса ҳам қолмади. Очлик бүй күрсатді. Очликка қарши кураш уларнинг асосий ҳаёт тарзига айланди. Үйда қозон қайнамай қўйганига анча бўлганди. Дастурхонда оддий гуруч ҳам камдан-кам кўриниб қолди. Баъзи-баъзида Рашид кўчадан бир банка сардинка, икки бўлак суви қочган нон ёки қаердан-дир бир халтача ўғирланган олма олиб келар, шунда ҳам улушнинг каттаси Залмайга тегарди. Гоҳида эса, хом шолғом ёки кашнични тузга белаб ейиш билан ошқозонни алдашарди.

Очлик ўлим тимсолига айланиб, бутун шаҳарга қора қўланкасини ташлаган. Куни кечап Марям кўчадан мудҳиш бир хабар билан қайтди. Нариги маҳаллада турадиган бир аёл еттита боласига маргимушга белангтан нон едирибди, охирида ўзини ҳам унутмабди.

Тез орада Азизанинг ҳам эти устихонига ёпишиб, ёноқлари қошиқдек бўртиб, оёқлари гугурт чўпига ўхшаб қолди, юzlари нимтатир дамланган чой тусини олди. Залмай ҳам кечалари уйқусида гапириб, фингшиб чиқадиган, тез-тез уйғонадиган одат чиқарди. Марямнинг кўз ўнгида оқ нуқталари пайдо бўлиб, қулоқлари шангиллашга тушди. Шунда у мулла Фатхулла асосан рўза ойлари кўп тилга оладиган иборани эсларди: «Илон чаққан одамни уйқу элитаркану, оч одам ухлолмас экан».

– Болаларим ўляпти, – деди Лайлло юраги зирқираб. – Шундоққина кўз ўнгимда жон беришяпти, бечоралар.

– Йўқ, улар ўлмайди, – деди Марям қатъият билан. – Мен бунга йўл қўймайман. Ҳаммаси яхши бўлади, Лайложо! Мен нима қилишни яхши биламан.

Куннинг тифида Марям чодрасига ўраниб, эри билан изма-из «Интерконтинентал» меҳмонхона-

сига йўл олди. Энди автобус улар учун етиб бўлмас орзу эди: Марям тик йўлдан юқорига чиққунча, ўпкаси оғзига тиқилди. Икки марта мазаси қочиб, йўл четида ўтириб олди.

Меҳмонхонага кираверишда Рашид тўқ, қизил костюм ва фуражка кийиб олган эшик оғаси билан қучоқлашиб кўришди. Улар анчагача дўстона сұхбатлашиб туришди. Рашид хотинига имо қилиб кўрсатган эди, иккови ҳам ўша тарафга қарашди. Эшик оғасининг юзи Марямга жуда таниш кўринди. Эшик оғаси меҳмонхонага кириб кетди. Марям билан эри ташқарида қолишиди. Меҳмонхона анча баланд ерда жойлашган бўлиб, Политехника институти, Хайирхон даҳаси, Мозори Шарифга олиб борадиган катта шоссе яққол кўриниб турарди. Жанубдаги «Сило» нон заводининг хароба деворларида ўқ излари қорайиб кўринарди. Рўпарада эса, «Доруломон» қасрининг вайроналари кўзга ташланар, бир пайлар Марям эри билан ўша тарафга тамадди қилгани ўтиб туришарди. Энди ҳаммаси Марям учун бир рўёдек туюлади.

У қаршисидаги манзараларни томоша қилиб, хаёлини чалғитишга уринди. Мухими, ўзини қўлга олиши, журъатни йўқотмаслиги лозим.

Ҳар-ҳар замонда меҳмонхона ҳовлисига жиплар ва таксилар келиб тўхтар, эшик оғаси қорасоқол, саллали меҳмонларни қуюқ илтифот билан қаршиларди. Улар турли тилларда – форс, пуштун, урду ва араб тилларида ҳам гаплашишарди.

– Янги хўжайинларимизни кўриб қўй, – эҳтиёткорлик билан пицирлади Рашид. – Булар араб ва покистонлик исломчилар. Толиблар уларнинг қўлида қўғирчоқ, холос. Аслида ҳамма иш буларнинг қўлида. Айтишларича, толиблар улар учун Афғонистон ҳудудида террорчи-худкушлар

тайёрловчы лагерлар очишга ҳамма шароитларни яратиб беришган экан.

– Намунча қоп кетди? – бетоқатланды Марям.

Рашид ерга тупуриб, оёғининг учи билан тупугини эзғилади.

Бир соатлар ўтиб эшик оғаси уларни чақирди. Мехмонхона вестибиюлида аллақандай салқын ва ёқимли ҳаво уфурарди. Холлинг ўртасида иккита жангари автоматларини четта қўйганча, чақчақдашибашар, журнал столи устидаги тақсимчадан уч қандупасига ботирилган пирожний туар, икки финжон қаҳвадан енгилгина буғ кўтарилади. «Азиза пирожнийни жуда ёқтирарди», хаёлидан кечирди Марям. Эшик оғаси ортидан Марям билан Рашид балконга кўтарилишди. Рашиднинг таниши киссасидан кичкина қўл телефони ва қандайдир рақамлар битилган бир парча қофозни одди.

– Бу бошлиғимизнинг қўл телефони. Фақат беш дақиқага сўраб олдим. Тушунарлимис?

– Ташаккур, – қуллуқ қилди Рашид. – Олдингда қарздорман.

Эшик оғаси бош иргаб, чиқиб кетди. Рашид рақамни териб, телефонни Марямга тутқазди. Узун гудоклар эшитиларкан, Марямнинг ёдига 1987 йилнинг баҳори, отаси билан кўришган охирги лаҳзалар тушди. Мана, Жалил, мовийранг «Мерс» машинасига суюнганча қизининг деразасидан кўз узмай ўтирибди. Бир пайтлар Марям унинг Ҳиротдаги ҳовлиси олдидан туриб, отасини қандай чақирган бўлса, у ҳам қизини шу тахлит бир неча маротаба чақирди. Марям парданинг бир четини тортиб, пастга бирровгина кўз ташлади. Жалилнинг соchlари оқариб, қадди букчайиб қолибди, кўзига кўзойнак тақибди. Фақат жигарранг костюмию унинг кўкрак чўнтагидан учи чиқиб турадиган рўмолнаси ўзгармаб-

ди. Кийимлари ҳам худди ёғоч қўриқчиникидек шалвираб турибди.

Уларнинг нигоҳлари аввал ҳам бўлгани каби, бир онгина тўқнашди. Кейин Марям ўзини парда ортига яширди. У ўзини каравотга ташлаганча, отасининг кетишини кута бошлади. Мана, отаси кетди. Фақат кетиш олдидан эшикка битта конверт қистириб қўйди. Марям анча пайт конвертни очмасдан ёстиғи тагида беркитиб юрди. Кейин эса, йиртиб ўчоққа отди. Мана, орадан йиллар ўтиб, яна отасига телефон қилаёттир.

Марям айни дамда ўзини ҳаддан ортиқ такаббурлиги ва қизлик фурури учун койишга тушди. Ўшанда отасини уйга киритмай чакки қилди. Ахир шўрлик озмунча йўл босиб келганмиди? Минг қиласа ҳам, у отаси эди-ку! Унинг гуноҳи шу қадар оғирмиди? Рашидга таққослагандা, Жалилни фаришта деса бўларди.

Марям хатни йўқотиб юборгани учун қаттиқ афсусда эди.

– Сиз Ҳирот шаҳар ҳокимлигига тушдингиз, – телефондан эркак кишининг йўғон, дағал товуши жаранглаб чиқди.

Марям йўталиб олди.

– Ассалому алайкум! Ака, мен ҳиротлик бир кишини қидираётган эдим. У киши ҳозир ҳам бормикин? Ислим Жалилхон, Шаҳринавда турарди. Унинг кинотеатри ҳам бор. Уни қандай топсам бўларкин-а?

Ҳокимлик вакилининг овози қаҳрли тус олди:

– Шуни билиш учун ҳокимликка телефон қилајпсизми?

– Бошқа кимдан сўрайман? Илтимос, акажон! Тушунаман, ишингиз кўп, лекин гап ҳаёт-мамот устида кетяпти.

– Мен бунаقا одамни танимайман. Бу замонда кинотеатр қоптими?

– Балки уни танийдиган бирорта одам бордир? Ким бўлсаям...

– Қаердан топай унақа одамни?

– Барака топинг, ака, ёш болаларимга раҳмингиз келсин.

Гўшакдан оғир хўрсиниқ эшитилди.

– Ёнингизда ҳеч ким йўқми бошқа?

– Коровул бор пастда. Унинг бутун умри Ҳиротда ўтган. Балки у танир?

– Ўшандан сўраб беринг, Худо хайрингизни берсин.

– Эртага қўнфироқ қилинг, билиб бераман.

– Ҳеч иложим йўқ, телефонни беш дақиқага сўраб олдик.

Гўшакнинг стол устига қўйилгани, қадам товшуларининг узоқлашаётгани эшитилди. Марям телефонни бошқа қўлига олиб, кўзларини юмди.

Яна отасини кўрди. У жилмайганча чўнтагини ковлаштиришга тушди. Кейин учига ой ва юлдуз шакли солинган тангаси бор занжирчани олиб, қизининг бўйнига илди.

– Қани, Марямжо? Худди маликанинг ўзи бўлдинг!

Орадан бир неча дақиқа ўтди. Яна қадам товшлари эшитилди.

– Коровул таниркан.

– Йўғ-е, ростданми?

– Ўзи шунақа деди.

– Қаерда экан? – нафаси тиқилди Марямнинг.

– У Жалилхоннинг қаердалигини ҳам айтдими?

Бир оз жимлик чўкди.

– Сиз сўраган одам анча йил аввал, 1987 йилда қазо қилган экан.

Марям ҳолсизланиб балкон панжарасига суюниб қолди. Атрофдаги файзсиз манзараларга маъносиз термилди.

– Узр, синглим, менга рухсат, – деди телефондаги одам ва алоқа узили.

...Жалил анҳордан почасини күтариб ўтиб олгач, ортига бурилиб, қизига қўл силкиди. У ҳар гал ана шу дамларда «Э Худо, отам билан мени яна тез фурсатда учраштири», дея дуо қиласарди.

Эри унга еб қўйгудек термилиб туради. Маржам бош чайқади.

– Ўзи билувдим, – тўнғиллади у телефонни юлқиб оларкан. – Қизидан нима ёруғлик чиқувдики, отасидан чиқса...

Вестибюлдаги креслолар бўшаб қолган, тақсимча устида пирожнийларнинг биттаси туради. Рашид тезлик билан пирожнийни чўнтағига урди.

Кечки пайт пирожнийни Залмай паққос туширди.

ЎН ОЛТИНЧИ БОБ

Совуқ апрел тонгларидан бирида Азиза қофоз пакетга гулдор камзулчаси, бисотидаги бир жуфт пайпоги, пойма-пой жун қўлқопчаси, жигарранг адёл ва ёрилган елим пиёласини, банан ва суяк-ошиқдарни жойлади.

Лайло 2001 илнинг баҳорида 23 га тўлди. Бир неча кун аввал Аҳмадшоҳ Масъуд Францияга бориб, Европа парламенти ҳузурида чиқиши қилганини эшитганди. Масъуд энди толибларга бўйсунмаган ягона куч – шимолий алянсга бошчилик қиласарди.

Лайлого етиб келган гап-сўзларга қараганда, бир ой илгари Бомиёндаги баҳайбат Будда ҳайкалларини даҳрийлик тимсоллари сифатида портлатиб юборишибди. Дунёнинг ҳар ёғидан, давлат раҳбарларидан, тарихчи олимлардан, халқаро ташкилотлардан бу тарихий ёдгорликни

асраб қолишни сўраб, толибларга илтимосномалар жўнатилди. Аммо, толиблар бу илтимосларга қулоқ ҳам солишмади. Аввалига икки минг ёшли бу ҳайкалларнинг турли қисмларини миналашиб чиқишиди. Кейин кучли портлаш садолари «Аллоҳу акбар» хитоблари билан қоришиб кетди ва кўхна обидалар чанг зарраларига айланди.

Бундан бир неча йил муқаддам – 1987 йилда Лайло отаси ва Тарик билан бирга Бомиёнга, ана шу муҳташам обидаларни томоша қилишга боришганди. Аммо ҳозир Лайло бу обидаларнинг ҳалокатидан афсус чекадиган ҳолатда эмас. Ахир унинг бутун ҳаёти барбод бўлди-ку, бунинг олдида иккита ўлик маъбууд нима бўпти?

Рашид «кетдик» деб қистамаганида, Лайло уйнинг бир бурчагида тошдек қотиб ўтиравермаган бўларди. Гарчи у кўксини тўлдириб нафас олишга интилса-да, бари бир ҳаво етмайдигандек туюлди.

Улар Карте Се тарафга йўл олишди: Рашид Залмайни кўтариб олган, Лайло Азизани етаклаб борарди. Кучли шамол эсарди. Азизанинг юзчалари қадам-бақадам тундлашиб борар, чамаси, у алданганини сезиб турарди. Бор ҳақиқатни айтишга Лайлонинг кучи етмасди. Азизага, уни болалар ётиб ўқийдиган мактабга беришлари, у ерда едриб-ичиришлари, кийим-бош билан таъминлашлари айтилган эди. Икки кундан бери Азиза Марямга фақат бир хил саволларни беради: ўқувчилар бошқа-бошқа хоналарда ётишадими ёки биргами? У ерда болалар билан дўстлашса бўладими? Ўқитувчилар қаттиқўл, уришқоқ эмасми?

Лекин битта савонни у ҳаммасидан кўпроқ берарди: мен у ерда қачонгача бўламан?

Улар казармага ўхшаб кетадиган бир қаватли бинодан анча берида тўхташди.

– Биз сизларни шу ерда Залмай билан кутиб ўтирамиз, – деди Рашид. – Айтганча, бир нарса эсимдан чиқай дебди.

У чүнтагидан бир дона сақыч чиқариб, қизи билан ажрашишни истамаётган отанинг куюнчаклиги ва ҳотамтойлиги билан қизчага узатди.

– Катта раҳмат, – деди Азиза мулойимлик билан. Лайлонинг юраги эзилди, кўзларида ёш ҳалқаланди. Бу митти вужуд бунча самимият, бунча нафосатни қаердан оларкин? Оҳ, бугун кечқурун у ойисининг елкасига бош кўйиб ухламайди, унинг илиқ нафаси бу оқшом Лайлонинг бағрини иситмайди. Ахир бунга чидаш мумкинми?

Залмай отасининг қўлидан юлқиниб, «Зиза, Зиза!» деганча бақириб қолди. Яхшиям кўчанинг нариги тарафидан елкасида маймуни билан бир масхарабоз ўтиб қолдию, боланинг хаёли бўлинди.

Лайло, Марям ва Азиза учовлон олдинга қараб кетишиди. Етимлар уйининг деворлари ўқдан илма-тешик бўлиб кетган, том ўтириб қолган, айрим дераза ойналари ўрнига ёғоч қоқилган, дарча ортидан аргимчоқдарнинг гичирлаши эшитиларди. Дарча олдида Лайло қизини яна бир карпа имтиҳон қилиб кўрди.

– Агар отанг қаерда деб сўрашса, нима дейсан?

– Мужоҳидлар ўлдириб кетишган, дейман, – деди қизча доналаб.

– Тўғри, демак, ҳаммасини эслаб қолгансан?

– Ҳа, бу ер маҳсус мактаб-ку, – деди Азиза дарчадан ичкарига киришгач. Азизанинг лаблари йиғи олдидан буришиб турса-да, ўзини қўлга олди. – Агар ростини айтсан, мени бу ерга қабул қилишмайди-да!

– Мен сендан тез-тез хабар олиб тураман, – деди Лайло зўриқиб. – Ваъда бераман.

– Мен ҳам, – деди Марям. – Биз сенинг олдинг-га ҳар-ҳар замонда келиб туралыз. Азизажо, ҳар доимгидек сен билан үйнаймиз. Отанғ иш топиши билан сени бу ердан олиб кетамиз.

– Бу ерда қорнинг түқ бўлади, – деди Лайло йифламоқдан бери бўлиб. – Бу ерда оч қолмайсан. Уларда гуруч ҳам, нон ҳам, сув ҳам, ҳатто мевалар ҳам бор.

– Лекин сиз узоқда бўласиз, ойи. Марям холам ҳам.

– Айтдим-ку, хабар олиб тураман, деб. Ҳар куни. Менга қарагин-чи! Мен сенинг ойингман. Ҳар қандай вазиятда ҳам сендан хабар олиб тураман.

Етимхонанинг раҳбари хиёл букчайган, ягриндор одам бўлиб, бошига қора дўппи қўндириб олган, оламга дарз кетган қўзойнаклари оша боқарди. Унинг исми Замон экан.

Хонасига келгунича у аёлдан ўзининг ва қизининг исмини, ёшини суриштириб келди. Ним-қоронги йўлакда ялангоёқ болалар югуриб юришарди. Кўпчилигининг бошлари қиртишлаб олинган эди. Атрофдан хўжалик совуни, крахмал ва најас ҳидлари қоришиб, қўнгилни оздиргудек бўларди.

Лайло қизига ачина бошлади. Азизанинг эса кўзларидан ёш оқарди.

Деразадан ўт-алаф босган ҳовли саҳнида эски, ғичирлоқ аргимчоқдар, автомобил покришкалари, қийшайиб турган баскетбол савати ва дами чиққан копток кўзга ташланади. Улар бирорта мебели йўқ хоналарнинг қия очиқ эшиклари ёнидан ўтиб боришаркан, бир бола ўрмалаб келиб, Азизанинг қўлига ёпишиб олди. Пол супураётган фаррош супургисини четга қўйди-да, боланинг қўлидан тортқилиб, хонасига опкириб кетди.

Замон болаларга жуда юмшоқ муюмала қиласди. Бирорининг елкасини қоқар, бошқасининг бошини силар, яна биттасига бирор илиқ гап айтиб ўтарди. Болалар ҳам уни жуда ёқтиришаркан. Замон ниҳоят меҳмонларни ўз хонасига бошлиб кирди. Хонанинг бор-йўқ амлоки алми-соқдан қолган, қофозларга тўла стол билан учта қийшайма стулдан иборат эди.

– Гапиришингиздан ҳиротликка ўхшайсиз, – деди Марямга қаратса. – Амакиваччам бир пайтлар Ҳиротда яшаганди. – Унинг қарашларида оғир ҳоргинлик акс этарди, юзларида майин табассум ёйилганди. – Анчадан бери Кобулдамисиз?

– Ҳа, анчадан бери, – деди Марям ерга қараб.

– Мен қандаҳорликман. Сиз Қандаҳорда бўлганмисиз, синглим? Йўқ? У ердаги бօғ-роғларни айтмайсизми? Узуми-чи, узуми? Ҳалиям эсласам, сўлагим оқади.

Болалар эшик тирқишидан мўралай бошлашди. Замон юмшоқлик билан «кетинглар» дегандек ишора қилди.

– Мен ҳам Ҳиротни жуда яхши қўраман. Буюк алломалар, мутафаккирлар, шоибу мусавиirlар маскани. Ҳиротда «Қаерга оёқ узатсанг, бирорта шоирнинг кетига тегади» деган ҳазиломуз нақл юради.

Шу пайт Лайлонинг ёнида турган Азиза «пик» этиб йиглаб юборди. Замоннинг кўзлари юмалоқ тус олди:

– Ие, нима бўлди сенга? Кап-катта қизни йиғлашини қаранглар? Бу ерда маза қиласан, қизим! Бошида сал қийналасан, кейин кўнишиб кетасан. Қани, бир кул-чи! Баракалла! Ҳозир сени қулдириш учун нима қилсан, хўroz бўлиб қичқирсамми, эчки бўлиб маърасаммикин, деб турувдим. Вой бунинг асаллигини!

Кейин у фаррошни чақириб, Азизага қараб туришни буюрди. Қызча эса, Марямга қаттық ёпишиб олди.

– Биз гаплашиб олишимиз керак, – деди Лайло. – Мен ҳозир чиқаман, хұпми?

– Кел, бир дақиқага чиқамиз, Азизажо, – деди Марям мұлойимлик билан. – Ойинг Замон амаки билан баъзи нарсаларни гаплашиб оларкан.

Хонада ёлғиз қолишигач, Замон қыздчанинг неchanчи йилда туғилғани, қандай касаллуклар билан оғригани, отаси кимлигини сүради. Охирги саволга жавоб бераркан, Лайлонинг вужудини ғалати ҳиссиёт қамраб олди. Ахир у айттан ёлғон аслида ҳақиқаттинг үзи әди-да!

Замоннинг юзига қараб, бу гапларга ишон-яптими, йўқми, билиб бўлмасди.

– Биз бу ерда ҳар бир онанинг сўзини асл ҳақиқат сифатида қабул қиласиз, – деди Замон. – Суриштиравериб, уларни қийнамаймиз. Агар аёл эрининг ўлгани, боласини боқолмаётганини айтса, бунга ишонмай иложимиз йўқ.

Лайло йиглаб юборди. Директор ручкасини стол устига ташлади.

– Қанчалик шармандалик, – деди аламдан муштумини тишлаб. – Менга қаранг-чи?

Лайло бошини кўтарди.

– Бунда сизнинг айбингиз йўқ, синглим! Эшит-япсизми? Ҳаммасига анави ёввойилар айбдор. Мен ҳам улар туфайли пуштун эканимдан уяламан. Улар менинг халқимни шарманда қилишиди. Сиздақалар камми, синглим? Ёнимизга сизга ўxшаган аёллар жуда кўп келади, ҳаммаси боласини боқа олмаётганидан нолиди. Ахир толиблар уларга ишлашни тақиқлаб қўйишган бўлса, нима қилишсин? Шундай экан, ўзингизни айбламанг.

– Замон унга янада яқинроқ эгилди. – Мен ҳам-
масини тушунаман.

Лайло чодрасиниг бир учи билан кўз ёшини артди.

– Менинг етимхонам қай аҳволда эканини ўзингиз кўриб турибсиз, – хўрсинди Замон. – Гоҳ у етмайди, гоҳ бу. Толиблар бизга деярли ҳеч нарса бермайди. Лекин биз қўлимиздан келганича ҳаракат қиласмиш. Яратганнинг ўзи меҳрибон. У ўзи истаган бандасига беҳисоб ризқ бера олади. Азизадан кўнглингиз тўқ бўлсин. Унинг қорни тўқ, усти бут бўлади. – Замон дўстона кулимсиради. – Фақат йифламанг, синглим, қизингиз сизни кўзингизда ёш билан кўрмасин.

– Худо умрингизни узун қиласин, илойим, – йифламсиради Лайло.

Бироқ, кетар чоғда, ҳамма эҳтиёт чоралари йўққа чиқди. Лайло ҳам шундан кўрққанди. Азиза дод солиб йифлади.

Қизининг фарёди анчагача Азизанинг қулоги остида жаранглаб турди. Мунгли манзараплар кўз ўнгидан ҳалигача кетмайди. Азиза Замоннинг ингичка, қадоқ қўлларидан юлқиниб чиқишига интилиши, онасига бор қучи билан ёпишиб олгани, Замон куч билан қизчани тортиб олиб, хонага олиб киргани, Лайло додлаб юбормаслик учун бор кучини бўғзида тутиб, кўчага отилиши....

– Мен унинг ҳидини ҳис қиляпман, – деди Лайло уйга қайтгач Марямга. – Ухлаб ётганида ундан ана шундай бўй тараларди. Сизга билинмаяптими?

– Оҳ, Лайлого, – чуқур хўрсинди Марям. – Яхшиси, бўлди қил. Бу ҳақда ўйлама. Бари бир қўлимиздан бошқа иш келмасди.

Аввалига Рашид уларга – Лайло, Марям ва Залмайни етимхонагача ва у ердан қайтишда

ҳамроҳлик қилиб юрди. Ўшанды ҳам ҳар қадам қовоғини уйиб, захрини сочиб, худди катта иш қилаётган одамдек захрини сочарди.

– Мен энди қарыб қолдым. Оёқларим оғрийди. Агар сенга қўйиб берса, Лайло, мени ер билан яксон қиласан. Лекин бунга йўл қўймайман. Билиб қўй.

Ҳар гал етимхонадан икки уй берида тўхтаб, 15 дақиқадан ортиқ кутолмаслигини айтарди.

– Агар бир дақиқа кечиксаларинг ўзларинг кетасанлар.

Лайло ҳар қанча ялиниб-ёлвормасин, Рашидни фикридан қайтариб бўлмасди. Учрашув жуда оз муддат давом этарди. Марям ҳам Азизани ҳаддан ташқари соғинар, аммо бу ҳақда оғиз очмасди. Залмай-ку, ҳар куни опасини сўраб, олами бузади.

Гоҳида Азизани кўргани келишаётганда, Рашид ярим йўлда оёғи оғриётганини баҳона қилиб, изига қайтади. Гарчи унда оқсоқланиш аломатлари сезилмаса-да, бирданига нафаси қисгандек кўрсатади ўзини.

– Менинг ўпкамга нимадир бўлган, – деди у бир гал Лайлого сигарет бурқситиб. – Бугун мен боролмайман. Балки, эртага тузалиб қоларман?

Лайло ожизона фазабдан йифлаб юборишига сал қолди.

Яна бир куни Рашид энди мутлақо у билан етимхонага эргашиб бормаслигини маълум қилди. (Толиблар аёлларнинг кўчага юришида фақат маҳрамлари ҳамроҳлигида рухсат беришарди.)

– Ўзинг биласан-ку, ҳар куни иш қидириб итдек шаҳарни изғийман. Роса чарчаяпман.

– Бўлмаса бир ўзим бораман, – хитоб қилди Лайло. – Сиз мени ушлаб ўтиrolмайсиз. Эшитяпсизми? Uriб ўлдирсангиз ҳам мен Азизани ташлаб қўёлмайман.

– Билганингни қил. Лекин толибларнинг қўлига тушиб қолсанг энангни кўрсатишади.

– Мен ҳам бирга бораман, – деди Марям. Бироқ Лайло эътиroz билдириди.

– Ўйқ, сиз уйда, Залмайга қараб ўтирасиз. Кўчада учовимизни кўришса, дарров тўхтатишади.

Энди Лайло қандай бўлмасин, қизидан ҳеч кимга сездирмай хабар олиб келиш ҳақида ўйларди. Қанийди иложи бўлса? Кўчани кесиб ўтишинг билан толиблар йўлингни тўсишади: «Оting нима? Қаёққа кетяпсан? Нега бир ўзинг юрибсан? Эринг қани? Қани, дарров изингга қайт!» Агар дўқ-пўписа ёки бир-иккита тепки билан қутулиб қолсанг-ку, хўп-хўп, айрим ҳолларда гаврон, мушт ёки қамчиларни ҳам ишга солишади.

Бир марта ёшгина толиб Лайлони радиопримник антеннаси билан роса савалади:

– Яна бир марта қўлимга тушадиган бўлсанг, она сутинг оғзингдан келгунича калтаклайман.

Лайло бир неча кун елкасини ерга беролмади. Марям малҳам қўйиб боғлаганидан кейин сал оғрифи босилди. Бироқ, Лайло дарҳол тақдирга тан бера қолмади. Агар олдидан толиблар чиқиб, орқага қайтаришса, уйга кетган киши бўлиб, изига қайтади-да, бошқа кўча билан яна етимхонага йўл олади. Уни икки-уч марта қўлга олиб, сўроқ қилган пайтлари ҳам, кунда икки-уч калтакланган пайти ҳам бўлди. Аммо Лайло бари бир ўжарлигича қолди. Калтак ўтмаслиги учун куннинг иссиғида ҳам икки-уч қават кийиниб оладиган бўлди.

Бир азобнинг бир роҳати ҳам бор. Толибларнинг таъқибидан омон қолса бўлди, Азиззанинг ёнида бир неча соат қолиб кетиши мумкин. Одатда, она-бала ҳовлида, аргимчоқлар панасида ўтирганча мириқиб сұхбатлашишарди. Азиза охирги пайтларда нималар ўрганганини

айтиб берарди. Маълум бўлишича, Замон амаки уларга ҳар куни дарс ўтар, асосан ўқишишни ўргатаркан. Гоҳ-гоҳида география, табиатшунослик, яна қайсиdir фанлардан ҳам билганларини ўқитаркан.

Кунларнинг бирида Лайлод уч нафар боланинг олдида турган, юзлари очик, ўрта ёшлардаги аёлни кўриб қолди. Лайлод уни дарҳол таниди: тўғри қалин қошлари, соchlари оқарибди, ияги ҳам осилиб қолибди, аммо бари бир Лайлод бир пайтлар мактабда қиз болаларни юзларини очиб юришга мажбуrlаган муаллима – Бўёқчи холани таниди. Ҳа, бир пайтлар шу аёл зўр бериб шўравийлар тузумини ёқлар, аёллар тенглиги ҳақида жўшқин маърузалар ўқирди.

Бўёқчи хола унга диққат билан тикилиб турган аёлга бир қараб қўйди, аммо танимади. Балки танимаганга олгандир?

– Ер пўстлоғида тирқишилар бўлади, – берилиб онасига тушунтира бошлади Азиза. – Уларни ёриқлар деб аташади.

2001 йилнинг саратони. Жазира маʼнанинг саралари. Залмай, Марям ва Азиза етимхонанинг орқа ҳовлисисида ўтиришарди. Бугун Худо ёрлақаб, уларни Рашид кузатиб келди. Айни дамда уларни автобус бекатида кутиб ўтиради. Атрофда ялангоёқ болалар тўп тепиб юришарди.

– Бу ёриқларнинг ҳар бири тош қатламлари устидан ўтади. Ана шундай қатламлардан ернинг пўстлоғи ташкил топади, – тушунтиришда давом этди Азиза.

Атрофда боласидан хабар олгани келган оналар кўп эди. Кимдир боласининг гапларига диққат билан қулоқ солар, яна кимдир қизчасининг соchlарини ўриб қўярди.

Азиза эса, ернинг ёриқларини кафтини кафтита қўйиб кўрсатиб бермоқда эди.

– Улар гектоник плиталар деб аталади.

– Тектоник, – тузаттан бўлди Лайло. Аммо гапиришга жуда қийналарди. Томоги ўт бўлиб ёнар, оғзидаги яра ҳам қаттиқ азоб берарди. Икки кун илгари бир тишини Рашид уриб синдерди. Отаонаси тириклик пайтида бунаقا азобларга чидаш мумкинлигини у хаёлига ҳам келтира олмасди.

– Агар бу плиталар бир-бирига тўқнашиб кетса, катта энергия пайдо бўлади ва ернинг сиртига чиқади, натижада зилзила содир бўлади.

– Вой, бунинг ақдлилигини, – эркалаб қўйди Марям. – Мен тентак холангдан минг карра кўпроқ нарсани биласан, а?

Азизанинг юzlари лов қизаради:

– Сиз ҳечам тентак эмассиз, Марям хола.

Ўтган сафар у осмоннинг мовий кўринишига сабабчи бўладиган атмосферадаги кислород атомлари ҳақида гапириб берганди.

– Агар атмосфера қатлами бўлмаганида, осмон бизга қоп-қора бўлиб қолар, қуёш эса, зулматда нур сочаётган каттакон юлдуз бўлиб кўринарди.

– Азиза бугун биз билан уйга борадими? – қизиқди Залмай.

– Бугунмас, – деди Лайло. – Яна озгина кут.

Залмай худди отасидек одимлаб аргимчоқлар тарафга кетди.

– Биласизми, ойи, барглар таркибидаги сув иссиқда буғланади, худди торга ёйилган ҳўл кийимлар қурийди-ку, ана шундай. Дарахтнинг илдизлари ер қатламидан сувни сўриб танага узатади. Танадан шохларга, шохлардан баргларга ўтади.

Қизиқ, агар Замон амаки болаларга нималарни ўргатаётганини билиб қолишса, толиблар унинг бошига не кунларни солишаркин?

Азизанинг гапириши, ўзини тутиши ҳам ўзгариб қолибди. Бир қараса бетиним бидиллайди,

овози ҳам қандайдир жарангдор. Кулгиси ҳам сал бошқачароқ. Итоатта, тобеликка мойилроқ...

Танаффус пайтлари агар Азизанинг тирноқларига лой ёпишиб қолган бўлса, дарров ойисидан бекитишга уринарди. Атрофдаги тенгдошлиридан бирортаси йиглаб қолса ёки кичкина бола оёқ остида ўралашиб қолгудек бўлса, худди уй бекаларидан уларни тартибга чақириб, дакки ҳам берарди.

Саволларга ҳам бир оз ноаниқ, аммо имкони борча қувноқ оҳангда жавоб қайтарарди.

– Ҳаммаси жойида, хола, хавотир олманг.
– Бошқа болалар сени хафа қилмаяптими?
– Йўқ, ойи, улар ҳаммаси яхши болалар.
– Овқатни вақтида еб турибсанми? Ухлаш-чи?
– Уйқу ҳам, овқат ҳам жойида. Биз кеча қўй гўшти едик. Йўқ, кечамас, ўтган ҳафтада эди адашмасам.

Лайло ана шундай мужмал жавоблар берадиганида Лайло уни нимагадир Марямга ўхшатарди.

Яна Азиза бир оз дудуқланалётганини ҳам Лайло дарров сезди. Йўқ, буни аввал Марям пайқади. У асосан «т» ҳарфини айтадиганида бир оз тутилиб қоларди. Лайло бу ҳақда Замонга айтганида у ҳам елка қисиб қўя қолди:

– Балки аввалдан шунақадир, сезмагандирсиз?
Мана, улар Азиза билан бирга етимхонадан чиқиб боришарди. Замон амакидан бир-икки кунга рухсат сўрашди. Рашид уларни бекатда кутиб турарди. Азизани кўриши билан унинг юзлари тиришса-да, буни сездирмасликка уринди.

– Тезроқ юрларинг, – тўнғиллади Рашид. – Иккни соатдан кейин ишда бўлишим керак.

У яқиндагина «Интерконтинентал» меҳмонхонасига ишга жойлашди. Ҳафтада олти кун, қундузи

12 дан саккизгача ишлайди. Рашиднинг вазифаси машаналарни кутиб олиш, юхонани бўшатиш, ифлос изларни артишдан иборат. Баъзи кунлари ресторон ошпази қолган-қутган овқатларни Рашидга бериб юборади. Рашид агар қўпроқ пул жамғара олишса, Азизани яна уйга қайтаришга ваъда берди.

Рашид тўқ қизил рангли маҳсус либос кийиб олган, бўйнига резинали бўйинбоғ тақдан, фуржкаси остидан оппоқ соchlари кўриниб туарди. Бу либосда Рашид шу қадар содда, шунчалик беозор кўринардики, унинг ҳатто чумолига ҳам озор беришига ишониб бўлмасди.

Мана, улар автобусда «Титаник – бозор» деб ном олган, дарё ўзанидаги бозорга етиб келишиди. Кўприк тўсинида эса, қулоқлари кесиб олинган ялангоёқ эркакнинг жасади оҳиста чайқалади. Бозор эса ари уясидек фувиллайди. Сигарет-фурушлар ўз матоҳини, тиланчилар эса, садақа ундириш илинжида дўхтирдан ундирган сохта рецептни ўткинчиларнинг тумшуғига суқади. Тилининг тагига бир кафт нос ташлаб олган толиблар эса, қамчиларини қарсиллатиб, ҳамма ёқни кўздан кечириб юришади. Бирор аёл қаттиқроқ бақирса, кулса, юзини очса, тамом, елкасига қамчи тушади.

Ўйинчоқлар растасида Залмай тўқ сариқ рангли коптокни танлади.

– Сенга нима олиб берай? – сўради Рашид ўзини валломат кўрсатишга тиришиб.

Азиза ғалати автомат – ўйинчоқса қизиқиб қолди. Унинг тирқишига танга ташласанг, оғзидан думалоқ сақич отилиб чиқади. Кейин пастки қопқоғини очсанг, танга яна қўлингда бўлади.

Нархини эшитиб, Рашиднинг қошлари чимирилди. Анча савдолашувдан сўнг копток Залмайда қолди.

– Қани, сен жойига қўй, – бақирди Азизага. – Пулимиз етмас экан.

Азиза ҳар гал етимхонага қайтаётганида, қо-воқлари осилиб кетар, ҳеч ким билан гаплашгиси келмасди. Ҳа, айрилиқ дамлари ана шундай но-хуш вазиятда кечарди. Энди Лайло имкон қадар вазиятни юмшатишга тиришар, асабий жилма-яр, қувноқ оҳангда гапиришга уринарди. Унинг сўзи тугаб қолса, Марям ёрдамга келарди.

Мана, ниҳоят хайрлашув онлари. Рашид автобусга ўтириб, ишга жўнайди. Азиза етимхона деворлари ортида қўл силкиганча қолаверади. Азизанинг тутила-тутила гапириши Лайлонинг хаёлидан кетмайди. Ўшандада у тектоник плиталар ҳақида нима деганди?

Агар улар бир-бирига тўқнашиб кетса, катта энергия пайдо бўлади ва ернинг сиртига чиқади, натижада зилзила содир бўлади.

– Қани, йўқол бу ердан!

Лайло Залмайнинг бақирифидан сергак тортди.

– Жим, – уни тинчлантиришга уринди Марям.

– Сен кимни ҳайдаяпсан?

– Ана, анув одамни!

Уларнинг дарчаси ёнида бир эркак улардан кўз узмай қараб турарди. У ниҳоят девордан ел-касини айриб, уларнинг истиқболи тараф одимлади. Қўлларини икки тарафга ўйди.

Лайло турган ерида қотиб қолганди. Фақат бўғзида нимадир лиқиллаб турганини пайқади. Оёқлари бир-бирига чалкаша бошлади. Марямга суюнмоқчи бўлди. Бироқ, қани у? Йўқ, қимиirlamasligi лозим. Ҳатто нафас ҳам олиб бўлмайди. Киприк қоқиши ҳам мумкин эмас. Бўлмаса, қаршисидаги мана бу сурат ғойиб бўлади. Эриб, йўқлик қаърига сингади.

Лайло тош қотганча Тариққа тикилиб турарди. Нафас олишга ҳам күркәрди. Ҳатто уни ўз қараашларидан ҳам қизғанарди гүё.

Орадан абадиятга тенг сониялар ўтди. Лайло күзларини қаттиқ юмиб очди. Мана, Тариқ, у ҳамон жойида турибди.

Лайло эҳтиёткорлик билан олдинга бир қадам босди, кейин яна бир қадам... Кейин эса унинг истиқболи томон югуриб кетди.

ҮН ЕТТИНЧИ БОБ

Марямнинг хонасида Залмай инжиқлик қилишни бошлади. Аввал то Марядан дакки эшитмагунча коптогини деворга уриб ўйнади. Гап эшитгач, фингшиб хархаша қилди. Кейин эса, Марям билан келишиб олишди чоги, «тез ёрдам» ўйинчоқ машинасини бир-бирларига томон ҳайдай бошлашди.

Залмай боя Тариқнинг ёнидан коптогини бағрига босганча, бошмалдоғини сўриб (ўта дарғазаблик белгиси) ўтди. Шу аснода Тариққа кибр билан қараб қўйди.

– Бу одам ким ўзи? – дея қайта-қайта сўрарди у Марядан. – Ёмон одамга ўхшаяпти у.

Марям «бу одам»нинг ойиси билан бирга катта бўлганини энди тушунтира бошлаганди, Залмай эшитишни ҳам истамади. Машинасини у ёқдан бў ёққа асабий юргизаркан, энди коптогини то-пиб беришни сўради.

– Қани коптогим? Қаерга яширдингиз дадам олиб берган коптогимни? Қани, қани, қани? – унинг овози тобора таҳдидли тус ола бошлади.

– Ҳозир шу ерда эди, – уни тинчлантиришга уринди Марям.

– Йўқ, у йўқолиб қолган, – бақиришга тушди Залмай. – Қани коптогим? Топинг!

– Мана, – Марям шкафнинг тагидан коптокни олиб узатди.

– Йўқ, бумас, у бошқачайди, – ер тепинди Залмай. – Ўзимники қани? Ўзимнинг коптогим! Қани, қани, қани?

Шу пайт Лайло кириб, ўғлининг нам ёноқларини артди, жингалак соchlарини силади, қулоғига нималарнидир оҳиста пичирлади. Марям хонадан чиқиб, зина оддида тўхтади. Юқоридан Тариқнинг, полда ўтирган Тариқнинг мoshранг шалвари остидан узун-узун икки оёғи (бири ҳақиқий, бири протез) кўриниб турарди. Меҳмонхонада ҳатто гилам ҳам йўқ, қандай уят!

Шошма! «Интерконтинентал» меҳмонхонасига Ҳиротга қўнғироқ қилиш учун боришганда, эрини илиқ кутиб олган эшик оғаси Марямнинг кўзига иссиқ кўринганди. Уни аввал қаерда кўрганини энди эслади. Фақат ўшандада унинг бошида дўгпи, кўзида қора кўзойнак таққан эди. Шунинг учун бирданига уни танимаган бўлса керак. Ҳа, ахир орадан нақ ўн йил ўтиб кетди. Ўшандада у Марядан сув олиб чиқишини сўраган, пешма-пеш юзларидан оқаётган терни артганди.

Ўшандада у дорини шунчаки, хўжакўрсинга ичган экан-да! У шунча воқеани бу қадар аниқ тафсилотлар билан ўйлаб чиқарганига ишониш қийин. Рашид Абдул Шариф исмли (балки умуман оти ўчкур бошқачадир) бу кимсага Тариқнинг ўлимни ҳақидаги ёлғон маълумотни Лайлого етказгани учун қанча тўлади экан?

ҮН САККИЗИНЧИ БОБ

– Мен бир йигит билан битта камерада ўтиргандим, – дея ҳикоя қиласарди Тариқ. – Унинг амакиваччаси фламинго расмини чизишни ўлгудек ёқтиаркан. Шу боис, бутун-бутун албомларни ана шу қушнинг тасвири билан тўлдириб ташлабди. Ушбу сувратларда қушларнинг сув ичида турганча ботаётган офтоб нурларида тобланиши акс этган экан.

– Фламинго дедингми? – ҳайратланиб сўради Лайлод.

Лайлод ҳам полда, девор ёнида Тариқнинг соғлом оёғидан кўз узмай ўтирар, айни дамда ич-ичидан бир ёввойи истак жўш ура бошлаган, ўзини яна ана шу йигитнинг қайноқ, кенг қучогида кўришни истар, аммо сиртдан қараганда юзида сокинликни кўриш мумкин эди.

Ҳали ҳам ишонгиси келмасди, наҳотки бу ўша Тариқ бўлса? Демак, бу арвоҳ эмас! У нариги дунёдан келгани ҳам йўқ. Демак, у тирик экан-да!

– Ҳа, – тасдиқади Тариқ. – Толиблар бу расмларни топиб олишгач, қушларнинг узун, яланғоч оёқларини кўриб, газабга минишибди. Улар рассом йигитнинг оёқларидан фаллоқча боғлаб, товонига дарра уришибди. Кейин ё суратларингта тузатиш киритасан, ё уларнинг ҳаммаси ёқиб ташлаймиз, дейишибди. Бечора рассом ҳар битта қушга иштон «кийдириб» чиқибди. Шу тариқа толибларга ёқадиган фламинголар сурати юзага келибди.

Лайлод аввал қаҳ-қаҳ отиб кулмоқчи бўлди, аммо дарҳол лаб-лунжини йифиштириди. У сарғайганин тишларидан, шишган лабларидан, эрта туша бошлаган ажинларидан уяди. Анчадан бери ювиниб-таранмаганини эслаб, ичидан фижинди. Наҳотки, Тариқка ана шу тахлит кўринса?..

– Йўқ, бары бир рассом улардан пухталик қипти. У қүшнинг иштонини акварел бўёқларда чизган экан. Толиблар кетиши билан дарров ювиб ташлабди.

Тариқ жилмайди. Шундагина Лайло унинг ҳам олд тишлари тушиб кетганини қўрди. Нимагадир худди шу аснода ўз қўлларига қаради.

– Боплапти.

Тариқ бошига пакол қўндириган, оёғига оғир этикларни илиб олган, қора жун свитери шимининг ичига тиқилган эди. Илгари у мутлақо қувноқ бола эди, ҳозиргидек хаёлчанлик билан, қўлларини қовуштириб ўтирасди. У мутлақо бошқа Тариқقا айланибди. Ахир у ҳозир нақ йигирма бешга кирган эркак-да! Бўйи ўсиб, елкалари кенгайибди, соқол қўйибди. Юзлари қанча қорайган бўлса-да, олдингидек жозибасини йўқотмабди. Қўлларини қадоқ босиб, томирлари бўртиб чиқибди, Сочлари ҳам тўкила бошлабди. Чақнаб турадиган кўзларида ҳам аввалги шиддатдан асар йўқ. Ёки хона нимқоронғи бўлганидан шунақа кўринаётганмикин?

Лайлонинг эсига Тариқнинг бошига ясамасоч кийиб, сирли жилмайиб турадиган онаси тушди. Кейин унинг отаси – ҳазилкаш, кўзлари бўртиб турган эркак кўз олдида жонланди. Лайло боя, ҳали дарчанинг ёнида туриб, кўз ёшлари билан Тариқ ва унинг ота-онаси ҳақида эшитган ҳамма гапларни айтиб берганди. Тариқ бунга жавобан фақат бош чайқади, холос. Айни пайтда Лайло аслида нима бўлганини билишни истарди.

– Ота-онам вафот этишди, – деди Тариқ фамгинлик билан.

– Узр, таъзиямни қабул қил!

– Майли, бу ҳақда гаплашмайлик, – Тариқ чўнтагидан кичикроқ тутунча чиқариб, Лайлого узатди. – Ол, бу сенга, Алёнадан.

Тугунчанинг ичида елимқоғозга ўралган бир парча пишлоқ бор эди.

– Алёна? Чиройли исм экан, – Лайл овозидаги ти- троқни сездирмасликка тиришди. – Хотинингми?

– Эчким, – у сирли кулимсиради. Шундаги- на Лайл бир пайтлар Тариқ бирга кинотеатрда томоша қилган фильмдаги капитаннинг қизини эслади. Ҳа, бу фильмни айнан шўравийлар Кобул- дан чиқиб кетган куни кўришганди. Ўшанда Та- риқ мўйнали телпакни қулогигача бостириб ки- иб олганди.

– Мен уни қозиқقا боғлаб қўйганман, атро- фини эса, бўрилардан ҳимоялаш учун ихота қилиб қўйдим. Мен яшаётган тоғ бағрида ки- чик бир ўрмонча бор. У ерда арча, қайин, қа- рағайлар ўсади.

– Қайси тоғда турасан?

– Покистоннинг Пир Панжол деган жойида. Мен яшайдиган шаҳарча Мури деб номланади. Исломободга яқин ердаги ёзги курортлардан бири. Яшил тепаликлар, тоғ ҳавоси, салқин ша- бада, хуллас, сайёхлар учун жаннатнинг ўзи. Бу шаҳарчани истилочилик даврида, Викториянинг ҳукмронлиги замонида иссиқдан ҳимояланиш мақсадида қуришган. Бу ерда ўша замонларда инглиз услубида қурилган чойхона, коттежлар сақланиб қолган. Бош кўча ҳам Мэлл деб ном- ланади. Бу кўчада почта, ресторан ва дўконлар ҳар доим хорижлик сайёхлар билан гавжум бўла- ди. Фақат қизифи, бу ерда ҳаракат бир тарафга қараб юрса, кейинги ҳафта қарама-қарши йўналишда юради. Маҳаллий одамларнинг айтишича, Ир- ландиянинг қаериладир шундай анъана мавжуд экан. Бирам тинч, осойишта жойки, ҳавасинг келади. Мури менга ёқади.

– Эчкинг Алёнага-чи?

Лайло атайин сүхбатга енгилроқ тус бериш учун гапни ҳазилга бурганди. Тариқ кулимсираб бош иргади.

– Сенинг ота-онанг ҳам... ҳамдардман.

– Демак, эшишибсан-да?

– Мен ўша ерда қўшнилардан эшифтандим. – Тариқ бирдан хомуш тортди. – Танишлардан деярли ҳеч ким қолмабди. Мутлақо янги одамлар.

– Ҳамма кўчиб кетган, эскилардан деярли ҳеч ким қолмаган.

– Ҳа, Кобулни таниб бўлмай қопти.

– Гарчи бу ердан чиқмаган бўлсам ҳам, ҳатто мен танимай қолдим-ку!..

... – Ойимнинг янги ўртоги келди, – дея тантанали эълон қилди Залмай Тариқ кетганидан анча ўтиб, кечки овқатни еб бўлишгач. – Эркак киши.

– Нима, нима? – бирдан жонланди Рашид, – Хўш, хўш, ким экан у?..

... – Анча пайт биз Носирбоғдаги қочоқлар лагерида яшадик. – Тариқ сигарет кулинини кулдонга чертди. – Биз борганимизда лагерда 60 минг афгон бор эди. Бахтимизга лагердаги аҳвол у қадар ёмон эмасди. Бир пайтлар ҳарбий стратегик аҳамиятга эга бўлган бу ҳудудда қазилган чуқурлару палаткалар қолган эди. Менга у ердаги ҳамма нарса жигарранг бўлиб туюлди: одамлар, палаткалар, итлар, сули бўтқаси, ҳатто мен ҳар куни тирмашиб чиқадиган баргсиз яланғоч дарахт ҳам. Тепадан қаралганда, ҳамма ёқ ҳудди чумоли инидек тўзиб ётарди. Чоллар ярасини офтобда тоблаб ўтиришибди, болалар канистр билан сув, ун ташийди, ёқиб исиниш учун ит тезакларини йиғишиади, ёғоч милтиқлар билан уруш-уруш ўйнашади. Шамол чодирлар тепасидаги брезентларни юлқиб, ахлат

қолдиқларини ҳар тарафга сочади. Осмонда варраклар парвоз қиласы.

Болалар шундоқ күз ўнгимизда жон берарди. Бирору дизентериядан, бирору силдан, яна биттаси шунчаки очликдан... Күз ўнгимда нечта болакайни тупроқقا топширишганини билмайсан, Лайлой! Бундай даҳшатни ҳатто тасаввур ҳам қилиб бўлмайди.

Тариқ бир оз жим қолиб, оёқларини қимирлатди.

– Отам ўша ерда, биринчи қишида оламдан ўтди. Уйқусида. Беозоргина жон берди. Ўша йили ўпкасини совуқ олдирган ойим ҳам отамнинг изидан кетишига сал қолди. Иситмаси чиқиб, йўтал тутганида, қон тупурарди. Лагер доктори касалларни фургон машинада қабул қиласы. Унинг олдида эса узундан-узоқ навбат кутишга тўғри келарди. Кимлардир қув-қув йўталар, яна бирору оғриқдан инграр, бошқаси қалт-қалт титрар, ҳатто иштонини булғаб қўйган bemorлар ҳам бор эди. Ана шу доктор онамга яхши қаради. Баҳорга чиқиб онам тузалиб кетди. Мен ўшандаги бир пасткашликка қўл урдим. 12 ёшли болага ҳужум қилдим. Унинг бўғзига синган шишани ўқталиб, қўлидаги адёлни тортиб олдим ва онамга келтириб бердим.

Онам тузалиб кетгач, мен ишлаб пул топишга ва Пешовардан иссиқлик тизимиға уланган, тоза сув келиб турадиган квартира сотиб олишга қарор қилдим. Хуллас, иш қидиришга тушдим. Баъзан эрталаб лагерга юк машинаси келиб турарди. Кўпинча тошлоқ далаларни тозалаш ва олма теришга бақувват йигитларни саралаб олиб кетишарди. Албатта кўпинча пул ўрнига адёл ёки бир жуфт этик беришарди. Бироқ, мени ҳеч ким

ишига олмади. Оёғимни күришлари билан дарров бошқа тарафға қараб кетишарди.

Ариқ қазиши, сомон чайла қуриш, сув ташиш, ҳожатхона тозалаш каби майда-чуйда ишлар ҳам чиқиб турарди. Аммо булар ҳам менга насиб этмасди.

Кунларнинг бирида, 1993 йилнинг кузида мен билан битта дўкондор қизиқиб қолди. Айтишича, битта палтони Лаҳорга олиб бориш керак экан. Яхши тўлайман, деб айтди. У таклиф қилган пул икки ойга квартира ижарага олиш учун етиб қоларди. У менга палтони олиши лозим бўлган дўстининг манзилини берди. Вокзалнинг олдида тураркан. Албатта, гап нимада эканини дарров фаҳмладим. Бироқ пул... бунча пулни яна қаердан топишим мумкин? Қиши эса, эшик қоқиб турибди.

Мен ҳатто автобусга чиқишига ҳам улгурмадим. Мени дарров пайқаб қолишибди. Ё кимдир сотдимикин? Полициячи палтонинг астарини сал тилганида, бутун кўча бўйлаб гашиш кукуни ёйилди.

Тариқ асабий кулимсиради. У болалигига ҳам хижолат бўлганини яшириш учун ана шундай кулимсиради...

... – У оқсаб юрарди, – чақимчиликда давом этди Залмай.

– Ҳа, ўзим ҳам шунаقا деб ўйловдим.

– У шунчаки... гулханга қараб ўтирганди, – аралашибди Марям.

– Сен юм оғзингни, – Рашид бошмалдоғини тепага қўтариб, Лайлого юзланди. – Шунақами ҳали? Лайли ва Мажнун яна топишибдими? Бир пайтлардагидек... – Унинг юзи тошдек қотиб қолганди. – Сен эса, уни уйга киритдинг. Менинг уйимга! У ўғлимни кўрдими?

– Сиз нимага мени алдадингиз? Нега ёлғон гапирдингиз? – деди Лайло тишларини фижирлатиб.

– Ҳалиги одамни сиз юборган экансиз-да. Агар унинг тириклигини билганимда сизнинг ёнингиз-да бир кун ҳам турмаган бўлардим.

– Сен-чи? Мени алдамадингми? – тутақди Рашид. – Сенингча, мен ҳеч нарсани билмайманми? Сен ва сенинг ҳаромингни айтяпман. Сен мени нақ ўйинчоққа чиқариб қўйдинг, фоҳиша!..

...Тариқнинг ҳар бир ҳикоясидан даҳшат уфуриб турарди. Лайлло ҳамма гапни ундан батағсил, ипидан игнасиғача илғаб олишни истарди. Лайлони атайнин куттириш учун бир оз жим қоларди. Лайлло эса, унинг қархисида ўтириб, ундан кўзини узмасди.

Турмада яшаб ўtkазган кунлари ҳақида Тариқ гапиришни истамади. Фақат урдучалаб гапиришни ўша ерда ўрганганини айтди. Саволларга жавобан бошини иргаб қўя қоларди. Шунинг ўзи Лайлонинг кўз ўнгида тор, кўримсиз, бетон камераларнинг намоён бўлиши учун кифоя қилди. Тариқ бу темир панжаралар ортида қанча-қанча уқубат, хўрлик ва изтиробларга дуч келмади экан?

– Мен қамалганимдан кейин ойим икки марта мени кўргани борди. Кейин у билан бошқа кўришмадик. Мен унга бир неча марта хат ёздим, жавоб келмади. Билмадим. Хат етиб бордими, йўқми, билолмадим. Айтганча, сенга ҳам бир неча марта хат ёздим.

– Менга?

– Ҳа, бутун-бутун китобларни ёзиб битирдим-ку! Ҳатто Румий оғайнинг кўрганида ҳам тан берган бўларди, – ҳазиллашди Тариқ....

...Залмай эса харҳаша қилишда давом этарди.

– Бир пайтлардагидек... – яна қайтарди Рашид. – Севишганлар! Сен албатта унга юзингни очгандирсан?

– Очди, – бидирлади Залмай. – Түгрими, ойи? Ызим күрдим...

... – Мен ўғлингта унча ёқмадим, – деди Лайло яна пастга тушган пайтда Тариқ.

– Кечирасан, у ўзи шунақа, эътибор берма!

Лайло уятдан қизарып кетди. Начора, ўғил онасини рашик қилади-да!

Отасини ҳаддан ортиқ яхши күргани учун ойисига бошқача қараган эркаклар боланинг күзига балодек күринади.

Лайло мавзуни алмаштиришга тирищди.

– Мурида анчадан бери яшайсанми?

– Яқында бир йил бўлади. Покистонда бир собиқ хоккейчи билан танишиб қолдим. Исми Салим экан. У турманинг «пахан»ларидан экан. Охирги марта полициячига пичоқ ургани учун ўн йил олган экан. Ҳар бир камерада худди Салимга ўхшаган айёр, пишиқ, ташқари билан боғланиб турадиган «паханлар» бор эди. Онамнинг офтоб уриб ўлганини ҳам у орқали эшитдим.

Менга етти йил беришганди. Ҳалиям омадим чопиб қолди. Менинг ишимни кўриб чиққан судянинг акаси афғон аёлига уйланган экан. Шунданми, у менга анча шафқат қилди. Яна ким билсин? Мен 2000 йилнинг қишида озодликка чиқдим. Салим менга акаси Сайднинг манзили ва телефонини берди. У акасининг йигирмата хонали меҳмонхонаси ва ресторани борлигини айтиб, «мен юборганимни айтсанг, у сенга ёрдам беради», деди.

Мурини бир кўришдаёқ ёқтириб қолдим. Автобусдан чиқишим билан қор босган арчаларни, ёғоч коттежларни, кувурлардан чиқаётган тутунларни кўрдим. Тоғ ҳавосидан тўйиб симирдим. Ҳамма кулфат ва мусибатлар ортда қолиб кетгандек туюлди. Худди бошқа бир дунёга тушшиб қолгандек

эдим. Саид мени қоровуллик ва бошқа юмушларни бажаришим учун олиб қолди. Бир ой синов муддати давомида ҳам яхшигина ҳақ түлади.

Шу аснода Лайло ўзича Саидни тасаввур қилиб кўрди. Мана у: қисиқ кўзли, юзлари қип-қизил, бақалоқ одам ойнадан Тариқнинг қандай қор кураётганини томоша қилиб турибди.

– Мени Адиба исмли кекса ошпаз турадиган ошхона ёнидаги кичкина қоровулхонага жойлаб қўйишиди. Мехмонхонагача пирамида кўринишидаги фавворалар, арчалар, бодомзорлар орабаб торгина сўқмоқдан бориларди.

Бир ойдан сўнг Саид менга маошимни тўлиқ берди. Бунинг устига бепул тушлик, иссиқ кийимлар ҳам. Ҳатто янги протез ҳам сотиб олиб берди. Унинг меҳрибонлигидан кўзларимга ёш келиб кетди. Биринчи маошимдан шаҳарга бориб, Алёнани сотиб олдим. Унинг жунлари шу қадар оппоқ эдик... Агар қор ёқсан тонгда уйгониб қарасанг, ҳовлида уни тополмай қоласан. Фақат қоп-қора кўзлари ва бурни кўриниб туради.

Юқорида нимадир аёвсиз гурсиллар, Залмай коптогини асабийлик билан деворга урарди.

– Мен сени ўлган деб ўйлагандим, – деди Лайло.

– Биламан. Айтдинг-ку!

Лайлонинг томоги қуриб қолди.

– Анави одам... – Лайло тутилиб қолди. – Ҳалиги, хабар келтирган одамнинг афтига қараб, уни умуман ёлғончи демасдинг-да! Мен унга ишондим. Мен бу кенг оламда танҳо қолиб кетгандим. Шунача ёмон бўлиб кетдим. Кейин... Рашидга тегишга мажбур бўлдим. Агар билганимда...

– Керакмас, – деди Тариқ юмшоқлик билан. Унинг овозида таъна оҳанги йўқ, билинмасди.

Худди ўртада бирор нохушлик юз бермагандек тутарди ўзини.

– Керак, Тариқ. Яна бир сабаб ҳам бор эди. Сен у ҳақда билмайсан ҳали. Сенга айтишим керак...

... – Сен ҳам унинг ёнида ўтириб гаплашдингми? – сўради Рашид ўғлидан?

Бола негадир жим қолди, кўзлари пирпиради.

– Ўглим, сендан сўраяпман?

Залмай оғир ютинди.

– Мен юқорида Марям холам билан ўйна-ётувдим.

– Ойинг-чи?

Залмай ўтинчли ва айбдор қиёфада Лайлого тикилди. Унинг кўзлари жиққа ёшга тўлганди.

– Бўпти, Залмай, – деди Лайло дангал. – Борини айтавер, ўглим.

– Ойим пастда ўша эркак билан гаплашиб ўтирганди, – деди у ниҳоят паст овозда.

– Тушунарли, – деди Рашид. – Яна иккита хотин тил бириткирибди-да!..

– ... Мен уни кўрмоқчиман, – деди Тариқ. – Уни ёнига боришим керак.

– Борасан, – деди Лайло. – Бирга борамиз.

– Азиза! Азиза! – жилмайганча унинг исмини такрорлади Тариқ. – Исми бунча чиройли бўлмаса?

– Сен унинг ўзини кўрганингда эди? Фирт қўғирчоқнинг ўзи!

– Сабрим чидамай кетяпти.

Қарийб ўн йил ўтди орадан. Улар торкўчада қандай учрашишган эди? Қандай ўпишишган эди? Энди эса, Лайло унинг қархисида қай аҳволда турибди? Олдинги гўзаллиги қани? Тариқ ҳозир қархисида қаримсиқ, қоқсуяқ, сўлғин, йиллар давомида бутун латофатини йўқотган бир ожизасини кўриб тургандир? Шу аснода Лайлонинг назарида ўртадаги ўн йил ўтмаган-

дек, Тариқ билан худди кечагина хайрлашгандек туюлди. Гүёки шу ўн йил ичида уруш, қирғинбарат жанглар ҳам, ёввойи толиблар ҳам, очарчилик ҳам, ўлим ҳам бўлмаган. Демак, болалар ҳам туғилмаган...

Бирданига Тариқнинг юзи тундлашди, қатъий ва шафқатсиз тус олди. Бу ифода Лайло учун таниш эди. Ҳадимнинг устига ясама оёғини ўқталиб борганида ҳам унинг юзлари ана шундай бўғриқиб кетганди. Тариқ астагина Лайлонинг қаварган лабларини ушлаб кўрди:

– Бу ўша!

Шу онда Лайлонинг тасаввурида ўша, ўз ифратини Тариқقا ҳадя этган унтилмас кун майда тафсилотлари билан жонланди. Ташна вужудлар эҳтироси, қайноқ нафаслар, ширин энтишилар...

– Сени олиб кетишим керак эди, – деди Тариқ сокин овозда.

Лайло йиглаб юбормаслик учун лабларини тишлаб, ерга қаради.

– Сен ҳозир бироннинг никоҳидаги аёлсан, онасан. Сенинг қаршингда эса мен турибман. Ўтган йиллар ичида нималар юз бермади? Балки мен келиб нотўғри қилгандирман? Аммо, бошқача йўл тутолмасдим. Қанийди, Лайло, мен ҳеч қаерга кетмасдан ёнингда ўтирган бўлсам...

– Бўлди, етар, – ингранди Лайло.

– Мен бошимга қилич келса ҳам, айтганимда туриб олишим керак эди. Имконият борида сенга уйлансам бўларкан. Шунда ҳаммаси бошқача бўларди.

Тариқ унга томон яна бир қадам юрмоқчи эди, аммо жойида қотди:

– Ўзимни ҳам, сени ҳам қийнагим йўқ! Ҳаётингни бузиб нима қиласман? Агар кетишим сенга маъқулроқ бўлса, айт, мени қайтиб кўрмай-

сан. Яна Покистонга кетаман. Сен учун ортиқча ташвиш туғдиришни истамайман. Фақат, айтсанг бўлди.

– Йўқ, – Лайло аввал Тариқнинг кўлидан тутди, кейин негадир қўйиб юборди. – Керакмас, кетма! Илтимос қиласман. Қол.

Тариқ хўрсениб бош иргади.

– У кундузи ўн иккидан саккизгача ишлайди. Эртага кундузи кел. Сени Азизанинг оддига олиб бораман.

– Мен ундан қўрқмайман, биласан-ку!

– Биламан, эртага келасан-а?

– Хўш, кейин-чи?

– Кейин... Ўйлаб кўришим керак. Нима бўлганда ҳам...

– Ҳа, тушунаман. Ҳаммаси учун кечир мени. Оддингда гуноҳкорман.

– Қайси гуноҳингни кечиришим керак? Келаман дегандинг, мана, келдинг-ку!

– Сени кўрганимдан хурсандман, – деди Тариқ.

Титраганча унинг изларидан термилиб қолди. Жилд-жилд хат ёзганман, дедими? Лайлони баттар қалтироқ тутди. Юрагига чексиз андуҳ чўкканини ҳис этди. Атрофини қоплаган зулмат хиёл тарқалгандек бўлди.

Хирагина умид шуғаси ана шу бўлса керак.

ЎН ТЎҚҚИЗИНЧИ БОБ

– Мен юқорида Марям холам билан ўйнаётувдим.

– Ойинг-чи?

– Ойим пастда ўша эркак билан гаплашиб ўтирганди.

– Тушунарли, – деди Рашид. – Яна иккита хотин тил бириктирибди-да!..

Негадир унинг юз чизгилари мулойимлаши. Пешонасидаги ажинлар текисланди. Шубча ва ишончсизлик аломатлари ҳам қаёкқадир йүқолди. Рашид хотиржамлик билан уларнинг рўпарасига ўтириб олди. Унинг кўриниши кучли тўфон пайтида қандай йўл тутиш ҳақида қатъий қарорга келган кема дарғасини эслатарди.

У қарор қабул қилганди.

Марям нимадир демоқчи бўлганида, унга қўли билан имо қилди.

– Энди кеч, Марям! – Кейин эса, Залмайга соvuққонлик билан амр этди. – Сен тепага чиқ, ўғлим!

Залмайнинг юзларида даҳшат аксланаарди. У кўзларини катта-катта очганча ҳаммага бир-бир қараб чиқди. Ўйламай-нетмай гапирган гапи қандай оқибатларга олиб келганини, чамаси, англагандек эди.

Энди нима бўлади?

– Тезроқ! – бақирди Рашид.

У ўғлининг тирсагидан тутиб, тор зина томонга судраб кетди. Залмай қаршилик кўрсатмади.

Марям билан Лайло жим туришарди. Улар Рашиднинг нуқтаи назарини билмоқчи бўлгандек бир-бирига савол назари билан боқарди.

– Мен у ёқда меҳмонларга эшик очиб, жомадонларини ташиб юрган пайтимда, ўз уйимда шунаقا шармандали ишлар бўлаётган экан-да? Яна ўғлимнинг кўз ўнгида! – деди зинапоялардан кўтарилаётган Рашид ўзига ўзи гапириб.

Жимликни юқори қаватдан келаётган оғир ва зулмкор қадам товушлари бузиб турарди. Кейин эшикнинг қарсилаб ёпилгани ва калитнинг фижирлаб буралгани эшитилди. Яна оғир қадамлар зиналардан пастлай бошлади.

Рашид пастга тушгач, бир қўли билан калитни чўнтағига жойларкан, иккинчи қўлида камари ни қисмлаб олган, тўқаси ерга тегиб турарди.

Марям унинг оёғи остига ўзини отган эди, хонанинг бир четига бориб тушди. Камар визиллағанча ҳавони кесиб тушди. Лайло қимиirlашга ҳам улгурмади. Зарб қоқ пешонасига келиб тушди. Аввалига кафтини чеккасига босди, кейин бир қонга беланган кафтига, бир Рашидга анграйиб қаради. Бирданига таажжубнинг ўрнини нафрат эгаллади.

Рашид камарни иккинчи бора силтаганида, Лайло чаққонлик қилиб, тўқасидан тутиб қолди. Аммо, эри куч билан камарни тортиб олди. Камар яна бир зувиллади. Бу гал Лайло чап беришга улгурди. Рашидга томон сапчиб, унинг қулогига чанг солди. Рашид эса, сўкинганча, Лайлони бир четга итқитиб ташлади. Аммо, қочишнинг имкони йўқ эди. Рашид Лайлони деворга қисиб, камарнинг тўқаси билан аямай савалашга тушди. Камар тўқаси қип-қизил қонга беланди.

Зарбалар аёлнинг кўкрагига, юзига, қўлларига, елкаларига келиб тушарди. Марям зарбаларнинг ҳам, ўзининг самараасиз илтижоларининг ҳам санофини йўқотиб қўйди. Камар ҳамон силтанарди. Тартибсиз зарбалар, тепкилар, муштлар унинг кўз ўнгига чирпирак бўлиб айланарди. Шу чоқ кимнингдир тирноқлари Рашиднинг бўғзини, пешонасини, юзларини тимдалаётганини пайқади.

– Сенинг адабингни мен бераман энди, мен! –
Марям ҳатто ўз овозини ўзи танимади.

Рашид Лайлони чангалидан бўшатди ва унга ўгирилди. Аввалига у Марямни кўрмади, кўзлари қисилиб, қарashi янада қаҳрли, қасоскор тус олди. Шу онда Марямнинг кўз олдида тўй маросими жонланди. Ўшанда уларнинг нигоҳлари илк бора кўзгу сатҳида тўқнашганди. Норасида келиннинг кўзлари ўшанда шафқат, илтифот тилаб мўлтирас, эркакнинг қатъий нигоҳларида эса, бефарқлик ва лоқайдлик акс этарди.

Мана ўша нигоҳлар. Бу гал ваҳшат ва қабоҳат чақнамоқда бу кўзларда. Нега?

Марям ёмон хотин бўлдими? Хиёнат қилдими? Қадрига етмадими? Уйини саранжом тутмадими? Об-овқатини вақтида едирмадими? У эрининг олдида қандай гуноҳга қўл урди? Нима сабабдан бу эр уни бутун умр азоблаб келди? Ахир шу одамга ёшлигини, бутун ҳаётини қурбон қилмадими?

Камар ерга тушиб кетди. Тушунарли. Энди қўллари билан ишга киришади чамаси.

Лайло чаққонлик билан полдан ниманидир олди. Унинг қўлларида синган стаканнинг қиррадор парчаси ярақлаб турарди. Бир сониядан сўнг Рашиднинг бўғзидан қон тирқираб, кўйлагини қизилга бўяй бошлади. Рашид шердек ўкириб, Лайлого ташланди. У ерга қулади. Бир зумда эр унинг устига чиқиб, бўғзига чанг солди. Лайло хириллашга тушди. Марям унинг елкасига канадек ёпишганча ажратишга тиришди. Кейин эрининг панжаларини ёзишга уринди, қўлларидан тишлади. Фойдасиз. У Лайлонинг бўғзини янада кучлироқ сиқарди.

«Ҳозир бўғиб ўлдиради, – ўйлади Марям. – Унга кучимиз етмайди. Бошқа чора йўқ!»

Хонадан отилиб чиқди. Залмай тепадаги хонанинг эшигини тинимсиз муштларди. Белкурак омборхона деворига суюб қўйилганди. Рашид Марямнинг қайтиб кирганини билмай қолди.

Лайлонинг юзлари кўкариб кетган, кўзлари косасидан чиқа бошлаганди. Ҳатто қаршилик қўрсатишга ҳам мажоли қолмабди шўрликнинг. Йигирма етти йил ичида Рашид Марямнинг нималарини тортиб олмади? Энди Лайлодан ҳам айирмоқчи!

Марям белкуракни азот кўтарди.

– Рашид!

Рашид ўғирилиб қаради. Худди шу лаҳзада белкуракнинг ўткир тифи унинг чаккасидан ёриб кирди. Панжаларини кенг ёйиб қонга белангандын бөшини чанглладио, ёнбошига гурсиллаң ағанади. Энди унинг юзида на ғазаб, на қабоҳат асари қолғанди.

«У қасос мұддати етганини тушундимикин? – деган чаққон ўй тилиб ўтди Марямнинг тафаккурини. – Балки сүнгги дамда виждони үйғонғандир».

Марям умрида илк бор... илк бор эрининг күзларига тик ва дадил боқди. Унинг күзларидан вахшиёна адсоват учқунларини күрди. Лаблари ҳам қаҳр-ғазаб билан қийшшая бошлабди.

«Агар ҳозир тинчитмасам, түппончасини олади-да, мен ҳам, Лайлони ҳам отиб ташлайди».

Марям бор кучини ишга солиб, белкурак билан иккинчи бор эрининг бошига туширди.

Бадбаҳт бир умрнинг интиҳоси учун ана шу зарба кифоя қилди.

ЙИГИРМАНЧИ БОБ

Лайлонинг тепасида иржайған тишлар, олай-ған күзлар муаллақ осилиб қолғанди. Тамаки исидан нафаси қайтгудек бўлди. Марям ҳам шу атрофда юрибди, чамаси. Тепада фақатгина катта-кичик доғлар ва ёриқларга тўла шифт кўринади. Назаридаги тўртбурчак шифт ундан тобора узоқлашиб, почта маркасилик кичрайиб борарди. Қаердандир, олислардан тушунарсиз овозлар эшитилди. Лайлонинг ўғли ва қизи унинг тепасида чуғурлашиб, парвона бўлишляпти, чоғи. Ёки бу тушимикин?

Лайло ўзини ҳам худди ҳавода учиб юргандек ҳис қилди. Яна шифтга тикилди. Шифтдаги узун ёриқ худди қандайдир ваҳший махлуқнинг тиржайған жағини эслатади.

Кимдир Лайлони қимиirlатиб кўрди:

– Тирикмисан? Ўзингга кеп қолдингми? – деган таҳдикали, таниш овоз эштилди. Лайло тепасида эгилиб турган Марямни аранг таниди. Унинг пешонасидағи ҳар бир ажин аниқ-тиниқ қўриниб туради. Лайло нафас олишга уринди. Томоги ўт бўлиб ёнарди. Яна бир тиришиб кўрди. Бўғзидағи аланга яна-да кучайгандек бўлди. Аввал хириллади, кейин йўталди. Нафас олиш қанчалик қийинлигини айни дамда англаб етди. Соғ қулоғининг тагида нимадир асабий чийиллади.

Бор кучини тўплаб ўрнидан турди. Ерда ҳаракатсиз, чалқанча ётган Рашидни қўрди. Унинг оғзи қийшайганча очиқ қолган, бўйнидан қон ирмоқ бўлиб оқиб тураг, иштони жиққа ивиган эди. Пешонасига нима қилди экан? Белкурак нега бу ерда турибди? Лайло чуқур уҳ тортди.

– Э, Худо, – деди овози титраб. – Марям опа, нима бўлди ўзи?

Марям жасаднинг устида жим қараб туради. Лайлонинг баданида титроқ турди. У нималарни дир гапиравар, иложи борича мурдага, унинг чала очиқ оғзига ва сўник кўзларига қарамасликка тиришарди.

– Ўтири, Лайложон, – деди ниҳоят Марям. Лайло унга итоат этди. – Манавини ҳовлига чиқариб қўйишимиз керак. Залмай отасининг жасадини кўрмасин.

Марям Рашиднинг чўнтағидан ётоқхона калитини олди. Биргалашиб, ўликни чойшабга ўрашди. Лайло унинг оёғидан, Марям қўлтиғи остидан кўтаришди. Жасад оғирлик қилди шекилли, судрай бошлишди. Остонага етганда Рашиднинг оёғи эшик кесакисига илинди ва хотинларнинг қўлидан ерга тушди. Кейинги уриниш ҳам бехуда кетди. Тепада нимадир ерга гурсиллаб туш-

гани эшитилди. Лайлонинг оёғи остидан ер силжиб, беҳол ўтириб қолди ва хұнграб юборди.

– Ўзингни қўлга ол, – деди Марям. – Ўтган ишга салавот.

Бир оз ўтиб, Лайло ўрнидан турди. Юзларини артди. Иккови ўликни ҳовлига опчиқиши. Омборхона олдидаги мих, болға, арра ва ва бир бўлак думалоқ ёғоч турган қути ёнига ётқизиб қўйиши. Куни кеча Рашид бу ёғочдан Залмайга қанақадир ўйинчоқ ясад бермоқчи бўлганди. Насиб қилмаган экан.

Кейин уйга қайтиши. Марям қўлларини ювиб, соchlарини тартибга келтирди.

– Кел, энди сенинг яраларингни боғлаймиз, Лайложо! – Кейин эса қўшиб қўйди. – Ўйлаб кўриш учун менга вақт керак. Албатта чиқиш йўли бўлиши керак, мен уни топаман.

– Қочамиз, бу ерда қолишимиз мумкин эмас, – деди Лайло ҳамон овози титраб. Шу пайт қулоги остига Рашиднинг қоқ миясига санчилган белкурак овози эшитилди, – демак ўша пайтда ҳуши жойида экан, – негадир кўнгли ағдарилгудек бўлди.

Марям Лайлонинг енгиллашиб олишини кутди, кейин бошини тиззасига қўйиб, соchlарини силади.

– Ҳаммамиз кетамиз, жоним, – деди Марям кўзини бир нуқтага қадаб. – Мен, сен, Тариқ, болалар. Биз бу бехосият уйдан, бу тошбагир шаҳардан, бу бадбаҳт мамлакатдан кетамиз. Узоқ-узоқларга! Ҳеч кимнинг қўли етмайдиган жойга. Янгидан ҳаёт бошлаймиз. Чекка бир овлоқдан, ям-яшил дараҳтлар панасида қурилган кичкина уйча сотиб оламиз. Олдидан катта анҳор ҳам оқиб ўтади. Бу уйчага торгина сўқмоқлар бўйлаб борилади. Болаларимиз тизза бўйи келадиган ўтлар ичида ўйнашади, қамишлар ўсиб турган, гулмоҳилар сузиб юрадиган анҳорда чўмилишади. Ўзимизнинг қўйларимиз,

товуқларимиз бўлади. Сен билан бирга нон пиширамиз, болаларни ўқитамиз. Ҳамма гуноҳларимиз ҳам ортда қолади, бизга ҳеч ким халал бермайди, биз ҳам ўз билганимизча тинч, хотиржам ва баҳтили яшаймиз. Нима, биз бунга арзимаймизми?

– Арзиймиз, – деди Лайло орзумандлик билан кўзларини юмиб.

Марямнинг сокин ва ёқимли овози Лайлони аллалаётгандек эди. У Марямни билади: айтганини қиладиган аёл. Эртага тонгдан ҳамма режалари рӯёбига киришади. У Лайлого ўхшаб, шошма-шошарлик билан қарор чиқарадиган ва кейин ўзини йўқотиб қўядиганлардан эмас. Демак, ҳаммаси яхши бўлади.

– Албатта, сиз айтгандек бўлади.

Марям Лайлого юзланди.

– Бор тепага чиқ, ўғлингдан хабар ол.

Қоронгилик ичидан отасининг каравотида ётган Залмайни аранг ажратиб олди. Лайло унинг ёнидан жой олиб, устини адёл билан ўраб қўйди.

– Ухляяпсанми?

– Йўқ, ҳали дадажоним билан намоз ўқимай туриб, қандай ухлайман?

– Бугун намозни мен билан ўқий қол.

– Сиз билмайсиз-ку!

Лайло ўғлининг қўлласини сиқиб, бўйнидан ўпди.

– Уриниб қўраман.

– Дадажоним қанилар?

– Даданг кетди, – Лайлонинг томоги қуриди.

Мана у: биринчи даҳшатли ёлғон. Энди яна қайта-қайта алдашга тўғри келади. Бечора Залмай! Отасининг ишдан қайтишини қанчалик интизорлик билан кутар, у эшиқдан кириши билан кўзлари қувончдан порлаб кетар, югуриб келиб, отасининг бўйнига осиларди. Рашид ўғлини ер-

дан узиб олиб, ҳаводан айлантираар, кейин ерга қўйганида Залмай қиқирлаб, маст одамдек гандираклаб қоларди. Шу он ота-боланинг шодон табассуми, қувноқ қулгилари, шўх ўйинлари унинг кўз ўнгидаги жонланиб, томоғига алланима тиқилди. Юрагини нимадир эза бошлади.

- Қаерга кетдилар?
- Билмадим, жоним болам.
- Тез келадиларми? Менга бу гал нима олиб келадилар?

Лайло дуо калималарини такрорлашга тушди. Бармоқ бўғинларини санашиб орқали 33 марта «Субҳоноллоҳ», 33 марта «Алҳамдулиллоҳ», 33 марта «Аллоҳу акбар»ни айтди. Залмай онасининг ҳаракатларини изма-из такрорлади.

Она-бала яна кўрпага бурканиб ётишган чоғда, Залмай мудроқ овозда сўради:

- Дадам бояги гапим учун кетиб қолдиларми? Аnavи ёмон одам ҳақида бекор гапирибман, а?

Лайло даҳшат ичида боласини бағрига босди. Лаблари ожиз пичирлади: «Йўқ, болажоним, йўқ, бу ерда сенинг умуман айбинг йўқ!»

Бу пайтда бола пишиллаб ухлаб қолганди.

Эрталаб муazzиннинг товушидан уйғонган пайтида унинг мияси анча равшан тортиб қолганди. Ахир кеча кечқурун у ҳеч нарсани идрок этадиган даражада эмасди.

У тўшагидан туриб, Залмайга узоқ тикилиб турди. Бола муштумини бўйнига қисиб, ухлаб ётарди. Лайло беихтиёр Марямни эслади. У ҳам кеча кечқурун келиб, ширингина ухлаб ётган Залмайга қараб, фикрини ўзгартириб кетмадимикин?

Лайлонинг аъзои бадани қақшаб оғирди. Бўйни елкалари, орқаси, қўли ва сонларида кеча Рашидинг камаридан қолган излар қорайиб туради. Лайло пешонасини тириштир-

ганча, ётоқхонадан чиқди. Марямнинг хонасида тонг қоронгилиги ҳукмрон эди. У жойнамоз устида тиззалаб ўтирган чоғида Лайло ёнидан бориб чўқди.

– Сен ҳозироқ Азизанинг ёнига бор, – деди Марям.

– Хўп.

– Пиёда юрма. Автобусда, одамларнинг ичидагурганинг тузук. Таксига чиқсанг дарров кўзга тушасан, яна битта ўзинг, аниқ тўхтатишиади.

– Сиз кеча менга нималар дегандингиз, эсин-гиздами? Ё фақат мени тинчлантириш учунгина айтганмидингиз?

– Йўқ, мен жиддий айтганман. Сен баҳтли бўласан, Лайложо!

– Мен? Нега фақат мен? Сиз-чи?

Марям фамгин кулимсираб, жим қолди.

– Марям опа, ҳаммаси сиз айтгандек бўла қолсин. Биз ҳаммамиз бирга кетамиз. Мен, сиз, болалар. Та-риқнинг Покистонда иши, жойи бор. Биз ҳали бир-галашиб ҳамма муаммоларни ҳал қиласмиз.

– Бунинг иложи йўқ, – деди Марям сокинлик ва маҳзунлик билан.

– Биз бир-биrimизга фамхўрлик қиласмиз, – гапида давом этди Лайло. – Ўзим сизнинг хизматингизда бўламан. Бу ўзимга ҳам ёқади.

– О, Лайложо!

– Овқатни ҳам ўзим қиласман, супур-сидир ҳам ўзимдан ортмайди. Сиз ҳеч нарса қилмайсиз. Дам оласиз, боққа қарайсиз. Қолган ишлар ўзимга тан. Сизсиз кетолмаймиз. Азиза сизсиз тура олармиди?

– Бир бўлак нон ўғирлаган одамнинг қўлинини кесишади, – деди Марям. – Эрини ўлдириб қочган иккита хотинни топиб олишса, нима қилишларини биласанми?

– Ким билиб ўтирибди? Бизни топишолмайди.

– Топишади. Эртами, кечми албатта топишади. Уларнинг шундай исқабтопарлари борки... – Марямнинг овози Лайлоникига қараганда, аниқ, ишонарли ва бўлиқ жарангларди.

– Илтимос, ўтиниб сўрайман.

– Агар бизни ушлаб олишса, ҳаммамиз айбдор бўламиз. Сен ҳам, Тариқ ҳам жавоб беришингларга тўғри келади. Мен эса, ҳаётингизни барбод қилишни истамайман. Қочоқлик осон эканми? Ушлаб олишса, болаларнинг ҳоли нима кечади? Уларни ким боқади? Толибларми? Сен онасан, Лайложо, онадек фикр юрит.

– Иложим йўқ.

– Мажбурсан.

– Бу инсофдан эмас, – Лайлонинг юз-кўзлари кўз ёшга беланди.

– Инсофнинг ўзи шуни тақозо қилади. Кел, ёнимга ёт.

Кечагина эмасмиди, Лайло Марямнинг тиззасига бошини қўйиб ётгани. Улар бир-бирининг сочи ни ўриб қанча-қанча кунларни ўтказишмади. Марям унинг лақиллаб айтган ҳар қандай гапини бўлмасдан эшитиб ўтиради.

– Ҳа, бу айни адолатдан бўлади, – деди Марям ишонч билан. – Мен эримни ўлдиридим, болаларни отасидан жудо қилдим. Мен сизлар билан кетолмайман, – унинг лаблари титради. – Ўглинг мени ҳеч қачон кечирмайди. Мен унинг кўзларига қандай қарайман? Бунга журъатим етармикин?

Марям Лайлонинг соchlарини битта қилиб ўриб қўйди.

– Мен шу ерда қоламан. Мен учун энди ҳеч нарсанинг кераги йўқ. Болалигимдан нима орзу қилган бўлсам, ҳаммасини сен менга беролдинг. Сен билан, сенинг болаларинг билан мен ўзимни баҳтиёр ҳис этдим. Бор гап шу, Лайложо! Фақат мендан хафа бўлма.

– Ўзингиз айтган, гулмоҳилар тўла анҳор, дарахтлар ўтлоқлар нима бўлади? Товуқ ва қўйлар-чи? – Лайло юзини Марямнинг тиззасига босиб, ёш боладек йифлаб юборди.

Марям Залмайга тушлик учун бир бурда нон ва бир нечта анжир қоқиси берди. Икки дона қоқи ва турли жониворлар шаклидаги бир ҳовуч печенени Азиза учун алоҳида халтачага солиб қўйди.

– Қизингни менинг номимдан ўпид қўй, – деди Марям. – Унга кўзимнинг нури, қалбимнинг қўри эканини етказиб қўй, илтимос.

Лайло жимгина бош иргади.

– Айтганимдек, автобустга ўтири. Иложи борича одамларнинг эътиборини тортмасликка ҳаракат қил.

– Энди қачон кўришамиз, Марям опа, Мен албатта кўрсатма беришим керак. Мен воқеа аслида қандай бўлгани, сизнинг бошқа иложингиз қолмаганини тушунтираман. Ахир улар ҳам одам-ку, тушинар? Тўғрими?

Марям унга майингина тикилиб турди, кейин эгилиб Залмайнинг юзчасидан ўпди. Боланинг эгнига қизил майка, зангори иштон, оёғига яқиндагина Рашид олиб берган ковбойча этик кийиб олган эди. Кўлида кечаги коптокни қисимлаб турарди.

– Ўзингни қўлга ол, – яна бир карра эслатди Марям уни йўлга кузатиб чиқаркан, кейин болага юзланди. – Онангни хафа қилма. Мени кечир, хўпми?

Лайло ўғлининг қўлидан ушлаб, кўчага чиқди. Чорраҳага етганда, Лайло ортига ўтирилди.

Марям дарча олдида улардан кўз узмай турарди. У ҳозир оқ рўмол танғиб, тўқ кўк кофта ва оқ шалвар кийиб олганди. Марям унга қўл силкиди. Лайло муйилишда қайрилиб, кўздан йўқолди. Шу-шу бошқа кўришмадилар...

ЙИГИРМА БИРИНЧИ БОБ

Назарида Марям бир ухлаб, яна ўзининг қишлоқ четидаги лойсувоқ қулбасида кўз очгандек эди. Орадан шунча йил ўтиб...

Вилоят аёллар турмаси Шаҳринавда, Товуқ кўча яқинида жойлашган эди. Кулранг тўртбурчак иморатни ҳар томондан эркаклар сақланадиган корпус ўраб олганди. Аёллар учун дарчаси ички ҳовлига қараган бештагина, ифлос, дим камералар бор эди. Дарчада ҳам ойна йўқ, фақат панжара ўрнатилган. Эшиклари эса, негадир очиб қўйилган, истаганча кириб чиқишинг мумкин. Эшикларда парда ўрнатилмаган бўлиб, улардан толиблар сигарет бурукситиб, ҳар замонда мўралашар, тишларини фижирлатиб, аёлларга гап ташлаб қўйишарди. Шунинг учун аёллар кўпинча кун чиққандан то ботгунича чодрасини ечмай ўтиради. Бу пайтда толиблар асосий дарвозани занжирлаб ўз постларини эгаллашади.

Марямдан ташқари беш аёл ва тўртта бола сақданаётган камера нимқоронги эди. Шифтдан иккита электр сими туртиб чиққан, ток ўчиб қолмаган бўлса, аёллар енгилгина, пакана хотин Нахмани биргалашиб кўтарашар, у бир амаллаб, симга лампочкани улаб тушарди.

Шкаф катталигидаги ҳожатхона эса, полнинг ўртасидан очилган, канализациясиз туйнукдан иборат эди. Сассиқ ҳид ва пашшаларга тоқат қилиб бўлмасди. Тўртбурчак ҳовлининг ўртасида балчиқ сувли ҳовуз қазилганди. Арқонларда кир ёйилганди. Бу ерда маҳбусалар билан учрашувлар тайинланар, овқат пиширилар, камераларнинг ўзида эса, овқатланишга рухсат беришмасди. Атрофда ялангоёқ болалар чопқиллаб юарди. Уларнинг айримлари шу ерда туғилган, қаердадир бадбўй ҳаво, темир-бетон деворлар,

панжарали деразалар ва соқчилардан холи ҳаёт борлигини тасаввур ҳам қилолмасди.

Марямнинг камерасида бирор жиiddий жиноятчи йўқ эди. Асосан уйдан қочган хотинлар. Шу боис улар Марямга аллақандай ҳурмат ва ҳадик билан қараашар, уни ҳали ул-бул егулик билан сийлашар, тоғ ортиқча адёлларини бериб туришарди.

Нахма эса, ерга урса осмонга сапчийдиган қиз. Унга ош-нон берма, тақдирнинг нораволигидан гапириш имконини берсанг бас, жон киради.

Отаси уни ўзида ўттиз ёш катта тикувчига эрга бермоқчи бўлган экан. Кейин Нахма маҳаллий муллалардан бирининг ёшгина ўғли билан Гардиз томонга қараб қочибди. Уларни Кобулнинг ўзида тутиб олишган. Муллаваччани бир зириқтиришган экан, тавбасига таяниб, ҳамма айбни қизнинг елкасига ағдарибди. «Менда гуноҳ йўқ, шу қиз ноз-ишвалари билан мени йўлдан урди, сеҳр-жоду қилиб олди», дея ўзини оқдабди. Ҳозир у ҳақ йўлга қайтиб, Қуръон ўқишида давом этаётган экан.

Йигитни қўйворишибди. Нахмага беш йил беришибди. Отажониси, қамоқдан қайтган куннинг ўзида қизини қўйдай бўғизлаб ташлашга ваъда берибди.

Нахманинг ҳикоясини эшитиб, онасининг Сафедкўҳ этагидан пуштиранг булатларга тикилиб айтган гапларини эслади: «Эсингда тут, қизим! Эркак зоти ҳамиша аёлни айблаб келган...»

Марямнинг суди бир ҳафтача олдин ўтганди. Адвокат ҳам, тергов ҳам, гувоҳлар кўрсатмаси ҳам керак бўлмади. Марямнинг ўзи ҳаммасидан воз кечди. Уни сўроқ қилиш чорак соатга ҳам чўзилмади.

Қозикалон – рангпар, озгин, сарғиш чўққи соқол ўзига ярашмай турган озфингина кекса толиб ҳайъат аъзоларининг ўртасида ўтиради. Кў-

зойнак ортидан унинг сарғайған күzlари фавқу-
лодда катта бўлиб кўринарди.

«Нашватининг думидек ингичка бўйни билан
саватдек саллани қандай кўтариб турганийкин?»
деган хаёл Марямнинг миясини тилиб ўтди.

– Айбингни тан оласанми, синглим? – сўради
қозикалон.

– Ҳа, – деди Марям дадил.

Қози бош иргади. Ким билсин, балки шунчаки
боши қалтирагани учун шундай туюлгандир? Мул-
ла Фатҳулла ҳам ундан кўра бардамроқ эди, деб ўй-
лади Марям. Ҳатто пиёлани қўлга олишга ҳам кучи
етмас экан, чап тарафида ўтирган яғриндор эркак
чойини ичкизиб қўйди. Чол миннатдорлик маъно-
сида бошини қимирлатиб қўйди.

Негадир қози ортиқча бақириб-чақирмас, таҳ-
дид қилмас, жуда майин гапирап, ҳатто кулим-
сираб қўярди. Ўнг томонда ўтирган учинчи толиб
эса, ҳар замонда Марямга ер остидан еб қўйгу-
дек ўқраяр, чамаси, унинг пуштунча гапирмаёт-
ганидан fazabi қайнарди.

– Нима деб гапираётганингни фарқига бора-
сан, а?

– Ҳа.

– Бир нарсани тушунмаяпман, – тўнғиллади ёш
толиб. – Парвардигор биз эркакларни ва сиз, аёл-
ларни бир-бирига ўхшамайдиган қилиб яратган.
Бизнинг мияларимиз ҳам фарқ қилишини, аёллар
эркаклар сингари чуқур ва атрофилича фикр юри-
та олмаслигини гарб олимлари ҳам тан олишган.
Шу боис, иккита аёлнинг гувоҳлиги битта эркак-
ники билан teng.

– Ука, мен ўлдирганимни тан оламан, – деди
Марям. – Агар мен ўлдирмасам, унинг ўзи бўғиб
ўлдирган бўларди.

– Бу гапни сен айтяпсан. Аёллар ҳар гапда қа-
сам ичишга уста бўлишади.

- Ишонинг, гапим рост.
- Хўш, фикрингни исботлайдиган бирорта одам борми?
- Йўқ!
- Ана шу-да, – мағрур бош иргади ёш толиб.
- Пешовардаги таниш докторга бориб учрагандим, – қози бошини ликиллатиб сўз бошлиди. – Жуда билимли шифокор. У билан ўтган ҳафтада кўришдик. «Менга очифини айтавер», дедим унга. «Мулла бобо, тўғриси, уч ой умрингиз қопти, ошиб борса олти ой яшайсиз», деди. Хуллас, ҳаммамиз бу дунёда меҳмонмиз. Яратганинг иродасига қарши бора олармидик?

У яна ягриндор шеригига имо қилганди, чой қўйиб берди. Қози кафтининг орқаси билан лунжини артди:

– Мен бу дунёни тарк этишдан қўрқмайман. Яккаю ёлғиз ўғлим беш йил илгари вафот этганди. Ҳаёт мен учун ўз қимматини йўқотиб бўлган. Хуллас, мен ўлимни ўйлаётганим йўқ. Бошқа нарсадан хавотирдаман. Қиёматда Парвардигор мендан сўрайди: «Мулла, нега сен менинг амрими бажармадинг?» Унинг иродасига қарши борганим учун нима деб жавоб бераман? Ҳар биримиз Яратганинг қонунларини бажаришга масъулмиз. Шу боис, ҳар қанча оғир бўлсаям, мен Яратганинг амрига тобеман.

Қозикалоннинг юзи оғриқдан бужмайиб кетди. Унинг юзларида ҳамдардлик ифодасини ҳам пайқаш қийин эмасди.

– Синглим, мен сенинг гапларингга, эрингнинг бадхулқ одам эканига ишонгим келади. Аммо сенинг ваҳшиёна жиноятингдан кўз юмиб бўлмайди. Ахир бу нимаси? Бола тепада йифлаб ётса-ю, сен пастда унинг отасини чопиб ташласанг... Менинг ҳам ажалим яқин. Шу боис шафқат кўрсат-

гим келади. Сени жон деб кечирган бўлардим. Аммо, эртага Худойим «Ўзинг бир гуноҳкор бандада эдинг, кечиришни сенга ким қўйибди?» деса нима қиласман?

Ёрдамчи қозилар ҳам бош иргаб унинг гапини маъқуллашди.

– Нимаям дердим. Синглим, сени ахлоқсиз аёлсан деёлмайман. Аммо жуда ёмон ишга қўл ургансан. Шариат бу қилмишингни кечиролмайди. Мен боришим керак бўлган жойга сени аввалроқ жўнатишм керак бўлади.

Марям ердан кўз узмай бош иргади.

– Парвардигорнинг ўзи гуноҳларингни афу этсин.

Ҳукмни имзолаш учун Марямга тутқазишиди. Уч толибининг синчкор нигоҳлари остида Марям ўз исмини – мим, ро, йо ва мим ҳарфларини текис ёзиб чиқди. У йигирма етти йил илгари Жалилнинг уйида, муллаларнинг гувоҳлигига худди шунга ўхшаш ҳужжатга имзо чеккан эди.

Ўн кун ўтди. Марям камеранинг дарчаси олдиди ўтириб, турма ҳаётини кузатарди. Ҳовлига қамалиб қолган шамол қоғоз парчаларини чирпипрак қилиб ўйнарди. Соқчилар, маҳбуслар, болалар кўзларини қўлларини билан тўсиб олган, акс ҳолда қум ва чанг одамнинг бурнига, оғзига кириши мумкин. Шамол қош қорайганда тинарди, кечаси эса, худди кундузги тўс-тўполон учун узр сўрагандек, майин, ёқимли шабада эсади.

Нахма унинг қўлига мандарин тутқазди:

– Сиз менга яқин бўлиб қолгандингиз, – деди кўз ўшларини тиёлмай.

Марям жойидан жилмади. Ҳовлидан қиздирилган ёф ҳиди келар, кимдир овқат тайёрлаш билан овора эди. Қизчалар бир пайт у Жалил билан куйлаган қўшиқни хиргойи қилишарди.

*Ой порлайди осмонда,
Құшлар қүйлар ўрмона...*

Үтган кеча у узуқ-юлуқ туш күрди. Ўн битта тошни устунчаларга бўлиб тиклаётганмиш. Анҳорнинг нариги бетида Жалил уни имлаб чақираётганмиш. Мулла Фатхулла унга негадир чиннигул ҳиди анқиб турган настарин гулларни тутқазармиш. Лойсувоқ кулба олдида эса, онаси Марямни овқатлангани чақиравмиш. Лекин Марям жойидан қимирламас, ўзи ўйнаб ўтирган, ям-яшил майсалар қоплаган, чумолилар ўрмалаётган, чигирткалар сакраб, қўнғизлар визиллаётган ердан тургиси келмасмиш. Чўққи тепасидан эса қўйларнинг маъраши, яна қаердандир араванинг фижирлаши эштилармиш.

...Марям машина кузовида кетиб бораарди. Юк машинаси «Фозий» стадиони томон елиб бораарди. Унинг қархисида ўтирган, автомат осиб олган ёшгина толиб Марямдан кўзини узмасдан машина бортини дўмбира қилиб чертарди.

– Қорнингиз очмадими? – сўраб қолди у тўсатдан.

Марям бош чайқади.

– Истасангиз менда печене бор. Мазали. Тортинмай сўрайверинг.

– Раҳмат, иним, керакмас.

Соқчининг юзларидан самимилик порлаб турарди.

– Кўрқиб кетяпсизми?

Марямнинг томоғига нимадир тиқилди:

– Кўрқяпман, – деди титраб. – Жудаям...

– Менда акамнинг сурати бор, – деди соқчи.

– Ўзини эслолмайман. У велосипед тузатарди. Фақат шуни биламан, холос. Унинг юриш-туриши, кулгиси, овози умуман эсимда йўқ. Ойимнинг айтишича, у ер юзидағи энг кўрқмас, баҳодир йигит бўлган экан. Нақ шернинг ўзи.

Кунларнинг бирида, эрта тонгда коммунистлар уни ҳибсга олғани келади. Акам эса, худди ёш боладек йиғлаб юборади. Нега буни айтапман? Қўрқув – бу оддий ҳол. Ҳамма ҳам қўрқади. Бундан уялмасангиз ҳам бўлади.

Минглаб кўзлар унга қадалиб турарди. Майдонда юз беражак ҳодисани аниқроқ кўриш учун ҳамма бошини чўзиб қарабди. Марямни машинадан тушириш учун қўл узатишганда, ҳамма ёқни олағовур босиб кетди. Овозкучайтиргичдан маҳкуманинг жинояти ўқиб эшиттирила бошлиди. Оломон орасида кимдир бош чайқар, кимдир танглай қоқар, Марям эса, ердан кўз узмас, одамлар уни алқаяптими, қарғаяптими, билолмасди. Унинг учун ҳамма нарса фарқсиз эди.

Уни боя турмадан олиб чиқишаётганда, ўлим олдидан ялиниб йиғлаши, кўнгли озиб ўқчиши, шалворини ҳўл қилиб қўйиши мумкинлигидан қўрққанди. Ахир умр интиҳосида одам ўзини бошқаролмай қолади-ку! Хайрият, вужуди унга панд бермади. Толиблар уни судраб туширишмади, балки ўз оёқлари билан майдонга кириб борди. Отасиз қолган Залмайнинг мунгли қиёфаси кўз олдига келганида, ўз-ўзидан қадамлари тезлашарди.

Автоматли толиб унга футбол дарвозасининг жанубий устуни тарафга юришни буюрди. Оломон сув қуйғандек тинчib қолди. Марям ўз соясига боқди, мана бу сояга жаллоднинг ҳам кўланкаси қўшилди.

Ҳаёт уни сийламади. Аммо, тан олади, баҳтли дамлари ҳам бўлди. Бари бир яшагинг келаркан-да! Қанийди бир мартагина бўлсин, Лайлони кўролса, унинг шодон кулгисини эшитса, у билан бирга чой ичиб, ҳолва еса... Азиза! Унинг тўйини кўриш, бармоқларига ҳино қўйиб, бошига никоҳ рўмолини ташлаш насиб этмади. Роса чиройли

келин бўлса керак ўзиям. Унинг болаларини ҳам кўролмади. Кексайиш ҳам Марямнинг қисматида йўқ экан.

Дарвоза устуни олдида тўхташ буюрилди. Чодрасининг бир четидан автоматни маҳкам қисиб турган қўлни кўрди.

Оҳ, ҳаёт, бунчалар аччиқ... бунчалар ширин бўлмасанг!..

Марям кўзларини юмди. Бирдан ҳамма изтироблар чекиниб, қалбини аллақандай сокинлик, ҳатто хотиржамлик эгаллаб олди. У дунёга бир бегона алаф сингари, ота-онасининг хоҳишига қарши ўлароқ, ҳароми тамғаси билан келганди. Мана, Ердаги сафари ҳам қариди. У ҳам севди, севилди, кимнингдир корига яради, ҳимоячи, дугона, она бўлолди. Ундан ширин хотиралар қолади.

Ҳаммаси бундан-да баттарроқ бўлиши мумкин эди. Умр беҳуда ўтмади-ку! Марям ўзича Қуръон оятларини такрорлади:

– У, дарҳақиқат, осмонлар ва Ерни яратган зотдир. У тунни кун билан, кунни эса тун билан беркитади. У қуёш ва ойни ҳам ўзига бўйсундирган, ҳар бири белгиланган макон томон ҳаракатланади. У буюк ва мағфиратли зотдир.

– Тиз чўк, – буюрди толиб.

«Парвардигорим, мендек гуноҳкор бандангдан марҳаматингни дариф тутма!»

Марям итоаткорлик билан амрни бажо келтиради.

Охириги марта...

ТҮРТИНЧИ ҚИСМ

БИРИНЧИ БОБ

Баъзидা Тариқнинг боши ёрилгудек даражада оғрийди.

Лайло ярим кечаси уйғониб кеттанида, Тариқ майкасини бошига тортиб, оғриқдан ғужанак бўлиб ётганини қўради. Унинг бошоғриқ дарди Носирбоғда бошланган, турмада янада кучайган эди. Айрим ҳолларда ҳатто оғриқнинг зўридан бир кўзи кўрмай қолади.

– Худди ўтқир пичноқ билан икки чаккамни ёриб, миямни ковлашаётганга ўхшайди, – деганди бир гал Тариқ. – Оғзимдан занг мазаси келади.

Ҳар гал шундай пайтларда Лайло сочиқни ҳўллаб, унинг пешонасига босарди. Гоҳида Тариқقا Саиднинг дўхтири ёзиб берган оқ рангли хапдорилар ҳам фойда беради. Аммо, шунаقا пайтлар бўладики, фақат чаккани маҳкам сиқиб, қимирамай ётишга тўғри келади. Шунда Лайло Тариқнинг бошини силаб, қўлларидан ушлаб олади, никоҳ узуги унинг кафтига муздек ботади.

Улар Мурига етиб, биринчи кундаёқ никоҳдан ўтишди. Саид ҳам ношаръий жуфтликка бошпана бермаганидан хурсанд эди. Унинг юзлари Лайло тасаввур қилгандек қип-қизил, кўзлари қисиқ ҳам эмас экан. У уйга мулла ва гувоҳларни чақириб, Тариқقا узук сотиб олиш учун пул берди. Тариқ пулни аранг олди ва Мэллга югордиди. Никоҳ маросими кечқурун болалар ухлаган пайтда ўтди. Мулла келин-куёвнинг бошига яшил

ёпинчиқ ташлади, уларнинг нигоҳи кўзгу саҳнида тўқнашди. Бу нигоҳларда алам ҳам, кулги ҳам, абадий муҳаббат ваъдаси ҳам сезилмасди. Кўзгу ёшгина чеҳраларда эрта оралаган ажинларни аёвсиз фош этиб турарди. Тариқ нимадир демоққа оғиз очганида кимдир ёпинчиқни тортиб олди ва Лайлонинг хаёли бўлинди...

Ўша оқшом улар тунни илк бор шаръий эр-хотин сифатида ўтказдилар. Болалар йигма каравотчаларда ухлашарди. Ёшлиқ пайтларида Лайло ва Тариқ қанчалар шўх, саркаш эдилар, бир-бирларига тегишиб, ҳазиллашишар, кўчаларни бошларига кўтариб, хандон отиб кулишарди. Мана, орадан йиллар ўтиб, улар бир-бирининг пинжига кирганча сокин, тинч ётишибди.

Лайло жим, худди юз берган қувончли ҳодиса қархисида ўзини тамомила йўқотиб қўйгандек эди. Севгилиси Тариқ энди ёнида, мана, бир ёстиққа бош қўйиб, қўлни қўлга бериб ётишибди.

Яrim кечаси чанқаб уйғонганида ҳам, Лайло қўллар ажралмаганини кўрди. Тариқ унинг қўлини худди ҳаво шарининг ипидан маҳкам тутиб олган боладек ушлаб ётарди.

Мури Лайлого ёқиб қолди. Туманга ўралган тонглар, тиниқ ва сокин шомлар, мунаvvар тунлар, ям-яшил арчалар, дараҳт танасида ўрмалаб юрадиган олмахонлар, ҳамма-ҳаммаси Лайлони мафтун этди. Унда сайёҳлар қадами аримайдиган совғалар сотиладиган дўкончалар, кичкина меҳмонхоналар ҳам манзур бўлди.

Лайлого иссиқ ва совуқ сувли, ҳамма шароитларга эга ваннахона ҳам ёқиб тушди. Адиба тайёрлайдиган хилма-хил емакларни ҳам ёқтириб қолди. Эрталаб Алёнанинг маъраб уйғотиши ҳам унга қандайдир завқ бағишларди.

Баъзан Лайло тинч, хотиржам ухлаб ётган болаларга тикилиб, баҳтдан боши айланиб кетар, томографида нимадир тиқилар, күзлари жиққа ёшга тұларди.

Ҳар куни эрталаб Лайло эри билан хоналарни текшириб чиқади. Белига хоналарнинг калитларини бир шода қилиб боғлайды, дераза ювадиган суюқлик идишини чүнтагига тиқиб олади. Ҳар бир хонани супуриб, тозалаб чиқади. Ортидан хұмрайғанча Залмай әргашади.

Тариқ ваннахоналарни тозалаб чиқади, ли-нолеумларни ювади, сочиқ ва чойшабларни алмаштиради. Азиза эса, ойналарни тозалашда онасига ёрдам беради.

Никоҳдан бир неча кун ўтгач, Лайло Азизага Тариқ ҳақида бор гапни айтиб берди. Қизифи, ота ва қызы жуда тез тил топишиди. Азиза отасининг ҳар бир истагини оғзидан чиқмай туриб бажаради. Стол атрофида ўтирганда, улар худди бутун умр бирга яшагандек сирли кулимсирاب қўйишади.

Ойиси Азизага у ҳақда гапириб бераётганида қызы қўлларидан қўзини узмай ўтирди.

– Менга ёқиб қолдилар, – деди у сиполик билан.
– У сени жуда яхши кўради.
– Ўзлари айтдиларми?
– Айтмаса ҳам билиниб туради-ку!
– Менга ҳаммасини айтиб беринг, ойижон, билгим келяпти.

Лайло шу тариқа унга бор сирни ошкор этди.
– Сенинг отанг дунёдаги энг яхши одам.
– Энди бизни ташлаб кетмайдиларми?
– Ҳеч қачон. Менга қара. Отанг сени ҳеч қачон хафа қилмайди, ташлаб ҳам кетмайди.

Азизанинг юзи қувончдан ёришиб кетди, Лайлонинг эса негадир юраги увишди.

Тариқ Залмайга тебранма от олиб берди, аравача ясади. У турмада қоғоздан шер, кенгуру, отва қушлар сингари ҳар хил жонзотлар шаклини ясашни ўрганганди.

Баъзида Тариқнинг иши узоққа чўзилиб кетса, Залмайнинг тоқати тоқ бўлар ва унинг қўлидаги қирқилган қоғоз парчасини тортиб оларди.

– Эшак! – деб бақиради у. – Керакмас менга сенинг ўйинчоқларинг.

– Залмай, – бунақа пайтда Лайлонинг тепа сочи тикка бўларди.

– Қўявер, – хотинини хотиржам қиласади Тариқ. – Ҳечқиси йўқ. Бўп туради.

– Сен менинг дадажоним эмассан, – дерди Залмай алам билан. – Менинг отам узоққа кетган, у қайтиб келса, сени роса уради. Сен эса, қочиб кетолмайсан, чунки, сенинг оёғинг битта, дадамники эса, иккита, хўпми?

Лайло ётиш олдидан Залмайни қучогига олиб, биргаликда шайтонга қарши дуоларни ўқишиади. Ўғлининг доимий саволига эса, бир хилда жавоб қайтаради: «Дадажонинг узоққа иш билан кетган, қачон қайтиши номаълум!» Айнан ана шунинг учун ҳам Лайло ўзидан ижирғанади. Лекин шуниси аниқки, у ўғлини анча пайт алдаб туриши керак. Залмай ҳам катта бўлади, мактабга боради, ёлғон эса, йўқолиб кетмайди. Рост, вақти келиб, ўғли отасини ҳам камроқ сўрайдиган бўлиб қолади, ёши ўтиброқ қолган йўловчиларнинг ортидан «ота» деб югурмай қўяди ва ажойиб кунларнинг бирида қор босган баланд чўққиларга тикила туриб, ҳайрат билан барча дард-алам ортда қолганини, жароҳатлар битганини, Рашиднинг қиёфаси хира тортиб, саҳна ортига чекинишини тушунади.

Мури Лайлого ёқарди, аммо баҳт осмони бу-
лутсиз бўлмайди. Ҳаммасини ҳисоб-китоб қила-
диган пайт келади.

Дам олиш кунлари Тариқ Лайло ва болаларни
олиб шаҳар айланишга чиқади, турли майда-чуй-
далар билан савдо қиладиган дўконларга тўла
Мэлл кўчасини кезишиади. Тариқ болаларни ка-
боб билан меҳмон қиласиди. Кўчаларни маҳаллий
аҳоли вакиллари, уяли телефонлар ва камералар
кўтариб олган европаликлар, иссиқда тоғдан қо-
чиб келган панжобликлар босиб кетади.

Автобус билан бир марта Кашимир-Пойнтга
ҳам боришиди. Бу ердан кўм-кўк арчалар билан
қопланган Жалум дарёсининг сўлим водийси
яққол кўзга ташланаркан. Айтишларича, бу ерда
ҳалиям маймунлар сакраб юрармиш. Муридан
ўттиз чақиримча масофадаги Натиагали қаса-
басида ҳам бўлишиди. Бу ерда 19-асрда қурилган
губернатор қасри, инглизларнинг эски қабристо-
ни ҳам ўрин олган.

Лайло баъзида дўконларнинг ойнасида ўзи,
болалар ва Тариқнинг аксини қўриб, юраги ор-
зиқади. Туппа-тузук, фам-ташвишсиз оила!

Баъзида Азиза кечалари қўрқинчли тушлар
кўриб, бақирганча уйғониб кетади. Лайло унинг
бошида ўтириб, юзларини артиб қўяди, бағри-
га босиб ухлатади. Лайлонинг тушига кўпинча
Кобул киради. Рашиднинг уйини, зиналардан ик-
кинчи қаватга чиқиб бораётганини кўради. На-
риги хоналардан дазмолнинг кийимлар устидан
шифилаб юргизилиши, эски Ҳирот қўшиқлари-
нинг хиргойиси эшитилади. Лайло эшикни оча-
ди, аммо ҳеч кимни кўрмайди.

Лайло кўз ёшларига белангандан уйғониб кетади.

ИККИНЧИ БОБ

Сентябр, якшанба. Лайло Залмайни амаллаб ухлатди. Бола шамоллаб қолган кўринаиди, тинимсиз аксириб, йўталяпти. Шу пайт уйга Тариқ кириб келди:

– Эшитдингми? Аҳмадшоҳ Масъудни ўлдиришибди.

– А? Ростданми?

– У ўзини келиб чиқиши марокашлик бўлган белгиялик журналистлар сифатида таништирган одамларга интервю бераётиб, портлаб кетибди. Видеокамеранинг ичига бомба яширилган экан. Журналистлардан бири ва Масъуд ўша ернинг ўзида жон берган. Иккинчисини қочаётганида отиб ўлдиришган. Қотиллар «Ал-Қоида» томонидан юборилган бўлиши мумкин.

Лайло онасининг ётоғида турган портретни эслади. Унда Масъуднинг қошларини хиёл чимириб, кимнидир дикқат билан эшитаётган пайтдаги ҳолати акс этганди. Ойиси Аҳмад ва Нурнинг жанозасида иштирок этгани учун ундан жуда миннатдор эди. Турли гуруҳлар бир-бири билан қирпичоқ бўлган пайтларда ҳам ойиси Масъудни айбламаганди. «У жуда яхши инсон, – дерди ойиси ҳамиша. – У Афғонистонда тинчлик қарор топишини, мамлакат гуллаб-яшнашини истайди». Ўзаро низолар, қирғинбаротлар Кобулни ҳар қанча вайрон қилмасин, ойиси учун Масъуд ҳар доим Панжшер арслони бўлиб келган.

Лайлонинг эса, ҳисоб-китоби бўлакча эди. У Масъуднинг ўлимидан қувонмади. Бироқ у портлаш натижасида ҳавога чирпирак бўлган уйларни, харобалар остидан чиқариб олинган мурдаларни, болаларнинг дарахт шохлари, том бўғотларига илиниб қолган қўл ва оёқларини уну-

толмайды. Ҳар бир портлаш овозини эшитганида онаси қандай құрқувга тушгани ҳам эсида. Отасидан қолган биргина нишона – қүш минора тасвири туширилған либос парчаси ёпишиб қолған қонли гүшт парчаси ҳанузгача тушларига кириб чиқади.

– Дағн маросими үтказиларкан, – деди Тариқ.
– Равалпиндіда эшитдим.

Бу пайт Залмай ҳам үрнидан турған, мудроқ, күзларини кафти билан артарди.

Орадан икки кун үтди. Хоналарни йифиширишаётганды йүлакда қандайдыр шовқин эшитилди. Тариқ швабрани бир четта қўйиб ўша тарафга югурди. Ортидан Лайло ҳам эргашди.

Шовқин вестибиюлдан эшитиларди. Бу ерда телевизор бўлиб, қаршисида бир нечта стул ва тери қопламали диван қўйилганди. Саид, меҳмонхона маъмури ва икки нафар меҳмон экрандан кўз узишмасди.

Янгиликлар берилаётган экан. Осмонўпар миноралардан қуюқ тутун ўрларди. Тариқ Саиддан ниманидир сўради. Саид жавоб қайтариш учун оғиз жуфтлади, аммо яна индамай экранга михланди. Шу пайт иккинчи минора ёнида самолёт пайдо бўлди ва уни ёриб кирди. Каттакон олов шар ажралиб чиқди. Ўтирганлар чуқур уҳ тортиб юборишли.

Икки соатлардан сўнг ҳар иккала минора қулаб тушди. Ҳамма каналларда Афғонистон, Толибон, Усома бин Лодин номлари такрорлана бошлади.

– Толиблар бин Лодин ҳақида нима дейишганини эшитдингми? – сўради Тариқ.

Азиза унинг рўпарасидаги каравотда қошларини чимирган, лабларини тишлиған ҳолатда шахмат тахтасига тикилиб ўтирарди. Тариқ ҳам юриш олдидан худди шундай ҳолатга тушарди.

Бу пайтда Лайло Залмайнинг кўкрагига шамоллашга қарши малҳам суроётган экан. Бола ҳозир анча тузалиб қопти.

– Эшитдим.

Толиблар «Бин Лодинни бермаймиз» дейишибди, уларнинг айтишича, пуштун одатига кўра, меҳмонни тутиб бериш меҳмондўстлик таомилига зид эмиш.

– Бу энагарлар меҳмондўстликни ҳам расвосини чиқарибди-да!

Орадан бир неча қун ўтди. Яна вестибюлда телевизор кўрилмоқда. Бу гал Жорж Буш нутқ ирод қилар, ортида Америка байроби турарди. Унинг овозида алланечук ишончсизлик акс этарди.

– Жорж Буш уруш эълон қилди, – деди инглиз тилини яхши биладиган Сайд.

– Кимга? – ажабланди Тариқ.

– Аввал сенинг юртингга қарши.

… – Балки бу унчалик ёмон эмасдир, а? – сўради Тариқ ярим тунда Лайлонинг кўксига бош қўйиб ётаркан. Торгина қоровулхонада, икки қадам нарида болалар пишиллаб ухлаб ётишар, эр-хотин болалар уйғониб қолишидан чўчиб, паст овозда гапиришар, жуда эҳтиёткорлик билан ҳаракат қилишарди. Албатта, ёш оила учун болалар билан бундай тор жойда тунашнинг ўзига хос мashaққатлари бор. Аммо, энг муҳими, улар энди бирга. Энди уларни ҳеч ким ажратолмайди, Лайло буни жуда яхши билади. Ҳамма оғир дамлар ортда қолди.

– Нимани назарда тутяпсан?

Улар шаръий эр-хотин бўлишса-да, Лайло ҳамон Тариқни сенсирашда давом этар, негадир бу Тариққа ҳам хуш ёқарди.

– Бизда бошланган урушни айтаман-да. Балки яхшилиkkадир?

Яна уйлар бомба ёмфири остида қолганди. Энди америкаликлар бомбардимон қилишар, ҳар куни телевизорда уруш манзараларини кўрса-тишарди. Америка ҳарбийлари Шимолий алянс билан келишган ҳолда дала командирларини яна тиш-тирногига қадар қуроллантира бошлади.

Фазабга минганд Лайло жаҳд билан Тариқни ўзидан итарди:

– Яхшиликка? Одамлар, аёллар, болалар, чоллар тутдек тўкилаяпти, бу яхшиликками? Яна уйлар кунпаяқун бўляпти, буям яхшиликками?

– Тсс, болаларни уйғотиб юборма.

– Қандай тилинг борди? Сенингча Карам қишлоғини ростдан ҳам «тасодифан» бомбардимон қилишдими? Юзлаб бегуноҳ одамлар қурбон бўлди. Ўзинг кўрдинг-ку телевизорда!

– Шошма, – уни тинчлантиришга уринди Тариқ.

– Сен мени тушунмадинг. Айтмоқчи бўлганим...

– Сен бу даҳшатларни ўз кўзинг билан кўрмагансан, – Лайло овозини тағин бир парда кўтарди.

– Қирғинбарот авжига минганида сен қочиб кетгансан. Мен эса, қолганман. Уруш мен учун шунчаки гумбаданг-қарс эмас. Мен биламан унинг нималигини, кўз ўнгимда ота-онам парчаланиб кетди. Сен эса «яхшиликка» деб ўтирибсан. Уят!

– Кечир, Лайло, кечир, – у аёлининг юзларини сийпалади. – Сен ҳақсан. Мен фақат, балки уруш аввалгилиридан фарқли равишда бутунлай бошқача якун топар, демоқчи эдим.

– Бу ҳақда бошқа гапиришни истамайман, – деди Лайло бу гал хиёл пастроқ товушда.

Лайлонинг ичида нимадир жизиллагандек бўлди. Нега Тариқقا бақирди? Ахир унинг ҳам ота-онаси шу машъум уруш қурбони эмасмиди? Шу пайт Тариқ уни маҳкам бағрига босганини ҳис қилди ва унга қаршилик кўрсатмади. Кўлла-

рида, пешонасида эрининг қайноқ лаблари тафтини түйди. Балки, Тариқ тұғри айтаётгандир? Тинчлик йўли билан ҳеч нарсага эришиб бўлмас, балким? Бу бомбардимон ҳам тез орада тугайди дейишяпти-ку!

Ярим кечаси Залмай қаттиқ йўталди. Лайло ҳатто қимирашга ҳам улгурмади. Тариқ ўрнидан туриб, Залмайни бағрига босди ва оҳиста қуҷогида тебратганча, уйча ичида кезина бошлади. Бола ҳам унинг бўйнидан қучиб олди.

Тариқ яна ўрнида ётганида Лайло жим қолганди. У эрининг юзларини силади, Тариқнинг юзлари ҳўл эди.

УЧИНЧИ БОБ

Мури Лайлого тинч бандаргоҳни эслатарди. Ишлари унча оғирмас, дам олиш кунлари болалири билан Патриат тоғига ёки Исломобод ва Равалпинди маркази яқъол кўриниб турадиган Пинди Пойнт тепалигига чиқишаар, тизза бўйи келадиган ўтлоқлар бағрида тамадди қилишарди.

Бу хотиржамлик, сокинлик Лайлого хуш ёқди. У Рашиднинг серғалва уйида худди ана шундай сокинликни орзу қилганди. Эндиликда ўша дамларни эслаш ҳам Лайло учун азобдек.

2002 йилнинг июл кунлари эди. Илиқ ёз оқшомларида Лайло ва Тариқ ухламасдан она юртларида юз бераётган ўзгаришларни муҳокама қилиб чиқишаарди. Ўзгаришлар катта эди. Коалицион кучлар толибларни ҳамма йирик шаҳарлардан мамлакатнинг жануби-шарқий ҳудудларига, Покистон билан чегарадош қисмига суриб боришганди. Ҳамид Карзай мамлакатнинг муваққат президенти этиб тайинланди.

Бир йил илгари Лайло Кобулни тарк этиш учун қўлинин кесиб ташлашга ҳам тайёр эди. Энди болалиги ўтган қадрдон шаҳарни соғина бошлиди. Шўрбозорни, Бобур боғларини, Товуққўчани, елкасида меш орқалаб юрадиган мешкобчиларни, Карте-Парвонадаги қовун расталарини тез-тез эсга оларди.

Унинг қалбини тутёнга солаётган безовталик фақатгина соғинч эмасди. Ҳар куни турфа янгиликларни эшигарди: мактаблар қурилаётган эмиш, аёлларга ишлаш учун рухсат берилганиш. Шундай пайтда Лайло четда юрса? Албатта, бу ер ҳам яхши, тинч, осойишта.... Лекин барি бир бегона ўлка Ватан бўлолмайди.

Қачонлардир отаси айтган эди: «Сен ким бўлишни истасанг, албатта бўла оласан. Ишонаман, қачондир бу бемаъни урушлар тугайди ва сен ана шунда Ватанга керак бўласан!» Гоҳида онасининг бир гапи ҳам тез-тез қулогига чалинади: «Ватанимиз озодликка, тинчликка эришган кунни ўз кўзим билан, болаларимнинг кўзлари билан кўраман».

Демак, Лайло Кобулни бекорга соғинмаётган экан-да? Дарвоқе, яна бир сабаб бор: Марям. У Лайлонинг тинч ва хотиржам яшashi, кейин эса, тамоман унугиб юбориши учунгина ўз жонини қурбон қилдими? Йўқ, Марям ўз яхшилиги эвазига ҳеч нарса тама қилмасди. Лайло эса, бу яхшилини ҳеч қандай йўл билан қайтара олмаслиги аниқ.

– Уйга кетгим келяпти, – деди у ниҳоят Тариққа. Бу пайтда Тариқ каравотда унга тикилганча ўтиради. Лайло ҳам эрининг кенг пешонасига, қатъият ва ишонч акс этиб турган юзларига, бақувват қўлларига, сермаъно кўзларига қадалиб туради. Лайло шунча йил ўтиб, яна бир-бирлари билан топишганига ишона олмасди.

- Кобулгами?
 – Ҳа, фақат сен билан бирга.
 – Нима, бу ер сенга ёқмаяптыми? Болалар ҳам хурсанд.

Лайло Тариқнинг ёнига бориб ўтирди. Тариқ сурилиб жой берди

– Мен баҳтлиман, – деди Лайло. Бундан ортиғи бўлмайди. Лекин, бу ерда ҳар доим қолиб кетолмаймиз-ку! Бари бир бу ер фурбат. Кобул эса, бизнинг уйимиз, у ерда ҳамма нарса ўзгаряпти. Мен ҳам ўша ерда бўлсам дегандим. Тушуняпсанми?

Тариқ бош иргади.

- Қароринг қатъийми?
 – Ҳа. Кетмасак бўлмайди. Бу ерда қўл қовуштириб ўтиргим келмаяпти.

Тариқ ерга қаради. Жим қолди.

– Фақат ва фақат сен билан бирга.

Тариқ жилмайган чоғда пешонасидағи ажинлар текисланиб, худди Лайлонинг тасаввуридагина муҳрланиб қолган, ҳеч қачон боши оғримайдиган, Сибирда аксирган пайти мишиғи ерга тарақлаб тушишига ишонадиган содда ва самимий болакайга ўхшаб қолди.

– Мен сен билан бирга дунёнинг нариги чеккасига ҳам боришга тайёрман.

- Раҳмат, – деди Лайло хиёл қизариб.
 – Демак, уйга қайтамиз?
 – Ҳа, фақат олдин Ҳиротга борамиз.
 – Ҳиротга?

Лайло сабабини тушунтириди.

Болаларни кўндириш учун эса, ҳар бирига алоҳида тушунтириб чиқишига тўғри келди. Азиза ҳалигача босинқираб чиқарди. Яқинда қайсиdir тўйда кимдир хурсандчилик юзасидан осмонга ўқ отган экан, қизча кўркқанидан йиғлаб юборди. Лайло унга Кобулдан толиблар чиқиб кетга-

ни, жанглар тўхтаганини тушунтириди. Энди уни етимхонага жойлаштириш ҳеч кимнинг хаёлига ҳам келмайди.

– Ҳаммамиз бирга яшаймиз – отанг, мен ва Залмай. Ҳеч қачон бир-биримиздан ажралмай яшаймиз – ваъда бераман. Албатта, сен қачондир бизларни ташлаб кетасан. Кун келиб, бирорта йигитни ёқтириб қоласан ва у сени олиб кетади.

Муридан кетадиган пайт келганида Залмай Алёнанинг бўйнига маҳкам ёпишиб одди.

– Залмай, тушунсанг-чи, эчкини автобусга чиқаришмайди. – Унга қайта-қайта тушунтиришга уринди Лайло.

Тариқ Кобулга борганда унга бозордан худди шунга ўхшаш эчки сотиб олишга ваъда бергачгина, тинчиди.

Сайд билан ҳам йиглаб хайрлашишди. У Тариқ ва унинг оиласи учун қадрдон бўлиб қолганди-да! Сайд уларнинг боши узра Қуръонни тутиб турди. Лайло, Тариқ ва болалар муқаддас китобни уч мартадан ўпидавоф қилишди. Сайд уларнинг юкларини машинага ортиб, автобус станциясигача кузатиб қайтди. Кейин йўлакда турганча уларнинг ортидан қўл силкиб қолди.

Елиб бораётган автобус ойнасидан ортга назар соларкан, Лайлонинг миясини Мурини ташлаб кетиб тўғри қилдикми, деган савол ёриб ўтди. Икки акаси, ота-онаси шаҳид бўлган, ваҳшиёна портлашлар чангига босилмаган замин уларни қандай қарши оларкан? Шу аснода беихтиёр отаси айтган сатрлар қулоғи остида жаранглади:

*Чўлгонур ҳар томи беҳад моҳитоб анворида.
Минг қүёшнинг шуъласи порлайди ҳар деворида.*

Кўзлари ёшланди. Кобул уни кутяпти. У Кобулга керак. Аммо олдинда уни яна бир видо кутмоқда.

Уруш Кобул, Ҳирот ва Қандаҳорни боғловчи афғон йўлларининг дабдаласини чиқарганди. Эндиликда Ҳиротга фақат Эрон орқали, Машҳаддан ўтиш мумкин эди. Шу боис бир оқшом Машҳадда, меҳмонхонада тунашга тўғри келди.

Жуда гавжум ва сершовқин шаҳар экан. Лайло ойнадан сирғалиб бораётган хиёбонлар, масжидлар, ресторонларга қараб борарди. Мана, миноралари ва гумбази осмонга санчилиб турган обида – шиаларнинг саккизинчи имоми – Имом Ризо мақбараси. Қандай қурилган бўлса, шундайлигича сақланиб келмоқда. Афғонистонда-чи? Қанча-қанча тарихий обидалар вайронага айланди. Негадир шу зумда баҳайбат Будда ҳайкалларини кўз олдига келтирди. Афғонлар ана шундай мўъжизани асраб қолишолмади.

Эрон – Афғон чегарасига етгунча ўн соатча йўл босишиди. Чегарага яқинлашган сари ойна ортидаги манзаралар ҳам кўнгилсиз, нохуш тус оларди. Йўлларда яккам-дуккам қочоқлар лагерлари, чанг-тўзон ичидаги қолган қора чодирлар, тунука уйлар, ялангоёқ болалар кўзга ташлана бошлади.

Лайло Тариқнинг қўлидан маҳкам тутиб олди.

Ҳиротнинг аксарият кўчаларига тош ётқизилган, хушбўй арчалар экилган, бузилган бинолар тиклана бошлаганди. Светофорлар мунтазам ишлар, электр таъминотида ҳам узилиш йўқ... Ҳирот ҳокими Исмоилхон Кобулнинг кўрсатмасини кутиб ўтирмай, Эрон–Афғон чегарасидаги божхона масканларидан тушадиган маблағнинг катта қисмини ободончилик ишларига ажратадётгани ҳақида Лайло қачондир эшитганди.

Уларни «Муваффақ» меҳмонхонасига олиб бораётган таксичи ҳам ҳоким ҳақида оғзидан бол томиб гапириб кетди.

Икки кун меҳмонхонада яшаш учун шу пайтгача жамғарган пулларининг бешдан бирини

сарфлашга түғри келди. Бошқа иложи ҳам йүқ әди. Машҳаддан келгунча болалар анча ҳолдан тойишганди. Хона калитини топшираркан, кекса маъмур бу ерда жуда күп журналистлар, хайрия ташкилотлари вакиллари яшашини маълум қилди.

– Бир пайтлар бу ерда Бин Лодиннинг ўзи ҳам бир кун туриб кетганди, – деди у паст овозда мақтанаркан.

Хонага иккита каравот қўйилган, ваннада жўмракдан совуқ сув оқиб турар, деворда шоир Абдуллоҳ Ансорийнинг портрети осилган әди. Деразадан йўлакларига фишт ётқизилган, гуллари барқ уриб очилган хиёбон кўзга ташланади. Болалар хонада телевизор йўқдигидан шикоятланишди. Кейин бирин-кетин уйқуга кетишли. Тунда Лайло босинқираб, бир марта уйғониб ҳам кетди. Кейин қандайдир туш ҳам кўрди, аммо мазмуни эсида қолмади.

Эрталаб нонуштадан сўнг, Тариқ такси тутиб келди.

– Сен ёлғиз ўзинг бориб келмоқчимисан? – сўради у Лайлодан.

Азиза отасининг қўлидан ушлаб олди, Залмай унинг оёғига ёпишди.

– Шунаقا.

– Мен хавотир оламан-ку!

– Ҳаммаси яхши бўлади. Ваъда бераман. Сен болаларни бозорга олиб бор. Ул-бул оларсан.

Такси жўнаб кетиши билан Залмай йифламсираб, Тариққа ёпишди. Бу Лайлони қувонтирди.

... – Ҳиротликка ўхшамайсиз? – деди сочи елкасига тушган таксичи ва кўзгу орқали Лайлого бир қараб олди. Унинг сийрак мўйлови остидан жароҳат изи сезиларди. Орқа ойнада соchlари икки ўрим қилинган, ёноқлари қизғиши қизнинг сурати ёпиштирилган экан.

Лайло гап орасида бир йил Покистонда яшаб, энди Кобулга, ўз уйига қайтаётганини айтди. Ойнадан кўзаларга нақш солаётган мискарлар, хом тери парчаларини офтобга ёйиб қуритаётган эгарсозлар бир-бир ўтиб борарди.

– Ҳиротда анчадан бери яшайсизми? – сўради Лайло.

– Ҳа, Шу ерда туғилиб ўсганман. Қўзголон эсингиздами?

Лайло нимадир демоқقا оғиз жуфтлаганида, ҳайдовчи гапни илиб кетди:

– 1979 йил март ойи, шўравийлар бостириб кирганига олти ой бўлганди. Ҳиротда бир қанча шўравий мутахассисларни ўлдиришгач, жавоб тариқасида шаҳарни уч кун тўпга тутишди. Танк ва вертолётлар уйларнинг кулини қўкка совурди. Битта минорани ер билан яксон қилишиди. Икки опам ўша пайтда ҳалок бўлган. Биттаси эндингина йигирмага кирганди, суратдаги қиз ўша опам бўлади, – ҳайдовчи қўли билан суратга ишора қилди.

– Аллоҳ раҳматига олган бўлсин!

«Бирор-бир афғон йўқки, уруш унинг тақдирида қайгули из солмаган бўлсин, – ўйлади Лайло.

– Одамзот ҳамма нарсага кўникаркан. Биттаси, мана, мен. Шунча фам юкидан қандай тирик юрганимга ҳайронман. Мана, соппа-соғ, яна кимгадир ҳамдардлик билдириб кетиб боряпман».

Гулдоман қишлоғи фақат лойсувоқ, пастқам кулбалардан иборат эди. Улардан баъзиларигина девор билан ўраб олинганди. Юзлари офтобда қорайган аёллар очиқ ҳавода овқат пиширишади, қора қозонлардан қуюқ буғ кўтарилади. Аравачаларда тош ташиётган эркаклар машинанинг орқасидан ажабланиб қараб қолишиди. Болалар таксининг ортидан анчагача югуриб боришли.

Хайдовчи машинани ичидан эски мақбара гумбази күриниб турған қабристон тарафға бурди.

Шамол тегирмөнининг занг босған парраклари тағида уч нафар бола ҳаммомпиш ўйнарди. Ҳайдовчи ойнани тушириб бошини чиқарди. Болалардан ниманидир сүради. Улардан бири бармоғини йўлнинг нариги тарафига никтади. Ҳайдовчи ўша тарафға йўл солди. Девор билан ўралган, дараҳтлар шохи күриниб турған ҳовли ёнида тўхтади.

– Мен тез қайтаман, – деди Лайлло ҳайдовчига.

Эшикни қорақадан келган, соқолига оқ тушган, анъанавий кийимдаги ўрта ёшли жиккаккина эреккак очди. Қисқагина саломлашишди.

– Бу мулла Фатхулланинг уйларими? – сўради Лайлло.

– Ҳа, мен ўғиллари Ҳамза бўламан. Нима хизмат, синглим?

– Мен отангизнинг эски таниши номидан келдим. Марям деб эшигтганмисиз?

Ҳамзанинг кўзлари пирнпиради:

– Марям?

– Ҳа, Жалихоннинг қизи.

Ҳамза гарданини қашлаб бир оз ўйланиб турғач, бирданига юzlари ёришиб кетди:

– Э, шунақами? Марямни танийман! Сиз унинг қизимисиз? Ўзи тузукми? – Ҳамза Лайлонинг елкаси оша ташқарига кўз ташлаб олди. – У ҳам келганми? Орадан қанча сувлар оқиб ўтмади-я!

– У ўлган.

Ҳамзанинг юзи тундлашди. Юзига фотиҳа тортди.

– Киринг, – деди ва эшикни ёпди. – Хуш келибсиз.

Улар одмигина жиҳозланған хонага киришди. Ерга эски Ҳирот гилами тўшалган, деворга мунчоқ қадалган ёстиқлар суюлган, қибла тарафға Макка

тасвири туширилган сурат ёпиштирилган эди. Очиқ деразадан қүёш нури тушиб турар, қўшни хонадан аёл кишининг шивирлаб гапириши эшитиларди. Ялангоёқ бола бир чойнак чой ва ҳолва қўйилган патнисни дастурхонга келтириб қўйди.

– Ўғлим бўлади, – дея унга имо қилди Ҳамза.

Бола жимгина чиқиб кетди.

Кейин Лайло бир бошдан ҳаммасини гапириб берди. Гап орасида икки-уч марта йиглаб ҳам олди. Ҳамза дастурхонга термилганча унинг бор саргузаштини тинглаб ўтирди.

– Отам раҳматли Марямни жуда яхши қўрарди, – деди Лайлонинг ҳикоясини эшитиб бўлгач.

– Ахир, унинг қулогига азонни ҳам отамнинг ўзи айтганди. Ҳар ҳафта уни кўргани борарди. Баъзида мениям олиб борарди. Унга ҳарф танитган ҳам отам эди. Раҳматли жуда меҳрибон одам эди. Жалилхон қизини узоққа узатиб юборгач, отамнинг тоби қочиб қолди. Лекин отам анча яшади, Жалилхондан ҳам узоқроқ умр кечирди. Уни Марямнинг онаси билан ёнма-ён дафн этдик. Жуда тақводор инсон эди отам раҳматли.

Лайло чойдан бир ҳўплаб қўйди.

– Сиздан илтимос. Менга Марям опам яшаган уйни кўрсатасизми?

Ҳайдовчи уни яна бир оз кутиб турадиган бўлди. Ҳамза билан Лайло тепаликдан пастга, Ҳиротга олиб чиқадиган катта йўлга тушиб олишиди. Чорак соатлар ўтиб, қалин ўтлар орасидан торгина сўқмоқ кўзга ташланди.

– Мана шу сўқмоқ сиз айтган жойга олиб боради.

Йўлак қарийб ўт-алаф билан беркилиб қолган, осмонда қалдирғочлар чарх урар, оёқ тагидан чигирткалар сакраб чиқар, кучли шамол буталар шохини эгишга уринарди.

Икки юз метрлар чамаси йўл босилгач, сўқмоқ очиқ ялангликка олиб чиқди. Бу ерга чиққунча Лайло билан Ҳамзанинг нафаси оғзига тиқилди. Ҳавода чивинлар фужғон ўйнарди. Тераклар ортида олис тоғлар кўзга ташланади.

– Аввал бу ердан анҳор ўтарди, – қуриган ўзанин кўрсатди Ҳамза. – Қуриб қолганига анча бўлди. Мана шу қуриган ўзандан ўтиб, тоғ тарафга қараб юрасиз.

– Адашиб қолмайманми?

– Қўрқманг, – Ҳамза терак соясига ўтирди. – Бу ер адашадиган жой эмас.

Оёқ остида майдо тошлар, тунука ва шиша парчалари сочилиб ётарди. Лайло тошдан-тошга сакраганча ўзанин кесиб ўта бошлади.

Мана ўша, Марям айтган, соҳилда бошини эгиб турган мажнунтоллар ҳам қуриб қолибди. Лайлонинг юраги қинидан чиққудек ошиқарди. Ҳамза эса, тобора олислаб, кичрайиб, ниҳоят дарахтлар фонидаги ярқироқ донга айланиб қолди.

Лайлонинг оёқлари тошлардан сирпаниб, йиқила-сурина илгарилаб борарди. Яна озгина қолди, озгина. Мана, Марямнинг кулбасига ҳам етиб келди. На дераза, на эшик бор. Товуқхонаю қўйхонадан ҳам асар қолмаган. Ҳожатхона ҳам йўқ. Қулоққа пашшаларнинг фувиллаши эшитилади.

Лайло ўпкасини тўлдириб нафас олди ва йўлакни қоплаб олган ўргимчак тўрини юлқиб, ичкари кирди. Қоронфига кўзлари кўникунча анча вақт ўтди. Нега ҳамма нарса бунча кичкина бўлмаса? Ҳатто тасаввуридагидан ҳам кичкина экан.

Уч-тўртта чирик тахтани айтмаса, полдан ҳам ном-нишон қолмабди. Қишида ёқиб исиниш учун қўпориб кетишган кўринади. Ҳамма ёқقا хазон барглари ёйилган, димоққа чириган барглар ва замбуруғларнинг нохуш ҳиди урилади. Қалин бу-

талар кулбанинг деворларига чирмashiб кетишиганди.

Ўн беш йил! Марям ўн беш йиллик умрини шу ерда ўтказган!

Лайло кулба деворига суюниб ўтирганча, дарахтлар шохларида ўйнаётган шамолнинг гувилашига қулоқ солди. Шифтни ис босиб кетибди, деворларда қандайдир – русча бўлса керак – ҳарфлар ўйиб ёзилган. Битта бурчакда қандайдир қуш ин қурган бўлса, иккинчи бурчакда кўршапалак осилиб ётибди.

Лайло кўзларини юмди.

Баъзи пайтларда у Марямнинг қиёфасини эслашга уринар, аммо кўз олдига аниқ чизгилар келмасди. Унинг сурати худди тил учидатурган, аммо негадир эсга келмаётган сўзга ўхшар, эндинана қоронгилик қаъридан кўрина бошлагандада, яна тасвир чаплашиб, йўқликка сингарди. Мана, энди ўша самимий чехра кўз ўнгидаганиқ-тиник намоён бўлиб турибди: меҳр-ла боқувчи нигоҳдар, узун ияқ, юпқа лаблар, синик табассум... Шу аснода Лайло унинг тиззасига бош қўйиб, юракни элитувчи Қуръон каломлари таъсирида ором олишни истарди.

Бу нима бўлди? Ўт-алафлар худди кимдир ероғицидан туриб тортгандек қисқарив, ахирине ерга кириб кетдими? Ўргимчак тўри, қушлар ини ҳам эриб кўздан йўқолди. Кўринмас ўчиргич девордаги русий битикларни ҳам ўчириб ташлади. Пол тахталари ҳам ўз ўрнига қайтди. Лайлонинг рўпарасида иккита мўъжаз каравот, ёғоч стол, иккита стул, бурчакда чўянпеч, қораялоқ чойнак, сопол декча ва идишлар териб қўйилган токча намоён бўлди. Ташқаридан анҳор тўлқинларининг шовуллаши, товуқларнинг қақағлаши эшитилди.

Ана, ёшгина Марям стулга ўтирганча, керосин чироқнинг ёруғида ниманидир хиргойи қилиб, қўғирчогини безаяпти.

– Лайложо!

Лайлонинг бутун вужудига титроқ ўрмалади ва кўзларини очди. Кўршапалак унинг кескин ҳаракатидан чўчиб, худди китобнинг титилган варақлари каби ўзини бурчакдан-бурчакка отди, кейин эса, туйнукдан ташқарига ўзини урди. Лайло ўрнидан туриб кийимларини қоқди ва ташқарилади. Қоронғи туша бошлабди. Кучли шамол эсар, мажнунтолларнинг қуруқшаган шохлари асабий гичирларди. Лайло кетиш олдинан Марямнинг болалиги ўтган, унинг ширин орзулари, изтироблари, хаёллари, соғинч ва армонлари қўмилган қулбага ўгирилиб қаради. Томга қўниб ўтирган қарға узун тумшуқлари билан аввал ниманидир чўқилади, кейин «қаFF» этди-ю, учиб кетди.

– Алвидо, Марям опа, – пичирлади юзларини ювib тушаётган томчиларни пайқамай.

Ҳамза уни терак панасида кутиб туради.

– Қишлоққа қайтишимиз керак, – деди оҳиста.

– Сизга топширадиган омонатим бор.

Лайло Ҳамзанинг уйи олдидаги боғда кутиб турди. Боя чой олиб кирган бола анжир дарахти остида Лайлого алланечук хотиржамлик билан тикилиб туради. Дераза ортида тўладан келган аёл ва ҳижобга ўранган ёшгина қиз ҳам бор эди.

Эшик очилиб, Ҳамза ўзи билан тунукадан ясалган қутича олиб чиқди.

– Жалилхон ўлимидан бир ойча олдин буни отамга бериб қўйган ва шахсан Марямнинг қўлига беришни васият қилган экан. Отам уни иккийил қўз қорачифидек сақлади ва ўлимидан олдин менга топшириб, Марямни кутишимни илтимос

қилди. Бироқ... уни Аллоҳ раҳматига олган бўлсин. Мана, сиз борсиз-ку!

Лайло қутичани диққат билан кўздан кечирди. Қачонлардир унда қимматбаҳо шоколадлар сақланган бўлса керак. Овалсимон, зайдун рангидаги қутичанинг сири кўчган, айрим жойлари занглаган эди.

Лайло қутичани очишга уринди, аммо очолмади.

– Нима бор ичида? – сўради Лайло қизиқсиниб.

Ҳамза унга миттигина калитчани тутқазди.

– Отам ҳеч қачон буни очиб кўрмаган, мен ҳам қараганим йўқ. Уни очиш фақат сизга насиб этган кўринади.

Лайло меҳмонхонага келганида, Тариқ ва болалар ҳали қайтишмаган экан. Каравотга ўтирганча, қутичани қўлига олди. Бир муддат иккиланиб турди: очса тўғри бўлармикин? Жалилхоннинг (майли-да, ким бўлсаем) қизига ҳадяси сир бўла қолсинми? Бари бир қизиқиши устун келди. Калитни оҳиста буради. Нимадир фижирлади, пружинали қопқоқ шарақлаб очилиб кетди.

Қутидан конверт, бўз халтача ва видеокассета ўрин олганди. У кассетани кўтариб, меҳмонхона маъмурининг ёнига йўл олди. Уларни кутиб олган, кексароқ маъмур видеомагнитофон фақатгина люкс-апартаментда борлигини айтди. Лайлонинг баҳтига ҳозир бу хона бўш экан, видемагнитофондан фойдаланиш учун рухсат берилди.

Шу пайт уларнинг тепасига белига уяли телефон қистириган ёшгина мўйловли хизматчи етиб келди. Кекса маъмурнинг топширифи билан Лайлони учинчи қаватга эргаштириб олиб чиқди. Хона дид билан жиҳозланган эди. Аммо Лайлонинг кўзига телевизордан бошқа нарса кўринмасди.

Кассета қўйилди. Бир муддат экран қорайганича қолди. Наҳотки тасма бўм-бўш? Буни Мар-

ямга қолдиришдан мақсад нима бўлган? Ниҳоят қандай мусиқа жаранглади. Экранда тасвирлар липиллаб ўта бошлади. Лайло икки дақиқача экранга тикилиб турди. Тасмани олдинга ўтказиб, орқага қайтариб ҳам кўрди. Ўша-ўша тасвирлар – Уолт Дисней суратга олган «Пиноккио» филмидан бошқа нарса йўқ эди кассетада.

(Ўқувчиларимизнинг ёдида бўлса, Марям болалигида айнан шу фильм ҳақида отасидан эшитган, кейин фильмни отасининг кинотеатрида томоша қилиш учун Ҳиротга йўл олган, унинг бошига тушган ҳамма кўргуликлар ана ўшандан сўнг бошланган эди. – тарж.)

Меҳмонхона хизматчисининг юзида таажжуб аксланди. Лайло ҳам ҳеч нарсани тушунмади. Кеч соат еттиларда Тариқ болаларни етаклаб бозордан қайтди. Азиза онасининг бўйнига осилганча отаси олиб берган капалакнусха, кумуш зирақчасини кўрсатиб мақтанди. Залмай эса, босса пишиллаб овоз чиқарадиган резина делфинни кўксига босиб олганди. Тариқ хотинини кучоқлади.

– Қандай бориб келдинг?

– Ҳаммаси жойида. Кейин айтиб бераман.

Улар яқин атрофдаги кабобхонада кечлиқ қилишди. Кичикроқ зал одамлар билан тўла, столлар ёпишкоқ клеёнка билан қопланган, тутун ва гўшт ҳиди анқиб туарарди. Бироқ, қўй гўштидан тайёрланган барра кабоб ҳам, иссиқ шапати нон ҳам уларга роса маъқул тушди. Овқатланиб чиқишгач, кечки Ҳирот кўчаларини айланишди. Тариқ болаларга пуштиранг музқаймоқ олиб берди.

Илиқ ҳаводан зирк япроқларининг ҳиди уфурарди.

Конвертни Лайло ўз хонасига кириши ҳамоно очиб ўқиган эди. Сарғайган қофозда кўк сиёҳ билан қуйидаги жумлалар битилган эди:

«13 май, 1987 йил!

Азизим Марям!

Ушбу хатим сенга тез орада етиб боришини
Яратгандан сўраб қоламан.

Хабаринг бор, бир ойча илгари сен билан баъзи нарсаларни гаплашиш учун Кобулга боргандим. Сен эса мени кўришни ҳам истамадинг. Гарчи бундан қаттиқ оғринган бўлсам-да, сени мутлақо айбламайман. Сенинг ўрнингда бўлганимда, балки мен ҳам шундай қиласмидим? Чунки, сенинг меҳру муҳаббатингга бўлган ҳуқуқни аллақачон йўқотган ва бунинг учун ёлғиз ўзим айборман. Агар сен ҳозир хатимни ўқиётган бўлсанг, демак, ишонаманки, мен дарвозангга қистириб кетган номани ҳам очиб ўқигансан ва келиб Мулла Фатхулла билан учрашгансан.

Марямжо, Сен лоақал бир-икки оғиз гапимни айтиб олишимга имкон берганинг учун ҳам хурсандман.

Нимадан бошласам экан? Сен Кобулга кетганингдан сўнг бошимизга анча-мунча савдолар тушди. Ўгай онанг Афсун 1979 йилдаги қўзғолоннинг биринчи куниёқ ҳалок бўлган. Ўша куни дайди ўқ синглинг Нилюфарни ҳам олиб кетди. Меҳмонлар келганида Нилюнинг ерга боши билан туриб ҳаммани ҳайратда қолдириши ҳамон кўз олдимдан кетмайди. Аканг Фарҳод 1980 йилда жиҳод байроби остида жангга кирди ва икки йил ўтиб Ҳилмандда шаҳид бўлди. Ҳатто унинг жасадини ҳам кўриш насиб этмади.

Марямжо, балки болаларинг бордир? Илоҳо мен кўрган фарзанд доғи ҳеч қачон сенинг бoshингга тушмасин. Ўлган болаларим тез-тез тушимга кириб туради.

Сени ҳам тушимда кўп кўраман. Сенинг кулгиларинг, овозингни соғинаман. Сенга газета

үқіб берган, бирга балиқ овлаган пайтларимиз әсимга тушиб, юрагим әзилади. Балиқ овига борғанларимизни әслайсанми?

Сен жуда яхши қыз әдинг, болам, лекин мен сенга муносиб ота бўлолмадим. Сенга қылган ноҳақдикларимни ўйласам, уятдан ўзимни қўярга жой тополмайман. Виждоним қийналади. Мен номард, мен нобакор нега ўша куни қишлоқдан «отамни кўрай» деб аранг уйимни топиб келган жигарбандимга эшик очмадим-а? Нега сени шу пайтгача оиласдан йироқда сақладим, ўз боладек меҳр беролмадим? Нима учун? Ўзимнинг аҳмоқона обрў-эътиборимни, қулоғимнинг тинчини ўйлабми? Ахир лаънати уруш шундоғам мени бор-йўғимдан жудо қилди-ку! Лекин энди кеч. Сўнгги пушмон – ўзингга душман. Дунёда бирор ёмонлик изсиз кетмас экан. Худо менинг номардлигимни ҳам жазосиз қолдирмади. Мени кечир, жон болам, ота дейишга нолойик, ношуд отангни кечир, жигаргўшам!

Энди мен бир пайтлардагидек бой эмасман. Коммунистлар еримнинг катта қисмини, ҳамма дўконларимни мусодара қилишди. Аммо, нолисам, гуноҳкор бўламан – Яратганинг мендек фоғил бандасига раво кўргани шу экан. Кобулдан, сенинг ёнингдан қайтиб, қолган-қутган мул克拉имни сотдим. Мероснинг сенга аталган қисми қутидаги бўз халтачада турибди. Тўғри, ҳайратланарли даражада катта пул эмас, лекин бирор кам-кўстингга яратарсан. Пулларни долларга айлантириб қўйганман, ўзимизнинг пулга ишонч йўқ, миллий валютамиз эртага нима бўлишини ҳеч ким билмайди.

Умид қиласманки, отам мендан кечиримни со-тиб оляпти, деган фикрдан йироқсан. Мен фақат сенга ҳаққи ҳалолингни етказиб қўймоқчиман,

холос. Тириклигимда сенга муносиб ғамхўрлик қилолмадим, шояд вафотимдан кейин сенга озроққина нафим тегса...

Ўлим-ҳақ. Ортиқча тафсилотлар билан вақтингни олмайман. Шуни айтишим мумкин, ҳозир ажал останамда пойлаб турибди. Докторлар айтишди, юрагим заиф экан. Худди эгаси сингари...

Марямжо!

Ушбу битикларни ўқиб менга бўлган муносабатинг сал бўлса-да, яхши тарафга ўзгарар деб умид қиласман. Балки, эшигингдаги хатни ўқиб, ўлимини кутаётган отангга раҳминг келар, бироров бўлсаям уни кўргани келарсан. Ўлимим одидан сенинг дийдорингга бир тўйсам эди.

Нуридийдам, ёлвораман, келиб, бир мартаGINAна эшигимни тақиллат, Худо ҳақи, энди сенга албатта эшигимни очаман, ўзимни сени бағримга, заифгини уриб турган юрагимга босаман.

Йўлингга муштоқман, болам!

Парвардигор умрингни узоқ, ризқингни фароф қилсин, қизим. Фарзандларинг, невара-чевараларингнинг бахтини, ҳузурини кўргин, илоҳим! Иншоолоҳ, сен жоҳил отанг бера олмаган меҳр-муҳаббатга, бахт ва фароғатга эришасан. Сени Яратганинг паноҳига топшираман.

Сенинг ношойиста отанг Жалил. Имзо».

Меҳмонхонага қайтишгач, болалар уйқуга кетганидан сўнг, Лайло Тариқقا ҳаммасини айтиб берди, халтачадаги пулни кўрсатди.

Лайло ўксиб-ўксиб йиглар, Тариқ унинг қўлларидан, хўл ёноқларидан ўпиб овутишга ҳаракат қиласарди.

ТҮРТИНЧИ БОБ

Апрел, 2003 йил.

Құрғоқчылық ҳам интиҳо топди. Қишда тизза бүйі қор ёғди. Энди эса, челяклаб ёмғир қүйяпти. Кобул дарёси ҳам үзанизга сифмай оқа бошлади. Үзан ичидағи «Титаник» бозоридан ҳам ном-нишон қолмади.

Оёқ ости билч-билч лой, машиналар ғилемдіраги бир жойда айланиб қолади, олма ортилған әшак-аравалар ҳам сирпаниб, аранг жилади. Бироқ, ҳеч ким бундан нолимайди, ғойиб бўлган бозорга ҳам бирор ачинмади. Кобул яна яшнай бошлаганди.

Илиққина баҳор ёмғиридан болаларга ҳам жон кирди. Ўтлоқда чопқиллаб ўйнаётган Азиза билан Залмайнинг қувонганини айтмайсизми? Ошхона деразасидан туриб, Лайлор уларни жимгина кузатарди. Улар Деки Мазангдан икки ётоқди уйни ижарага олишганди. Ҳовлида наъматаклар орасида анор дарахти ўсганди. Тариқ деворларнинг шикаст-рехтини бутлади, болалар учун аргимчоқ ясади, Залмайнинг эчкиси учун қўра ҳам қуриб берди. Шайтонга қарши дуоларни ҳам улар энди бирга ўқийдиган бўлишди.

Азизанинг соchlари жиққа ҳўл эди, бошини бир силтаганида, Залмайнинг юзларига томчилар сачради.

Ҳадемай Залмай олтига тўлади. Азиза эса ўнга кирди, ўтган ҳафтада туғилган кунини нишонлашди. Энди истаган одам «Титаник»ни бемалол томоша қилиши мумкин бўлган «Парк» кинотеатрига боришди.

– Юринглар, болалар, кеч қоламиз, – деди Лайлор болалар учун тайёрлаган тушликни пакетга ўраркан.

Соат саккизга бонг урди. Азизани онаси соат бешда бомдодга уйготганди. Бир пайтлар Марям ҳам Лайлони тонг саҳарда уйготарди. Намоздан кейин Лайло яна ўрнига кириб ухлаб қолганди. Ҳатто эрталаб ишга кетаётган отаси унинг юзидан ўпид қўйганини ҳам сезмади. Тариқ ҳозир уруш ногиронларига протез тарқатадиган француз хайрия ташкилотида ишларди.

Ошхонага Азизанинг орқасидан Залмай тушиб келди.

– Дафтарларингни олдингларми? Дарсликлар-чи?

– Ҳаммаси ичида, – Азиза папкасини баланд кўтарди. Унинг дудуқлиги ҳам деярли билинмай кетганди.

– Унда олға!

Лайло болаларни олдинга чиқариб, эшикни қулфлади. Ташқари салқин, аммо ёмғир тўхтабди. Тўп-тўп булувлар уфқа томон сурилиб, осмон очила бошлаганди. Лайло болаларнинг қўлидан тутиб, автобус бекати томон юрди. Кўчада қатнов тифизлашиб қолган, автобус, рикша, таксилар, БМП машиналари, ҳарбий «жип»лар ҳар қадамда учрарди. Савдогарлар мудроқ кўзларини ишқалаб, дўкон пардаларини очишмоқда. Йўл четидаги ёймаларда писта, қурут, сақич, си гарет сотувчилари харидор кутишади. Тиланчи болалар, аёллар камроқ бўлса-да, чорраҳаларда, гавжум жойларда учраб туради.

Лайло ҳамон кўзларига ишонмасди. Кобул анча ўзгарибди. Одамлар ҳам жонланиб қолишган: кимдир дараҳт экяпти, яна бирор уй оқдаяпти, кимлардир ариқ қазиш, қудук тозалаш билан овора. Одамларга қойил қоласан, ҳатто ракеталарнинг бўш корпусига тупроқ, чиринди тўлғазса, тугпа-тузук гултувакка айланаркан.

Яқинда Лайло билан Тариқ болаларни Бобур боғига олиб боришиди. У ерда ҳам ободончилик

ишлари бошланиб кетибди. Энди ҳар бурчакда мусиқа садолари, рубоб, дутор ва танбур наволарини эшитиш мумкин. Одамлар Аҳмад Зоҳирни яна сел бўлиб тинглашмоқда.

Эҳ, Лайлонинг ота-онаси бу кунларни кўрмади-да!

Лайло болалар билан кўчани эндиғина кесиб ўтмоқчи бўлганда, ойналари қорайтирилган «Тойота» яшин тезлигида лой сачратиб ўтди, Лайло болаларини қўлидан четга тортишга аранг улгурди. Унинг юраги товонига тушиб кетганди.

«Тойота» шитоб билан муйилишнинг бошига бориб, кўздан йўқолди.

Аёл болаларини худди йўқотиб қўядигандек қўлларидан маҳкам сикимлаб олди. Булар – дала командирлари. Лайлонинг этлари жимирилаб кетди. Унинг ота-онасини ўлдирган қотиллар ҳали-ҳануз қиммат-баҳо чет эл машиналарида, қасрмонанд уйларда давру даврон суришмоқда. Уларнинг бирови ҳозир вазир, яна бири мудир ва ҳоказо лавозимларни эгаллашган. Мана, зирҳи «жип»ларда ўзлари вайрон қылган маҳаллаларда ялло қилиб юришибди. Демак, қувонишга ҳали эрта.

Лайло бу нохушликларни кўнглига яқин олмасликка тиришди. Бундай пайтда Марям мудрик табассум ила «Кўявер, Лайложо, нима қиласан ҳамма нарсага асабийлашиб?» деган бўларди.

Дарвоқе, Марям Лайлонинг тушларига тез-тез кириб туради. Ҳар гал унинг рўпарасидан, қўл узатса етадиган ердан жой олади. Ҳар гал уни сабрли ва умидли бўлишга ундейди.

Замон баскетбол савати остида тўпни тиззалирига орасида қисиб тураг, қўллари билан нималаргadir ишора қилиб, куйиб-пишиб тушунтирас, атрофини спорт кийимларини кийиб олган бир гала болалар ўраб олганди. Лайлони кўриб, Замон унга қўл силкитди.

– Ассалому алайкум, муаллима соҳиб, – дея уни қарши олишди болалар.

Спорт майдониниг шарқий девори ёнига олма дарахти экилган экан. Лайло жанубий девор тагига ҳам дарахт экмоқчи эди, аммо аввал деворнинг ўзини тиклаш керак. Майдонга кичкина болалар учун аргимчоқлар келтириб ўрнатилди. Спорт жиҳозлари олиб келинди.

Лайло янги бўёқ ҳиди анқиб турган чиройли бинога қадам қўйди. Тариқ билан Замон бинонинг томини бутлаб, деворларни оқлашган, ётоқхона ва дарсхоналарга гилам ва тўшамалар тўшаб чиқишганди. Ўтган қишида Лайло ҳам иккита янги каравот, чўян печ, адёл ва ёстиқлар олиб келди.

Бир ой аввал Кобулда чиқадиган «Анис» газетасида етимлар уйининг тиклангани ҳақида мақола чоп этилди. Мақола ёнида суратлар ҳам берилган, унда Лайло, Замон, Тариқ ва яна бир тарбиячининг болалар қуршовидаги сурати акс этганди. Лайлонинг эсига беихтиёр синфдошлари Жити ва Ҳасинанинг ҳазили тушганди ўшандা: «Биз йигирмага киргунча тўрт-бештадан бола туғиб қўямиз, Лайло эса, катта одам бўлиб кетади, сурати газеталарнинг биринчи бетида босилади».

Сурат биринчи саҳифада бўлмаса ҳам, уларнинг башпорати қисман бўлса-да амалга ошди-ку!

Лайло бундан икки йил аввал қизини Замоннинг қўлига топшириб кетган йўлак бўйлаб кетиб бораради. Ўша пайтда қизчаси унга қандай ёпишиб чирқираганини бир умр унгутолмайди. Йўлак деворлари тури эртак қаҳрамонларининг суратлари билан безатилган. Шунингдек, катта стендда болалар ишлаган суратлар ҳам ўрин олган: Бомиёнда портлатилган маъбуллар ҳайкали, танклар, қора чодирлар, жанг манзаралари...

Лайло бурчакка бориб бурилди. Ўқувчилари уни синф эшиги олдида кутиб туришарди.

Лайло қизларнинг бошидаги рўмочаларга, болалар тақир бошларига қўндириган дўппиларга, уларнинг беғубор, самимий юзларига (айримлари кир-чир бўлса ҳам) ҳайрат билан тикилди.

Устозларини кўриб, болалар бир текис саф тортишди, одоб билан жўровозда салом беришди. Кейин эса, аввал Лайло, унинг ортидан болалар синфга киришди, ҳамма ўз ўрнини эгаллади.

Тариқ билан Замон иккита хона ўртасидаги деворни бузиб, битта катта синф ҳосил қилишган. Ҳозир полнинг тирқишлирини бекитиш учун брезент ташлаб қўйилган, бироқ Тариқ тез орада полга гилам келтириб тўшашга ваъда берди.

Деворга осилган синф тахтасини ҳам Замон яхшилаб силлиқлаган, оқ рангта бўяган эди. Тахтада Замон ёқтирган ўлмас мисралар – Ҳофиз Шерозийнинг хотиржамлилар, ёруғ кунлардан умид қилишга, тушкун кайфиятга берилмасликка ундовчи ажойиб бир фазали битиб қўйилганди

*Қайтадир Канъонга ул Юсуфи сарсон, ғам ема!
Бир куни ғам кулбаси бўлгай гулистон, ғам ема!*

*Бўлма бадбин ғамзада кўнглинг иши ўнглангуси,
Тоабад савдоли бош қолмас паришион, ғам ема!*

*Бошга тортарсан яна гул пардасин бўйстон аро,
Келса умринг кўклами бўлбули хушион, ғам ема!*

*Бу фалак биз истагандек бир нафас айланмади,
Лек мудом бир хилда қолмас чархи гардон, ғам ема!*

*Ноумид бўлма, илоҳий сирга ақлинг етмаса,
Кўп ўйинлар, билсанг, ул пардада пинҳон, ғам ема!*

*Гар фано сели ҳаётингнинг асосини йиқар,
Нуҳ паноҳинг бўлса, келсин майли тўйфон, ғам ема!*

*Каъба шавқида биёбонларни қатъ этсанг агар,
Шох – тикан тилса оёқни, айласа қон гам ема!*

*Бизга ёр ҳажри, рақиб озори бас, қисмат эмиш,
Холимиздан боҳабар аслинда Яздон, гам ема!*

*Кимки саргардон бўлиб, оламда гамхўр топмади,
Оқибат бир меҳрибон топгай ул инсон, гам ема!*

*Гарчи манзил кўјп хатарли, гарчи мақсад ноаён,
Йўқ бирор йўлки, анга йўқ эрса поён, гам ема!*

*Бу фақирлик гўјаси, тун хилватида, Ҳофизо,
То ишинг зикру дуо, таҳсили Қуръон, гам ема!¹*

Машғулотлар бошланди. Болалар дафтарларини очиб, ёзишга тушишди. Кимдир орқа партадан қоғоз кабутар ясад учирди. Кабутар олдинги партада ўтирган қизчанинг елкасига «қўнди».

Лайло орқа партадаги болага қовоғини уюб, болаларга форс тили дафтарини очишни буюрди.

Танаффусда болалар баскетбол саватига тўп ташлаш бўйича беллашишди. Тоғлар ортидан қуёш кўтарилиб келар, унинг заррин нурлари баскетбол устуни, аргимчоқ илинган занжирлар, Замоннинг бўйнига илинган ҳуштак ва унинг кўзидағи янги кўзойнак гардишида жилваланарди. Лайло кафтини деразанинг ёғоч ромига тираганча, мамнуният билан кўзларини юмди.

Улар Покистондан Кобулга эндиғина кириб келишганида Лайлонинг юрагига яна хавотир ўрлаганди. Толиблар Марямнинг жасадини қаерда дағғи қилишдийкин? Наҳотки, Лайло унинг қабрини зиёрат қилиб, гул кўёлмаса? Бироқ, вакт ўтиб Лайло бир ҳақиқатни тушуниб етди. Марям ҳами-

¹ Форсийдан Эргаш Очилов таржимаси

ша у билан бирга, унинг қалбидა, ёдида, хаёлида. Янги бўялган деворларда, ерга қадалган ниҳолларда, болаларни ўраб, иситиб турган адёлларда, уларнинг қўлидаги китоб-дафтарларда Марямнинг жилмайиб турган сиймосини учратади. Марям болаларининг шодон қулгисида, Азиза ёд олган шеърларда, ҳар кечқурун такрорлайдиган дуоларида барҳаёт. Марям Лайлонинг қалбини Минг Қуёш шуъласи билан ёритиб туради.

Кимдир Лайлони чақиргандек бўлди. Лайло бошини соғ қулоги тарафга қараб бурди. Азиза экан.

– Ойи, мазангиз қочдими?

Синфда пашша учса билинар, ҳамма муаллиманинг оғзига термилиб қолганди. Лайло нимадир демоқчи бўлди, аммо томогига нимадир тиқи-либ қолганини пайқади. Бутун танасига илиқ бир тўлқин югорди. Оҳиста қорнига қўл юборди. Йўқ, бу гал бир мартагина тепди-ю, жим бўлди.

– Ойи-и-и!

– Хавотир олма, асалим, мен тузукман, қўрқма!

У ўз столи томон юаркан, миясида турли ўйлар фужфон ўйнарди. Кеча бутун оила бир бўлиб, ўғил бола учун муносиб исм ўйлашди. Лайло фарзанд кутаётгани маълум бўлганидан бери бу одат тусини олган. Ҳамма ўзиникини маъқулларди. Тариққа Муҳаммад исми ёқса, «Суппермен»-нинг асл шайдосига айланган Залмай, нима учун афғон болаларига Кларк деб ном бериш мумкин эмаслигини тушунолмай хуноб. Азизага Омон деган исм ёқса, Лайло Умарни афзал кўрмоқда.

Лекин нимагадир баҳслар фақат ўғил болаларнинг исми устида борарди. Чунки, қиз туғилса, Лайло унга қандай от қўйиш ҳақида қатъий қарорга келиб қўйганди...

Марям!!!

Адабий-бадиий нашр

**ХОЛИД ҲУСАЙНИЙ
МИНГ ҚҮЁШ ШУҰЛАСИ**

Мұхаррір
Маъмурға ҚҰТЛИЕВА

Мусақхық
Мадина МАХМУДОВА

Бадиий мұхаррір
Үйғун СОЛИХОВ

Компьютерда сақыфаловчи
Суннат МУСАМЕДОВ

Техник мұхаррір
Умидбек ЯХШИМОВ

Лицензия рақами: АI № 252, 2014 йил 2 октябрда берилган.

Босишига 2016 йил 10.05 да рухсат этилди.

Бичими 84x108 1\32.

Босма тобоги 9.0 Шартли босма тобоги 15.12
Гарнитура «Bookman Old Style». Офсет қоғози.

Адади 5000 нұсха. Буюртма № 104.

Баҳоси келишилген нархда.

«Янги аср авлоди» НММда тайёрланды
ва чоп этилди.

100113. Тошкент, Чилонзор-8, Қатортол күчаси, 60.

Мурожаат учун телефонлар:

Нашр бўлими – 278–36–89;

Маркетинг бўлими – 128–78–43. факс – 273–00–14;

e-mail: yangiasravlod@mail.ru